



# Ешилик

УЗБЕКИСТОН ССР ЕЗУВЧИЛАР СОЮЗИННИГ ОРГАНИ

ОЙЛИК  
АДАБИЙ-  
БАДИЙ,  
ИЖТИМОИЙ-  
СИЕСИЙ  
ЖУРНАЛ

Бош редактор:  
Эркин ВОХИДОВ

Редакцион коллегия:  
Сайд АҲМАД,  
Гулчехра ЖУРАЕВА,  
Андрей ДЕМЕНТЬЕВ,  
Олимжон ИСМОИЛОВ,  
Фёдор КАМОЛОВ,  
Муроджон МАНСУРОВ  
(бош редактор ўринбосари),  
Омон МАТЖОН,  
Сулаймона РАҲМОН  
(масъул секретарь),  
Йўлдош СУЛАЙМОН,  
Худойберди ТЎХТАБОЕВ,  
Шароф УБАЙДУЛЛАЕВ,  
Улмамбет ХЎЖНАЗАРОВ,  
Абдулла ШЕР,  
Урие ЭДЕМОВА,  
Иброҳим ФАФУРОВ,  
Уткир ҲОШИМОВ.

1982  
ЙИЛ,  
ОКТЯБРЬ

ТОШКЕНТ  
Узбекистон ЛКСМ  
Марказий Комитетининг  
«Ёш гвардия» нашриёти



Шеър сеҳрлаб олганда...  
С. МАҲКАМОВ фотостуди

МУҚОВАДА

Биринчи ва тўртинчи бет:  
Рассом Рӯзи ЧОРИЕВнинг «Хаёл» ва  
«Эрта куз» асарлари.

# МУНДАРИЖА

Шароф РАШИДОВ. Шарқнинг ёрқин юлдози . . . . .	3
Худойберди ТЎХТАБОЕВ. Оталар жасорати руҳида . . . . .	5
Иброҳим ФАФУРОВ. Бахтимиз — гайратимизда . . . . .	6
Нурали ҚОБУЛ. Фаолликка даъват . . . . .	7
<b>НАСР</b>	
Нурилло ОТАХОНОВ. Икки ҳикоя. Уй. Кўзгу . . . . .	8
<b>НАЗМ</b>	
Абдулла ШЕР . . . . .	15
Наримон ТУРСУНОВ . . . . .	16
Усмон ҚЎЧҚОРОВ . . . . .	20
Дадаҳон ҲАСАН . . . . .	57
<b>ҚАЛДИРГОЧ</b>	
Шойим БЎТАЕВ. Катта одамнинг дадаси. Ҳикоя . . . . .	17
Матлуба ҲАМОРОЕВА. Шеърлар . . . . .	49
Ҳайитбой АБДУСОДИҚОВ. Шеърлар . . . . .	69
Жўрабек НОСИР, Рустам АҲМАДАЛИЕВ, Муҳабат ОТАМИРЗАЕВА, Ўқтам АБДУЛЛАЕВ, Рауф СУБҲОН, Маҳмуд МАРДИЕВ, Тўлқинжон РАҲИМОВ, Саломат ЙУЛДОШЕВА, Иnobat НОР-МУРОДОВА, Чоршанб ҒУЗИЕВ. Шеърлар	72
<b>ҚАМАЛАК</b>	
Нодар ДУМБАДЗЕ. Абадият қонуни. Роман. Давоми . . . . .	21
Маргар МАРГАРЯН, Варлен АЛЕКСАНЯН, Эдуард МИЛИТОНЯН. Шеърлар . . . . .	65
<b>ЖАҲОН АДАБИЁТИ ДУРДОНАЛАРИ</b>	
Иван БУНИН. Хилват хиёбонлар. Совуқ куз. Бернар. Ҳикоялар . . . . .	50
<b>НАФОСАТ ЧАМАНИ</b>	
Нурали. ҚОБУЛ. Рассом ҳақида қўшиқ. Эссе . . . . .	58
<b>УСТОЗЛАРИМИЗ</b>	
Мирализ АЪЗАМ. Faфур Ғулом каломи . . . . .	66
<b>АДАБИЙ ТАНҚИД</b>	
Аҳмад ОТАБОЕВ. Энг мұхими — ишонч . . . . .	70
<b>МАЪМУРЛИК ПРОГРАММАСИ</b>	
Нусрат РАҲМАТОВ. Менинг дастурхоним . . . . .	74
<b>ЁШЛИКНИНГ АҚЛ ТИШИ</b>	
Қувноқ ҚИТМИР. Туя лўй-лўй этади . . . . .	77

# Шарқнини ёрқин юлдузи

„Шарқ юлдузи“ журналининг 50 йиллигига бағишиланган тантанали итиғилишда сўзланган нутқ

Қадрли ўртоқлар!  
Хурматли дўстлар!

Мамлакатимизда хўжалик ва маданий қурилиш, меҳнаткашларни тарбиялаш соҳасида эришилган катта муваффақиятларни мукофотлар билан нишонлашдем яхши ањана расм бўлиб қолди. Шаҳарлар, областлар ва бутун-бутун республикалар мукофотланадилар, барчанинг саодати учун шонлиқ мөхнат қилган одамлар ва колективлар мукофотланадилар.

Бугун «Шарқ юлдузи» журналининг колективи олий мукофот — Халқлар дўстлиги орденини олмоқда. Журнал совет адабиётини ривожлантиришдаги хизматлари ва меҳнаткашларни коммунистик руҳда тарбиялашдаги фаол иштироки учун шу тантанали тақдирлаш билан нишонланмоқдана.

Ўзбекистон Компартияси, республика Олий Совети Президиуми ва Министрлар Совети номидан «Шарқ юлдузи» журнали аҳил колективи ва авторлар активини Ватанимизнинг юксак мукофоти билан қизғин ва самимий табриклиша рухсат бергайсизлар.

Адабий-бадиий, ижтимоий-сийесий журналимиз «Шарқ юлдузи»нинг биз бу залда байрам қиласетган ярим асрлик юбилейи — республикамиз маданий ҳаётида катта воқеадир. Бу тўйни минг-минглаб мұхлислар мұхаббат ва чуқур миннадорчилик түйғуси билан нишонламоқдалар. Журналга Москва, Ленинград ва иттилоғдош республикаларимишнинг пойтахтларидан қардошлиғи күтловларини йўлламоқдалар.

Журналнинг кенг миқёсда машҳурлиги унинг шаънига мутлақо муносибdir. Бу «Шарқ юлдузи»нинг янги, социалистик маданияти қуришдек буюк ишда, Ленин партияси ғояларини тарғиб этишда, оммани совет ватанпарлиги ҳамда социалистик интернационализм руҳида, ҳаджаримизнинг мұқаддас дўстлиги ва қардошлиғи руҳида актив тарбиялашда кўрсатган зўр хизматларининг яққол гувоҳидир.

Журнал босиб ўтган 50 йиллик йўл совет матбуоти, кўпмиллатли совет адабиёти муваффақиятлари ҳамда ижодий парвозларининг бош манбаи — КПСС Марказий Комитетининг раҳбарлиги, мунтазам дикқат-эътибори эканлигини ва бундан кейин ҳам шундай бўлиб қолажагини тўла-тўқис намойиш этмоқда. «Шарқ юлдузи» худди ана шу оталарча мунтазам ғамхўрлик ва буюк эътибор туфайли вужудга келган.

Юбилей куни биз журналнинг барпо этилиши ВКР(Б) Марказий Комитетининг 1932 йил 23 апрелда «Адабий-бадиий ташкилотларни қайта қуриш ҳаётида» деб чиқарган қарори билан тўғридан-тўғри ва бевосита боғлиқ эканлигини эсламаслигимиз мумкин эмас. КПСС Марказий Комитетининг шундан кейинги қарорлари ва кўрсатмалари ҳам журналнинг ҳаётида, унинг бош йўлини белгилашда шу қадар зўр аҳамиятга эга бўлди.

Партия адабиётимизнинг ҳаёт билан алоқасини кенгайтириш ҳамда мустаҳкамлашга, ёзувчиларимизнинг замонанинг энг мұхим мұаммоларини ҳал этишга сафарбар қилиб келмоқда. Партиямизнинг бу талаби журналинг ярим асрлик ривожланishi йўлидаги барча босқичларида дастурламалам бўлди.

Худди шунинг учун ҳам биз бугун «Шарқ юлдузи»нинг вақт ўтиши билан сарғайиб кетган жилларини варақларнанмиз, кўз ўнгимизда республикамиз ҳаётининг ҳаққоний, тўлақонли бадиий йилномаси, улуғвор, бекиёс эллик йил мобайнида босиб ўтган каттакон тарихий йўлнинг жонли манзараси намоён бўлганини кўрамиз ва ҳис қиласиз. Кўз ўнгимиздан қаҳрамонона беш йилликларнинг ва индустрлаш, қишлоқ хўжалигини колективлаштириш учун, маданий инқилоб учун курашнинг драматизм ҳамда революцион романтика билан тўлиб-тошган воқеалари бирма-бир ўтади.

Биз она тупроғимизнинг поясма-поя қай тарзда саҳоватлироқ, кўркамроқ бўлиб қолганини, меҳнатда ва жангда янги совет кишисининг характеристи қай тарзда шаклланганини кўрамиз. Шеърлар ва поэмалар, хикоялар ва повестлар бизга уруш вактининг нафасини: ўзбек жангчисининг қаҳрамонлиги ва мардлигини, оналар ва етимларнинг фарёдини, ғалабага бўлган иродамиз руҳини олиб келади.

Вақтлар ўзгарапкан — мавзулар ҳам ўзгаради. Аммо социалистик Ватанимизга мұхаббат, ленинчи партиямизга садоқат, барча совет халқлари ва миллатларининг баҳамжихат дўстлиги ҳамда мустаҳкам қардошлиги мавзулари, янги одамнинг, коммунистик ахлоқли ижодкор одамнинг вояга этиши мавзуи адабийлигича, ўзгармаслигича қолади.

Тарихнинг ҳар бир босқичида улар янги, конкрет материал билан, кучли ва ёрқин ҳислар билан тўлиб боради, шеърлар ва романлар, поэмалар, мақолалар, очерклар ва пьесаларда тобора самимий, эҳтиросли, бадиий жиҳатдан тўла-тўқис ифодасини топади.

Шунга кўра, айта оламизи, юбилейини ўтказаётган журналимиз республикамиз қайноқ ҳаётининг ойнасигина эмас, айни бир вақтда ўзбек совет адабиёти ютуқлари ва муваффақиятларининг ҳам ойнасиdir.

Энг мұхомми ва асосийи шундаки, журналнинг ўзи воқеликка фаоллик билан қизғин кириб боради, жонли адабий жараёнга партиявиy позициялардан самарали таъсир кўрсатиб, унга керакли, энг истиқболли йўналиш баҳш этади. «Шарқ юлдузи» журналининг ўзбек адабиётида партиявиyник ҳамда халқчилик принципларини мустаҳкамлаш ва ривожлантириш, унда социалистик реализм методини барқарор этишдаги, унинг эстетик савиаси ва бадиий мажоратини ошириш учун курашдаги роли ва аҳамияти ана шу билан белгиланади.

Журнал барпо бўлган давридан оммани ғоявий ва маънавий тарбиялашда мактаб, юксак минбар, айни бир вақтда шундай бир ижодий лаборатория бўлиб қолдиди, унда истеъододли ёш прозаиклар ва шоирлар, драматурглар, публицистлар, адабиётшунослар ва танқидчилар шаклландилар, камолга етдилар.

«Шарқ юлдузи» саҳифаларида Ҳамза ва Садриддин Айний, Гафур Гулом, Ойбек ва Ҳамид Олимжоннинг кўпгина яхши асаrlари или бор эълон қилиниб, сўнг Иттифоқ ва жаҳон миқёсida машҳур бўлиб кетди. Унинг саҳифалари Шайхзода, Комил Яшин, Михаил Шевердин, Уйғун, Назир Сафаров, Зулфия, Миртемир, Александр Удалов, Жўлмириза Оймирзяевнинг асаrlарини илк бор китобхонларга етказди.

Сарвар Азимов ва Асқад Мухтор, Мирмуҳсин ва Ҳамид Ғулом, Шукрулло ва Сайд Аҳмад, Рамз Бобоҷон ва Туроб Тўла, Раҳмат Файзий ва Иброҳим Раҳим, Пиримқул Қодиров ва Одил Еқубов, Ибройим Юсупов ва Тўлелберган Қайипберганов, Эркин Воҳидов ва Абдулла Орипов, Муҳаммад Али ва Омон Матжон, Гулчехра Жўраева ва Гулчехра Нуруллаева, Эътибор Охунова ва Ҳалима Ҳудойбердиева ҳамда кўплаб бошқа ёзувчиларнинг истеъодини кашф қилиб бергани учун биз журналдан миннатдормиз.

Журналнинг ижодкор ўринбосарларни тарбиялаш борасидаги доимий ғамхўрлиги, унинг ёш адабларга мураббийларча меҳрибон муносабати мақтovга сазовордир.

Кўпмиллатли совет адабиётининг фаол тарғиботчиси сифатида журнал ўқувчиларнинг маънавий оламини рус классик ва совет адабиётининг, қардош ҳалқлар ёзувчилари ва шоирларининг, ажнабий Шарқ ва Ғарб замонавий тараққийпарвэр адабларининг энг яхши асарлари билан муттасил бойитиб боради. Шу тариқа журнал саҳифаларнида Пушкин ва Толстой, Шекспир ва Данте, Шевченко ва Горький, Низомий ва Шота Руставелининг ўлмас асарлари, Михаил Шолохов, Константин Симонов, Георгий Марков, Александр Чаковскийнинг асарлари, кўплаб совет ҳалқлари ва миллатлари ёзувчиларининг шеърлари, поэмалари ва повестлари пайдо бўлди.

Шу нарсанни мамнунинг билан қайд этамизи, журнал Ўзбекистонда яшаб, ижод этаётган рус, қорақалпоқ, татар, уйғур, корейс авторлар билан самарали ҳамкорлик қилмоқда. Бу билан журнал ўзининг интернационал ҳарacterини, ҳалқлар дўстлиги ва қардошлигининг ленинча принципларига содик эканлигини тасдиқламоқда.

Журнал саҳифаларида КПСС Марказий Комитетининг Бош секретари, ССРР Олий Совети Президиумининг Раиси Леонид Ильич Брежневнинг «Кичик ер», «Тикланиш», «Қўриқ» ва «Эсадаликлар» китобларининг эълон қилинishi журналхонлар сафини кенгайтириди — унинг тиражи 200 минг нусхадан ортиқ — сўнгги вақтдаги катта воқеалардан бирига айланди. Бу ажойиб асарларнинг ҳар бири — совет ҳалқи тарихида бутун бошли даврdir. Уларнинг ҳаммаси тўлалигича — партияийлик ва граждандликининг олий мактабидир, социалистик Ватанимизга, тараққиёт ва тинчлик ишига мислсиз хизмат қилишнинг ёрқин намунасиadir.

Журнал ўзининг ярим асрлик юбилейига ижодий кучкуватга тўлган, ҳар томонлама таҳқиба билан бойиган ҳолда келди. Бу эса, КПССнинг тарихий XXVI съездидан матбуотимиз, маданият ходимларимиз олдига қўйган катта вазифалар муносабати билан яна ҳам мұхимдир.

«Совет қишиларининг санъатга иштиёқи зўр,— деган эди Леонид Ильич Брежнев съездада.— ...Санъатга бўлган ана шу эҳтиром, ана шу меҳр-муҳаббат эса, санъаткорнинг ўз ҳалқи олдидаги буюк масъулиятини ҳам тақозо этади. Ҳалқ манфаатлари билан яшаш, унинг қувончи ва қайгуларини биргаликда баҳам кўриш, ҳаёт ҳақиқатини, гуманистик идеалларимизни барқарор этиш, коммунистик қурилишининг фаол иштирокчиси бўлиш — санъатнинг чинакам ҳалқчиллиги, чинакам партияийлиги ана шундан ибратдир».

Партияимиз ва давлатимиз раҳбарининг бу сўзлари бус-бутун бир программадирки, журнал унга қатъий амал қиласа экан, у бугунги куннинг вазифалари ва талабларига муносабиб, янада юқсан, янги босқичга кўтарилиш имкониятига эга бўлди.

Республикамиз олдida турган ана шу вазифалар ва талблар, муаммолар ўртоқ Л. И. Брежневнинг Ўзбекистон Совет Социалистик Республикасига учинчи Ленин орденини топшириш муносабати билан ўтказилган тантаналарда сўзлаган мутқида, Ўзбекистоннинг раҳбарлари билан бўлган сұхбатларида пухталаб қўйилган эди. Уларни амалий адо этиш — саноат ва капитал қурилиш ходимлари, пахтакорлар, олимлар ва инженерлар, чорвадорлар ва ирригаторлар, партия, совет, касаба союз, комсомол ва хўжалик ходимларининг шарафли ишидир.

Бу идеология фронтининг илғор жангчилари, ленинча партияимизнинг содик ёрдамчилари — адабиётимиз ва

санъатимиз арбобларига ҳам бевосита даҳлдор. Уларни ана шу вазифаларни амалга оширишга илҳомлантириш ва сафарбар этиш, барча адабларимизнинг интилишлари ва ижодий ниятларини ўн биринчи беш йиллик режаларини адо этиш учун курашдаги энг олдинги жабҳаларга йўналтириш — республикамиз матбуотининг, жумладан буғунги юбилияримиз — «Шарқ юлдзузи» журналининг бosh вазифаси ана шундан иборатдир.

Партияимиз аграр сиёсати изчиллик билан амалга ошира бориб, қишлоқ хўжалигини ривожлантириш бўйича улкан ишлар қилди. КПСС Марказий Комитетининг ССРР Озиқ-овқат программасини ишлаб чиққан ва маъқуллаган 1982 йил май Пленуми бу йўлда янги босқичга айланди. Ўртоқ Л. И. Брежневнинг ташаббуси билан қабул қилинган бу программа партияимиз ҳозирги ўн йилликдаги иқтисодий стратегиясининг мұхим узвий қисми бўлиб қолди.

Мехнатлари аллақачоноқ умумпартисиявий, умумхалқи ишимизнинг эжралмас қисмига айланган республикамиз ёзувчилари ва шоирлари сўнгги йилларда ҳозирги замон ўзбек қишлоғи ҳаётига багишланган кўпгина чуқур, етук асарлар яратдилар. Уларда қишлоқ заҳматкашлининг ижтимоий ва маънавий қиёфаси ҳар томонлама тадқиқ этилади. Бу асарлар маълум ва машҳур, муносабиб диққат-эътибор қозонган, шунинг учун мен уларни ҳозир санаб ўтирамайман.

Аммо, шу билан бирга, очигини айтиш керакки, Озиқ-овқат программаси адабий фронт ходимларига алоҳида, юқсан талаблар кўяди. Ўртоқ Л. И. Брежневнинг КПСС Марказий Комитети май Пленумидаги докладида, Озиқ-овқат программасидан келиб чиқадиган вазифаларни ёрқин, жўшқин сўзлар воситасида ҳар томонлама ва кенг тарғиб қилиш, уларнинг бажарилишини акс этириш, қишлоқ меҳнаткашларининг илғор тажрибаларини кенг ёйиш зарур.

Адиб, қандай жанрда қалам тебратмасин, ўзини қишлоқга ёрдам бериш учун сафарбар этилган деб ҳисоблаши, илғор, онгли меҳнат аҳлини тўла-тўқис кўрсатиши, илмий-техника революциясининг таъсири остида қишлоқда рўй берётган самарали ижтимоий силжишларни ишонарли шаклда очиб бериши керак.

Ана шу ишни ташкил этиш ва йўналтириш — Ёзувчилар союзи ва унга қарашли барча матбуот органларининг бевосита вазифаси. Ўйламизки, юбилияр журнал бу мұхим ишда яхши намуна кўрсатади.

«Шарқ юлдзузи»нинг обрў-эътибори янада мустаҳкамланиши учун журнал колективи эълон қилинаётган асарларнинг сифатига, ёзувчилар маҳоратини оширишга алоҳида эътибор бериши, ёш истебодд эгаларига эҳтиётлик билан муносабатда бўлиши, чинакам бадий асарлар яратиш борасида муттасил ғамхўрлик қилиши, ижодий жарайёга самарали таъсири кўрсатиши лозим. Журнал саҳифаларида қаҳрамонлари аҳлоқий камолати, соғлиғи ва маънавий бойлиги билан ажralиб турдиган асарлар кўпроқ босилса экан, деб тилак билдирамиз.

Бугун биз «Шарқ юлдзузи» журналининг 50 йиллигини байрам қиласкамиз, ҳақли равиша айта оламизи, у ўзининг ҳар бир янги сони ва шонли тарихи билан юлдуз деб, Шарқнинг ёрқин, жозибадор юлдузи деб аталиш ҳуқуқига молик эканлигини исботлади. Бу юлдуз ҳамма томондан кўриниб туради. Осиё ва Африканинг кўплаб тараққийпарвэр адаблари унга қараб йўлларини белгилайдилар. Журналнинг «ўлпаб ажнабий китобхонлар орасидаги обрў-эътибори улкан ва мустаҳкамдир».

Шуниси мұхимки, бу юлдуз таратаётган ёғду ҳамиша Ленин ҳақиқатининг ёғдуси, тинчлик, тараққиёт ва социализмнинг ёғдуси бўлсин. Бу ҳозирги мураккаб ҳалқаро вазиятда айниқса мұхимдир...

КПСС ва Совет ҳукумати тинчликсевар ташкилсиёсатининг жўшқин, фаол тарғиботчиси бўлиш, янги уруш олонини ёқувчиларни фош этиши ва лаънатлаш — адабий-бадий ва ижтимоий-сиёсий журналимиз «Шарқ юлдзузи»нинг хилма-хил ва кўп томонлама фаолиятининг мұхим жиҳатларидан яна бири шудир.

Қадрли ўртоқлар!

«Шарқ юлдзузи» журнали редакцион коллегияси ҳамда редакция аппаратини 50 йиллиги ва Ватанимизнинг юқсан

мукофоти билан қизғин табриклаб, Ўзбекистон Компартияси Марказий Комитети ва республика ҳуқумати фахрли ва ғоятда масъулиятли ишингизда сизларга янгидан-янги улкан мудаффақиятлар тилайди.

Биз республикамизнинг пойтахти — тинчлик ва дўстлик шаҳри Тошкентнинг 2000 йиллик байрамига тайёргарлик кўришда сизларнинг фаол ижодий иштирокларинизга қатъий умид боғлаймиз. Биз ишонамизки, 1984 йилнинг октябррида нишонланадиган Ўзбекистон ССР ва Ўзбекистон Компартиясининг 60 йиллиги тантанали кунларига ҳам ўзларингизнинг хайрли, қимматли ҳиссаларингизни кўшажаксизлар. Санъаткорларимиз сеҳрли сўзларининг янги чўққиларини кўришдек бекиёс қувончни баҳш этажаксизлар.

Ўртоқлар!

Бу залда ҳозир бўлғанларнинг ҳаммаларини олий му-

кофот билан яна бир марта табриклашга, «Шарқ юлдузи» журнали редакцияси коллективига, унинг кўп сонли авторлар активига бундан бўён ҳам ижодий ютуқларга эришгайсизлар, умумхалқ байрами — Совет Социалистик Республикалари Иттилоқи тузиљанига 60 йил тўлишини янги мудаффақиятлар билан кутиб оласизлар, деб тилак билдиришат бергайсизлар.

Ўзбекистон Компартияси Марказий Комитети ишонадики, орденли журнал коллективи яна ҳам яхшироқ, яна ҳам самаралироқ ишлайди, совет адабиётини ривожлантиришга қўшаётган ҳиссанини янада кўпайтиради. Мехнаткашларни коммунистик руҳда тарбиялашда, бундан бўён ҳам партиямизнинг содиқ ёрдамчиси бўлиб қолади.

Биз сизларга, қадрли ўртоқлар, мардона сиҳат-саломатлик, ажойиб қайфият, чексиз шоду ҳуррамлик, баҳтсаодат ва омонлик тилаймиз.

# ЎРНИМИЗ – ҚАЙНОҚ

## ЖАБҲАЛАРДА

«Адабий-бадиий нашрлар замон билан баб-баравар одим ташлаши, совет жамияти турмушидаги янги, илғор анъаналарни пайқаб, қўллаб-қувватлаши, партияйлик ва ҳалқчиллик принципларига муттасил амал қилиши лозим. Ёзувчилар ташкилотлари, адабий журналларнинг редколлегиялари КПССнинг экономикани интенсивлашга, ишлаб чиқариш мұносабатларини такомиллаштиришга, социалистик мусобақани ривожлантиришга қаратилган роли билан боғлиқ мавзуларни ишлаб чиқишини раббатлантиришлари керак. Совет экономикасини ривожлантиришнинг янги вазифалари бутун ижтимоий мұносабатлар соҳаси билан, янги инсонни камол топтириш билан чамбарчас болгандан. Бу эса, бадиий ижодиёт учун катта имконият очиб беради».

КПСС Марказий Комитетининг «Адабий-бадиий журналларнинг коммунистик қурилиш тажрибаси билан ижодий алоқалари тўғрисида» ги қароридан

## ОТАЛАР ЖАСОРАТИ РУҲИДА

Худойберди ТЎХТАБОЕВ,  
«Гулхан» журнали бош редактори

КПСС Марказий Комитетининг «Адабий-бадиий журналларнинг коммунистик қурилиш тажрибаси билан ижодий алоқалари тўғрисида» чиқарган қарори болалар журналлари ва журнайл атрофиға ўюшган ёзувчи, шоирлар зиммасига улкан ҳамда масъулиятли вазифалар қўяди. Биз ёсиб келаётган ёш авлодни она-Ватанини севиш ва ардоқлаш руҳида, Октябрда Инқи lob қилган, гражданлар уруши йилларида Совет ҳокимијати учун жон олиб, жон берган боболиризмнинг қаҳрамонликлари руҳида тарбиялашимиз керак. Бугунги фаровон ҳаёт, ёргу, кенг синф хоналари, турмушдаги мўл-қўлчилик ўз-ўзидан бўлгани йўқ. Уларнинг барчаси колективлаштириш даврининг фидойилари, Ўлуг Ватан уруши йилларининг жасур қаҳрамонлари, тинч қурилиш палласининг елкаси кенг, қўли қадоқ паҳлавонлари меҳнати, пешона терлари эвазига келган. Биз болаларга ана шу ҳақиқатни тушунтиришимиз ва уларни оталарнинг жасоратини давом эттирувчилар сифатида тарбиялашимиз керак.

Мен «Ёшлик» журнали саҳифаларида эълон қилинган «Ўқитувчи, ўқувчи, маънавий олам» баҳсини катта қизиқиши билан кузатиб бордим. Баҳсда иштирок этган журналхонлар ўқиши-ўқитиш билан боғлиқ бир тилай долзарб муммоловарни ўртага ташладилар. Маълумки, инсондаги хислатлар асосан мактаб йилларида шаклланади. Айнукса, бола шахсининг камол топшишида бадиий адабиётнинг аҳамияти бекиёс эканлиги ҳаммамизга маълум. Лекин шуни афсус билан қайд этиш керакки, бизнинг республикамизда болалар учун бадиий асарлар чоп этиши иши кўнгилдагидек эмас. Иттилоқ миқёсida ҳар бир бола бошига уч нусхадан китоб нашр этилмоқда. Болтиқбўйи республикаларида нашр этилган китобларни ўқувчи бошига тақсимласак, етти нусхадан тўғри келади. Бизнинг «Болалар республикаси» деб аталадиган диёритизда эса бола бошига иранг бир нусхадан китоб чоп этилмоқда. Ваҳоланки, бизнинг республикамиз болаларнинг туғилиши ва сиҳат-саломат ўсиши бўйича Иттилоқда иккинчи ўринда

туради. Бизнинг ёзувчиларимиз, нашиётларимиз болалар олдида, яъни икки мингинчи йилларнинг гражданлари олдида маънавий жиҳатдан қарздор бўлиб қолмоқдалар.

Украина, Белоруссия республикаларида маҳсус болалар нашиётлари иш бошлаганига анча йил бўлиб қолди. Қардошлардан намуна олиб, биз ҳам болалар адабиёти нашиётни ташкил этсақ, нур устига нур бўлар эди. Шунда биз ёш авлоднинг маънавий эҳтиёжларини яна ҳам тўлароқ қондириси имкониятига эга бўлардик.

Журналимиз саҳифаларида республикамизнинг атоқли сўз усталари ҳам, истеъдолди ёш ижодкорлар ҳам ўз асарлари билан фаол қатнашмоқдалар. Диidi ва талаби ўсган, эстетик завқи баланд миллион-миллион болалар ва ўсмирлар уларнинг асарларидан ўзларини қизиқ-

тирган кўплаб саволларга жавоб олмоқдалар. Дўстлик нима, совет турмуши тарзи деганда нишани тушиуниш керак, фан-техника инқилоби амалга ошган шу кунларда болаларнинг бош вазифаси нимадан иборат бўлиши керак, деган мавзуларда таниқли олимларимиздан Малик Муродов, Раҳмат Собиров, Салоҳиддин Мамажоновлар журнал саҳифаларида қатор сұхбатлар ўюштирдилар. Бу сұхбатлар ёш журналхонлар қалбига бориб етгани учун, улардан тўхтовсиз хатлар келиб турибди.

Журналимиз колективи КПСС Марказий Комитетининг бу қарорини жонажон партиямизнинг адабиётга, қалам аҳлига кўрсатган навбатдаги ғамхўрлиги деб тушиуниб, ёш авлодни коммунистик руҳда тарбиялаш ишини яна ҳам кучайтиради, бадиий сўзнинг таъсирчанлигини, тарбиявий қувватини оширишга ҳаракат қиласди.

## БАХТИМИЗ – ГАЙРАТИМИЗДА

Иброҳим ФАФУРОВ,  
адабий танқидчи

Партиямиз совет кишиларининг онгини тарбиялашга, уларда коммунистик дунёқарашни шакллантириш, идеалларимизнинг поклиги учун кураш руҳини сингдиришига доимо энг биринчи галдаги ва кун тартибимиздан сира тушмайдиган вазифа деб қараб келади. Социализм ҳар томонлама тараққий қилган ҳозирги шароитда бу масала айниқса муҳим ва долзарбдир.

Партия XXVI съездиде қарорлари совет кишиларининг коммунистик ғоявийлиги, юксак маънавияти – коммунизм қуришда энг зарур бўладиган фазилатларни ўстириш, буржуа ахлоқи, турли шаклда намоён бўладиган ёт таъсирларга қарши тинимиз кураш олиб бориш зарурлигини қайта-қайта уқтиради. КПСС Марказий Комитетининг «Идеологик, сиёсий-тарбиявий ишни янада яхшилаш ҳақида»ги тарихий қарори эса бу кураш ўйлида қилинадиган ранг-барагн шиларимизнинг муайян йўлларини кўрсатиб беради. Бу қарор ўзининг теран мазмуни, ўтқир ғоявий ўйналиши, ғоятда аниқ-равшан фикрларга, йўл-йўриклиарга бойлиги билан йўлимизни ҳали узоқ замонлар тиник ёритиб туради.

КПСС Марказий Комитетининг «Адабий-бадиий журналларнинг коммунистик қурилиши тажрибаси билан ижодий алоқалари тўғрисидан» қабул қилган қарори адабий-бадиий журналлар, адабиёт газеталари, умуман барча ижодий ходимлар олдига жуда катта миқёслардаги вазифаларни ҳал этиш масаласини қўйди. Қарор журналларнинг шиларida учраган камчиликларни рўй-рост очиб ташлаб, уларга нисбатан доимо танқидий муносабатда бўлиши намунасини кўрсатади. «Эълон қилинган асарларда, — деб уқтиради қарор, — замонамиз тўғри-

сида нохолисона, юзаки мулоҳазалар баён этилган. Бир қанча даврий нашрларда редколлегияларнинг роли пасайтириб юборилган. Журналларнинг раҳбарлари авторлар билан ишлашда ҳамиша ҳам лозим даражада талабчанлик қилаётганлари йўқ. Бадиий жиҳатдан заиф, бачканга мавзуларга ўралашиб қолган бир талай асарлар эълон қилинмоқда». Бу ҳаққоний сўзлар, уларнинг очиқ-равшан танқидий ўйналиши ҳаммамизни қаттиқ ўйлатади. Ҳаммамиз ҳам журналларни, нашрётлар маҳсулотларини қўлга олганда, ўзимизга маънавий-руҳий ҳамсұхбат ахтарганда, кўп гўзалликлардан баҳраманд бўлишидек умидимизга хилоф, тескари ҳодисаларга анча-мунча дуч келганимиз. Китоб ёки журнал саҳифаларини аста ёпиб қўя қолганимиз, кино залидан ҳали фильм тугашидан анча илгари чиқиб кета қолганимиз. Буларнинг барига бош сабаб ҳаёт материалининг юзаки берилиши, ёзувчида дунёқараш, ижодий нуқтаи назарнинг етарлича қувватга кирмаганлиги, бадиий маҳоратнинг ҳаддан ташқари оқсаншидир. Баъзан қулоч-қулоч публицистик мақолаларни ўқиб қоламиз. Уларда бизнинг этиқодимизга айланган жуда зарур ижтимоий-ҳаётий масалалар ғоятда тумтароқ, саёз баён қилинганлигини кўрамиз. Иккинчи бир турдаги мақолаларда эса аксинча жиiddий ва ҳатто ўтқир масала, муаммолар кўтарилади. Лекин улар ғоятда жўн, сийقا, ҳаддан ташқари гализ тил билан ёритилади. Журналлар кўтартган масаласи муҳим деб материални эълон қилиб юбораверадилар. Кейин минглаб одамлар бу мақолалардан ранжиб юрадилар. Нега биз тил, услугуб, ифода маҳорати масалаларини бу қадар чеккага сурисб

ташладик? Наҳот маҳорат энди кераксиз ашёга айланаб қолган бўлса? Сўз билан ишломайтидан одам ҳаётимизнинг долзарб ва гоятда мурракаб масалалари билан қандай ишлайди? Муаммоларни қандай очади? Қандай қилиб миллионларнинг онги ва дилига ўз керакли таъсирини ўтказади?

Биз бугун энг кичкина тўрт қаторли хабардан тортиб, йирик публицистик рисолаларгача, ҳажвиядан тортиб йирик қиссаларгача ҳаммаси юк-

сак бадиий маҳорат билан яратилишини ва ҳеч истиносиз ҳамма ҳолларда санъаткорлик бўлишини қаттиқ ва принципial талаб қилмоғимиз зарур. Бадиий жиҳатдан заиф, бачкана мавзуларга ўралашиб қолган асарлардан, уларнинг кундан кунга кучайиб бораётган оқимидан қутулишининг шундан ўзга йўли йўқ. Партия бизга худди мана шу йўлдан боришиликни қатъий кўрсатиб бермоқда. Биздан шу ишларни амалга оширишини талаб қилмоқда.

## ФАОЛЛИККА ДАЪВАТ

Нурали ҚОБУЛ,

«Совет Ўзбекистони санъати» журнали бош редактори

Еш авлодни, умуман кишиларни тарбиялашда, маънавий дунёсини шакллантириш ва камол топтиришда адабиёт ва санъатининг роли бекиёсdir. Партиямиз Марказий Комитетининг «Адабий-бадиий журнallарнинг коммунистик қурилиши тажрибаси билан ижодий алоқалари тўғрисида»ги қарори ҳам шубҳасиз ана шу йўлда муҳим бир босқич вазифасини ўтайди.

«Совет Ўзбекистони санъати» журналининг очиқ партия мажлисида ана шу қарор асосида амалга ошириладиган ишлар белгилаб олинди. Журналимизда ўзига хос иш услуби шаклланниб келаётir. Журнал сонларининг бир-бирига ўхшамаслигига интилмоқдамиз, яхши, проблематик, талантли ва профессионал даражада ёзилган мақолаларни навбатсиз эълон қилмоқдамиз.

Партиямизнинг муҳим ҳужжати юклаган масъулиятдан келиб чиқиб, камчиликлар ва амалга оширилиши лозим бўлган вазифалар ҳақида сўз юритган маъқул. Журналимиз ўзбек музикачилари, рассомлари, архитекторлари, киночилари, театр ходимлари ва ёзувчилари ўтасида ўзига хос ижодий кўпrik бўлмоғи керак. Шуни афсус билан таъкидлаш керакки, ижодкорларимиз ўтасидаги ҳамкорлик, ўзаро алоқалар, бир-бирининг ижоди билан қизиқиши ва бир-бирига кўймак бериши неча-неча мажлисларда тилга олинмасин, ҳамон кўнгилдагидек эмас. Ноқулаи бўлса ҳам бир мисол келтирмоқчиман. Ўзбекистонда хизмат кўрсатган санъат ирбоби унвонига сазовор бўлган кинорежиссер (исм-фамилиясини келтирмайман) мендан «Бизда Рассомлар союзи борми, раиси ким?» деб сўраганди ҳайратдан ёқа ушладим. Наҳотки, у Рассомлар союзи борлигини билмаса? Демак у бирорта рассомнинг асарини ҳам тузукроқ кўр-


маган. Хўши, ўзингиз айтингчи, бу кинорежиссердан чинакам санъат асари бўлган филъм кутиши мумкини?

Адабиёт ва санъат бир-биридан озиқ олсагина ривожланади ҳамда бир-бирини бойитади. Адабий-бадиий санъат колективларининг коммунистик қурилиши тажрибаси билан ижодий алоқаси эса мутлақо бир-биридан ажralмасдир.

Далага чиқиб, деҳқонлар ва чўпонлар билан сүхбатлашсангиз, негадир уларда ижодкорлар меҳнатидан қониқмаслик ҳиссини сезасиз. Шунинг учун ҳам улар қай даражада бўлмасин магнитофон лентасига ёзилган қўшиқлар билан «тирикчилик» қилишади. Бунинг сабаби шуки, бизда қўшиқчилек санъати оммавийликда аллақачон театр, кино каби санъат турларини ортда қолдириб кетди. Бугун қўшиқ эшишиб юрган киши эртага журнал ва китоб ўқишига киришади. Агар янглишимасам, бизда шу пайтгача газета ва журналларнинг ўқилиши даражасини аниқлаб, шу асосда бирор тадбир белгиланганини эшишмаганман. Дала шийпонларида қалашиб ётган, қўёшида сарғайиб кетган газета ва журналларни кўпимиз кўрганмиз. Партия ва ҳукумат бизнинг ижодий имкониятларимизни ривожлантириш учун, ҳалқнинг маънавий эҳтиёжларини қондириш учун шунчалик матбуот нашрларини ихтиёrimizga топшириб қўйганинг экан, уни ҳалқ кўнглидагидек, замон талаби даражасида сифатли ва ўқишили қилиб чиқармоғимиз керак. Газета ва журналлар партия қўйганинг юксак талабларнинг ижрочиси сифатида жанговар фаолият кўрсатмоғи зарур. Ана шу юксак масъулиятни ҳис этган ҳолда, партиянинг фаолликка ундовчи даъватига амалий жавоб беришга интилмоқдамиз.



НУРИЛЛО  
ОТАХОНОВ



# Икки ҳикоя

уй

**X**уллас, қишлоқ бузиладиган бўлди. Кўрғончада алмисоқдан қолган бир бино бўларди. Биладиганларнинг гувоҳлик беришча, қишлоқларда яккахўжаликлар тутатилиб, «колхоз-колхоз» бўлётган даврлар улуснинг йигинлари тез-тез шу бинода ўтказиб турилар экан. Кейинчалик, алғов-далғовлар сал босилиб, мусичалар шифтга бемалол ин қўя бошлагач, бу бино қишлоқнинг чойхонасига айлантирилибди. Шундан бери не-не замонлар ўтди. Орқа деворига тўртта ёғоч тираб қўйилганини ҳисобга олмаса, бино яна бир-икки мучал қаддини тик тутиб турла оларди. Бироқ энди унинг ҳам умри битди.

Бугун шу бинода худди бурунгидек йиғин бўлди, худди бурунгидек қишлоқ аҳлининг обрўли кисми — қари-қартанглар, ўқитувчилар, бригадири ҳисобчилар райондан келган вакилнинг нақ икки соат давом этган маърузасига қулоқ осдилар... Хуллас, қишлоқ бузила-диган бўлди.

Хайдар ота бўлиб ўтган гапларнинг ҳаммасини тушишига тушунди-ю, айни пайтда ҳеч бало англамагандай гаранг эди. У одамларнинг кетидан бир зум тикилиб турди, куруқшаб қолган узун-узун бармоқларини паншаха қилиб гарданини қашлади, сўнг лабини чўччайтирганча туюриш билан уйига жўнади.

— Мунча йўқ бўлиб кетдингиз? — деди Зулфинисо кампир уни йўлакда кўриб. — Тез келаман, деб... Қачон эди, чой дамлаб қўйганим.

Зулфинисо кампир чолининг гузардан қайтишини кутиб, пастак ток тагидаги сўрига дастурхон ёзиб ўтирган эди. Дастурхонда тандирдан янги узилган иккита нон, пиёла, жўмраги қадоқланган чойнак, сопол коса, лаби кемтиси ёғоч қошиқ, бир сиқимгинаң қора майиз ва катта пиёлада эрталабдан ортиб қолган қаймоқ...

Чол индамади. Бамайлихотир сўрига жойлашиб, белбогига осилган қиндан чустий пичоғини сүғурди. Косанни олдига суриб, унга нон тўғрай бошлади, устидан икки қошиқ қаймоқ соглаш, чой қўйди. Шундан кейингина бошини кўтарди, бояги гапларни райондан келган вакил эмас, ўзи ўйлаб чиқаргану бутун олам тақдирни ҳозир биргина унга боғлиқ бўлиб қолгандай, деди:

— Қишлоғинг бузилади, кампир! Иҳм... Ўрнига посилик қурилади.— Шаҳодат бармоғи билан косадаги нон тўғрамларини ширчойга бўқитиради, «Буни сенга мен айтляман!», деган маънода ияк қоқди. Лекин, куттаничилик, кампирни «ҳайратдан ёқа ушлаб» қолмади. Чолининг феълини яхши билган кампир (унинг нарида, чол йўқ ердаги гапларни ташиб юришни хуш кўрар, ора-сира бир чимдимгина ёлғон араплаштиришни ҳам унумас эди) бу хабарни қулоғининг ёнидан силлиқине ўтказиб юборди.

— Чой ҳам совиб қолгандир,— деди аста уф тортиб.

Чолнинг жаҳли чиқди:

— Сенга ўзи қачон гап гапириб обрў топибман!?

— Оббо, келмасингиздан заҳрингизни сочасиз-а, бекордан-бекор.

— Ҳа-а, сизнинг безрайган бетингизга қош қоқайликми, бўлмаса? Янгилик айтсанг ҳам бир бало!

Кампир ўзини босди. Хотиржамлигини кўрсатиш учун пиёлани айлантириб чой хўплади, кўзини чолининг кўзларидан олиб қочиб, қаердадир тинмай чиркиллаётган чумчукни излаб топмоқчи бўлди.

Яна чолнинг ўзи гапириди:

— Бутун қишлоқ бузиларкан, ўрнига янги қишлоқ бўлармиш... Мана шу ўйинг ҳам бузилади, овсар! — Қолганини пицирлаб айтди: «Ҳм-м, чой совиб қолганиш!»

Кампир пиёлани дастурхонга қўйиб, оғзига майиздан бир дона ташлади.

— Нимага бузилади?

— Ана холос! Овсарсан, десам ер тепинасан, аслида минг карра овсарсан! Ҳозиргина айтиб турибман-а, ўрнига посилик қуриларкан, деб!

Кампирнинг кўзлари қисилди, кавшаётган нони давакдек бўлиб лунжидаги қотиб қолди.

— Мен овсар бўлсам, сиз ҳовлиқмасиз! — деди у. — Гапингизнинг ўчи боши-кети йўқ. Ахир, энди икки йил бўялти-ку бунисини курганимизга!

Чол қайрилиб, эшик-деразалари бўялмаган, девори оқламмаган иморатга бир назар ташлаб қўйди, кўп нарсаларни хотирлади. Оғиз жуфтлаган эди, овози чулдираб, ҳазин чиқди:

— Бари бир бузишга тўғри келади, элдан қолиш ярамайди.

— Янгисини қандай қурасиз?

— ...

— Якка тўсин том кўтармас,— дея ўзининг сўроғига ўзи жавоб қила бошлади кампир.— Бунисини тикка қилгунча белимиз буқчайди. Уй қуриш осон бўқоптими? Каттаси чўлда бўлса, кичиги шаҳарда, ким бизга ёрдам беради? Қизлардан умид қилманг— ўзларининг бола-чాқаси, ўзларининг уйи бор, сиз билан менга тасалли беришдан бошқасига ярамайди улар.

Кампирнинг гаплари қанчалик жўяли бўлмасин, чолнинг орияти қўзиди:

— Қизларингин орага сукма! Аҳмоқмасман-ку мен ҳам! — дея ўшиклиди у. — Муқимжонни бўлса, чақирамиз, етади шаҳарда санқигани! Ундан кейин.. одамлар ҳам ташлаб қўймас, майлисда ҳамма, қишлоқни ҳашар йўли билан курамиз, деб кўл кўтарди-ку!

Зулфинисо кампирнинг миясига лоп этиб «Яна мижғовланяпти!», деган ўй келди.

— Кўрамиз курганингизни! — дея даст ўрнидан тур-



ди. Алланималарни ғўлдираб сўридан нари кета бошлади.

Чол бунга чидаб туролмади, қичқирди:

— Тўхта! Ўзингдан-ўзинг минғирламай, менга эшиттириб гапир! Қани!

— Эшитсангиз ҳам, эшитмасангиз ҳам гапим шу: Муқимжон қишлоққа қайтаман деса, хотинини мана бу ерга ўтиргизиб қўйиб, уй қурсин! Бўлмаса, беш кунлик умрим қолдими, йўқми — менга уй керакмас! — Кампир гапим тамом, дегандай, эрининг жавобига қулоқ ҳам солмай, хеч қандай эҳтиёж бўлмаса-да, оғилхонага қараб юрди. Бирпасдан кейин у ёқдан шангиллаган овози эшитилди: «Нари тур, тепкиламай! Ҳе, ҳайон!.. Ўзи битта-ю, ифлоси бутун бошли перманичка, бу худо олгурни!»

Кечкурун чол-кампир қўшнининг боласини чақишиб чиқиб, шаҳардаги кенжә ўғилларига ҳат ёздириши. Ҳат бир талай салом-алиқдан сўнг шундай давом этарди: «Ўғлим, сен келгунча уйларимиз бузилиб кетадими ҳали... Чунки қолганлар ҳам уйларини бузишида — ўрнига посила қуриларкан. Бугун эски чойхонада майлис қилиб, шунақа дейишди. Сени ўқитган домланг бор-ку, ўрозмат тегирмончининг ўғли, ўша ўртага чиқиб, «бизга қозиқ қоқиб беринглар, қишлоқни ўзимиз қурамиз, ҳашар қилиб!», деб юборди. Одамларнинг айтишича, унга бу гапларни аввалдан ўргатиб қўйишган эмиш. Ўғлим, ўзинг биласан, биз — чол-кампир — белимиз буқчайиб, мункиллаб қолдик, янги қишлоғимизни кўриш бизга насиб қиласдими, йўқми — худо билади. Аканг бўлса, ўзи билан ўзи овора, сезон-сезон деб ярим йилда бир келади, холос. Ёнимизда энди сен бўлсанг, деймиз. Шундай қилгич, болам. Хотин, бола-чақангни олгину кўчиб келавер. Қўзимиз очиқлигига шу ерда тинчиб кетсанг бўларди. Эрта-индин ҳукумат ер бўлиб берса керак. Биз нима қилайлик — шунинг хабарини беради. Ё вақт топиб, ўзинг бир келиб кет! Невараларимизни ўлиб қўй, хўпми? Дую салом, билан, отанг».

— Етади, — деди чол оғир-оғир нафас олиб.

Кампир намли кўзларини енгининг учи билан артаркан, шивирлади:

— ...онанг ҳам, деб қўшиб қўй, болам.

Шу гапдан роса ўн кун ўтиб, Ҳайдар отанинг ўйига яна қўшнининг боласи чиқди.

Вақт пешиндан оқкан, ҳаво қылт этмайди. Кампир қондай кўйлагининг кўйғак бурмасидан тутиб, ҳадеб елпинади. Чол чуқур ўйга чўмган; хатни икки-уч қайта ўқитгандан кейин, салмоқлаб шундай деди:

— Боланинг турмуши чатоққа ўхшайди, ёзишидан. Зоти-насаби бетайн бир қизга ўхланиб олиб, егани қалампиртуз бўлиб қолди-ёв шунинг... — Чол ўйга берилиб, ўлидан уй тўғрисида сўралган гапларни беихтиёр унүтиб қўйган эди.

— Ўзимиз айбормиз, вақтида қаттиқ турмадик. Бўлмаса, қишлоғимизда қиз уруғи қуриб кетганимид? Ўзи ёқтирибдими, ўзига буорсин, дедингиз сиз ҳам. Мана, оқибати... — Кампир, келинг, шу ҳақда гаплашмайлик, деган каби чолига илтижоли боқди. Хиёл ўтмай юзи ёришиб кетди: — Уни-буни қўйинг, болам тўғри ёзибди: ўзи келгунча биз районданми, совхозданми ёрдам сўраб турайлик. Тавба, бурнимиз тагидан нарини кўрмайдиган бўлиб қопмиз ўзи. Болам шаҳар кўрганда, билади. Ёрдам беришлари керак, дебдими, ташвиш чекмасак ҳам бўлади.

Боядан бери нима қиласини билмай, зерикуб ўтирган бола хатни тўшакнинг катига тиқиб, секин чиқиб кетди. Чол-кампир буни ҳатто сезмай қолишиди.

— Номаъқул гапни қўй, кампир, — деди чол. — Бир камим энди, шу ёшга кириб, одамларга кулги бўлиши қолувди.

— Ками-кўстини сўрашининг нимаси айб? Бир дона ёғочимиз бўлмаса, кесагимиз бўлмаса, бор-будимизни йигисак, битта товуққатакка ҳам етмаса, ёрдам сўраймиз-да, нимасидан уяласиз?

— Ҳашар қилиб қурамиз, деб майлисда катта ке-

тиб қўйдик, энди бўйнимни эгиб боришим керакми? Йўқ!

«Шалварамай кет! Оғзингдагини олдириб, орқасидан раҳмат ҳам дейсан шу туришда, — деб хуноб бўлди ичада кампир. — Эркак одамга ўхшамайди-я!» Лекин зўрма-зўраки илжайиб, деди:

— Ким айтади сизни, бир пайтлар колхоз актипларидан бўлган, деб! Ижроқумга ҳам айтинг шуни. Эшилсак эшилавералимиз-да, бирор келиб қумғонимизни қайнатиб берармиди?

Соддалик-да, соддалик! Хотин киши бари бир хотинлигига борааркан. Битта Ҳайдарми колхоз учун жон кўйдирган? Унга ўхшаганларнинг бари дўпписи тор келиб қолганда бурнини осилтириб районга чопаверса... Йўқ, буни кампир қаёқдан тушунсин!»

— Кизиқсан-а, кампир, ҳе йўқ-бе йўқ, дунёning ташвиши сенга тушиб қолгандай узвос тортасан. Шошмай тур, олдин кўрайлик, одамлар нима қиласкин, шунга қараб биз ҳам ҳаракатимизни қиласмиз-да.

Зулфинисо кампирнинг сабр косасига бир томчигина етишмай турган эди, томдию тилини тиёлмай қолди:

— Қўйинг-э! Қўрқоқлик ҳам эви билан-да! Менга деса, ўлиб кетмайсизми?! — Кампир барадла йиғлаб юборди. — Болаларимни ўйлайман, бошқалардан кам бўлиб ўшамасин, дейман! Менинг куним уларнинг бошмасин, дейман!

Чолнинг заҳил юзига гуп этиб қон тепди. Тирноғининг учидан миясигача бир нима шиддат билан кўйдирниб ўтди ва шу ондаёт, кун иссик бўлишига қарамай, эти учди. «Оббо, шу сўзларни айтмасанг бўларди, кампир! — деб изтироб араплаш ўйлади у. — Лекин турмушиндан нолганинг чатоқ бўлди... Майли, бора-ман, бормаган ҳам номард!»

Ҳайдар ота бозор-ўчар учун район марказига тушиб турарди, бу кўчадан ҳам бир неча бор ўтган. Аммо ижроқўмнинг янги биносини бунчалик яқиндан биринчи марта кўриб турши. Олди кенг майдон, икки тарафи гулзор, ўртада ихчам-ихчам мармар ҳовузчалар. Гулзорнинг нарғида ранг-баранг машиналар сафда турган аскарлардай тизилган. Йўлакдан турфа одамнинг оёғи узилмайди: дўппилилар, шляпалилар, ориклилар, семизлар, тажанглару беғамлар — ҳаммаси юзига жиддий тус бериб, ичкарига кириб-чиқиб туриби. Ҳайдар отанинг оғзи очилди: «Бари ҳукуматнинг одамлари-да...»

У шу дамгача хийла дадил эди, бинонинг салобати босдими, юрагига ғулғула тушиб, эсанкираб қолди. Зинадан кўтарилиб ичкари киаркан, оёғи қалтираётганини сезди. Ақли-хушуни йиғиб улгурмасидан, кираверишда кимдир уни тұхтатди:

— Йўл бўлсун, ота?

— Ижроқўмга, болам, ижроқўмга.

Ўша киши унга бошдан-оёқ разм солиб чиқди:

— Оёқ-поёғингизни артиб кирсангиз бўлмайдими, ота? Уни қаранг.

Чол оёғига қаради, қизарди. Полга узун зангори гилам тўшалган, ҳаммаёт тоза, ялагудек. У бўлса... «Қишлоқилигим қурсин, — деб койинди ичади. — Калиш калиш эмас, бир ҳовуч чанг!»

Ҳайдар ота у ер-бу ерини қоқиб қайта кирганда хеч ким эътибор бермади, бироқ унинг ўзи ҳамон довдираганча, дам калишига, дам бояги кишига қарай-қарай, гиламни босмасликка ҳаракат қилиб ўтиб кетди. «Учинчи қаватга чиқасиз», деган гап эшитилди ортидан.

Учинчи қаватда унга керакли хонани кўрсатиб қўйишиди. Чол эшикдан бош сукди:

— Мумкинми, қизим?

Котиба қиз пешонаси тагидан бир мўралаб қўйиб, ишида давом этаверди.

— Ижроқўм билан гаплашмоқчийдим, қизим.

— Киринг. Нега остонода туриб қолдингиз, кираверинг. Қандай масалада мурожаат қилмоқчисиз?

— А?

— Нима ишингиз бор эди, деяпман.

«Бу қиз ким бўлди? Ёрдамчисимикан? Айтайми, йўқми? Увоқцина экан...»

— Иложи бўлса, ўзларини...

— Унда пича кутиб турасиз, ҳозир бандлар.

Жигарранг, баҳайбат эшик оҳиста ёпилди. Бекор қолган Ҳайдар ота узун коридор деворларига осилган суратларни тамоша қилишга тушди, хаёлан эса ўзининг бу ерга келиш сабабларини мулоҳаза қила бошлиди.

Кечакох ҳисобчиси йўл бўйидан саккиз сотих жой ўлчаб бериб, йигирма сўмини олиб кетди. Бир меъёр шарт-шароитини ҳам тушунтириди: эни шунча бўлиши керак, бўйи шунча, деразалари кўчага қарасин, пойдеворини баланд қиласан маъқул — уй ёруғ бўлади ва ҳоказо... Бўлмаса, посёлкага ўхшамай қолармиш. Чолнинг дили оғриди, лекин аламини юзага чиқармади. Карнайчининг вазифаси пуфлаш бўлгандан кейин пулайди-да, деди-қўйди. Ҳозир нима кўп, уй қураётган кўп. Бозорда ёғоч-тахтанинг нархи осмон бўйи сапчиған. Эшик-деразанинг эса яқинига йўлаб бўлмайди: тўртта дераза, иккита эшик олиш учун ярим йил почтанинг кўлига қараш керак. Булар-ку, майли, аввали қишлоқчилик, уддасини қилиб битта уйни тиклаб олса бўлади. Бошқаларнинг ҳам сандиққа босиб қўйгани йўқдир. «Аммо ёрдам сўраб келганини чакки бўлди, — дея ўйида давом этди у, — эсипастлик қилдим. Арзимаган нарсан деб... Мендана арзчи сонминг, ижроқўм бўлса — битта! Бутун бошли районни бошқарсини, бориб менга кесак юмалатиб берсинми?»

Ярим соатлардан сўнг Ҳайдар ота яна иккиланиб эшикни очди.

— Шунақа муҳимми ишингиз? — Бу сафар қиз бoshини кескинроқ кўтарди. — Жуда шошилиб турган бўлсангиз, майли, эртага кела қолинг. Аслида, қабул кунлари эртага.

— Шошилаётганим йўқ, қизим. Шошилиб қаёққа ҳам борардим? Шундай... Майли, кутиб турман.

Коридорнинг томоши қиласиган жойи қолмади. Сал ўтмай чолнинг кўнгли яна бесаранжомланди. Катта гуноҳ қилиб қўйгандек ўзидан-ўзи хижолат бўла бошлиди. Нима қилсан? Пастга тушиб кутсими? Яхшиси, эс борида этакни йиғишириш керак!

Ана шундай каловланиб турганида қаршисида лапланглаган, ўрта яшар бир киши пайдо бўлди. У чолга яқинлашган сари секинлаб, ажабтурвур қизиқиш билан тикилиб ўтди. Беҳтиёр чол ҳам қаради. Кўз кўзга тушганда эса, чолнинг негадир ғаши келди ва дарров юзини ўғирди. Ўтиб кетгач, яна ортидан тикилди. У одам тўғри бориб, қабулхона эшигини очди ва хуш-чақчақ товуш билан:

— Салом, Ҳалимажон? Қалай, зерикмай ўтирибсизми? Карим Узоқович бормилар? — дея ичкари кириб кетди. Зум ўтмай, хотини эгиз түкқандай оғзининг таноби қониб чиқиб келди. Чолнинг ўз-ўзидан тишлари фижирлади: «Тавба, бунча беҳаё бўлмаса одамлар!» Тўйкусдан кетгиси келиб қолди. «Кетаман! Ортиқ кутмайман!», дея зина томон йўналди.

Ўн чақирим ерга атай борди, кунини кеч қилди, бу ҳам етмагандек, икки қўйини бурнига тиқиб келаверди. Шундай ҳолда энди ўжар кампирининг кўзига кўриниши керак. «Бориб турган сур-а! Сурдан баттар!», дея хуноб бўлди чол.

Йўлни кесиб, чойхона тарафга ўтди. Ўтди-ю, чойхона ҳам, у ерда одатдагидек, гийбатни чойга қўшиб эрмак қилиб ўтирган улфатлари ҳам ҳозир юрагига сиғмаслигини сезиб қолди. Ортига қайтди.

Қишлоқни аста-секин қоронғилик қоплай бошлаган, ҳаво сал юмшаган эди. У то уйига етгунича нималарни ўйлади, қандай қарорга келди — ёлғиз ўзига аён, аммо бошини эгуб нигоҳ билан ер чизиб борганини тавқидлаб қўйиш — бизнинг бурчимиз.

— Учрашдингизми?

Зулфинисо кампир айвондан тушиб эрининг ёнига ҳалпиллаб келди: унинг кўзлари бетоқат жавдиради.

— Ҳа-а... — Чолнинг товуши ортиқ даражада толиқ-

кан ёки бениҳоя қувонган одамнинг овозига ўхшаб чўзиқ чиқди. — Овқат-повқат қилдингми?

Кампир ҳайрон бокди:

— Бегам бўлиб кетинг-э! Бирон марта овқат қилмай юрувдимми? У ёғи нима бўлдийкан, деб жоним ҳалак, сиз бўлсангиз, овқат, дөйисиз.

— Ҳовлиқмасанг ҳам айтаман ўшани. Олдин овқатингни опке, ейлик, гап бўлса, бўлар.

Кампири бесабр жикиллаган сари чолнинг дили яй-пар эди.

— Бир оғиз гап билан одамнинг кўнглини тинчлантириб қўйиш шунчалик қийинми?

— Мунча сода бўлмасанг! Худди мен биринчи марта ҳукумат идорасига кирган, ҳукумат одамлари билан энди гаплашгандай суриштирасан-а,— дея оҳиста гап бошлиди чол, кампирининг «гўл»лигидан ҳузур қилиб. — Бордим. Эҳ-хе, сен у бинонинг ичларини кўрмагансан, кўрмайсан ҳам. Мен бўлсам, кирдим, тўғри ижроқўмнинг олдига чиқдим! Ўзи кутиб олди. Ёшина йигит экан. Бирам хушмуомала, бирам шириңсўзи, гап билан жонни олади, дегин. Одам деган ана шунақа бўлсайкан! Қўшқўллаб, келинг, хўш хизмат, деб туриди. Мен ҳаммасини айтдим...

Чол гўё аслида ҳам шундай бўлгандай завқ-шавқ билан сўзлар, беихтиёр ўзи ҳам бунга ишона бошлаган эди. Зулфинисо кампирининг эса, гарчи гапнинг муҳими ҳали айтилмаган бўлса-да, чеҳраси тобора очилиб борарди.

— Бор энди, овқатни опке, — деб сўзига якун ясади чол.

— Ишқилиб, ёрдам берарканми?

Чолнинг пинҳона ғазаби бурнининг учидаги турган эди, тилига кўчди:

— УФ-Ф, бўлди-да энди! — дея қичқириб юборди у. — Мунча эзмаланасан! Ёрдам бермай нима қиласарди? Ёрдам беради! Йўқ деса мен ҳам шунда-ай чиқиб келавермасдим-да!

Шуни айтгач, Ҳайдар ота оёқларини сўридан пастга осилтириб, ёстиққа ёнбошлиди. Ток барглар орасидан, кўкда бирин-кетин пайдо бўлаётган милт-милт юлдузларга тикилганча сукутга чўмди.

«Ке, қўй, кампир, ишимиизга бошқаларни аралаштириб нима қиласми? — дея хаёлан сўзида давом этди чол. — Сен кўп ҳам қайғураверма! Мана кўрасан, ҳали ҳаммаси яхши бўлди! Шунча йил бирга яшаганимиз билан сен мени билмайсан, Зулфи, мен бошқача одамман! Ижроқўмни қўй, совхоз ҳам ўз йўлига — билсанг, Одам Ато замонидан бери уй қуриб келаман, лекин биронтаси битмай қолган эмас, битган! Ўйни ўзим қураман, Зулфи, ўзим!»

Кампир овқат келтириди, иккалари уни иштаҳа билан туширишиди. Қайнатма шўрва бирам ширин бўлибдик...

## КЎЗГУ

**К**еча у кўл бўйида Тамара деган қиз билан танишиб қолди. Аввалига сезмабди — ёнмай ётган эканлар, қирғоқда. Уларнинг бош томонидан бир тўда бола қувлашиб ўтди ва кимдир «Вой-й!», дея қичқириб юборди. Овоз кутилмаганда, шундоқина биқинидан эшитилгани учун у бир сапчиб тушди. Чалқанча ётган кўйи бошини овоз чиқкан тарафга бурди: ёнидаги қизни ҳам шунда кўрди. Қиз офтобдан қизартган оёқларини керганча ўтириб олган, нафис бармоқчалари билан ҳадеб ўнг қўзини ишқалар эди. «Қум саҷратиб кетишибди», деб ўйлади у ва ҳали узоқлашиб улгурмаган болаларнинг ортидан қичқириди:

— Хў-ўв, аҳмоқлар! Қувлашгани бошқа жой қуриб кетганими?

Яна қизга ўгирилди, лекин дарҳол кўзини олиб қоч-

ди: «Қилган меҳрибончилиги учун илтифот кутяпти, деб ўйламасин!»

Қиз эса тинмай кўзини ишқалар, энди боягидан пастроқ, янада жозибалироқ товушда «вой-вой»лаб қўяр эди. Йигит хотиржамлик билан осмонга, олачалак бўлиб сузиб юрган булувларга боқди.

— Мундоқ қарасангиз-чи, ахир! — деб қолди қиз туйкусдан. — Кўзим бижирлаб кетяпти...

Йигит қовун тушириб кўйганини сезди, қизарди. Таъсирчанлиги қурсин, қизнинг гапи тўғри бориб юракка қадалди, ёрдам қилиш нега хаёлимга келмади, дея хижолат чекди у. Сўнг икканингиң қизнинг қарши-сига ўтириди. Ҳәйжон ичига титроқ кўуларини унинг пешонасига тегизди. (Оҳ!. Кони гутириб, димогида қандайдир ёқими ис тўйди!). Қиз гавдасини орқага ташлаб, иягини кўтарди, гўё бир зумга бутун борлиғини йигитнинг ихтиёрига бериб кўйгандай. Олдинга лопилиб чиқкан кўқраклари йигитнинг сезигр баданига тегиб бирдан ўртантирдики, у кейинчалик, ўша пайтдаги ҳолатини қайта-қайта эслаб, сира ақли бовар қилмасди — қандай чидаб турган экан? Ҳа, у чидади, боз устига, бармоқлари билан қизнинг оч бинафша рангга бўялган чиройли қовоқларини керуб, уч марта «пуп чиқ-пуф чиқ» ҳам қилди. Қум зарраси чиқиб кетдими ё унинг нафаси ёноқларини қитиқладими, қиз кулди. Бу кулги шу қадар табиий ва самимий эдик, ўртадаги ноқулайлик бир зумда тарқалиб кетди.

Сал тўлалигини ҳисобга олмаганда, ундан чиройли қиз йўқ эди оламда! Мовий денгиз, мавжли тўлқинлар тасвири туширилган чўмилиш кийими қоматига, кўқракларига чунонан ярашган эдик, унга қараган сари йигитнинг нафаси ичига тиқилай дерди. Сўнг... танишилар.

Собирнинг студент эканини эшитиб, Тамара негадир эчилироқ гаплаша бошлади.

— Студентлар менга ёқади, ажойиб халқ! — дея хитоб қилди у. — Энг яхши кўрганим — Раскольников; у ҳам студент бўлган!

«Тўғри, Раскольников студент эди, мана, мен ҳам студентман, аммо уни жиним сўймайди-ку!», деб ҳаёлпидан кечириди Собир, лекин қизга кўшилиб илжайди.

Кейин улар бирга чўмилдилар, бирга қўмлоқда, кўёшнинг тифли найзаларига баданларини тоблаб ётдилар, эртага ҳам кечки салқинда учрашишга ваъдалашиб, хайрлашдилар...

Собир ҳозир кийим жавонининг бўй баробар кўзгуси қаршисида туриб ана ўшу учрашувга тайёрланар эди.

У ёзги таътилда қишлоққа кетмади. Кетса, икки ой вақти бари бир Сулаймоннинг қўриқчи итидай бекор ўтади. Яхшиси, шаҳарда қолиб, бирор жоҳда ишлаб пул жамғармоқчи бўлди. Мана, бир ойдан бери хонада ўзи ёлғиз. Оқшомлари хуши келса, кўчага чиқади, айланади, аксари пайт хонада кўрпага бурканиб ётаверади. Бу йилги ёз ҳисобидан кеча биринчи марта чўмилишга борган эди, дабдурустдан қиз билан танишви уни бутунлай шошибир кўйди.

Омадсиз қишининг кутилмаганда омади чопса, мақтанишига одам излаб қолади. Шундай пайтда арзи дилингга қулоқ тутадиган бир банда топилмаса, ҳолингга вой — қармоққа балиқ илингандан қайғинг тўтнорилгандай гап. Шу туфайли қўнглининг бир чети андак хира бўлса-да, учрашув дамлари яқинлашган сари Собир шодликтан энтиби-энтикиб қўярди.

У ҳозир майкачан ҳолда кўзгудаги аксига термиларкан, ўзича мулоҳаза қиларди: «Хўш, бундай гўзал қизни менинг нимам мафтун қилди? Қизлар йигитларнинг ҳуснига эътибор бермайди, дейишади. Бўлмаган гап! Ҳар қалай, ияги қийшик, бурни пачоқ, тасқаранамо ландавурларни, ҳа-ҳа, ландавурларни (Собир топ-қирлигидан қувониб кетди) ким ёқтиради?! Қум бир баҳона, холос, ҳамма гап шундаки, мен унга эмас, у менга таллинди! Албатта, ўша тасқаралардан фарқим бордир, ахир!»

Собир елкаларини кўзгуга солди, узоқ тикилди, тикилдию кўзларига ишонмай қолди: жуссаси жуда ҳам унақа кўримсиз эмас экан! Авваллари нозик туюлган билаклари ҳозир бақувватдек кўринди. Қўлларини ик-

ки ёнга хиёл кериб, чукур нафас олди, кўкрак қафаси кенгайди — курашлиардан қаери кам! Тирсагини букиб, куч билан муштумини қисган эди, мускуллари бўртиб чиқди. Биной! Кейин кўзгуга орқасини ўтириди, елкаси оша мўралади: ҳаммаси жойида! «Йўқ, йигит танлашда қизлар сира адашмайди, — деб хулоса қилди у. — Учрашувга ўзи таклиф қилдими, демак, бир гап бошбор!»

Собир қандайдир кўйни минғирлаганча кийина бошлади. Кўчага ҳам шу кайфиятда чиқди.

Йўлка ёш-яланг билан гавжум — турли-туман кийинган сувлув қизлару «пачоқ» болалар... Собир кўнгли тоғдек бўлиб йўлга тушди ва бирдан нариги бекатгача пиёда боргиси келди. Фикри ўзига хуш ёқди, енгил-енгил қадамлар ташлаб, бу бекатдан ўтиб кетди. Йўлда бораркан, у бир нигоҳ билан ҳаммани қамраб олишга интилар, ҳамма, айниқса, қизлар менга қарашётгандир, деган ишончдан боши кўкка етгудек эди.

Шу пайт кутилмаган бир «фалокат» рўй бериб, йиғлаб юборишига оз қолди: оломондан қандайдир гавда ажралиб чиқдию рўпарадан, йўлкани бир ўзи эгаллаб кела бошлади. Беихтиёр Собирнинг нигоҳи оломондан шу «гавда»га кўчди. «Гавда» — чиндан ҳам елкадор, узун бўйли, мускуллари пишиқ, хумдек калласи йўғон бўйнига мустаҳкам ўрнашган, атрофга бургутдай ўтириб ташлаб, бу бекатдан боқиб келаётган йигит эди. Собирнинг қадами секинлашди, назарида жуссаси бирдан кичрайгандай бўлди, оёқлари чалишиди. «Гавда» эса ўша виқор ва беписанд нигоҳ билан ёнгинасидан ўтиб кетди. Собир ҳарчанд ўзини тиймасин, бўлмади, орқасига бир ўгирилиб қаради. «Ўртамиздаги фарқ нари борса икки, бўлмаса, бир ёш...», деб йўлади на-домат билан.

«Гавда» кўздан йироқлашгач, Собир яна оломонга назар ташлади, аммо энди бояги кайфияти чилпарчин бўлган, қанотлари қайрилган эди.

У шаҳар чеккасидағи қаҳвахона ёнига бир оз кечи-киб, соат еттиларда етиб борди. Қаҳвахонанинг ичиу таши чўмилишга келганлар билан тўла эди. Аммо Тамарани топиши унча қийин бўлмади.

— Роса чанқадим, — деди Собир гап очиш учунгина. — Бир бокалдан морс исчак.

— Оч қоринга-я! — деди Тамара кулиб. — Қачо-он эди келганим...

— Собир чўнтағидаги бор бисоти — беш сўмликни фижимлаб кўйди.

Улар баҳайбат чинор тагидаги столга ўтиридилар. Собир икки коса овқат кўтариб келди. Энди биттадан чучварани оғизга солған ҳам эдиларки, пўрим кийинган, ҳафсаля билан кузалган мўйлови ғоят ярашикли, гавдаси Собирга нисбатан сал тикроқ бир йигит жилмайланча уларга яқинлашди:

— Бўшми?

Иккита стул бўш эди, жавоб кутмай, бирига ўтириди.

У аввалига оғиз очмасдан дам Собирга, дам Тамарага қараб-қараб кўйди, сўнг:

— Чучвара еяпсизларми? — деди негадир яна жилмайиб.

Собир йигитга зимдан разм солди. Унинг қизларни кидек чиройли қош-кўзлари ва сочларини кўриб, «Иш-қилиб, бемаъни гап отиб қолмасин-да», деган ҳадик туғилди кўнглида, лунжидаги чучварани чала ўтди. Аксига олиб, Тамара бамайлихотир: «Кўриб турибсиз-ку», деди ва кўзлари чақнаб, назоқат билан овқатлавнерди. Йигит қўлидаги тилло занжирли калитни стол устига ташлади.

— Мириқиб чўмилганингдан кейин чучвара ҳам ёғидек кетса керак, а?

Бу гап нима учун айтилганини Собир тушунмади, Тамара эса шарақлаб кулиб юборди:

— Янглишингиз, биз Саша билан чучварани чўмилишдан олдин ейишини маъқул кўрдик!

Йигит Тамарага қўшилиб кули, сўнг куларини ё кулмасини билмай турган Собирга қараб:

— Оббо, дўстим-э! Исимингиз Саша экан-у, нега миқ этмайсиз? — деди.

Йигит ҳеч қандай кўполлик қилмаган бўлса-да, Со-



бир ёш бола эмас, ўзини жуда олижаноблик билан камситилгандек сезди. Сезди-ю, бунга муносиб жавоб топа олмай довдирاب қоди. Кейин зўрга:

— Йўқ, Саша эмас, Собир... Русчасига Саша... — деди ва ўша заҳоти, ожизлиқ қилиб қўйганидан фижиниб, ичиди ўзини сўкди.

— Хо-хо-хо! Русчасига, денг?! Русчасига Саша бўлса зўр экан! Унда танишиб қўйялиқ — Ҳамид. Хўш, русчасига қандай бўларкан, а? Тавба, буни қаранг, сира ўйлаб кўрмабман. Хо-хо-хо!

Собир сув-терга тушди. Айниқса, Тамара ҳеч бир тал тортмай йигитга исмими айтганда, бутун гавдаси билан столга қалишиб қолди.

— Гап бундай, Тамара ва Саш-ша, — деб сўз бошлиди Ҳамид кибрли жилмайиб, — ҳозир битта шампан билан иккитадан кабобин қоринга жойлаймизу менинг аравамга ўтириб пляжнинг энг зўр жойига борамиз! Бирга чўмиламиз, Гугушнинг энг янги записларидан қўйиб, би-ир маза қиласиз! Хўш, Тамарахон!

Собирнинг тили танглайига ёпишиб қолди. Бу йигит ким, у нима истайди, умуман нималар бўляпти ўзи? Собир фикрларини бир нуктага йиғишига уринар, аммо кўнглида тобора кучайиб бораётган ҳадик бунга қўймас эди. Қандайдир муқаррар хавфнинг олдини олишига чора тополмай, ноилож қизга мўлтиради: «Йўқ, демасанни, овсар! Айт, йўқ, де! Йўқ, сиз ортиқчасиз, деб қўйгин, вассалом!»

Аммо қиз Собирнинг бутун илтижоларини чиппакка чиқарди:

— Бўлти! — деб рози бўлди у. — Биздан нима кетяпти, а, Саша? Фақат, шарт шуки, узоғи билан бир соат чўмиламиз!

— Ҳа-да! — дея қувониб кетди Ҳамид. — Унгача кеч кириб қолади, қоронида ким ҳам чўмиларди!

Ҳаммаси бир зумда рўй берди: шампан, кабоб, ёшига ярашмаган қориндор буфетчи, яна бир шиша шампан ва ниҳоят — суртанг «Жигули»...

Машина қўзгалиши билан ўринидиқнинг орқасида нимадир гумбурлаб кетди. Ҳамид билан Буфетчини ичida бўралаб сўкаётган Собир чўчиб тушди, жонҳолатда ўгирилиб қарди. Икки бурчақдаги қоп-қора карнайдан чиқаётган гумбурлаш садолари аста-секин майин бир кўйга айланди. Кўйга қўшилиб, Собирнинг нақ қулоги тагида Тамаранинг шодон овози янгради:

— Ие, бу жуда ажойиб қўшиқ-ку! Менинг жони дилим!..

Собирнинг зардаси қайнади: «Қўшиғинг билан қўшмозор бўл-а! Аҳмоқ!..»

Машина овлоқ бир жойга бориб тўхтади. Тушдилар. Тўрттала эшикни ланг очиб, магнитофонни баланд қилиб қўйдилар, соҳил бўйлаб Гугушнинг ғамгин ноласи тарала бошлади.

Ечинидилар. Қиз кечаги — мовий денгиз тасвири туширилган чўмилиш кийимида, Ҳамид ихчам плавка кийган, Буфетчи эса тиззасигача тушадиган катта қора трусида эди. Ҳалпиллаган шу қора труси ҳам негадир Собирнинг ваҳимасига ваҳима қўши.

Сувга тушиди-ю, Тамарани таниб бўлмай қолди, бир-икки ғалати қараб қўйганини демаса, Собирни у бутунлай унунтиб юборди. Устига-устак, Ҳамид билан Буфетчининг хатти-ҳаракатлари, қочириқ гаплари очикойдин ҳақоратли тус ола бошлади. Собир дунёдаги барча чиройли қизларни лаънатлай-лаънатлай сувдан чиқди.

Кўёш эндигина ботиб, ҳаво анча салқинлашиб қолган эди. Собир қирғоқдаги мажнунтол новдалари орасидан жимир-жимир қилаётган шафаққа тикилди, беихтиёр ердан бир чангали кўм олиб, машинага сочиб юборди ва бирдан... ташлаб кетсан-чи, деган хаёлга келди. Яна бир хаёли — йўлуни топиб Тамарани анавиарнинг ниятидан огоҳлантириб қўймоқчи бўлди. Сал ўтмай фикридан қайтди. Нима, Тамара гўдакмиди, ўзи тушунмаса! Ҳурозқанд олиб бериш учун бошлаб келмайдилар-ку бу ерга!..

Собир фижиниб кўл томонга қарди. Соҳилга яқин жойда учовлон кўлни бошга кўтаришиб бақиришар,

қийқиришар, гоҳо үзүк-юлуқ бу товушлар магнитофондан тараляётган құшиқ садоларини ҳам босиб кетар эди. Ҳамид қызни сувга пишмоқчи бўлиб бўйнидан, белидан қулоқлаб-қулоқлаб олган сари қиз балиқдек тўлғаниб, оёқ-кўллари билан тиммай сувни шалоплатар, Буфетчи эса семиз лунжларини осилтириб бир четда илжайиб турар, ҳар замон-ҳар замонда «Биз ҳам бормиз!», дегандек, уларга сув сачратиб қўяр эди.

Собирнинг хўрлиги келди, жаҳл билан кўлдан юз ўгирди..

Кўмда намли из қолдириб, қоп-қора жун босган иккита оёқ кўринди. Қора трусишини плавкага ўхшатиб ихчамлаштириб олган Буфетчи Собирнинг қаршисига чўкка тушди:

— Ҳа, бундай, чўмилмаяпсан, укам?

— ...

— Қаерликсан ўзи?

Собир каловланди, «Нима бўлганда ҳам қишлоқдан эканимни сезмаслиги керак!», деди ичида ва ёлғон галипа бошлади. Шу атрофдаги ўзи билган кўчалардан бирининг номини айтди, савдода ишлайман, деди. Ҳар қалай, дадилроқ кўрниши керак-да! Иложи борича, шаҳар шевасида сўзлашга ҳаракат қилди. Аммо нўноқ актёрлардек овози қалираб, сирни ошкор қилиб қўйди шекилини, Буфетчи бирдан унинг сўзини бўлди:

— Менга қара, ука, яхшилика бу ердан жўнаб қол! Биламан, авави сенинг ҳеч кимнинг эмас. Ташла, кет. Шуни деб, башаранг дабдала бўлиши шартми?

Ҳам кўркувдан, ҳам ғазабдан Собир дағ-дағ титрай бошлади.

— Тамара-чи? — деб сўради заиф товуш билан.

Буфетчи қувлик билан кулди:

— Кел, кўй, оғайни, гапни кўпайтирмайлик! Жаҳлим тез, кўриб турибсан, кўл ҳам чуқур... — У ғолибона қиёфада ўрнидан турди.—Хўп десанг, ташлаб келаман: ана, машина. Уларга, биз шампан олиб келамиз, деб қўяман. Бўл, кийин!

Буфетчи бўйрганинг сўzsиз бажарилишини билгандек, жавоб кутмай нари кетди. Собир қимир этмай ўтираверди: кўзларига қум тўлган, қулогига на шодон қийқириқлару ва на Гугушнинг ўйноқи нағмалари кирап эди. Қанча вақт ўтди — билмайди, бир пайт ҳозир-

гина Буфетчи турган жойда Тамара пайдо бўлди. У тиззаларини қулоқлаб ўтирган Собирнинг тепасида бирор лаҳза қотиб тургач, қумга тиз чўқди-да, унинг пешонасига ёпишиб қолган соchlарини бармоқлари билан икки ёнга тараб, юзини кафтлари орасига олди за кўзларига термилди.

— Саша, — деди оҳиста пичирлаб.

Йигит жавоб бермади.

— Бу ердан кет, Саша, — деди Тамара яна ўшандай майн товуш билан.

Собир бошини кўтарди:

— Нега?

— Билмайман... Сен бошқачасан, Саша...

— Кетмайман, Тамара. Сени қолдириб кетолмайман...

— Йўқ, кетасан! Бўлмаса, сени соғ қўймайди булар!

— Сен-чи?.. Сени соғ қўйишадими?

— Мен билан ишинг бўлмасин!

Қиз ўрнидан турди, қандай шарпасиз пайдо бўлган бўлса, шундай кўздан ўйқоғди. Собир яна ўзи билан ўзи қолди.

Кейин... Аста туриб шимини кийди, бошмоғини оёғига илди, кўйлагини қўмда судраганча кета бошлади — ҳеч нарсани ўйламади, ҳеч кимни сўкмади ҳам, шунчаки, кўйлагини қўлга олдию турди-кетди. Нарироқ бориб ортига ўгирилди: қирғокни, машинани, белигача сувга ботиб турган учта қорани кўрди, аммо ким кимлигини ажратса олмади.

Кўл ётқизиб қўйилган улкан кўзгуга ўхшаб кўринар, кеч кириб, хиралашиб бораётган осмон унга қорамтири кўланка ташлаган эди.

Собир оғир-оғир қадамлаб катта йўлга чиқсанда бекатда турган автобусга кўзи тушди. Аммо унга етиб боргунича жўнаб қолди.

Машинанинг орқа ойнаси ёнида қандайдир қизнинг шарпаси лип этди, дағъатан Собирнинг хаёли бўлинди: «Ким бўлди экан? Қиёфаси таниш... Ие!..»

Йигит автобусдаги қизни Тамарага ўхшатди. Лекин...

«Сен-чи? Сени соғ қўйишадими?»

«Мен билан ишинг бўлмасин!»



Журналнинг ноябрь сонида шу йил август ойида Тошкентда бўлиб ўтган республика ёш ёзувчилари семинари иштирокчиларидан бир гуруҳнинг шеър ва ҳикоялари билан танишасиз.

Коммунист дегани

Она тупрокқа

Сув каби, гул каби ярашмоқ демак.

Коммунист дегани

Үзлигинг учун

Аввал ўзинг билан курашмоқ демак.

Коммунист дегани

Үзни бамисли

Ҳар кунги уфқ билиб,

Юксакка қүёшни бошламоқ демак.

Коммунист дегани

Партбилетингни

Иккинчи юрак қилиб,

Икки юрак умрин яшамоқ демак.

\* \* \*

Ватан — юракларга берилган кенглик.

Қичқириб, чираниб, кўкракка муштлаб,

Яланғоч шовқинга кўммайлик номини.

Ватан — юракларга берилган кенглик.

Шивирлаб кўйлайлик Ватан ҳақида

Навбаҳор куни

Пўстлоғидан кечган куртакка ўхшаб.

Шивирлаб сўйлайлик Ватан ҳақида

Узоқ қиши туни

Оқ тонгни ўйғотган эртакка ўхшаб.

Шивирлаб ўйлайлик Ватан ҳақида,

Тилсим деб уни,

Фарҳодга айланган гўдакка ўхшаб.

Ватан — юракларга берилган кенглик...

\* \* \*

Тошпўлат ҲАМИДГА

Мўліённинг Нилдек азмида

Тунги дунё тилсимларга бой.

Мавжлардаги юлдуз базмида

Чирмандадек дириллайди ой.

Ой найзага келган маҳали

Райҳон испи насим елади.

Бухоронинг мунис гўзали —

Сув париси чиқиб келади.

У сен томон юзади аста

Нибуфарнинг япроқларида.

Ўти оҳанг янграр шикаста

Унинг муздек дудокларида.

Сен тинглайсан: кўйлар қасрлар,

Тарих учар мисоли тулпор.

Сен англайсан: неча асрлар

Сен бедорсан, туманлар бедор.

Рудакийнинг шаҳло кўзида

Сўнгги учқун бўлиб сачрап мил...

Сув париси кетиб ўзидан,

Чўка бошлар тулдек маъюсдил...

Сен тинглайсан... Қалбинг сезади:

Ул парига ярашмас қайдлар.

Райҳон испи елдек кезади

Умринг бўйлаб бугунги байтлар.

Мўліённинг Нилдек азмида

Яна дунё тилсимларга бой.

Мавжлардаги юлдуз базмида

Чирмандадек дириллайди ой.



АБДУЛЛА  
ШЕР

## Кисса

Гул изладинг, асрий дўстим,

Мўъжизавий қизил гул.

Чукур жарлар йўлинг тўсди,

Буюк тоглар берди йўл.

Ишқ кўйидан кетдинг йироқ,

Ёт шафқатга юқиндинг.

Сен қайтдинг-у, шу он бироқ,

Кекса чолдек букилдинг.

Қутлуғ орзу, эсиз, эсиз,

Чиқмай қолди юзага:

Сени гулга йўллаган қиз

Қайлиғ бўлди ўзгага.

На кечирдинг бевафони,

На қасосга шай турдинг.

Фақат бир зум дим ҳавони

Оқ чақиндек куйдирдинг.

Сўнг гулдираб, жон томирдан

Ўсиб чиқди қизил гул.

Ўлим дёған қадим сирдан

Воқиф этди сени ул.

\* \* \*

Ногаҳон чиқди қаламдин тонг-саҳар сирли садо:  
 «Бўлса ҳам умринт адо,— деб,— бўлмагай бу йўл адо!  
 Шеърият — бир жом, майда — ёр акси; ичса ким, —  
 Сийрати тождин йироқ Бобир, Ҳусайнидек гадо.  
 Англаки, шеър аҳли дунёнинг асаб тори демак,  
 Ҳар жарангда минг умр бир ҳақ учун бўлгай фидо!..»  
 Англадим: мен танламиш шеърим йўлни — ишқ йўлидир;  
 Интиҳоси йўқ унинг — бошдин оёғи ибтидо!

\* \* \*

Бу тонг қор остида қолди навбаҳор,  
Шошилган ўрик ҳам бошини эгди.  
Сен эса тикилиб менга умидвор,  
Йиглайсан: «Адашдим, менга ит тегди...»

Мен эса боқаман ҳовлига фақат  
Дея: «Қорда қолди оқ гуллар, эсиз...»  
Дилда на ачиниш, на тузук нафрят:  
Бекхузур қилувчи или-милик ҳис.  
  
Энди мен оғангми! Айт, энди кимман?  
Ўзимга ном излаб кетгайманми ё?  
Атроф жуда оппоқ. Оппоқ. Мен  
жимман —

Кўзимга оқ бўлиб тушгандек дунё.  
Сен ҳамон йиглайсан, қўй йиглама, бас.  
Мен илғай олмайман энди сўзингни.  
Ахир, мен севардим сўзингни эмас,  
Сўзга айланолган баҳт деб ўзингни.  
  
Қара, атроф оппоқ. Жуда оппоқ. Тинч.  
Қоп-қора нуқтадир оқлиқда зоғлар.  
Бок, агар кўролсанг, девдек бир ўкинч  
Севгини ортмоқлаб аста йироқлар...

\* \* \*

Тонг отмоқда. Қушлар уйғонди.  
Мен тун бўйи юммадим кўзни.  
Сенинг ёдинг шам каби ёнди,  
Нурга боқиб унутдим ўзни.

Қалб товланиб қувончу ғамда,  
Мен тун бўйи бўлдим нурафшон.  
Аммо ортда, қара, соямда  
Нурни кўрмай ухлар бир жувон.

\* \* \*

Агар тинчлик, тенглиқни  
Жангоҳларда ўйлолсанг,  
Ватан деган кенглиқни  
Тор ҳужрангда кўйлолсанг,  
Сен отасан элингга  
Фарзанд деган шон билан,  
Сен онасан тилингга  
Шоир деган ном билан!

\* \* \*

Қаламдонда туравериб жим,  
Япроқ ёзмиш қалам ҳам, ё раб!  
Хаёлларим — жажоқи қушларим,  
Ул япроққа қўнингиз сайраб.

Кенглиқ беринг куй билан ҳар кез  
Қўкрагимнинг тор қафасига,  
Токи унда тутқун ётган Сўз  
Юзин тутсин тонг нафасига.

Гарчанд бу тонг олисда, алҳол —  
Чагир тошдан сўқмоғи унинг,  
Лекин ҳар гал кўринар яққол  
Шарқ уфқида сиёғи унинг.

Таъбир топсин энг ёруғ тушлар,  
Шу тонг Сўзга ҳадя этсин ранг...  
Хаёлларим, эй, жажоқи қушлар,  
Мен айтмаган ул Сўзни куйланг!

## Бобир

Бошлаб кетди уни жангি жадаллар,  
Тожу тахт ғавғоси балолиг бўлди.  
Қалбидан сирқирағ оқди ғазаллар:  
«Эвоҳ, не юз қаролиг бўлди»...

Топталган номусни тиғ билан тиклаб,  
Ҳиндга фарзанд бўлди Буюк Мусофир,  
Софинч ўртаганда шеър битди йиғлаб,  
Олтин қафас ичра булбулдек Бобир.

Жанг тинди. Суронлар кетди йироқлаб,  
Чўлдаги қуюндеқ ўтди беш аср!  
Беш аср баҳтини юрди сўроқлаб,  
Икрор-муҳаббатни кутди беш аср.

Кўзида ёш билан кулади шоир:  
Лабида юртининг соғинчи азал.  
Юраги илҳомга тўлади шоир,  
Бобир ёза бошлар мумтоз бир ғазал...

\* \* \*

Туғилган бўлсайдим,  
Беш аср аввал —  
Ўша жангি жадал, нотинч йиллари,  
Мен ҳам бўлармидим Бобирга навкар  
Бир тўп фарғоналик мардлар сингари.  
Ким билсин!  
Орада беш асрлик йўл...  
Буқун ўзгачадир кураш ҳикмати.  
Мен-ку шоҳ Бобирга сиғинмайман, йўқ!  
Шоир Бобир учун чексиз ҳурматим.  
...Мендан сўрасалар...  
Шоҳ даргоҳида  
Амирлик мансабин қилмайман ҳавас.  
Алишер бошлаган шеър жанггоҳида  
Бобирга муносиб навкар бўлсам, бас!

ФАХРИДДИН  
ХОНКЕЛДИЕВ

## Биз билмаган

### СЕВГИ

Бир-биримиз севамиз бешак —  
Биз севамиз покиза дилдан,  
Гоҳ севиниб, гоҳ тўлиб юрак,  
Гоҳ қайғуриб, гоҳ меҳр билан!..  
Аммо бордир дунёда яна  
Биз билмаган куч ва эҳтирос:  
Биз севги деб билган алланга —  
Шу оловнинг учқуни холос!



ШОЙИМ  
БҮТАЕВ

# КАТТА ОДАМНИНГ ДАДАСИ

ХИКОЯ

Расмни О. АСОМОВ чизган

**А** ширмат ака-а, ҳо-ов Аширмат ака! — Ҳовлидаги бўйрадеккина жойга экилган сабзига калай сахарлаб сув тараётган Аширмат буванинг олдида ердан чиққандек тўсатдан пайдо бўлган Саид охун ҳовлиқиб, негадир чопонининг барини силкий-силкий, шундан бошқа сўзга тили айланмай, оёғи кўйган товуқдек типирчилаб турар эди.

— Ҳа-а, Охун, мундоқ тушунтириб гапирсангиз-чи, ни-ма гап ўзи!! — Аширмат бува ўзини босиқ тутиша қанчалик уринмасин, ҳәли аллақаерларга кетиб, ранги қум оқарди.

— Суюнчини чўзинг, Аширмат ака! — Саид охун ҳамон ҳовлиқарди.

— Хўп, хўп. Суюнчи бўлса, суюнчи-да!

— Шу кечаёқ келмоқчийдим, кампир қўймади, ухлашган, деди. — Саид охун Аширмат буванинг гапини оғзидан юлиб кетди. — Масковдан беради-ку, «Время»ми! Неварам кўрамиз, деб оёқ тираб туриб олди. Биз ҳам термилиб ўтираверди...

— Гапни чўзма қилмай айтинг-э, шунга суюнчими! — Аширмат бува нохуш хабар эмаслигига қаноат ҳосил қилган бўлса-да, суюнчининг боисини тезроқ билгиси келарди.

— Шошманг, шошманг! Кегин «Пахтазор полвонлари» дегани бўлди. Аммо-лекигин, паҳта зўр бўлибида бу йил...

— Э-э, гапирсангиз-чи! — Аширмат бува қўлидаги кетменининг муҳраси билак ерга бир урди.


— Шошманг-да! Ўзимизнинг ҳам уйқумиз қочиб, ярим тунда кимнинг уйқуси келарди, бундан кегин нима бўларкин, деб ўтирасак, бир маҳал... тўнгичингиз чиқиб қолди-ку!

— Воҳидми!! Воҳид-а! — Аширмат бува дабдурустдан кетмени нари улоқтириб, Саид охун томон уч-тўрт қадам ташлади: — Ростми, а! Воҳид чиқдими, а!!

— Э-э, бир байтлар ўқиди денг, бир ўқиди! Неварам дафтарчасига ёзиб олди улгурганини! Янги китобим чиқди, деди!

— Шундоқ демайсизми, э-э, охун! Э-э, эзма охун-а! Об-бо, охунжон-э, Воҳид чиқиди-да, а?! Ие, нега бу ерда турибмиз, ичкари кирайлик. Ҳо-ой кампир!..

— Кечалаб келмоқчийдим, чиқсан заҳотиёқ келсан бўларкан, аттанг! — Саид охун афсулсланиб бош чайқади. — Кампир қўймади-да, ухлашган, деди-да! Бунақаларни тушумайди, акли етмайди, — деди у бош бармоғини пешонасига нуқиб.



Чой устида ҳам гап нуқул Аширмат буванинг ўғиллари ҳақида борди. Аширмат бува ўнгайсизланиб, гапни қанчалик буришга харакат қиласин, Саид охун Воҳидни, Камолни търифлашдан тўтхамасди.

Сұхбатнинг натижаси шу бўлдики, Аширмат бува билан Камол Воҳиднинг янги китоби чиқсанини муборакбод қилиб, баҳонада шаҳарни айланиб келишга қарор бердилар.

Кун уфқса зарҳал этагини ёйиб юборганда Саид охун ўрнидан турди. Аширмат бува, суюнчига деб, қистаб қўймаса ҳам белбоғни олмади:

— Воҳид бизнинг ҳам ўғлимиз. Ҳаммамизнинг ўғлими! Ўзим «Қишлоқ боласман», деди. Демаган бўлса ҳам, шунга ўҳашаш гапни айтди — қишлоғимизнинг фарзанди-да!

\* \* \*

— Аяси, Камолга айт, яктақка дазмол боссин, дазмол босишнинг пайҳовасини олган. — Аширмат бува иккى кун олдин йўл тадоригини бошлаган бўлса ҳам, ҳозиргина қилган иши ёдидан кўтарилиб, унга қайтадан киришарди.

— Ўзим дазмоллаб қўйганман-ку, яктагингизни — деди Ҳидоят ая.

— Ҳа-я, — Аширмат бува бош қашиди.

— Чамадонларингизга иккитагина қурут солай, самолётда одамнинг кўнгли беҳуд бўлармиш, — деди нималар гадир кўймаланаётган Ҳидоят ая.

— Ўзлари лимонад беришади, — деда билимдонлик қилди дадаси билан сафарга отланаётган Камол.

— Хў-ўш! — Аширмат бува соқолни тутамлади. — Беқасам чопонимни кийсаммикан, ласиними! Кампир, беқасам янги эди-я!

— Лас чопонингизнинг яғирини чиқариб бўлиб, бунишиням бир-ишки кийган эдингиз-ку! Қичимаси бордек, сандалга ўтирганда орқангизни деворга ишқайверасиз, сал-пал кир олган...

— Ҳа-я...

— Кун исиб кетяпти, чопон киймаснган киймабсиз! — Ҳидоят ая сўзининг қатъйлигини таъкидламоқчилик, чолига лабларини қимтиб қаради.

— Энди-и.., у ерда катта-катта одамлар бўлади. Телвизорда чиқкан шоир Воҳиднинг дадаси шу, деб қанчаси орқа-олдимдан, у ён-бу ёнимдан қаравашар. — Чол ўзича илжаз, кўз қисди: — Битта-яримта бева кампир учраб қолмаса эди ҳали...

— Суюлмай кетинг-да! Украса жон-жон деб...

— Сабзига ким қараб, молларга ўтни ким олиб кела-ди! Уста Мирвали ҳашар қимлоқчи эди, сен борасанми унга!! Шулардан хавотир оламан-да. Кегин, кампир, сендан тузукроғи топилмаса ҳам керак у ерларда...

— Дада, яхшиси, костюм олиб қўяқолсангиз-чи! — деда ичкари уйга кириб китобга мук тушган Камол ширин хаёлларга каманд ташлаб, бир зумгина унут бўлган даҳмазани эслга солди...

— Рост, костюм ҳам тузук. — Аширмат бува «Нима деркан!», дегандек хотининга кўз қирини ташлади.

— Эрта — бозор. Қўлда китељ чиқади — олинг-кўйинг!

— Тўғри айтасан. Топайлик-да, ишқилиб...

\* \* \*

Ота-бала эртасига чайков бозорига боришиди. Одам гавжум. Уларнинг орасидан ёриб ўтишининг ўзи машаққат; яна, аксига олгандек, китељ ҳам топилавермагач, Аширмат буванинг шодон кайфиятига сал соя тушгандек, тани ҳам бўшашгандек бўлди...

Бир маҳал ёқимтой юзли бир кишини учратишиди. У Аширмат буванинг ҳурмат-иззатини жойига қўйиб салом берди, кўшқуллаб кўришиди. Бу одам чолнинг кўзига оловдек кўриниб кетди, аллақаерда учратгандек, лекин кимлигини эсләвлмади...

— Тунов куни телвизорда Воҳидни кўрдик! — деди у. — Ҳаммамиз кўрдик, қувондик! Зўр! Аммо-лекигин, маладес ўғлингиз бор-да ҳақиқатан!..

Динча галирди у — таърифу тавсиф, ҳамду сано...

«Яхши одамнинг садағаси кетсанг арзийди!», деб ўйлади Аширмат бува ва уни уйга таклиф қилди. «Бораман албатта!», деди у одам ҳам, қулоқ хайрлашаркан.

Аширмат бува самолётдан тушаётган пайтини, кутиб олувчиларнинг пешибоз чиқишаштанини хаёлан тасаввур эти — энтикли. Камолни қистади:

— Юр, ўғлим, юр! Қарайллик, қидираллик, топилиб қолар...

Камол белбоғ, дўппи, яктак сотувчилардан сўраб-сүриштириб, шопмўйловли бир кишини топди.

— Жо-он ака, битта топиб беринг, жа-а зарур эди! — дея илтимос қилганча аҳволни тушунтироқчи бўлди: — Шу бугуннинг ўзида керак эди-да, ака, дадам эртага Тошкентга кетяптилар...

— Ўғилчанинг олдига! Уша ерда ишлайди, баланд иморатда ўтиради, одамлар қофоз кўрсатиб киришади олдига! — Аширмат бува ўғлининг иш жойини қандай тасаввур этган бўлса, шундай деб қўшимча қилди.

Шопмўйловли киши унга ётибор бермади. Рост-да, баланд иморатда ўтирадими, пастандами, ҳемири фойдаси тегмаса, унга нима!!

У жимжилоги билан бурнининг четини қашиб, ишшайди-да:

— Айтдим-ку, тўртта бор эди! — дея уларнинг олдинан узоқлашмоқчи бўлди. — Эрталаб опчиқувдим, эрталабнинг ўзида сотили-и-б кетди.

— Жо-он ака! — Камолнинг кўнглидан: «Шу одам бир иложини топади!» деган фикр ўтиб, ёлғиз илинжининг барини қўйиб юборгиси келмасди.

— Хў-ўш... — Шопмўйлов киши ҳўшитак чалгандек ғалати овоз чиқарди. — Үндок бўлса, ҳо-ов катта йўл бор-ку!. Ҳа-а, ўшандан пастга қараб кетаверасизлар, ўнг қўлда чойхона келади, орқасига ўтиб, «Иброҳим машиначиники қаерда!», деб сўрайсизлар, кўрсатишади. Ҳамма таниди. У одам ҳам китель тикади, у кишида доим бўлади.

Аширмат бува Камолнинг ортидан хаёл сурив кетаверди...

Иброҳим машиначининг ўйини қийналмай топиши. Уларни чувак юзли, ҷағир кўзлари олма-кесак териб турган қирқ-қирқ беш ёшлар атрофидаги устанинг ўзи қаршилаб, устахонасига олиб кирди,

— Кўкиданми, қорасидан! Иўл-йўлиданми, катақ-катағидан! — дея тахлоғлиқ кителларни бирма-бир кўздан кечириб, иккитасини ажратиб олди.

— Дада, қийиб кўринг, — деди Камол.

— Шундоқ олиб кетаверайлик-да. — Аширмат бува неғадир тарафудудланиб қолди.

— Кийиб кўрілсин, кийиб кўрілсин, каттаси бор, кичиги бор — ҳар хил, кийиб олинсин! — дея уста ҳам қисталанг қилди.

Аширмат бува кийиб кўрди. Машиначи билан Камол унинг у ёқ-бу ёғига ўтиб қарашди.

— Узун экан! — деди Камол.

— Ҳа-а, ҳа! Узун экан, узун! — Аширмат бува шалоплаб турган китель ичиди ўзини ўнғайсиз ҳис этиб, ноқулай аҳволга тушган эди — дарров еча бошлади.

Иккинчисини кийди — тор, учинчиси — калта; бошқаси — ўзи тузуг-у, енги калта... Аширмат бувага сал маъқулдай кўринса, Камолга ёқмас, зум ўтмай навбатдагисини қўлга олишар эди...

Машиначи зўрма-зўраки илжаяр, хуноб бўлаётганини яширмоқчи бўлиб кўзларини олиб қочар эди.

— Қораси яхши, кир олмайди, олсаям билинмайди; кўкининг товланишини офтобда кўрсангиз! — дея паёлай сўзлаб, уларнинг фикрини баттар чалғитарди. — Ҳа-а, асл мол! Олаверинг, куймайсиз! Исполком раиси Орипуф ака ҳам эгниларидаги кителларини мендан олганлар! Бир кун индамай, худди ўз уйларига келгандек бамайлихотир кириб келдилар: «Иброҳим, шундоқ-шундоқ..» Битта китель даркор бўлиб қолди. Ишонч билдириб айтаманки...» «Жоним билан! — дедим дарров. — Ақахонимизга бир хизмат қиссан бахтиёр санайман ўзимни!, — дея гапни келиштириб, қўл қовуштиридим. Бир ҳафтадан кейин келдилар, машиналари дарвозамиз оғзида турди... Ўзлари тортинмай, ҳатто эшикни тақилятиб безовта қилиб ётмай дегандек, остонаян тўппа-тўғри ҳатлаб ўтдилар... «Чойча қиласиз!», дедим базур, савлат ҳам босаркан-э одамни!. «Майли, Иброҳим, ўзингиз тушунасиз, яхши биласиз! — дедилар. — Давлат ишлари, ҳар хил ҳужжатлар... Бошқа

вақт сұхбатлашамиз, гурунглашамиз, ўтиришамиз...» Кегин, агар ишонмасангиз, тепада худо, ўзлари менга елкаларини тутиб турдилар... Кегин, шарақ-шурӯқ бели синмаганлардан чиқаряптилар қарасам... «Э-э!, деб билакларига маҳкам єпишдим. «Иброҳим, яқин бўлиб қолдик, нима камчилик бўлса, тортиналмай бораверинг!», деб қўлимни қисиб қўйдилар, ҳа, рост айтаман, рост!..

— Би-из Тошкентга кетяпмиз! — Аширмат бува унинг сўзини бўлиб «ёқаси маъқулланмаган» кителни еча бошлади. — Катта шаҳар. Ҳар жойдан келган одамлар бор, кўзи тушади... Ӯғилчанинг ҳам иши нозик... Таниш-билиш, дўст-ёрлари ҳам чакана одамларданмас-ди...

— Э-э, демак, ўғилча катта одам эканлар-да! Дуруст, дуруст, Энди, катта одамнинг дадаси ҳам тузукроқ кийиниб, а! Э, зўр, отаҳон, шу зў-ўр! Сизга аталган экан, сизга буюрган экан, қаранг, лоппа-лойиғ-а! Аммо-лекигин, ўн саккиз яшар йигитчадек бўлиб кетдингиз ўзим! Исполком раиси кийиб юргонлари ҳам шунаقا эди шекилли, ҳа, шунаقا эди! Узим кийидирганиман! Сизга ўҳшаб елкаларини тутиб, қўлларини узатиб турганлар. «Асл материал экан», дегандилар кегин, — дея бидирлади уста Аширмат буванинг эгнидаги кителнинг тутмаларини қадаркан.

Аширмат бува: «Шундоқ катта одамнинг дадаси зиёнлик қилаётиди, деб ўйлаб юрмасин қизатлоқ!», деган хәлга борди-да, белбогининг қатидан шоша-пиша пул чиқарди...

\* \* \*

Ота-бала эрталаб жўнаймиз, деб, тайёргарлик кўришадётганди, ҳаллослаганча Саид охун кириб келди:

— Кетяпсизми, Аширмат ака! Воҳиджонга, келинга.. Саид охун сўраб қўйди, дейсиз... Би-ир Охун амакингни ёз, де-енг, солдатликда тушган суратим бор, бераман... Ох-ҳо! Кителлар қуллуқ бўлсин! Орденларни тақинг, чап томонингизга бештасини, ўнг томонингизга тўртласини тақинг! Тўққизта орденим бор, девдингиз-а! Э-э, нега бўлмас экан! Бўлади! Опчиқинг баққа, опчиқинг!

Духоба халтачага солиб қўйилган орден-медаллар Саид охун ёрдамида кителга тақилди.

— Кўрган одам герой келяпти дейди! — Саид охун ўзида йўқ шод, кафтларини бир-бирига ишқаб, оғзи қулоғига етганча Аширмат бувани узоқдан томоша қиларди. — Қоматни кўтаринг сал! Воҳиджоннинг олдига тушадётганингизда мундай юринг, мундай! — Саид охун қўлларини иккى томонга силкиб, турган жойида «шахдам-шахдам» одимлади, кулди.

Аширмат буванинг назарида эса, эгнидаги китель ўзига хеч ўтиришмас, уни шолипоядаги кўриқчидек беўхшов кўрсатар эди.. Унга тобора шундай туюлаверди — ўзини «катта одамлар» даврасида ҳис этиб, у ёқдан-бу ёққа бетоқат юраркан, қўлларини қаерга қўярни билмай саросималанди.

Кителнинг яп-янгилиги, орденларнинг ярқираб жило сочиши уни ўнғайсиз аҳволга солиб қўйган эди.

Саид охун, эрталаб кириб ўтаман, деб кетди. Аширмат буванинг ўйида ярим тунгача чироқ ўчмади. Ҳидоят ая чамадонга гоҳ ёғли патирлардан, гоҳ исариқ, нонижийдадан солмоқчи бўлиб уринар, Камолнинг хуноби ошиб, онаси келтирган нарсаларни четга сурив қўяр эди.

Аширмат бува тонгга яқин кўзи илиниб, бир зум мизғиб олди.

\* \* \*

Хўроз қичқирди. Қишлоқ узра ўйилган кўкимтири парда аста-секин чекиниб, атроф бутқул ёришиди...

Ҳидоят ая ўчоқца ўт ёқиб, қўймоқ пиширди. Аширмат бува бир пиёла чойни иссиқ-иссиқ ҳўплаб, нари-бери та-мадди қилди. Йўлга отланга бошлади.

Аширмат бува кўрпаси олиб ташланган сандал устидаги кителни қўлига олди, орденларини шилдиратиб, у ёқ-бу ёгини айлантириб кўрди, бир муддат қўлида ушлаб тургач, жойига қўйиб, ўлланб қолди.

— Ҳо-ой, бўлмайсизми! Камол қараб қолди-и! — дея пешайвондан Ҳидоят аянини овози эшитилди.

Аширмат бува чўчиб тушди-да:

— Бу ёққа ке, Воҳид! — деб хотинини чақирди.

— Ҳа-а, тақилмаган орденларингиз қолганмикан яна! — Ҳидоят ая шоша-пиша кириб келди.

— Беқасамни опчиқ! — деди Аширмат бува унга қарамай.

— Во-ой, ахир орқаси...

— Нима ишинг бор орқаси билан, опчиқавер!

— Вой, ўлибдими, кўрганлар нима дейди!!

— Нима дерди, Воҳиддек катта одамнинг отаси чопон кияр экан, дейдими! Деса, садқаи сар! Бир умр киймаган нарсани қариганимда кийиб... Қўй, хўроозқандга ўхшаб қолпакман!..

Ҳидоят ая индамай нариги ўйдан тўнни олиб чиқди.

— Енгини тут! — Аширмат бува бурилиб, қўлини чўзди. Ҳидоят ая нима қиларини билмай, бир зум гарангси-

ради, чолнинг ниятини пайқаб турган бўлса ҳам, иккила-на-иккилана сандал устидан кителни олди... Аширмат бува бошинигина ўгириб, қошини керганча, кўзларини чақчайтириди:

— Тўннинг енгини тут, деяпман сенга!

— Буни-чи!! — Ҳидоят ая қўлидаги кителни кўтариб, унга тавна билан қаради.

— Буними! — Аширмат бува беихтиёр илжайди. — Бу ни сандиққа ташла!..

\* \* \*

— Аширмат ака-а, ҳо-ов Аширмат ака!..

Кураш томошасига бораётгандек тўн кийиб чиқкан Аширмат бувани кўрган Саид охун бир муддат шамдек қотди, сўнг ҳовлиқъанча сўзлай кетди...

## Наврӯз

Қишидан чиққан қуёш жилмайди,  
Оlam етди ям-яшиш баҳтга.  
Табиатнинг ўзи билмайди —  
Яшин тушар қайси дарахтга.  
Ёмғирлардан — нурли сочлардан  
Дов-дарахтлар кўкка етгудай.  
Симга қўнган қалдирғочлардан  
Симёғоч шод — илдиз ҳотгудай.  
Ёғолмасдан осмонда ғаддор  
Қор булути юради дайдиб.  
Мўлжал олиб офтобни, қатор  
Кетган қушлар келмоқда қайтиб.  
«Наврӯз!», дея бугун бонг урган  
Ўшал үдум, қадим забондир.  
Баҳор эмас бошингда турган —  
Қишидан чиққан Ўзбекистондир.



УСМОН  
ҚЎЧҚОРОВ



\* \* \*

Гарчи кўклам олис бўлса ҳам,  
Қишига найза санчиб, парчалаб,  
Севинчларни кўргали баҳам  
Үйимизга келар арчалар.  
Анқиб кетар хушбўй яшиллик,  
Ҳамма хурсанд, ҳамма баҳтталаб.  
Ахир, севинчимиз қандоқ яширдик  
Баҳорни соғинган бизлар — катталар!!  
Софинмасанг, муз, қорларнинг  
Таровати, оҳори йўқ.  
Бу дунёда баҳорларни  
Кутмаганинг баҳори йўқ.

Япроқларин тўкар гулкоса,  
Гуллар гўзал, гуллар исматдир.  
Балки хато ушбу хулоса,  
Гўзаллик ҳам оддий нисбатдир.  
Таъкид нисбий, нисбий пушмон ҳам,  
Катталик ҳам, фурсат ҳам нисбий,  
Нисбий ахир дўст ҳам, душман ҳам,  
Қувонч нисбий, гурбат ҳам нисбий.  
Бизлар билган, билмаган хилқат,  
Нарса, тушунчалар нисбатдир.  
Нисбийликка шубҳам йўқ, фақат  
Ватан нисбат эмас, қисматдир.



НОДАР  
ДУМБАДЗЕ

# АБАДИЯТ КОНУНИ

РОМАН

Рус тилидан

Низом КОМИЛОВ

таржимаси

Расмни В. БУДАЕВ чизган

**П**рофессор йигирма икки кун деганда Бачана га түшакда у ёнбошидан бу ёнбошига ағдарилишта рұхсат берди. Энди у тирсаги га таяниб, палатыдаги иккала ҳамхонасими бемалол күра оларди. Кейинроқ шифобашш бадантарбия тайин қылindi, бу шундан иборат эдикті. Бачана икки ҳаfta давомида бармоқларини ёзиб-туғиб туриши лозим эди. Үнга ўтиришга ижозат берилған куни — биринчи «рухсатнома» текканидан кейин орадан йигирма кун үтгач — палатага шундай сулув бир қыз кириб келдікі, анграйиб қолған Булика мұраббо солинган банкани құлидан тушириб юборди. Құкиштоб-қора сочли, құзлари күм-күк бу фаришта Бачананинг карапоти четига ўтирганида ҳазрат Иорам бир чүқиндио ох тортиб қўйди.

— Хўш, эндиям худонинг борлигига ишонмайсизми, ҳурматли Бачана!

— Ишонаман, отахон, агар туш бўлмаса, албатта! — деб жавоб берди қизнинг ҳусн-жамоли ва журъатидан ҳайратда қолған Бачана.

— Тушимда бўлса-да, менинг ҳам карапотимга ўтирса бас! — деди Булика ва шундагина қошиқ ҳануз оғзида эканини пайқаб қолди.

— Сизнинг ёнингизга ҳам ўтаман! — деди қиз бепарво.

— Кутаман, асал қыз, кутаман! — деб шоша-пиша таклиф қилди Булика.

— Салом ўртоқлар! Менинг исмим Кетеван, фамилиям — Андроникашвили. Касалхонанинг шифобашш бадантарбия бўйича бош инструктори бўламан! — дей ўзини танишидири қиз.

— Шунақа дент? Врачларимизнинг эс-ҳуши қаёқда? Нега бизни ҳар хил пантопон, персантин, интенсайнлар билан қийнашади? Сизга ўхшаган жононнинг палатамизга бир марта ташрифи ўнта бўлмаса ҳам, камида бешта уколнинг ўрнини босади-ку! — деб хитоб қилди Булика.

Киз мамнун жилмайди.

— Ҳурматли Бачана! Қаранг, куляпти! Ушлаб қўринг-чи, агар ғойиб бўлиб қолмаса, тушимиз эмас, ўнгимиз бўлиб чиқади! — деди Булика.

— Мазъур тутасиз! — Бачана қизнинг нозик бармоқларига қўл тегизди. — Суюнавер, Булика, туш эмас экан, тирик мавжудот! — деди у Буликага юзланниб, лекин қизнинг қўлини қўйвормади. Шунда қиз бармоқларини Бачананинг кафтидан аста суруби, унинг билагига қўйди-да, томир уришига караб ҳеч нарсанни аниқлаб бўлмайди! Сал ўзимга келволай... — Бачана яна қизнинг қўлини ушлаб, юрагига босди. — Эшитапсизми, қинидан чиқиб кетай деяпти?

Бош инструктор Бачананинг билагидан қўлни олиб, митти чучварадай ихчам, чиройли қулоғини унинг кўқсига қўйди.

Бачананинг дами ичига тушиб кетди.

— Нима қиляпсиз, доктор, мени ўлдирмоқчимисиз? — деб шивирлади у ва ҳазрат Иорамга ёлворгандай қараб қўйди. Чол «иложинг қанча» деган маънода қўзларини юмиб, қўлларини икки томонга ёзди.

Давоми. Воши журналнинг 9-сонида.

Бир оздан сўнг қиз қаддини ростлаб, бутунлай жиддий қиёфада сўради:

— Юрагингизда оғриқ сезяпсизми?

— Оғриқ аллақаон ўтиб кетган, томиримнинг уриши ҳам сиз келмасингиздан олдин жойида эди, энди ҳаммаси қайтадан бошланди... — Бачана чуқур хўрсинди.

— Нима бало, ҳамманлар битта гапни ёдлаб олганмисизлар? — деди қиз афтини буришириб.

— Бошқалар ҳам шунақа дейишяптими? — деб сўради Бачана ҳафасали пир бўлиб.

— Албатта-да! Сиз ёзувчисиз, янгироқ гап топишингиз керак эди! — Қиз истеҳзо билан жилмайди.

— Бундан ортиқ яна қанақа янги гап бўлсин?! — деди Бачана ҳазин инграб. — Кўрятмиз-ку, мен мурдаман, шунга қарамай, сиз билан гаплашяпман...

Қиз хандон отиб кулди:

— Ҳа, буниси чиндан ҳам янги гап!.. Ҳўп, энди ишга ўтайлик! — У Бачананинг бўйнидан билагини ўтказди-да, уни эҳтиётлик билан кўтариб, каравотга ўтиргизиб қўйди. — Хатха-йога ҳақида эшитганимисиз?

Бачана шошиб қолди.

— Ёшлигимда ўқиган эдим, шекилли. Ҳиндларнинг фалсафий-диний таълимоти, шундайми? Махсус жисмоний машқлар ёрдамида руҳ ила тани мукаммаллаштириш... Тўғрими?

— Тўппа-тўғри! — деди бош инструктор. — Ҳозирча хатха-йоганинг оддий усуулларини бажариб турмиз, руҳни мукаммаллаштириш билан эса, бу ердан чиққанингиздан кейин ўзингиз шуғулланасиз...

— Ҳўп бўлади! — деди Бачана итоаткорона бош эгиб.

— «Нилуфар» нималигини биласизми? Лоақал у ҳақда эшитганимисиз? Ҳалиги... Будданинг ўтирган ҳолатини кўрган бўлсангиз керак? Ана шу ҳолат «нилуфар» дейилади...

— Тушунарли...

— Қани, бир уннаб кўрайлик-чи!.. — Қиз халатининг енгини шимарди-да, Бачананинг устидан адёлни олиб ташлади. Бачана хижолат бўлиб, кўли билан шоша-пира ярим-яланғоч баданини яшири. Қиз унга заррача ҳам эътибор бермай, гапида давом эти: — Демак, бундай: ўнг товонимиздан ушлаб, оғимизни чап соғнимизнинг тагига ўтказамиз... — Бачана врачанинг айтганини қилди-ю, бирдан нақадар озиб кетганини пайқади: касалхонага ётмасдан илгари бунақа машқни бирор милиқ ўқтабиб турганда ҳам бажара олмаган бўларди. У шу пайтгача ўзига нотаниш аллақандай енгиллик ва эркинлик сезиб, севиниб кетди.

— Жуда соз! — деди қиз. — Энди чап товонимиздан ушлаб, оғимизни... нима қиласиз?

— Ўнг соғнимизнинг тагига олиб борамиз... — деб давом этирди Бачана ўша оҳангда ва машқни бажаришга киришиб. Аммо бу гал бўлмади. Чап товонини қимирлатиши билан жигари қаттиқ санчиб, бир зумда қора терга ботиб кетди.

— Ўзингизни зўрламанг! — деб огоҳлантириди қиз. — Агар қийналётган бўлсангиз, аввалги ҳолатга қайting! Бачана оёқларини чўзган эди, шу заҳоти анча енгил торти.

— Нима, оғридими?

— Жудаям.

— Ҳечқиси ўй, кўникасиз, — деб тасалли берди қиз. — Энди ётиб, мушакларингизни бўш қўйинг.

Бачана ёстиққа суняди. Инструктор унинг пайларини ушлаб кўриб, бош чайқади:

— Бўш қўйинг, бўш қўйинг! Худди мурдаша ўхшаб ётинг!

— Ие, бу нима деганингиз, азизим! Нариги дунёдан зўрга қайтариб келишиди-ю, сиз бўлсангиз яна ўлдирмоқчисиз-а?! — деб хитоб қилди Булика.

— Ҳиндистону хатха-йогаси чакки эмас экан, қизим, лекин бошқача, христианча машқлар йўқми? — деб гапга аралашди ҳазрат Иорам.

— Христианча машқ — ибодат қилиш-да, одамларни эса фақат ибодат билан тузатиб бўлмайди! — Инструктор ранжиган бўлди.

— Бунинг нимаси бадантарбиядан қолишаркан? Қаранг-а! — Булика қўлларини ёзип, бир неча марта чўқинди. — Эрталабки бадантарбиянинг ўзи-ку!

— Роса қарғардимку-я, сен осий бандани, аммолекин менинг қарғишимизсиз ҳам ўзинг тўппа-тўғри дўзахга йўл тутгансан! — деди жаҳл билан ҳазрат Иорам ва девор томонга ўгирилиб олди.

Қиз Буликанинг каравоти ёнига келди.

— Марҳамат!.. — Булика жой бўшатиб, сал нари сурлиди.

— Раҳмат, ўтирмайман... — Қиз Буликанинг томирини ушлаб кўрди. — Сизники анча дуруст... Машқ қилиб кўрамизми?

— Биласизми, доктор, ҳурматли Бачанани мурдага айлантиргунингизча ўзим машқ қилиб кўрдим.. Бўлмади... Нилуфарга ўхшаб ўтириш қўлимдан келмайди. Агар шу бежирим қулоқчангизни лоақал бир марта юрагимга босмас экансиз, эрингизни ўлдириб, тўппа-тўғри турмага кетавераман. Шу менга нилуфардан осонроқ!

— Бунақа палатани энди кўришим! Беморлар эмас, масхаравозлар йигилган экан. Ҳамширага айтмасам бўлмайдиганга ўхшайди, бир таъзирларингизни бериб кўйсин!

— Фақат кетмасангиз бўлди, нилуфарга ўхшаб эмас, ҳатто қизиб турган товага ўтиришга ҳам розиман! — деди Булика, лекин бош инструктор эшикни қарсилиятб ёпиб, палатадан чиқиб кетди.

— Тағин тирик мавжудот дейсиз-а! — Булика чуқур уф тортди.

— Худди тушга ўхшайди... — деди Бачана.

— Бу аёлнинг кўзида ажинаси бор экан! — Шу пайтгача индамай ётган ҳазрат Иорам Бачана билан Буликага ўгирилди. — Үлай агар, кузидан ажина жилмайиб туриби! — Ҳазрат Иорам яна деворга ўгирилиб олди.

Шифобахш бадантарбия бўйича бош инструктор кетгандан кейин орёдан беш минутлар ўтга, палатага ҳамшира Жена патнис кўтариб кириб келди. Патнисда оппоқ пахтага ўралган учта шприц бор эди.

— Кардиологик саломлар! — деди Жена патнисни столга қўйиб.

— Грузия юрагининг кардиограммасига алангали салом! — деб жавоб қилди Булика.

— Хушабар олиб келдингми дейман, Жена? Кўзларинг ёниб турибди! — деб сўз қотди Бачана.

— Янгилик! — Жена халатининг чўнтағидан чиқиб турган газетани уриб қўйди.

— Қани, қани, сехрода қолган шўрлик йўловчиларнинг чанқофи тезроқ босилсин! — Ҳазрат Иорам унга кўл ҷўзи.

— Олдин укол, янгилик кейин бўлади! — деди Жена қатъий оҳангда. — Қани, тайёрланинглар!

Учовлари бараварига адёлни кўтариб ташлаб, юзтубан ётишиди. Жена Бачанадан бошлади...

— Тепамда ҷарх урма, эй қора қарға, мен сенини эмасман! — деб сўзларни шеърий оҳангга солиб Бачана, нина ўрнини ишқаларкан.

— Азизим Жена, шприцини охиригача ботириш шартми? — деб сўради ҳазрат Иорам ёстиқнинг четига кўз ёшларини артиб.

— Кечирасиз, қаттиқ босворибман, — деди Жена хижолат бўлиб.

— Қанақасан ўзи! Нега ҳар доим менга келганда адашасан? Палатада осий ва шаккоклар қуриб қолганими?

— Сабр туби — олтин... — деб ҳамшира руҳонийни юпатган бўлиб, Буликанинг ёнига келди.

— Олдин игнани кўрсат! — деб тарҳашлик қилди Булика.

— Мана, марҳамат!

— Ҳой, яхшилар! — деб қичқирди Булика. — Агар шу иғна бўлса, унда бигизни нима дейиш керак!

— Бўлди, жонимга тегиб кетди! Ҳар куни шу аҳвол! Ёт! — деб буюорди Жена.

— Пиочокни аввал ўзингга ур, деганлар. Қани, ўзинг бир ётиб кўр-чи! Кўраман диконламаганингни? Қани ке!  
— Тағин йўталиб ўтирма!

— Шу қилганингга чурқ этмайман! — деди Булика ва ёстиқни тишлади. Женя шприцини найзадек санчди.  
— Бўлдими! — деб сўради Булика Женя игна ўрнини артатганди.

— Бўлди!

— Узим аҳмоқман! Медицина институтига кирмайманми? Бошқалардан қаерим кам? — деб ингради Булика Женя кета бошлади.

— Янгилик-чи! — деда қизнинг орқасидан қичқирди ҳазрат Иорам.

Женя газетани руҳонийнинг каравотига ташлади. Чол газетани олиб, кўзойнагини қидира бошлади. Бачананинг сабри чидамай, ўзиникини улоқтириди:

— Менини ҳам плюс уч. Ўқинг, отахон!

— Ҳа, яшанг! — Ҳазрат Иорам ўқишини сўнгги саҳифадан бошлади: — Ҳм, бизнинг «Динамо» «Арапат»га ютқазибди!

— Бор гап шуми? — Булика кўл силтади. — Ютқазишларини билувдим!

— Ҳисоб қанақа? — деб сўради Бачана.

— Иккию ноль! — деди ҳазрат Иорам кўзойнагини слиби.

— Жа-а асабимга тегади-да шу «Арапат». — Булика пешонасига шапатилади. — Йил бўйи фақат бизни ютишга тайёргарлик кўради! Бошқаларга ютқазса, парво ҳам қўлмайди!

— Бизникилар ҳам «Арапат» билан тиззалари қалтира ўйнаждади! — деди ҳазрат Иорам.

— Э, қойилман, отахон! Ўзлари ҳам ишқибоз эканлар-ку! — ҳазиллашди Булика.

— «Минг қўлса ҳам одамлармиз, табиатнинг ожиз бандаси...» — деда ҳазрат Иорам Николоз Баратавилидан<sup>1</sup> далил келтириди.

— Агар менинг қўлимда бўлганда, командаларимиздан биттасини фақат тбилисилик арманлардан тузарадим... Шунақа зўрки улар! «Арапат»га кўрсатиб қўйишарди ўйин қанақа бўлишини... — деди Булика хаётчан.

— Отахон, бошқа саҳифаларни ҳам ўқинг-чи, футбол ҳам янгилик бўлдими?! — деди Бачана. Ҳазрат Иорам газетани варақлай бошлади, биринчи саҳифага етганда бир оз гарангсиб турди-ю:

— Ишонмайман! — деда хитоб қилди ва газета билан кўзойнакни Бачанага отди.

— Нимага ишонмаймиз? — деб сўради Бачана кўзойнагини тақаркан. Лекин шу заҳоти ўзи ҳам: — Бўлиши мумкин эмас! — деб юборди.

— Нима бўлиши мумкин эмас? Уруш бошланибди? — деди ўтакаси ёрилиб Булика.

— Небиериждени ишдан олишибди! — деб жавоб берди Бачана газетадан кўз узмай.

— Небиерижде? Қайси?.. Ҳалиги... — Булика ҳангуманг бўлиб қолди.

— Ҳа, ўша...

— Во-о-ой... — Булика бошини сарак-сарак қилиди. — Кўп одамнинг пайтавасига курт тушадиган бўпти-да...

— Ростини айтсан, сира кутмаган эдим... — деди Бачана ўйчан киёфда газетани бир четга кўяркан.

— Ана холос... Кечагина қандоқ одам эди-ю... Бугун қарасонг... Тушунолмай қолдим! Ишонгим келмайди! — деди ҳазрат Иорам

— Ишдан бўшатишибдими ёки озод қилишибдими? — деб сўради Булика.

— Нима фарқи бор, Гогилашвили? Бўшатишибдими, озод қилишибдими нима? Энг муҳими — кеча бор одам, бугун йўк! — деди қулочини ёзиб ҳазрат Иорам.

— Нега фарқи бўлмас экан! — Булика ҳазрат Иорам томонга ўгирилди. — Озод қилиш дегани нима ўзи? Бу дегани одам оғир аҳволга тушиб қолган, ке-

<sup>1</sup> Николаз Баратавили (1817–1845) — Грузиянинг буюк романтик шоири.

чаю қундуз исканжада яшайди... Шунда кимдир ёрдам қўлини чўзиб, уни озод қилади... Мана, масалан, Африкани олайлик... У ердаги ҳалқ азоб-үқубатда кун кечиради, демак, уни озод қилиш керак!. Бўшатиш дегани-чи? Бўшатиш дегани — креслога елимдай ёпишиб олган одамни бамисоли мурватдай бураб ёки михдай суғуриб олиб ташлаш дегани... Тушундингизми?

— Бу ерда «Озод қилинди», дейилган, — деди Бачана.

— Демак, аҳволи оғир экан, шунинг учун озод қилишибди...

— Иши прокуратурага оширилибди... — деда қўшиб қўйди Бачана

— Нега энди? — Булика ҳайрон бўлди.

— Пораҳұрлик ва ошна-օғайнигарчиликка қарши чора кўрилмаганлиги, меҳнаткашларнинг шикоятларига лоқайд қараганлиги учун.

— Тўхтанг, тўхтанг, шуларнинг ҳаммасига фақат Небиериждзенинг ўзи айборми?

— Ҳозирча шунақа...

— Қойилман, Небиерижде! Яхши ишлаган экан! Бошқаларнинг кўзи қаёқда экан, бу ҳақда ёзишмабдими?

— Ўзингнинг кўзинг қаёқда эди? — деда Буликанинг гапини бўлди ҳазрат Иорам.

— Менга айтапсизми? — деди ажабланив Булика.

— Ҳа, сендан сўраяпман! Сен ишчилар синфининг вакилисан. Бир одам шунча ножӯя иш қилган экан, сен нега индамадинг, нега кўл қовуштириб ўтидинг?

— Сиёсий саводингиз йўқ, отахон! Биринчидан, мен ишчилар синфидан эмасман, мен майда ҳунармандман. Иккинчидан, мен Небиериждзенинг қабулхонасига қатнайвериб тўзиб кетган пойабзалингизни тузатиш билан овора эдим...

— Унинг менга алоқаси йўқ, — деда қўл силтади ҳазрат Иорам. — Небиерижде — сизларнинг раҳнамонгиз, худога шукр, менинг ўз қодир эгам бор!

— Ҳар турли бошлиқларнинг болаларни чўқинтириб, чўнганингизни қаппайтирангиз майли, а?

— Тентак одамсан, Гогилашвили! Бу ишларнинг ҳаммаси худо ўйлига қилинади! Қанийди, коммунистларнинг барини чўқинтира олсан, нариги дунёда нақ авлиенинг ёнгинасида савлат тўкиб ўтирган бўлардим!

— Ҳай, майли, сизни бу дунёнинг ишлари қизиктирмайди, дейлилк... Лекин сизлар-чи, ҳурматли Бачана? Сизлар қаёқда эдингизлар? — Булика энди ёзувчига ҳужум қила кетди.

— Сизлар, деганингиз ким? — деди Бачана ўзини гўлликка солиб.

— Ким бўларди, ёзувчилар-да!

— Бизми?.. Биз... Қаёқда эдинглар, дейсанми — Бачана қаловланиб қолди. «Наҳотки, кўл қовуштириб ўтирган бўлсак?», деб сўради у ўз-ўзидан, лекин таскин берувчи бирон бир жавоб тополмагач, таассус билан деди: — Биз, азизим Булика, сенинг ёнингда ўтириб, ўша тўзиб кетган пойабзалин тузататевудик...

— Мана бу бошқа гап! — Булика яйраб кетди. — Хўш, энди уни нима қилишибади?

— Жазолашса керак-да...

— Нима учун?

— Айтдим-ку нима учунлигини...

— Демак; у ҳеч нарсага тушунмас экан, ҳеч нарсани билмас экан-у, шунга қарамай, раҳбарлик қила-верган экан-да?

— Шунақага ўхшайди...

— Ўхшайдими ёки шунақами?

— Шунақа!

— Энди мендан эшитинг. Модомики, шунақа экан, у ҳолда уни мукофотлаш, миннатдорчилик билдириш, яхши пенсия тайинлаш, ана ўшандан кейин иккала юзидан чўлл-чўлл ўлиб, қўлини маҳкам қисиб хайрлашиш керак эди!

— Қайси хизматлари эвазига? — деда астойдил таажубланди Бачана.

— Қайси хизматлари, дейсизми? — Булика каравотга ўтириб олди. — Мана, сиз — ёзувчисиз, редакторсиз, ҳурматли Бачана Рамишвили. Мағриб билан Машрик

қаёқдалигини ҳам тузук-қуруқ билмайсиз, умрингизда на денгизни, на пороходни кўргансиз, дейлик... Ана шундек одамни кўнлардан бир кун юкорига чақириб: «Ўртоқ Рамишвили! Мана сизга пороход, сизни капитан қилиб тайинлаймиз. Мана шу пароходни бутун экипаж аъзолари, йўловчилари, ичидағи юк-пуклари билан Одессадан Архангельскка олиб борасиз!», дейишади. Сиз йўлга тушасиз.. Бир кун сузасиз, икки кун сузасиз.. Кема чайқалади, тўлқин йўловчиларни коптоказдай у бортдан бу бортга отади, қусмаган одам йўк... Хулласи калом, шарти кетиб парти қолган пароходда бир амаллаб Архангельскка етиб борасиз. Қани, менга айтинг-чи, денгиз ишидан тамомила бехабар сиздай бир одамнинг кемани чўқтириб юбормай, манзилга етказиб келиши мукофотга арзийдими, йўқми? Арзиди!— дэя ўзи саволига ўзи жавоб борди Булика. Бачана қулиб юборди.

— Отахон, нега куляптилар бу киши? — Булика ҳазрат Иорамга юзланди.

— Гапинг тўғри, Булика! Ўша жоҳил одамнинг капитан қилиб тайинлашашётгандарнида йўқ дейиши керак эди, ҳой биродарлар, мени бу ишга ақлим етмайди, бошқа одам топинглар, деб тўғрисини айтиши керак эди!

— Эҳтимол, айтгандир-у, лекин қулоқ солишимандир? Хўп, деявер, ўзимиз ёрдам берамиз, дейишгандир. Шунинг учун ҳам қўнақолган. Иннайкейин капитанлик лавозимидан воз кечиш ҳам осон иш эмас. Бунинг устига, ундан олдингиси ҳам ҳаминқадар одам бўлган... Сизларда-чи... ёзувчилар орасида йўқми бунақа нарса? — Булика яна Бачанага мурожаат қилди.

— Афуски, бор. Бор бўлганда ҳам тез-тез учраб туради.

— Ана холос! Бу ёғи қандоқ бўлди?

— Қандоқ бўларди? Ҳар ким ўз ишини қилиши керак. Илло, улуф Руставели бежиз айтмаган:

Биз ёзмишнинг инъомига севинайлик авваидан,  
Жанг—сипоҳга, қўш—дэҳқонга қисмат экан азалдан,—  
деди ҳазрат Иорам виқор билан.

— Аслида, муҳтарам Иорам ота, соқол-мўйловингизни қирдириб ташлаб, бизнинг эътиқодимизга ўтсангиз бўйлар экан — сиздан яхши коммунист чиқади! — дэя ҳазиллашди Бачана.

— Қанақа эътиқод? Коммунизмми? — Руҳонийнинг капалаги учуб кетди.— Бу дунёнинг роҳати деб, оллодан юз ўғиришим керакми? Э-э, йўқ, мени маъзур туласиз!

— Ҳа-а... Бундан чиқди, сиз коммунизм ҳақида ҳатто тасаввурга ҳам эга эмас экансиз, отахон! Коммунизм — бу, боя сиз Руставели тили билан айтган нарсанинг худди ўзгинаси! Коммунизм — фаровонликнинг чўққиси, унда ҳар ким курбига яраша меҳнат қиласи, ўзининг жисмоний ва ақлий имкониятларига мос келадиган иш билан шуғулланади, бу ҳол унга олам-олам маънавий ва руҳий завқ-шавқ, қониқиш баҳш этади!. Биз, коммунистлар, сизларнини инжилигизни ўқиганмиз... Сизлар ҳам бизнинг инжилигизни лоақал бир марта ўқиб чиқинглар, онт ичаман, бундан асло зарар кўрмайсизлар!. Моддий неъматлар ёки, ўзингиз айтганингиздай, қорин масаласига келсак... Нима ҳам дердим... Сиз ҳақсиз! Биз бундан кейин ҳам бу ҳақда бош қотирамиз, қайғурамиз! Чунки инсон, этг аввало, моддий жиҳатдан таъминланган бўлиши керак. Шунда унинг ўй-ҳаёли, руҳий қобилияти, талантни ва бутун хатти-ҳаракати бир бурда нон топишга эмас, балки ундан кўра мухимроқ, олижаноброқ, ва юксакроқ мәксадларга қаратилади! Биз ер юзида рагобат, ҳасад ва хуррезликни эмас, балки озод меҳнат ва тинчликни барпо қиласиз! Бунинг учун, отахон, одамнинг қорни тўқ бўлиши керак! Бизнинг таълимотимиз, бизнинг динимиз мана шу! Бизнинг худомиз ана шундай аник, тайинли, сизларнига ўхшаб осмонда учуб юрмайди! — Бачана сўзини тутади-ю, ҳаяжонини сезидирмаслик учун девор томонига ўғирилиб олди. Лол бўлиб қолган ҳазрат Иорам баҳсни давом эттиришга журъат қилолмади.

— Ҳай, майли, илойим ниятингизга етинг, ҳурматли Бачана! — деди у бўшашибигина ва ўзи ҳам нариги ёнбошига ағдарилди. Лекин бари бир чидаёлмай, қўшиб қўйди: — Дарвоқе, сиздан бинойидек руҳоний чиқиши мумкин экан!

Кечқурун Буликанинг олдига майд-чуйда кўтариб хотини Света келди. У ҳамма билан алоҳида-алоҳида саломлашиб чиқди, ҳамманинг олдига егулик у-бу нарса қўйди, кейин адёлнинг бир четини қайриб, Буликанинг оёқ томонига омонатигина ўтирид.

— Аҳволинг қалай, азизим? — деб сўради у кўнгли севинч ва ғурурга тўлиб кетган эридан.

— Отдайман! — деб жавоб берди Булика ва гапини тасдиқлаш учун пиширилган товуқнинг бир оёғини узуб олиб оғизига тиқди, ҳаш-паш дегунча гўштини ажратиб, қоқ суякни хотинига узатди.

— Тиқилиб қолмагин тағин! — деди Света саросимага тушиб.

— Хотиржам бўл! — Булика товуқнинг иккинчи оёғини ҳам ямлади ва оғизни тўлдириб гапида давом этди: — Ҳуш, хотиним қалай, ҳурматли Бачана?

— Ажойиб!

— Арман қизлари орасида бунақа гўзалини учратмаган бўлсангиз кераг-а?

— Йўқ, учратмаганман...

— Шунақа! Хотиним онадан битта тугилган!

— Тўпла-тўғри! Ахир, ўзинг ҳам чаканамассан-да! — дэя ҳазиллашди ҳазрат Иорам.

— Ҳали ўйнашимни кўрмабсиз!.. Нақ ҳурилиқонини ўзи! — Булика хотинига кўз қисиб қўйди.

— Вайсақилигинг қурсин!.. — Света юзини четга бурди.

— Болалар ҳани? Нега оталарини кўргани келишмади?! — дэя соҳта жиддийлик билан сўради Булика.

— Қаерда бўларди, Автандилжон? Бугун шанба-ку, Нестан инглиз тилида, Тариэл — фортелианога кетган. Булика виқор билан гап бошлади:

— Шу десангиз, ҳурматли Бачана, қизим ташкин ишлар министри бўладиган! Арманчани биладими? Билади! — Булика бармоқларини букиб, санай бошлади: — Грузинча гапирадими? Гапиэрди! Инглизчани ўрганятими? Ўрганяти! Мактабда француз тилини ўқитишидими? Ўқитишиади! Бунинг устига, коровулимиз Фузулийнинг қизи Ганвлеца унга аста-секин курд тилини ўргатяти... Қани айтинг-чи, қайси бир министримиз бешта тилини билади? Жавоб беринг, отахон!

— Яхши қизинг бор экан, илоҳим кўз тегмасин!

— Ўғлим-чи? Ўғлим — Паганини!

— Паганини скрипкачи бўлган, азизим, бизнинг ўғлимиз пиянино чалади, — дэя гапга аралашди эрининг нодонлигидан ўялиб кетган Света.

— Ўргатма! Ким нима чалганини ўзим яхши билади! Паганини мен учун энг олий инсон! Тушундингми? Болани скрипкага ўтказаман! Қайси бирига ҳақ тўлашнинг нима фарқи бор? Ҳуш, сен нима дейсан шунга?

— Ихтиёринг, азизим, билганингни қил, фақат аса-бильашма, худо ҳайрингни берсинг!.. Профессорнинг айтишича, бир ҳафта ичида у сени оёқка турғазармиш, кейинги ҳафтага ўйга руҳсат берармиш. «Фақат бизга қулоқ солса бас», дейди.

— Нима, мен қулоқ солмаётган эмишманми? Берган дориларини ичялман, ҳамма уколларни олямпам... Мана, қўриб қўй.. — Булика шошиб адёлни кўтарди.

— Бекит-э, ўятсиз! — Света довдираб қолди. — Үйда ҳам мана шу аҳвол, айга буюрмайсизлар...

— Э, сиз хижолат бўлмант, ҳаммамизнинг ҳам ахволимиз шу! — деди Бачана уни юпатган бўлиб.

— Бундан ташқари, хотинжон, анчадан бўён туриб юрганимиз профессор билмайди. Мана! — Булика яланочи оёқларини каравотдан пастга туширди, ўйнидан туриб, хона ичида бир неча бор у ёқдан-бу ёққа намойишкорона бориб келди. — Ҳуш, яна нимани кўр-

сатай! — У атрофига аланглади. — Қани, Света, тур ўрнингдан!

Ҳайрон бўлиб қолган хотини ўрнидан турди. Булика уни белидан қулоқлади.

— Қўй! Қўй! Кераги йўқ, қўйвор! — деб қичқирди ҳазрат Иорам, лекин у кечиккан эди: Булика хотинини даст қўтариб, томоғидан чўлпиллатиб ўпди. Света эрининг кутилмаган бу қилиғидан қўйқириб юборди, юзи лавлагидаги қизарби кетди. Булика хотинини яна бир неча марта силкитиб, кейин ерга қўйди.

— Кўрдингларми? — деб хитоб қилди у яшнаб. — Света, кийимларимни опкелавер, эртагаёқ чиқиб кетаман бу ердан! Ётавериш жонга тегди!

Булика каравот четига ўтириди. У ҳансирар, лекин ўзида йўқ, ҳурсанд эди.

— Нима қилиб қўйдинг, тентак! — деди ич-ичидан күйиниб ҳазрат Иорам.

Булика томир уришини санай бошлади. Бир муддат хаёлни бўлмай жим ўтириди-ю, кейин мамнун жилмайди.

— Тамом! Инфарктдан қутулдим! Яшасин ҳаёт! — Шундай деб, у яна хотинига ёпишиди.

— Бўлди энди! Одамлардан уялсанг-чи! — Света эрининг бағридан чиқиб, сочларини тузата бошлади.

Ҳазрат Иорам билан Бачана тескари қарашиб.

— Илгаригидан оғирроқсан! Нега бунақа, а? Иккиси қўлмагин тағин! — Булика қовоғини солиб, қўли билан Светага пўписа қилган бўлди, лекин шу заҳотиёқ унга кўз қисиб қўйди.

— Вой, шўрим! Қулоқларим кар бўлиб қолса майли эди шу галларни эшитгунча! Тилим бор деб вадирайверасанми?! — деди Света жигибийрон бўлиб. Булика қаҳ-қаҳ отиб кулди:

— Карайверинглар энди, жаноблар, томоша тамом!

10

Қўёш улкан кумушранг тўшакда ястаниб ётарди. Унинг боши Қазбек тогининг мангү қорлик билан қопланган ёнбағрида камалакдай товланарди. Мажолсиз қўллари пастга осилиб, шалварб турарди.

Қўёш ҳаёт билан видолашарди.

Бачана, ҳазрат Иорам ва Булика тиз чўкканча жон бераетган олам ҷароғига қўлларини чўзиб, ёлворишарди:

— Бизни тарқ этма, -Қўёш! Ўлмагин, буюк Офтоб!

Уларнинг кўз ўшлари дарёдай бўлиб кўпириб, Кавказиони ёнбағридан шовқин-сурон билан пастга — оппоқ туманга бурканган ерга қараб талпинарди.

Қўёш эса улкан кумушранг тўшакда ётганча, боши узра фарёд чекаётган одамларнинг оҳу зорига унсиз қулоқ тутарди. Эрталаб Офтоб Кавказиони устига кўтарилиди, бор кучини йигиб энди мовий осмонга сапчимоқи бўлиб турган эди, бирдан кўкрагида қаттиқ оғриқ сезди. Аввал бир оёғи, кейин иккинчи оёғига чўккаладио бошини Қазбек бағрига қўйганча қотди-қолди.

Бутун инсоният жон талвасасига тушган Қўёшга изтироб билан тикилиб турарди. Кўча ва кўприклар, дала ва ўйлар, айвону томлар одамга тўла эди. Дараҳтларнинг шохлари болаларга тўлиб кетганидан синиб тушай дерди.

— Бизни тарқ этма, Офтоб! — деб инграрди одамзод.

Аммо одамларнинг ниҳоси унинг қулоғига етиб бормасди. У фақат ўзи томон узатилган ҳад-хисобсиз қўлларни даҳшат тўла кўзларнигина кўриб турарди.

— Нега улар бунчалик безовта? — деб шивирлади Қўёш.

— Улар сендан тарқ этмасликни илтижо қилишяпти! — деб жавоб берди Бачана пиқиллаб.

— Энди кеч... — деди Қўёш. Унинг бир кўзи юмилди.

— Бизни ҳароб этма, эй ҳаётбахш Офтоб! — деб ёлворди ҳазрат Иорам ергача эғилиб.

— Айт, нима сенга азоб беряпти, қаеринг оғрияпти? — деб сўради Булика ҳўрсиниб.

— Мени ер дарди азоблаяпти, — деб жавоб берди Офтоб, — ер дарди!

— Ахир, ернинг дарди ҳам, умри ҳам ўз қўлингда-ку! — деб хитоб қилди ҳазрат Иорам.

— Ер — менинг юрагим, вужудимда фақат ўша яшайди, фақат ўша нафас олади. Қолган барча ҳўжай-рарларим, бошқа барча аъзоларим аллақачон сўнган, ўлган... Наҳотки сизлар, менга топинаётган одамлар, бундан бехабар бўлсаларингиз?

— Унда сен ўзинг кимсан, Офтоб? — деб сўради таажкубда қолган Бачана.

— Мен — муҳаббат ўтида ёниб кул бўлган одамларнинг оташ руҳиман... Менинг ҳаётим севги йўлида жон фидо қилган кишиларнинг руҳидан озиқ олади... Энди менинг ҳам умрим интиҳосига етди, зеро ер юзида муҳаббат булоги қуриди, одамлар севгидан эмас, хусуматдан кўпроқ қирилишпти... Муҳаббатга ҳаёт бахш этинглар, шунда мен ҳам қайта тириламан... Ёлвораман, одамлар, менга ҳаётни, севги булогига ташна инсонларни ҳадя этинглар!. Менга йўқолган муҳаббатимни қайтаринглар, шунда мен ҳам хизматигизда бўлмаман, одамлар! — Қуёшнинг нафас олиши тезлашиб, тўлғана бошлади.

— О, Олам ҷароғи! Биздан юз ўғирма, раҳм-шафқат қил! Бундан кейин бир-биримизни севамиз, ўлимни ҳам муҳаббатга айлантирамиз! Биз, яъни Автандил, ҳазрат Иорам ва мен, муҳаббатингни қайтаришларини сўраб, ер юзида барча одамларга сенинг номинингдан мурожаж қиласми! Имоним комилки, инсоният сенинг чақириғингга лаббай деб жавоб беради, нафрат ва адоватьни маҳв этиб, рўйи заминга яна муҳаббат че-чакларини экади!. Фақат бизга оқ фотихао меҳр-шафқат уруғидан берсанг бас! — деб илтижо қилди Бачана.

Шунда Офтоб Бачананинг бошига ўзининг иссик кафтини қўйди. Бачана вужудига қўёш ҳарорати билан бирга поёнсиз бир муҳаббат ва шафқат туйғуси сингиб бораётганини хис қилди. Офтоб бир сескандию сўнгги бор бир ёришиб... сўнди.

Бирдан Булика ҳали совиб улгурмаган қўёш бағрига ўзини отди ва йиглаб ёлвора бошлади:

— Мени бирга олиб кет, Офтоб! Сенсиз яшаётмайман! Муҳаббатдай мени бағрингга жо қил! Ўтинаман сендан, Олам ҷароғи!

Бачана билан ҳазрат Иорам бу ҳолни даҳшат ичидаги кузатиб туриди. Булика жони узилган қўёш бағрига сингиб, нурга айланди, сўнг Офтоб билан бирга ял-ял товланяётган камалак рангига қўшилиб кетди...

...Исо туғилганига қадар йигирма аср ва у туғилганидан кейин яна йигирма аср давомида Бачана билан ҳазрат Иорам сўнган Қўёшни ер юзида қўтариб юришиди. Улар етим бўлиб қолган фалакка Офтобни ва зулмат қоплаган заминга нур-зини қайтариш мақсадида одамзоддан меҳр-муҳаббат сўраб, дарё-дарё кўзёши тўкишиди. Аммо инсоният миқ этмай, ўз ҳаётининг машъаласи бўлган Қўёшни сўнгги йўлга, қабристонга кузатиб қўйди, зеро Офтоб учун ер юзида муносиб жой топилмади. Ниҳоят, Бачана билан ҳазрат Иорам ниятларига етиб, Қўёшни момик булултардан ясалган тобутга ётқизишганда зим-зие осмонда иккита қора гардиш пайдо бўлди — бири ниҳоятда улкан, иккичиси жуда кичкина бўлиб, каттасининг соясидаги кичиги аранг кўзга ташланарди. Ўз ҷароғидан жудо бўлган одамзод уларга ҳайрат билан тикилиб қолди. Биринчи гардишдан ҳаёт билан видолашган Офтоб, иккичисидан унинг бағрига сингиб кетган Булика қараб турарди. Бачана уларни таниб, ҳўнграб йиглаб ўборди.

— Одамлар, бир-бирларингни севинглар! — деб хитоб қилди у овозининг борича ва музлаб ётган ерга юзтубан йиқилди.

...Шу алғозда қанча вақт ётганини Бачана эслайламади. Баданига сезилар-сезилмас, лекин ниҳоятда та-

ниш тафт ўтганини пайқаганидан сўнг чалқанчасига ётиб, йиғлайвериб хиралашиб қолган кўзларини осмонга қадади. Улкан гардиш энди қизғиши мис тусиға кирган эди. У аста-секин чўққа айланиб, ёришиб борарди. Кичкина гардиш ҳам қизариб қолган эди. Улкан гардиш батамон ярқираб, кўкда яна олдинги Күёшдек чараклай бошлаганидан сўнг кичик гардиш турган жойидан қўзғалиб, яшин мисол пастга — ерга қараб отилди.

Ер юзи яна нурга кўмилди. Кавкасиони тепасида Күёш чараклар — одатдагидан рангларроқ ва заифроқ ҳам, аввалгидаи хуррам кулиб боқар эди. Күёш нафас оларди. Күёш тирик эди.

Шараф бўлсин сенга, севги чироғи! Шараф бўлсин сенга, ҳаёт! — деди Бачана Офтобга қараб... У ҳам йиглар, ҳам кулар эди.

— Бачана!.. Ҳурматли Бачана! Кўзингизни очинг!.. — Кўркиб кетган ҳазрат Иорам Бачанани елкасидан ушлаб қимирлата бошлади.

Бачана ўйонди. Бир лаҳза қаердалигини ва ўзига нима бўлганини англаёлмай, кўзларини катта-катта очганча жим ётди. Бир оздан сўнг ўзига келиб, каравотда туриб ўтириди. Юраги гупиллаб уради. Кун чиққан бўлишига қарамай, палата ичи ҳали нимқорони эди.

— Нима бўлди сизга, ҳурматли Бачана? Туни билан тўлғаниб чиқдингиз, гоҳ кулиб, гоҳ йиғладингиз... Емонрок туш кўрдингизми?

Бачана кўзларини ишқалади, кейин ўзидан-ўзи бир жилмайиб қўйди. Ҳазрат Иорам каравотига бориб, ўрнига чўзилди.

— Туш кўрдим, Иорам ота, шунаقا тушки, ҳатто Коперник ҳам ҳавас қиласа арзиди..

— Қанақа туш экан у?

— Күёшнинг ўлганини кўрдим!

— Нима?! — Ҳазрат Иорам қулоқларига ишонмади.

— Ҳа. Тушимда Күёш ўлган эмиш. Тепасида ким йиғлаб туриби, денг?

— Хўш, ким?

— Сиз, мен ва Булика... Бошқа ҳеч ким...

Ҳазрат Иорам Бачананинг хикоясига хийла вақт жим қулоқ солиб ўтириди. Бачана Күёшнинг сўзларини тақорорлаганидагина беҳол бир чўқиниб қўйди. Кейин кўлларини боши остида, чалкаштирганча шифтга тикилиб қолди.

— Хосиятли туш кўрибсиз, ҳурматли Бачана! — деди руҳоний узоқ сукутдан сўнг.

— Бу билан иккинчи марта кўришим! — деди Бачана.

Орага жимлик чўқди. Бирдан ҳазрат Иорам ўрнидан сакраб турдию оёқ учида юриб Буликанинг каравоти ёнига борди. Булика кўзларини очганча қимир этмай ётарди. Ранги докадек оқариб кетган эди.

— Автандил! — деди ҳазрат Иорам секингина.

Бачана ажабланди — Булика ўзини Автандил деб атамасликларини илтимос қилганидан бери улар бирор марта ҳам бу номни тилга олишмаган эди. Нима учун ҳазрат Иорам ҳозир бунақа қиласи?

— Автандил! — деда тақоролади руҳоний овозини сал кўтариб.

— Ўйғотманг, майли, ухлайверсин... Кейин ўзига айтиб бераман, — деди Бачана.

— Автандил! — Ҳазрат Иорам Буликани силкита бошлади.

— Ўйқуси қаттиқ экан! — деди Бачана.

— Ҳа, қотиб ухлар экан... Сиз ҳам ухланг! Девор томонга қараб, кўзингизни юминг!

— Энди ўйку келармиди!?

— Ухланг деялман, нарёққа ўғирилингударров ухланг! — деб буюриди руҳоний, кейин титроқ кўл билан Буликанинг яхдек юзини юқоридан пастга қараб силади.

— Тинчликми, Иорам ота? — деб сўради Бачана бутунлай бошқа овоз билан ва кўнгли ноҳуш бир нарсани сезиб, чаккалари зирқираб кетди.

— Тушингиз ўнгидан келди... Қуёш ўлди!..

Ҳазрат Иорам палата эшигини очди...

Бачана адёлни бошига ўраб, юзини ёстиқка босди ва томогига қадалиб келган ўкирикни тийиш учун ёстиқ жилдини маҳкам тишлаб олди.

.....

— Ажабо, кўзи очиқ қолган марҳум эгаси деразасини беркитмай ташлаб кетган уйга ўхшайди-я... — деди ҳазрат Иорам Буликанинг жасадини палатадан олиб чиқиб кетишаётганди...

## 11

Меликашвили кўчасида жойлашган дорихона олдида верзлик<sup>1</sup> бир тўда ширакайф ўспирин қизғин баҳса шаршади.

Баҳс ҳашидан<sup>2</sup> бошланди. Цицка, ҳаши — ичкликтан кейинги бош оғригини тарқатиш воситаси сифатидан инсоният кашф этган буюк топилма, деди. Уни Кока билан Коплик қўллаб-қувватлашди. Копака қандиз чойга мойилроқ эди, Бачана фақат «боржоми»ни, Бердзен «набеглави»<sup>3</sup>ни, Датико эса кочъяк билан аспиринни ёқлаб чиқишиди. Гарчи, ҳар бир овоз бेरувчи ўз фикрида қолган бўлса ҳам, расмий саноқдан сўнг, табиийки, Цицка ғолиб деб топилди. Тўғри, бош оғригини қолдиришнинг бирдан бир йўли ҳаммомга тушиш, дегувчи бошқа гуруҳ ҳам бор эди. Лекин бу гуруҳга кирувчи ўспиринлар ҳозир баҳсада иштирок этмайтган, улар мутлақ кўпчиликни ташкил қилгани учун конкурсдан озод этилган эди; дарвоқе, улар баҳсада қатнаша олишмасди ҳам, чунки ўз эътиқдларига охиригача содиқ қолган бу йигитлар ҳозир ҳаммомда чўмилиштаган эди.

Баҳс винога кўчди, лекин узоқ давом этмади — биринчи ўрин яқдиллик билан Кохетиянинг саккизинчи рақамли виносига берилди. Сўнг баҳс, албатта, сиёсатга келиб тақалди. Бу масалада тўла ҳамжиҳатликка эришилмади, бироқ узоқ тортишувлардан сўнг, барҳаёт сиёсий арбоблар ва ҳарбий саркардаларнинг тутган ўрнини қўйидагича белгилашга муваффақ бўлниди:

1. Сталин
2. Черчиль
3. Эйзенхауэр
4. Де-Голь
5. Жуков.

Тўғри, Жуков билан Монтгомери рақобатлашарди, лекин унга иккита овоз етмай қолди, бинобарин, Британия фельдмаршали олтинчи ўрин билан қаноатлашишга мажбур бўлди.

Сиёсатдан кейин футболга гал келди. Бу муаммо силлик ҳал бўлди. Бутун дунёда верзлик ўшларнинг жисмоний ва маънавий талабларига жавоб берадиган биттагина одам топилди. Бу одам — Борис Пайчадзе<sup>4</sup> эди.

Санъат бобида ҳам тортишиб кўришди. Бу баҳсада, одатдагидай, Бердзен устун келди, ғолиблик гултожи Шота Руставели билан Бердзена эркалатиб Микела деб атаган Микаланжелога наисб этди.

...Мунозара иштирокчиларининг ёнидан ҳамманинг юрагига чўғ ташлаб верзлик керосинфурӯш Аполлон Кавжарадзенинг қизи — хипчабел, нозиктомоқ Гурандада товусдай йўргалаб ўтиб кетганида баҳс ирсият ўзанига қараб бурилди.

— Мана шундан кейин ҳам ирсиятни рад этиб кўринглар-чи! — деб хитоб қилди Цицка энтикиб. — Нақ жайроннинг ўзи-я! Фарзандлари қандоқ бўларкан ҳали!

<sup>1</sup> Верз — Тбилисидаги районнинг эски номи.

<sup>2</sup> Ҳаши — Кавказда кенг тарқалган таом.

<sup>3</sup> «Боржоми», «Набеглави» — минерал сувларнинг номи.

<sup>4</sup> Борис Пайчадзе — узоқ вақт Тбилисининг «Динамо» командасини бошқарган машҳур футbolchi.

— Күйсантнг чи, ирсиятнг нимаси! Мени ҳам яхши боқиб, яхши кийинтиришса сүксурдай бўлиб кетаман! — деди Коплик папирос қолдиини ахлатдонга улоқтириб.

— Ҳа-а, ҳақиқатан ҳам зўр қиз! Насли тоза! — Бердзена асосий мавзуга қайтди.— Фақат, керосин хиди анқиб тургани ёмон-да!

— Сизларни олий ўқув юртига ким қабул қилган ўзи?! Каллаварамлар! Ҳеч қанақа ирсият, насл, ирқ йўқлигини наҳотки шу пайтгача билмасанглар! Ҳамма одам баравар, инсоннинг шаклланиши эса турмуш шароити ва тарбияга боғлиқ! Ирқчилик назарияси Гитлерни нобуд қилди, сизлар эса анови нознанин Гурандани деб янга ўша назарияга қайтмоқчисизлар! — деди Кока насиҳатомуз оҳангда.

— Гапини қаранглару! Тағин князъ Амирежиби<sup>1</sup> эмиш! Улсанг бўларди, Кока! — деди бошини сарак-сарак қилди Цицка.

— Тупурдим Амирежибингга! Мен — материалистман!

— Материалист эмас, майпарастан! Билдингми! — Цицка Коканинг оғзидағи папиросини юлиб олди.

— Бемаъни гапларни қўйсанглар-чи! — Бачана бирдан тутикағиб кетди.— Мен отамга ўхшайман, отам бобомга, бобом эса ўз бобосига ўхшайди, хўш, бу ирсият эмасми? Насл дегани шу-да , ахир!

— Тўғри, лекин ҳамма гап наслнинг қанақалиги да-да!

Бошқалар-ку майли-я, аммо Копака<sup>2</sup>ни насли пастликда айблаб бўлмасди. У Грузия тарихи дарслигига сурати босилган Георгий Саакадзенинг<sup>3</sup> нақ қўйиб қўйган нусхаси эди. Ягрини кенг, бурун парраклари худди араб тулпориникидай бўртиб чиқкан, кўзлари каттакатта бу болага уришқоқлида Верздан то Навтлуғигача<sup>4</sup> ҳеч ким бас келомасди.

— Ирсиятни рад этиш ҳаммадан ҳам насли паст одамларга хуш ёқади! — деди Цицка.

— Демак, мен билан Копликнинг наслимиз паст экан-да! Шундайми? — Кока хафа бўлди.

— Ие, эсингни едингми? Ҳеч қанақа ирсият, насл, ирқ йўқ деган ўзинг эдинг-ку! Нега энди жириллайсан?! — деб дўй қилди унга Копака.

— Бас қилинглар! Ана, профессор Имедашвили келяпти, ўшандан сўраймиз! — деда орага тушди Бердзена.

— Ким сўрайди? — деди Коплик.

— Копака. Ичимиизда энг наслдори шу! — деда қочириқ қилди Бачана.

— Нега мен сўрашим керак экан? Ана, Бердзена сўрасин! — Копака таклифни қатъий рад этди.

— Йўқ! Бу шарифни Цицкага бераман. Қаранглар, у тиришқоқ студентларга жудаям ўхшайди! — деб ўзини олиб қочди Бердзена ҳам.

— Бўлти, мен розиман! — Цицка тўдадан ажралиб қора портфелини қўлтиқлаганча шошмасдан келаётган профессор билан учрашишга чоғланиб турди.

Профессор болаларнинг ёнидан, ҳатто уларнинг борлигини ҳам пайқамай, ўтиб кета бошлади. Цицка юргурганча унинг олдидан тўсиб чиқди ва одоб билан салом берди:

— Салом, ҳурматли профессор!

— Салом.

— Кечирасиз, ҳурматли профессор... Бир масалада тортишиб қолувдик... Шунга сизнинг фикрингизни билмоқчи эдик...

— Шу ерда-я?.. Қандоқ бўларкан? — Профессор атроға алланглаб, кўзойнагини тўғрилади.

— Марҳамат, бу ёққа юринг! — Цицка уни қўлтиғидан олиб, ўртоқларининг ёнига бошлаб келди. Болалар профессорга ҳурмат юзасидан ўзларини четроқча олиб, сувоги кўчган девор ёнидан унга жой беришди.

— Эшитаман! — Профессор портфелини бу қўлтиғидан наригисига олди.

— Биласизми, Эквтимз Николаевич,— деда гап бошлади Коплик, — ирсият, яъни насл борми ёки йўқми деган масалада баҳслашиб қолдик. Цицка айтадики...

— Ким? — деб сўради профессор.

— Цицка.

— У нима ўзи?

— Цицка — манови-да! — Коплик ўртоғининг елкасига кўл ташлади.— Ислим Давид, биз уни Цицка деб чақирамиз.

— Хўш-хўш, Цицка нима дейди?

— У билан Колаканинг фикрича...

— Копака қайси бири?

— Анови.

— Паспортида шундай ёзилганми.

— Йўқ, паспорти бўйича — Тенгиз! — деб жавоб берди Бердзена.

— Бу йигит ким? — сўради профессор.

— Бердзена!

— Грекми?

— Йўқ, турялики!<sup>2</sup>

— Нима?

— Грузин.

— Ислим нима?

— Мераб.

— Ўзингизники-чи?

— Коплик.

— Хайрият-э, тўғри исмни ҳам эшитарканман-ку!..

Хўш, нима демоқчи эдингиз, Коплик?

— Ҳали айтдим-ку... Мановилар, табиатда ирсият билан насл мавжуд, дейишяпти, Кока иккаламиз эса...

— Ие, ҳали Кока ҳам борми? Ичи бўшми ёки сув солинганми?<sup>3</sup> — деб сўради профессор ва ўз ҳазилидан ўзи роҳатланниб кулди. Болалар ҳам хоҳолаб юборишиди, улар профессорнинг кўнглини овлаганларидан курсанд эдилар.

— Демак, Кока билан сиз ирқ ва ирсият йўқ, демокчисизлар. Шундайми?

— Шундай, — деди Коплик.

— Тўппа-тўғри!.. Ирқчилик назарияси — илмга зид, реакцион назария. Бу — фашистларнинг назарияси. Лекин ирсият ва унинг ўзгарувчанлигини ўргунувчи генетика келсак, бу бутунлай бошقا масала...

— Кечирасиз, профессор,— деб унинг гапини бўлди Бердзена,— наслдор ҳайвонлар-чи? Зотдор отларни етиширишяпти-ку! Мана, масалан, Александрск борнида наслдор кучукларнинг маҳсус кўргазмасини ташкил қилишади, уларни олтин медаллар билан мукофотлашади!

— Ислмингиз нима эди?

— Мераб!

— Биласизми, азизим Бердзена, кўп асрлар давомида ҳайвонот оламидаги табиий сараланиш оқибатида...

— Ахир инсон ҳам ижтимоий ҳайвон-ку? — Цицка профессор гапини тугатишига имкон бермади.— Қишлоқ хўжалигида селекция, чатиштириш, янги навлар олиш деган гаплар борт-ку?

— Тўхтанглар, тўхтанглар, дўстларим, бу қанақаси — радиога ўхшаб факат гапиракансизлар-у, эшитмас экансизлар-да?! — Профессор қулочини ёзган эди, портфели ерга тушиб кетди.

Шу пайтгача миқ этмай турган Бачана дарров портфелини олиб, профессорнинг қўлтиғига қистириб қўйди ва қимтинибингина:

— Қулогимиз сизда, ҳурматли профессор! — деди.

— А-а... Сизнинг исмингиз нима?

— Бачана.

— Гап бундай, азизларим Бачана, Кока, Коплик, Бердзена, Цицка, Копака! Бундай масалаларни кўчада ҳал қилиб бўлмайди... Марҳамат қилиб, соат бешдан

<sup>1</sup> Амирежиби — қадимги Грузиядаги князлар сулоласи.

<sup>2</sup> Копаки (груз.) — овчарка.

<sup>3</sup> Георгий Саакадзе (1580—1629) — Грузиянинг сиёсий арбоби, атоғли саркарда.

<sup>4</sup> Навтлуғи — Тбилисидаги районнинг эски номи.

<sup>1</sup> Бердзени (груз.) — грек.

<sup>2</sup> Гурия — Грузиядаги облость.

<sup>3</sup> Сўз ўйини: «Кока»— грузинча «кўза» дегани.

олтигача кафедрамга ёки кеч соат ўндан зрталабгача уйимга келинглар. Истаганларингча мунозара қиласиз. Мәъқұлмі? — деб сүради профессор гангиң қолған болалардан.

— Агар мүмкін бўлса, уйингизга борамиз, — деди Бачана.

— Жуда соз.

— Бизни қўшишармикан? — деб сүради Коплик ботинкасига қараб.

— Албатта! Верзлик йигитлармиз, десаларингиз бўлди.

— Хайр, муҳтарам профессор! — деди Цицка.

— Омон бўлинглар! — Профессор бошидаги шляпасини хиёл кўтариб қўйди-да, йўлига равона бўлди. Болалар хурмат юзасидан бош эгиб қўшиши.

— Ажойиб одам-да, бекорга профессор бўлмаган! — деди Цицка музокарага нуқта қўйди.

— Болалар, Марго жинни келяпти! — деб хитоб қилди Бердзена.

Верз бозори томондан, Меликишвили кўчасининг чап ёғидан бутун районга отнинг қашқасидай маълум бўлган Марго қўлларини силкитиб, қувноқ бир қўшиқни куйлаб келарди:

Кема сузар дengизда  
Узоқ ўлқапар томон.  
Совға келтирир менга,  
Омон-омон, ёр омон!..

— Хабарда! Верзлик Марго келяпти! — деди қўшигини ора-сира бўлиб қўяр ва яна давом эттирап эди:

Рақсга тушаман бирга,  
Хоҳ лезгинка, хоҳ танго.  
Келақолинг, кепқолинг,  
Мунтазир сизга Марго...

Марго мааст эди. Уни танийдиганлар жилмайиб саломлашиб ўтишар, кейин орқаларига ўғирилиб афсус билан бош чайкаб қўшишар эди. Бегоналар эса, ақлдан озган, бунинг устига фирт маст аёлга рўбарў бўлишдан қочиб, йўлкадан катта кўчага тушиб олишарди.

Марго болаларга яқинлашаркан, иккала қўлини лабига босди-да, кейин қулочини ёзиб, «ҳавои» бўса йўллади:

— Верзлик йигитларга кайфи ошган Маргодан саломлар!

— Салом, Марго! — дейишиди болалар қўлларини кўтариби.

— Ҳа, қадрдонларим, яна бошларинг оғрияптими? Чўнтакларингда ҳемириям бўлмаса кераг-а? Юринглар мен билан, азизларим, юринглар, Танц-Геуркага тушамиз, сизларга пиво олиб бераман! — Марго сийнанбандидан бир даста ўттиз сўмликни чиқариб, ҳавода силкита бошлади. — Юрверинглар, тортинманглар! Ахир, эртага сизлар ҳам мени меҳмон қилишларинг мумкин-ку!

— Марго, азизим, бор уйингга, дамингни ол... Биз ичадиганимизни иниб бўлдик, — деди Копака мулоиймилк билан.

— О, азизим, қаёққа бораман, ёлғиз бошимни қаёққа ураман! Мени уйингга олиб кет! Эсипаст, дарди бедаво Маргога худди сенга ўшаган одам керак! Ким унга сенчалик ғамхўрлик қила олади?.. Менга уйлан! Раҳм-шафқат қил! Умрим бўйин сенга етишишин орзу қиласан, сен менинг юлдузимсан! Кел, лоақал бир марта бўлса ҳам паҳлавон кўксингга бағримни босай! Ёки сенга муносибмасманми, а? Мана, қаддиқоматимни кўриб қўй, ичкўйлагимни бир кўриб қўй! — Марго бир қўлини белига қўйдию иккинчи қўли билан этагини кўтариб, пастига тўр қадалган қордай оппоқ ичкўйлагини кўрсатди. — Эртага пуштирангини кияман! — Шундай деб, у тезигина кўчани кесиб ўтди-да, болаларнинг олдига келди.

— Бор, Марго, бориб дамингни ол! — Копака аёлнинг елқасидан қучди.

— Менга ҳаммаларинг бараварсизлар, йигитлар! Ҳоҳлаганларингга турмушга чиқавераман! Ҳаммала-

рингни баб-баравар яхши кўраман! Сен нега тишингни ғижирлатасан, Бердзена? Шунинг учун ҳам сен менга керакмассан! Жудаям инжиқсан, ҳаётимни заҳар-закўум қиласан! Цицка — бошқача! У зиёли йигит...

— Ҳаммаларингни баб-баравар яхши кўраман, деган эдинг-ку? — деда гапга аралашди Бачана.

— Ие, сен ҳам шу ердамисан, етимчагинам? Сенингига албатта бораман. Ўзим чўмилтираман, соchlaringни тараф қўяман, қўйлакларингни юваб, шимингга дазмол босаман, кейин қайтиб кетавераман. Кимга ўхшаб қолдинг сен? Ойнага бир қар...

— Бўлди, энди, Марго, бор... Кўряпсанми, одамлар тўпланаяти... Юр, азизим, ўзим кузатиб қўяман... — Копака аёлнинг қўлтиғидан одли.

— Тупурдид одамларга! Яшасин Верзинг йигитлари! — Марго Копакани қучоқлаб, кўксига бошини қўйди-да яна ашуласини бошлади:

Юр, азизим, юргин, кетайлик,  
Икковлашиб дунё кезайлик...

Муюлишга етганда Копака Марго билан хайрлашиб, унинг ўзини қўйиб юборди. То аёл уйига кетаётганига ишонч ҳосил қилмагунча орқасидан қараб турди, кейин ўртоқларининг ёнига келди.

— Қўй, Копака, қўй, аза тутма! — деди Цицка ўртоғининг маъюс бўлиб қолганини қўриб.

Марго Петриашвили кўчасининг охирида, кичкинчикина иккита деразали, ертўлага ўшаган заҳ бир ҳужрада истиқомат қиласарди. Ҳовлидан ҳужрага тўртта ёғоч пиллапоянд тушиларди. Устига оқ чойшаб ёпилган стол, оқиши ҳалқаларини занг босганд темир каравот, шкаф, иккита стул, дазмол ва дазмол босиладиган тахтача — Маргонинг бор-йўқ бисоти шу эди. Ҳужра эшигига ҳовлида ўйнаб юрадиган болалар бўр билан «Жинни Марго» деб ёзиб қўшишган. Аёл уни учириб ташламас, хафа ҳам бўлмас эди.

— Биринчидан, буни фаришталар ёзган, иккинчидан, тўғри гап, — дерди у.

Отасидан эрта айрилган Марго онасининг қўлида якка-ёлғиз фарзанд эди. Ёқимтой, қадди-қомати келишган, бутун маҳалла аҳли суюб-эркалайдиган бу қиз йилдан-йилга очилиб, чиройига чирой қўшилиб боради. Верзиллар у билан фахрланишарди. Бу ҳол 1936 йилдаги ўша машъум кунгача давом этди. Шу куни шаҳарни мисли кўрилмаган сел босиб, Нахаловканинг ярмини оқизиб кетди, Пескидаги тегирмонни таг-туғи билан гумдан қилди, ҳаммомларнинг остки қаватида чўмилаетгандар сув остида қолди. Ўша куни Маргонинг офтоби сўнди, толеи бир умрга қаро бўлди.

Бу воқеадан сал олдинроқ верзлик кампирлар Маргони заргар Гогиянинг эркатой ўғли Ванога унаштириб қўйган эдилар, Шаҳарнинг ўша пайтдаги таомилига кўра, келинин кўрикдан ўтказишарди — қиз ҳаммомда қип-яланғоч бўлиб, ўзини бўлажак қайнонаси, қайнисинглисига кўрсатиши керак эди. Қизнинг бирор нуқсони йўқмикан, тағин алданиб қолмайлик, деган фикрда шундай қилинарди. Қайнона ҳам, қайнисингил ҳам, Маргонинг шўрпешона онаси ҳам бор бўлсин! Шундоқ қизни ҳам текширадими?! Ахир, Марго ҳуррак оҳудай Петриашвили кўчасидан чопиб ўтиб, Меликишвили кўчасига бурилгунча сотувчилардан тортиб дўконларнинг олдида ўймалашиб юрган харидорларгача — ҳамманинг оғзи ланг очилиб коларди-ку!

Хуллас, ўша якшанба куни эрталаб Маргони аёлларнинг ҳаммомига олиб боришиди. Қиз ечиниб, атрофини қора қарғадай ўраб олган аёлларнинг қаршисида фоз турди. Унинг таранг кўксини чўлғаб олган симобий соchlари, мармардай силлиқ бадани, ҳайкал янглиғрасо қадди-қоматини кўрган кампирлар ҳангуманг бўлиб қолишиди. Улар тишлари тушиб, ўрадай бўлиб қолган оғизларини чалпиллатганча қизнинг латофати хусусида бир-бирларига гап маъқуллаб турган бир

<sup>1</sup> Нахаловка, Пески — Тбилисидағи районларнинг эс-ки номи.

<sup>1</sup> «Қочинглар!», «Иўл беринглар!»

пайтда — худди ана шу дақиқада ҳаммомга бало-қазодай сел ёпирлиб кирди. Үтакаси ёрилган аёллар бараварига үзларини ташқарига уриши, аммо эшикни ичкарига тортиш ўрнига, тўс-тўполон билан орқага итара бошлашиб ва шу тариқа ўз йўлларини ўзлари тўсиб қўйишди. Лойка сув бир лаҳзада ертўлага жойлашган ҳаммомни тўлдирди. Дод-фарёдлар тинди... Ердамга чопиб келган одамлар ҳеч кимни қутқара ол-масликларини тушунишиб... Шунда кимdir ертўлалардан бирининг шифтидаги панжарага ёпишиб олган, кўзлари даҳшатдан бақрайиб қолган қизни эслади. Панжарани жойидан кўчиришибди, аммо қизнинг унга чангакдай ёпишиб қолган бармоқларини ажратиб олиш осон бўлмади.

Марго бир ой касалхонада ётди. У ҳеч нарсани — онаси ба бўлажак қариндошларининг ҳалок бўлганини ҳам, ўша кунги даҳшатли селни ҳам эсләётмасди, унинг учун гўё ҳеч нарса рўй бермагандай эди... Врач-парнини барча хатти-ҳаракатларидан наф чикмади — қиз миқ этмай тураверди... Кейин уни руҳий касалликлар шифононасига ўтказишибди. Марго у ерда ярим йил ётди. Ниҳоят, қиз сал ўзига келди, тилга кирди, аммо ақли бир умрга хиралашганини ҳамма тушунди. Шунча вакт ичиди абллаҳ Вано келиндан бир марта ҳам хабар олмади, тақдирни билан қизиқмади, сариқ чақа ҳам юбормади...

Марго уйига қайтгач, бир ҳафтагача ҳужрасига қамалиб ўтириди, ҳеч кимни киритмади ҳам. Бир куни эрталаб қўшнилар қизнинг қўшиқ айтганини эшишиб қолишибди. Эшикни бир амаллаб очиб, ичкарига киришиди. Марго стол ёнида ўтирап, столда икки шиша «сапирави» виноси турар эди. Шишалардан бирни бўш, иккинчиси ҳали тўла эди. Қиз қўшниларни кўриб, бир кулиб қўйди ва яна қўшиқ бошлади:

Рақсга тушаман бирга,  
Хоҳ лезгинка, хоҳ танго.  
Келақолинг, кепқолинг,  
Мунтазир сизга Марго...

Қўшнилар ҳам, таниш-билишлар ҳам ўз ташвишлари билан бўлиб кетиб, аста-секин Маргони унута бошлашибди. Унинг ўзи ҳам ёлғизлика кўнишиб қолди. Аммо ҳаммоманинг ёдидан кўтарилиган қиз бирор марта ҳам кўчага чиқиб тиланчилик қилмади.

У ўзига тўқ оиласларнинг кирчиларини уйида ювиб юрди. Топгани қорнига бемалол етарди. Бора-бора, ўзи ҳам сезмай, ичкиликка ружу қўя бошлади. Қиз доим озода кийинар, ички лиbosларини ҳар куни алмаштирилар эди. Қўлига пул тушиши билан тўйиб ичиб оларди-да, кўчада юриб севган қўшиклиарни айтарди, йўловчиларга, кўриб кўйинглар, дегандай эгнидаги кўйлагини кўз-кўз қиласди. Кўйлакни ким тикканини айтишини ҳам зинҳор унумасди...

Вакт ўтиши билан ичкилик ўз таъсирини кўрсата бошлади. Маргонинг юзи олдинги тиниқлигини йўқотиб, ажин билан қолланди. Энди эрта гулчиган, маст бўлиб кўчада ашула айтиб юрадиган бу аёлни кўрганлар орасида фақат уни ёшлигидан билган, унинг аввали глатофатини унумаган маҳалла қарияларигина ачиниб бош чайқаб қўйишарди.

То маҳалла аҳли ақлдан озган Маргонинг қиликлирига кўникунга қадар шўрпешона қизнинг устидан кулган, уни калака қилган одамлар ҳам бўлди. Шу туфайли Марго сўкинишга ўрганди. Катта кўчанинг ўртасига турив олиб, дилини оғритган одамини шундай беҳаё сўзлар билан ҳақорат қиласарди, йўловчилар кулоқларини беркитиб ўтиб кетишарди. Аммо ёш болага кўзи тушди дегунча дарров жим бўлар ва секин уйига жўнаб қолар эди.

— Фариштанинг кулоғини булғатишга ҳеч кимнинг ҳақи йўқ, ҳатто худонинг ҳам! — дерди у.

Яна бир нарса: Марго шунчалик ноҷор аҳволда яшашига қарамай, бирор марта ҳам қизлик номусига доф туширмади, иффатини йўқотмади. Верэнинг уни танийдиган ҳар бир фуқароси қизнинг фариштадай поклигига қасам ича оларди...

Кечқурун Марго Бачананикига келди.

— Уйдамисан, етимчагинам? — деб қичқирди ва у жавобни ҳам кутмай хонага кирди. Бачана стол ёнида ўтириб ҳалқ ҳўжалигини планлаштиришни ўрганарди — чорсанба куни имтиҳон топшириш керак эди.

— Нима дейсан, Марго? — деди у конспектни бир четга қўйиб.

— Қани, ювадиган нима нарсанг бор? — деб сўради Марго ва конспектни олиб варақлай бошлади.

— Ҳеч нарсанг йўқ. Ҳаммаси эгнимда!

— Қараб кўр, топилиб қолар! — Марго бўш келмади.

Бачана шкафни очиб, иккита эски кўйлак билан роса ўнгуб кетган шимни полга ташлади.

— Эҳтиёт бўлиб юв, сузилиб туриби ўзи, — деб илтимос қилди у ва яна конспектига шўнғиб кетди.

— Наҳотки, конспектинг шунчалик қизиқ бўлса, бош кўтаргинг келмайди-я! — деди Марго девордаги шкафчани очиб.

— Жудаям қизиқ, ундан ташқари яқинда имтиҳоним бор!

— Вой, тентаг-эй! Қизиқ бўлса, ўқиганинг учун пул тўлашармиди, қайтага сендан пул олишарди! — Марго зарда билан шкафни ёпди. — Бўш кутини нима қиласан олиб ўтириб? Ҳовлига чиқариб ташла!.. Ичадиган нарсанг борми?

— Валерьянка бор.

— Валерьянкангни имтиҳон олдидан профессоринга бер!

Марго энгашиб, полда ётган шим ва кўйлакларни олди. Қаддини ростлади-ю, афтини буриштирганча қорнини чанглаб қолди.

— Вой ўлгур-эй, кечадан бери қийнайди-я! — деди у ва кўйлаклардан бирини ёйиб кўриб, бош чайқади: — Нима бу ўзи — кўйлакми ё дастурхонми? Танц-Геурканинг бутун таомномаси ёзилган-ку! Уялмайсанми?

— Уяламан, азизим Марго, лекин иложим қанча?

— Уйлан, тентак, уйлан!

— Шунақа дегин? Хотини нима билан боқаман?

— Бир-бирларинги ейсанлар!

— Бўпти, уйланаман! — дея ваъда берди Бачана. — Кийимларинги эртага кечқурун опкеламан. Беш сўм тайёрлаб қўй! — Марго эшикка қараб юрди. Кейин бирдан тўхтаб, этагини кўтарди-да, чиройли крепжоркет турсигини кўрсатди: — Қани, топ-чи, кимнинг иштони бу?

Бачана елкасини қисди.

— Ташқи ишлар темир йўли маданият министриники — деди Марго ғурур билан ва хонадан чиқиб кетди.

Эртасига кечқурун Марго келмади. «Ичган бўлса, ухлаб ётгандир-да», деб ўйлади Бачана ва ўзи йўлга тушди.

Ҳужра эшиги очиқ эди, чироқ ёниб турарди. Марго тушакда гулдор, пуштиранг тунги кўйлакда ётарди. Унинг юзи қизариб, бўғриқиб кетган, кўзларида ҳовур бор эди.

— Ҳа-а, етимчагинам, келдингми, билувдим келишингни, — дея жилмайди у ва қўлтиғидан термометрни олиб Бачанага узатди. — Ма, қара-чи, қанчайкин? Ўзим ҳеч нарсанг кўрмаямсан, кўз олдимда нуқул сариқ ҳалқачалар айланяпти...

Бачана термометрга қараб, дами ичига тушиб кетди: симобустуни ўттиз тўққизу тўққизда турарди.

— Нима бўлди сенга, Марго?

— Билмайман, азизим... Бир бало ичимни пармалаштага ўхшайди... Вино ҳам, ароқ ҳам кор қилмади... Кечгача аранг чидадим... Мана, энди ётиб қолдим... Қанча бўлти?

— Кўп... — деди Бачана термометрни столга қўйиб.

— Қанча ахир?

— Ўттиз саккис...

— Шиминг билан кўйлакларинг столда турибди. Худога шукр, дазмоллашга улгурдим... Шкафни очсанг, сирка бор, озгина сув аралаштиргин-да, сочиқни

хўллаб, пешонамга қўйиб қўй... Бошим тарс ёрилиб кетай деяпти. Шўрлик бошимга шу етмай турувди Бачана Маргонинг илтимосини бажарди.

— Хозир бориб, бирортасини олиб келаман,— деди у.

— Кимни?

— Дўхтири.

— Э-э, мен телбага кимнинг кўзи учуб турибди дейсан? Уларнинг қўлида соғ одамлар ўлиб кетяптику қаровсиз қолиб... — деда жилмайди Марго.

Бачана индамай ҳужрадан чиқдио Петриашвили кўчасининг этагига қараб чопиб кетди.

Ўртоқлари дорихона олдида нима ҳақдадир баҳслшиб туришарди.

— Марго ўляти! — деди Бачана ҳаллослаб бориб.

— Нега ўлади?! Кеча шу ерда кўрувдик-ку? — Тенгиз ҳайрон бўлди.

— Кўрувдик, лекин ҳозир ўляти! — деб тақрорлади Бачана.

— У нима деганинг? Тушунтириброқ гапирсангчи! — деда жеркиб берди Коплик.

— Айтъяман-ку — ўляти!

— Нима бўлти? — деб сўради Цицка.

— Қорним оғрияпти, дейди. Ҳарорати — қирқ!

— Нима бўлган экан, Датико? — деб сўради Копака.

— Билмайман, Тенгиз. Врач-хирургни чакириш керак.

— Шатиришилиникига борамиз! — деди Кока.

— Шатришвилинг — абллаҳ одам! Текин ҳеч қаёққа бормайди, ҳозир ухлаб ётган бўлишиям мумкин! — Бердзена ижирғаниб, бир четга қараб тупурди.

— Қўйинглар уни! Ҳозир бориб, Вахтангнинг отаси Игнатий амакини бошлаб келаман, у яхши киши! — Цицка шундай дедио тўдадан ажралиб, чопганса кетди.

Беш минутдан сўнг болалар оёқ учуда юриб Маргонинг ҳуқрасига киришди-да, индамай каравот ёнига тизилиши. Аёл ҳамон типириклиб ётарди. Болаларни кўргач, тирсагига сўяниб гавдасини хиёл кўтарди-ю, кейин яна ўзинига ёстиққа ташлаб, ҳўнграб йиғлаб юборди. Сал ўтмай, қандайдир асабий севинч билан кула бошлади.

— Қадрдан укаларим... Сизларни кутган эдим, хато қилмаган эканман... Азизларим... Нега азага келган одамдай тизилишиб турибисизлар? Ўзларнинг эркин хис қилинглар... Илойим бор дардларингиз телба Маргога ўтсин...

— Ташвишланма, Марго, ҳозир Цицка врачни бошлаб келади, — деди Тенгиз базўр.

— Врачни нима қиласман? Мен энди ўлмайман. Оғриқ ҳам йўқолди, ҳароратим ҳам пасайди... — Марго пешонасидаги ҳўл сочиқни олиб, бурчакка улоқтириди. Бачана сочиқни қайтадан ҳўллаб, яна беморнинг бошига қўйди.

— Етимчагинам, йигитларни сен ваҳимага солдингми? Улардан кечирим сўра! Ҳозироқ сўра! Үҳ-хў! Қайси бемордан, айнича, жинни бемордан шунча одам ҳол сўрагани келган?! Яшавор, Марго! Офарин, Марго! — Қиз яна йиғлашга тушди. Болалар нима қилишларини билмай, бошларини кўйи эгганича туришарди. Марго ўзини андак босиб олгач, яна Бачанага мурожаат қилди: — Анови шкафда ёғон қутича бор, ўшани олиб бер... Раҳмат... — У қутичани қўксига қўйди, бир оз ўйланиб тургач, қулоғига тутиб силкитиб кўрди, кейин мамнун жилмайди-да, қопқоғини очди. Қутичада арzon нархли ўзук, исирға, билагузук ва бошқа ҳар хил ялтироқ нарсалар бор эди.

— Мана бу бебаҳо тош Афғонистоннинг пойтахти Кобилдан атайлаб малика Тамарага келтирилган... — Марго қутичадан мовий қўзли, икки сўмгина турадиган жез ўзукни олди. — Буни сенга тақдим этаман, Копака... Уйланганингда келинингнинг ўнг қўлига, ўрта бармоғига тақиб қўй... Маргонинг совғаси, дегин. Яна шунният айтганики, агар мен ёшроқ бўлганимда у қиз сени тушида ҳам кўрмасди... Омадингни берсин!. Ma, ол!..

Тенгиз ўзукни олдио бир ютиниб қўйди.

— Мана бу сенинг хотинингга, князь Кока Амире-жиби, ҳинд маржонидан ясалган исирға... Кўк кўзли, қорасоч, оқбадан аёлларга ярашади... Ma, ол, тортина-ма!.. — Марго Коканинг кафтига ўйинчоқ исирғани қўйди.

— Мана бу тилла билагузук — сенга, Бердзена!.. Догистон заргарлари ясаган... Бунақа билагузук ба-ланда бўйли, кўкси таранг, қоракўз аёлларга мос тушади... Тақдим этаман сенга! — Бердзена Маргонинг қўлидан консерва қутисидан ясалган ҳалқани эҳтиром билан олди-да, чурқ этмай хонадан чопиб чиқиб кетди.

— Бу эса менга! — Марго ипга тизилган кумуш тангаларни қўксига қўйди. — Бу маржонни эсими таниганимдан бўён олиб юраман, шунинг учун ҳеч кимга бермайман... Ҳафа бўлманлар!.. Бачана, яқинроқ кел!

Бачана қизнинг ёнига борди.

— Сенга манави форс зумрадини бераман... Албатта камбағал, етим қизга уйлангин, бошқаси сени тушумайди... Ma, ол, илойим баҳтинг очилсин!. — Бачана Маргонинг қўлидан сим ўтказилган яшил тугмачани олди. — Қолганларини ўзинг тарқат...

Бачана қутичани кўтарганча ҳар қайси боланинг олдига бориб, кўлига илинган нарсани биттадан улашиб чиқди.

— Чарчадим... Бу ўлгур пармалашини қўймаяпти... — Марго инграб, бошини орқага ташлади

— Бир оз чида, Марго, ҳадемай врач кепқолади! Кўрқма! — деди Коплик овози титраб.

— Нега кўрқарканман? Бу кунни кўпдан бўён кутаман, худди қуёш чиқишини кутгандай кутаман... Тезроқ келақолсанг-чи, ажал, нега мени бунча қийнайсан? — Марго қўзларини юмди. Икки юзидан дув-дув ёш оқиб тушди.

— Келди! — деди кимдир.

Хонага профессор билан Цицка кириб келиши. Профессор ҳамма билан боз силкиб саломлашгач, тўппа-тўғри Марго ётган каравот ёнига борди. Болалар шошиб унга стул кўйиб беришиди. Профессор беморнинг томир уришини кўрди, кейин мисдай қизиб ётган пешонасига кафтини қўйди.

Марго қўзларини очди.

— Салом, азизим! — деди профессор кулиб.

Марго қўли билан кўзёшларини артиб, докторга тикилиб қаради.

— Худо хайрингизни берсин, муҳтарам Игнатий! — деди киз жилмайди.

— Исиммни қаёқдан биласиз?

— Сизни ким танимайди! Грузиянинг ярми сиз туфайли у дунёдан қайтиб келган!

— Сал камроғи! — деда ҳазиллашди профессор. — Ҳўш, нима безовта қиляпти, азизим?

— Манови шумтакалар ярим кечада оромингизни бузгани мени безовта қиляпти!

— Буни ўйламанг, — деди профессор, — касбим шу, кундузи ухлайвераман... Қаерингиз оғрияпти?

— Ичим ёниб кетяпти, доктор...

— Қаончдан бери?

— Эрталабдан... Йўқ, кечадан, ўтган кундан бери... Аввал ароқ исчам босиларди... Бугун ётиб қолдим...

— Қани, адёлни кўтаринг-чи! — деди профессор.

Марго болаларга, сўнг профессорга қаради:

— Жинни бўлсалам ҳам, ҳар ҳолда, уяламан, доктор...

— Ҳаммамиз ҳам маълум даражада жиннимиз, лекин ҳеч нарсадан уялмаймиз, — деб тўнғиллади профессор кўриб бўлганда кейингина қиз инграб юборди:

— Ҳамма ерим оғрияпти, доктор, бундан кўра ўлганим яхши...

Профессор адёлни ёпиб қўйиб, беморнинг ўнг тиз-

засини буқди-да, аста-секин юқорига күтариб, қорнига тиради. Марго қынқыриб юборди.

— Профессор шошиб ўрнидан турди.

— Телефон борми?

Цицка Маргога савол назари билан қаради.

— Дугладзеникіда бор,— деди қыз инグラ.

— Дархол «Тез ёрдам»ға құнғироқ қилинглар, Игнатий Жикия илтимос қиляпти, денглар. Тез етиб келишишин!

Цицка чопиб чиқиб кетди.

— Ақволям оғирми, доктор? — Марго ўрнидан туриб, қаравот четига ўтири.

— Ётинг, азизим, сизге қимирлаш мүмкін эмас! — Профессор қызына оқиства ўрнига ётқизиб қўйди. — Шу пайтгача қаерда эдингиз?

— Ҳечқиси йўқ, доктор, ўлим мен учун — байрам. Ўзингизни қийнаманг...

Профессор стол ёнига бориб ўтиридию бошини кафтага тирагчана жим бўлиб қолди.

Кока профессор костюмининг ён чўнтағига сөздирмайгина пул солиб қўйди. Профессор Кокага қайрилиб ҳам қарамай, пулни олиб столга қўйди. Кейин қўйин чўнтағидан бир даста ўн сўмликни чиқариб, ҳалиги пулларнинг ёнига ташлади. Сўнг ўрнидан туриб, хонадан чиқиб кетди. Болалар унга эргашиди.

— Умид борми, профессор? — деб сўради Бердзена.

Профессор бosh чайқади.

— Сираям-а? — деди Тенгиз.

— Бир процент...

— Унга нима бўлган ўзи, профессор?

— Перитонит... Кўричаги ёрилиб кетган... Уч кундан бери шу ахволда юрибди-я... Шунақа ҳам бўладими!..

Ўн беш минутлардан сўнг «Тез ёрдам» машинаси келди. Маргони замбилаға ётқизиб, машинага олиб боришиди. Ҳуқрасидан чиқаётгандан у болаларга юзланди:

— Алвидо, Верзенинг йигитлари! Алвидо, қадрдон укаларим! — Шундай деб, у замбилдан хиёл бошини кўтарида-да, ёлвориб итико қилди: — Ҳаммомга борманглар! Ҳеч қачон ҳаммомга борманглар! Менинг васиятим шу!..

Маргонинг жасадини сесланбада, 1936 йилги тошқин куни Маргонинг ўзи келтирилган ўша касалхона биносидан чиқаришди.

Бутун Верз, Петриашвили ҳамда Меликишвили кўчалари одамга лиқ тўлган, Маргони танийдиганлардан кўра уни танимайдиганлар кўпроқ эди.

Гулга кўмбіш ташланган тобутни Верз довонидан саккис йигит кўтариб бораради, улар билан ёнма-ён яна саккис тобуткаш одимларди. Тобутдан сал олдинроқда гуллар билан безатилган автомашина ўрмаларди. Гул шунақа кўп эдик, гўё улкан жонли гулдаста кабристонга ўз оёғи билан юриб бораётгандай туюларди.

Меликишвили кўчасида ҳаракат тўхтаб қолди. На автобус, на машина, на трамвай юра оларди. Петриашвили кўчаси муюлишига етганда йигитлар беш минутга тўхташди. Аввал битта машина, кейин иккинчиси, сал ўтмай бошқалари ҳам сигнал бошлиди. Бир зумда бутун маҳаллани сурункали садо тутиб кетди.

— Яна қанақа намойиш?! — деб бақирди тасодифан бу машиналар оқимига кириб қолган бошка бир шоффёр кабинадан бошини чиқазиб: — Қачонгача турамиз бу ахволда!

— Сигнал бер! — деди унга шу маҳаллалик бир йигит.

— Нега? — деде ҳайрон бўлди шоффёр.

— Керак!

— Керак деганинг нимаси?!

— Керак деганим — мана! — Йигит кабина зинасига сакраб чиқиб, ўзи сигнални босди.

— Қўлингни торт! Аккумулятор ўтириб қолади!..

— Ҳечқиси йўқ, итариб юргизамиз! — деб жавоб берди йигит сигналдан қўлинни олмай.

— Намунча ваҳима! Қанақа амалдорни кўмишяпти ўзи! — Шоффёр хуноб бўлиб, яна кабинадан бошини чиқазди.

— Верзлик Маргони кўмиямиз...

— Кимни?

— Менга қара, бос дегандан кейин босавермайсанми! — Йигит шоффернинг бошини ичкарига итариди. — Қанақа галварссан ўзи!?

Шоффёр бояги йигит жиҳдий гапиравётганини англаб, бор кучи билан сигнални боса бошлади. Йигит бошка машинанинг олдига борди. Ҳаял ўтмай бу машина ҳам сигнал берса бошлади. Йигит сал узоқлашгач, шоффёр тўнғиллаб қўйди:

— Жанна Д’Аркни кўмишяптими дейман!?

— Йўқ, Марго жиннини кўмишяпти! — деди шу ердан ўтиб кетаётган бир одам.

— Жиннини?! Жиннини ҳам шунча ваҳима билан кўмишадими?

— Бизда шундай! — деб жавоб берди машина ёнида турган мотам иштирокчиларидан бири.

— Қойилман! Бунақа маҳаллада ўлсанг ҳам алам қилмайди! — деб хитоб қилди таъсирланиб кетган шундай деди:

— Маҳалламиз бошига тушган қайғу учун, маҳалламиз кўзёшлари ва қувончи учун, маҳалламизни тарк этган нафосат учун!

Ҳамма ўрнидан туриб, стаканини бўшатди.

Шу куни Танц-Геурка майхонасида бошка бирорта ҳам сўз айтилмади, бирор стакан ҳам вино ичилмади.

— Бўшсан, Рамишвили, бўшсан... — Ҳафсаласи пир бўлган профессор истамайгина Бачананинг имтиҳон дафтарчасини варақлай бошлади. — Нима гап ўзи?

Бачана индамади.

— Сенга нима бўлди, Рамишвили? — Саволига жавоб ололмаган профессорнинг тоқати тоқ бўлиб кетди.

— Тобим қочиб қолди, муҳтарам профессор, яхши тайёрланолмадим...

— Тобинг қочиб қолмаган, анови жинни аёл билан ўралашиб қолгансан! Кеча тобутининг орқасида, худди туғишгандай, баш эгип кетаётганинг кўрмабманми?

— У жинни эмас эди, муҳтарам профессор, — деди Бачана.

— Ким бўлмаса? Шоҳ Ираклийми? Тавба, бутун маҳалла оёқка турбиди-я! Икки соат ҳаракат тўхтаб қолди!

— У хаста аёл эди, муҳтарам профессор, руҳан хаста аёл эди! — Бачана ўпкаси тўлиб кетганини сезиб, ўрнидан турди.

— Қаёқа? — Профессор ҳайрон бўлди.

— Бошка сафар келаман, — деди Бачана аста.

— Сенга бирор яқинлик томони бормиди унинг?

— У менинг опам эди...

Профессор Бачананинг кўзларига тикилиб қаради. Бачана бу нигоҳга бардош беролмай бошини эгди. Орага жимлик чўқди. Ниҳоят, профессор имтиҳон дафтарчасини ёпиб, Бачанага узатди ва:

— Боравер, Рамишвили! — деди ўрнидан туриб, дераза олдига борди.

Бачана дафтарчани чўнтағига солиб, хонадан чиқди.

— Ҳўш, қалай? Неччи бўлди? — Студентлар уни дув куршаб олишиди.

Бачана жавоб бермади. Коридорга бурилмай, зина-поядан чопқиллаганча университет ҳовлисига тушди-да, ўзини бўш скамейкага ташлади. Шу ўтирганча узоқ вақт ўтири, у ҳеч нарсани кўрмасди ҳам, сезмасди ҳам. Анчадан кейин чўнтағидан имтиҳон дафтарчасини олиб, беихтиёри очиб қаради.

...Бу — Бачананинг ҳаётидаги биринчи «беш» эди

У дафтарчасини ёпди, салдан кейин яна очиб қаранг эди, ҳеч нарсани кўра олмади.

Бачананинг кўзлари жиққа ёш эди.  
Бачана йигларди.

12

Буликанинг ўлимидан сўнг профессор Бачана билан руҳонийни ёмон ўй-хаёллардан асрар ниятида палата-га ҳеч кимни ётқизмасликни ва бўш каравотни олиб чишиб кетишни буюрди. Аммо бўш жой бўш каравотдан ҳам совуқроқ кўринар экан.

Ҳар куни эрталаб ўйғонишлари билан Бачана ҳам, ҳазрат Иорам ҳам яқиндагинада Буликанинг каравоти турган жойга беихтиёр қараб қўйишар, юраклари ичичидан зирқираб кетар эди. Кейин, кун бўйи у ёқ-бу ёқдан гаплашиб ётган пайтларида ҳам, гўё мана ҳозир Булика ҳазил аралаш луқма ташлайдигандай жим бўлиб қолишарди.

Бу аҳвол икки ҳафтагача давом этди. Кейин вақт ўз ишини қилиб, Бачана ҳам, ҳазрат Иорам ҳам Буликанинг йўқлигига аста-секин кўнника боришиди...

Бир куни эрталаб ҳазрат Иорам Бачанага кутилмаганда савол бериб қолди:

— Ҳурматли Бачана, сизни Диудуби қабристонига қўйишса керак, а?

Бачана аввалига кулиб юборди, кейин безовталаниб қолди:

— Нима бало, ёмон туш кўрдингизми?

— Шунаقا, лекин тушим сизга эмас, ўзимга алоқадор, — деб жавоб берди ҳазрат Иорам синиқ оҳангда.

— Ундай бўлса, қаерга қўйилишни мендан эмас, сиздан сўраш керак экан... Негадир мугомбирлик қиляпсиз, отахон!

— Топдингиз... Демоқчиманки, мабодо сиз сағана-га қўйилсангиз, менга ҳам ўша ердан, черков ҳовли-сидан икки кулоқ жой топилиб қолар...

— Агар бунақа нуқта назардан қаралса, мен Ёзувчилик союзининг ҳовлисига қўмилишим керак... Ба-шарти, сиз Диудуби черковига нозир бўлиб ишга ўтсангиз, қабрда девор-дармиён қўшни бўлишимиз ҳам мумкин!

— Демак, сизнинг жойингиз тайин, акс ҳолда бунақа ҳазил қўйилсангиз! — деб хулоса ясади ҳазрат Иорам.

— Янглишяспиз!

— Нима учун?

— Чунки Диудуби қабристони тўлиб бўлган. Менинг ерга тикиштиришининг иложи йўқ... Агар тикка қилиб қўмишмаса... Лекин бир нарсага имоним комил: иккада ламизни ҳам қабрсиз қолдиришмайди.

Ҳазрат Иорам оғир хўрсинди.

— Қанақа туш кўрдингиз ўзи, отахон?

— Асти сўраманг!.. Шу пайтгача ўзим жанозасини ўқиб, нариги дунёга йўллашган марҳумлар Ортачала черковининг ҳовлисига тўпланиб, менинг чиқишимни кутиб туришганмиш!

— Хўш, кейин нима бўлди? Чиқдингизми?

— Э-э... мен кўрқоқ, мен нодон... меҳробга яширишиб ўтирганишман... Эсласам, уятдан ерга кириб кетгим ёки ўзимни осиб кўйгем келади!..

— Ўз жонига қасд қилиш, отахон, инсон эркини намойиш этишининг энг олий шакли. Лекин, афсуски, бу нарсани динингиз қатъян манъ қилади, ниҳоятда оғир гуноҳ ҳисоблайди! — деди Бачана жиддий оҳангда.

— Билишимча, ўзини ўлдирган одамга сизлар ҳам чапак чалмайсизлар, шекилли? — деди ҳазрат Иорам.

— Ҳар ҳолда, баъзи масалаларда Фикримиз бир жойдан чиқяпти. Шунинг учун ҳам, сиздан яхши коммунист чиқади, деган эдим-да!

— Агар ёдингизда бўлса, мен сизга, аксинча бўлиши ҳам мумкин, деб айтган эдим! — Ҳазрат Иорам ҳам бўш келмади.

— Кўйам ошикманг бунга, отахон, тағин бутун қавминизни коммунистга айлантивормайин!

— Сиздан кутиш мумкин! Коммунистнинг олдида,

бунинг устига яна ёзувчи бўлса, руҳоний ҳам ип эшолмайди! Менинг биттагина умидим — жоннинг бошқа шамойилда инъикос этишидан. Бу дунёга қайта тирилиб келганингизда, эҳтимол, ана ўшанда ҳақ таолога сифиниб қоларсиз! — Ҳазрат Иорам бир чўқиниб олди.

— Ёзувчи зоти, отахон, ўз ҳалқининг содик ити бўлади... Мен жоннинг бошқа шаклда пайдо бўлишига ишонмайман, мабодо, шундай бўлган тақдирда ҳам, менинг жоним ҳеч шубҳасиз ит қиёфасига киради. Бинобарин, мен ўлтанимдан кейин кўча-кўйда санғиб юрган дайди итларга раҳм-шафқат қилинг, уларга тош отманг, чунки ўша итларнинг бири мен бўлишим мумкин!

— Ажаб гапларни гапирдингиз, ҳурматли Бачана! Аммо-лекин ҳар бир ўлган ёзувчининг жони дайди итлар танасига ўтаверса, бу дунёда яшашнинг қизиги қолармикан? — деди ҳазрат Иорам истеҳзо билан кулиб.

— Қизиги қолмайди, албатта, агар сизнинг жонларингиз бўри қиёфасига кирса!

— Нега энди бўри бўларкан?

— Ўз қавмларидан қочиб, яшириниб олган руҳоний арслон бўлармиди! — деди Бачана кўлгисини аранг бошиб. Ҳазрат Иорам ётган жойида бир қимирлаб қўйди, лекин ҳадегандা жавоб тополмай, нариги ёнбошига ағдарилди.

— Лекин сиз ташвишланманг, — деб давом этди Бачана, — ҳайрли туш кўрибсиз. Юз йил яшайсиз.

Ҳазрат Иорамга сал жон кирди.

— Марҳамат қилиб, айтинг-чи, — деди у, — сизларнинг маъмурятингизга солиштирганда менинг вазифам қайси лавозимга тўғри келади?

— Қавмингизда қанча одам бор?

— Биз диндорларни ҳисобини олмаймиз.

— Ҳа, майли. Черковингиз хайр-садақадан қанча даромад қиласди?

— Хўш, нима десамикин... Ҳар ҳолда, ибодатхона-нинг таъмирига етмайди...

— Қандай кун кечиряпсизлар бўлмаса?

— Давлат пул бериб туради.

— Йўғ-э! Коммунистлар черковга пул берадими?! — деб хитоб қиласди Бачана.

— Нима қипти! Черковни қавмлардан маҳрум қилгандан кейин беради-да...

— Ҳа-а-а... Ундай бўлса, сизнинг вазифангиз, отахон, бизнинг маъмурй тартибларимизга кўра, қишлоқ клубининг мудири лавозимига тўғри келади, — деди Бачана ҳазрат Иорамнинг жамиятдаги ўрнига аниқлик киритиб.

— Куляпсизми?

— Нега энди?

— Диний семинарияни тутагтганман-а!

— Кўпчилик клуб мудирларимиз олий маълумотга, ҳеч бўлмагандан — ўрта маҳсус маълумотга эга! Унвонларини айтмайсизми! Хизмат кўрсатган санъат арбоби, хизмат кўрсатган маданият ходими.. Сизларнинг орангизда лоақал бирорта Республикада хизмат кўрсатган руҳоний борми? Бунақасини эшитмаганман? — Бачана очик-ойдин тантана қиласди.

Ҳазрат Иорамнинг руҳи тушиб кетди.

— Қўйинг, хафа бўлманг! Яхшиси, бизнинг томонимизга ўтинг, сўз бераман: сизни райкомга инструктор килиб тайинлаймиз!

— Ҳурматли Бачана! — Руҳоний астойдил хафа бўлди. — Бу ерга нима учун келгансиз ўзи? Православдинини яксон қилиш учунми ёки инфарктингизни даволаш учунми?! Ўзингиз биз томонга ўтақолинг, сизни ноиб қилиб тайинлайман, ахир ҳоҳласангиз!

— Нега жаҳлингиз чиқади, отахон! Агар таълимингиз тўғри бўлса, ўлганимдан кейин бутунлай сизнинг ихтиёрингизда бўламан. Ўшанда мени нима қилсангиз ҳам ўзингиз биласиз! — деди кулиб Бачана.

— Э, қуллук бўтагинам! У дунёда сиз билан учраш-

маймиз! — дея ҳазрат Иорам бў тақлифни кескин рад этди.

— Нима учун?

— Хомтама бўлманг! Коммунистларнинг тили билан айтганда, таржима ҳолингиз сизни жаннатга тавсия этиш учун асло имкон бермайди. Сиз тўппа-тўғри дўзахга равона бўласиз! Тушундингизми?

— Дўйстлигимиз-чи? Нақотки, у дунёда ошна-оғайнин-гарчилик бўлмаса? — Бачана руҳонийнинг кўнглини юмшатмоқчи бўлди.

— Сиз шайтондан дарс олган одамсиа! Менинг оғайнилигим фойда бермайди...

— Агар тавба қиласам-чи?

— Гуноҳингизни бўйнингизга оласизми?

— Гуноҳим бўлмаса-чи?

— Албатта. Сизда гуноҳ нима қиласин! Дунё ўзингизни, нимаики қиласигиз ҳам сиз ҳақ бўлиб чиқа-верасиз!.. — Ҳазрат Иорам қўл силтади.

— Имони басаломат инсонлар хушбахтдир, отаҳон... Қилаётган ишишимизнинг тўғрилигига бизнинг имонимиз комил!.. — деди Бачана жиддий.

...Палатага ҳамшира Женя кириб келди. Бачана билан ҳазрат Иорам дарров адёлни қайириб, юзтубан ётишида-да, укол қилинадиган жойларини очишиди. Женя хаҳолаб кулиб юборди:

— Бекитинглар, ўтоқлар, бекитинглар! Бу гал кўлимда шприц йўқ... Сизга меҳмон опкеляпман, хурматли Бачана, шу ахволда кутиб олсангиз қандоқ бўларкин!

— Меҳмон? Нима иши бор экан? — Бачана ҳушёр тортиди.

— Соғлиғингиз билан қизиқти... Тувак тураверсинми ёки опчиқиб кетайми? — деди Женя ҳамон кулгисини босолмай.

— Эркакни ё аёлми?

— Аёл. Яқинларнингиздан экан...

— Ундей бўса, тураверсин! — Бачана навбатдаги учрашувга ҳозирланди.

— Хўп бўлади!

Женя чиқиб кетди. Шу заҳоти палатага сочларига оқ оралаган, ўрта ўшлардаги ҳаракатчан бир аёл кирди. Қўлида семиз папкаси ҳам бор эди. У хонанинг ўтасига етганда тўхтаб, бир оз иккиланиб турди-да, сўнг ҳазрат Иорамнинг каравоти томон юрди.

— Салом! Мен ойлангизнинг дўсти Нина Санеблидзе бўлман! — деди у ва тақлифни ҳам кутмасдан руҳонийнинг рўпласига ўтириди.

— Ойламнинг дўсти! — Чол ажабланди.

— Ҳа. Отангиз Ақакий билан менинг дадам Лазарь 1915 йилдан 1916 йилгача Боку саноат техникиумида бирга ўқишган.

— Сиз кимнинг олдига келдингиз ўзи? — деб сўради руҳоний ҳайрон бўлиб ва Бачанага бир қараб қўйди, Бачана афтини буришириб, гаплашаверинг, деган ишорани қилди.

— Кимнинг олдига бўларди? — Аёл ҳам астойидил таъжукбланди. — Сизнинг олдингизга-да!

— Мени танийсизми? Илгари учрашганимисиз? — Ҳазрат Иорам ролга кира бошлиди.

— Ё тавба, бу шунчалик қийин нарса эканми? Ҳаммаёда — радиода ҳам, телевизорда ҳам — фақат сизни ўзитиб, сизни кўрамиз: Бачана Рамишвили, Бачана Рамишвили!.. Лекин сал ўзгарибсиз... Соқол қўйворибисиз...

— Ҳа, палата салқироқ... — Ҳазрат Иорам соқолини бир силаб, адёлга яхшилаб ўранди.

— Албатта! Дард билан ҳазиллашиб бўладими!

— Ҳм... Менинг олдимга бирор иш билан келдингизми, хоним? — Руҳонийнинг тоқати тоқ бўла бошлиди.

— Ҳа. Ахволингиз қалай?

— Раҳмат. Ҳозир анча тузукман... Ўзингиз-чи?

— Менми? Мен ўляпман, адо бўляпман, чўкяпман, ёниб кетяпман! — деди юрагидагини тўкиб солди аёл.

— Менинг қандай ёрдамим тегиши мумкин? — Ҳазрат Иорам ўз хизматини тақлиф қилди.

— Ёрдам дейсизми? Ёрдам керак эмас, мени қутқаринг! — деб талаб қилди аёл.

— Қўлимдан келармикин? — деди иккилангандай бўлди ҳазрат Иорам.

— Вой, у нима деганингиз?! Сизнинг қўлингиздан келмайдими?! Бачана Рамишвилини-я?! Ҳа-ҳа-ҳа! — деда ёлғондан кулид мөхмон. — Сизнинг бир оғиз сўзингиз, тўрт энлик хатингиз, битта қўнғирогингиз...

— Нима илтимосингиз бор! Эшитаман! — Ҳазрат Иорам бу шаддод аёл билан қилаётган сұхбати яқинда Бачана билан муттаҳам тамакифурӯш ўтасида бўлиб ўтган мунозарага ўшшаб кетаётганини пайқади.

— Иккинчи август куни, куппа-кундузи, ҳамманинг олдида ўғлини сўйишиди!

Ҳазрат Иорам таҳта бўлиб қолди.

— Ким? Қаерда? — деди у базўр.

— Виждонсиз пораҳур, эсипаст... Университетнинг бир юзу еттинчи хонасида... — деди аёл йигламсираб ва бидирлаб қўшиб қўйди: — Ундан кейин бирор нарса ўзгарди, деб ўйлайсизм!

— Кимдан кейин? — Ҳазрат Иорам тушунмади.

— Ўшандан кейин! — деб аёл кўзи билан шифтга ишора қилди. — Мениям, ўғлиниям пичоқсиз сўйди, абллаҳ! Бола боёзиши аудиториядан кўлда кутариб олиб чиқишиди... Уч йил-а! Болани уч фандан — грузинча, инглизча ва тарихдан роппа-роса уч йил тайёрланган эдим! Ҳар битта фанга етти юз сўмдан тўлаганман! Мана, оқибати!..

Ҳазрат Иорам аёлнинг ўғли тириклигига ишонч ҳосил қилиб, енгил тин олди.

— Мактабда-чи? Мактабда ўқимаганми ўғлинигиз?

— Ўзингиз ўқигансиз-ку мактабда! Ҳўш, нимани ўргатишиган?

Ҳазрат Иорам жавоб тополмай, ерга қаради.

— Автандилнинг васиятини! ёддан ўқиб бериши талаб қилиди боладан! Ярамас! Имтиҳонга тайёрлангани учун ҳар биттасидан етти юз сўмдан санаб олган ўз ўқувчиларидан сўрасин эди! Автандилнинг васияти-я! Уни Руставелининг ўзи ҳам ёд билмаган, билганда овра бўлиб ёзиб ўтирас эди!

— Йўғ-э, қўйсангиз-чи! — деда эътиroz билдириди ҳазрат Иорам.

— Ҳа, нима? Унинг ўзи ҳам ўша лаънати васиятини ўқимаган! Уйинг куйгур, пораҳур!

— Нега унақа деб ўйлайсиз?

— Ўйлайдиган жойи йўқ буни! Башарасидан шундок кўриниб турниби!

— Ишонмайман! — Ҳазрат Иорам бўш келмади.

— Гаров бойлашамиз! — Аёл чолга қўлини узатди.

— Нимадан? — деда рози бўлди руҳоний ҳам қизиқиб кетиб.

— Ҳоҳлаган нарсангиздан! Умуман, Руставелини, дунё тарихини ва инглиз тилини ёд билган болаларга университетнинг кераги йўқ! Маълумотга, одатда, маълумоти йўқлар муҳтож бўлади! Ана шунақа!

— Хўп. Энди нима қилишимиз керак? — деб ҳазрат Иорам умумий а олий таълим тўрисидаги янги қондалар тарғиботини бўлиб қўйди.

— Менга ёрдам беришингиз керак! — деди аёл.

Ҳазрат Иорам мадад кутиб, Бачанага қаради. Бачана оғизини сочқи билан бекитганча, бош чайқаб қўя колди.

— Қандай ёрдам? — деб сўради руҳоний хуноби ошиб.

— Олий таълим министрининг олдига кирасиз.

— Қасалхонада ётибман-ку?

— Кўнғироқ қилинг ё хат ёзиб беринг.

— Нима деб ёзаман?

— Фалончи менинг қариндошим, мактабда аъло ўқиган, яхши тайёрланган, спортчи, дейсиз... Яна нима?

— Билмайман, — деди зарда билан ҳазрат Иорам.

1 «Автандилнинг васияти» — Шота Руставелининг «Пўлбаро терисини ёпинган паҳлавон» поэмасидаги бир боб.

— Мана, мактаб берган справка. Ўқувчилар спартакиадасида учинчи ўринни олган. Узунликка сакраш — уч метр, баландликка — бир метру ўн етти сантиметр...

— Унақа бўйса, жисмоний тарбия институтига кирақолсин. Манави оғайним спортчи, ёрдам беради! — деда ҳазрат Иорам Бачанани кўрсатди. У юзидағи сочиқни олиб, маъкуллагандай бош силкиди.

— Нималар, деяпсиз?! Жисмоний тарбияга бало борми?! — Аёл Бачанага жиркангандай қараб қўйди. — Мен сассиқ тақа эмас, ўғил ўстироқчиман!

— Нега унақа дейсиз, хоним? — деди хафа бўлиб Бачана. — Думбадзе, Гокиели, Хникина, Джугелилар жисмоний тарбия институтини тутатишган...

— Спорчимисиз? — деда унинг гапини бўлди аёл.

— Ҳа.

— Сиз ҳам инфарктмисиз?

— Ҳа.

— Баттар бўлинг!

Бачана кулиб қўйди:

— Раҳмат!

Аёл ўзининг беандиша гапини силлиқлашга уринди:

— Худо шифо берсин!

— Худога ишонасизми? — Ҳазрат Иорам севиниб кетди.

— Ишонгандарга худо кўп ёрдам берганими? Сиз менга ёрдам беринг, мен учун худо ҳам, халоскор ҳам сиз бўласиз!

— Қўлимдан келмайди, ўлай агар! — деда ҳазрат Иорам оғир уҳ тортиб.

— Депутат, Марказий Комитет аъзоси, редактор бўлатуриб, сизнинг қўлингиздан келмаса, бошқа кимнинг қўлидан келади?.. — Аёл жизғанак бўлиб кетди.

— Менга қаранг, муҳтарам хоним, Марказий Комитетнинг ошна-оғайнингарчилик тўғрисидаги қарорини ўқимаганмисиз? — деб сўради руҳоний асабийлашиб.

— Ошна-оғайнингарчиликнинг нима алоқаси бор? Мен бирор учун эмас, ўз ўғлим учун сўрайлман! — Аёл ҳамон бўш келмасди.

— Иложи йўқ! Бунинг устига, ўғлингизга аллақачон «икк» қўйиб бўлишибди. Келинг, бу ҳақда бошқа гаплашмайлик! — деди чўрт кесиб ҳазрат Иорам ва девор томонга ўгирилиб олди.

— Бўлти, бўлти... — Аёл таслим бўлди: — Унда бошқа масалада ёрдам беринг...

— Яна нима?! — Ҳазрат Иорамнинг жон-пони чиқиб кетди.

— Эшитишимча, Пёрвомай районжрокомининг раиси оғайнингиз экан.., Бошимизда уй ташвиши бор. Қўшнимиз Сололакидан<sup>2</sup> тўрт хонали уй олди. Нимага олди, қайси хизматлари эвазига олди — бу ёғи номаълум... Қисқаси, ўшанинг хонасанни ўзимникига қўшиб олмоқчимис. Ўғлим колониядан хат ёзib, уйланмоқчиман, дебди. Ҳадемай муддати тугайди. Униям ташвишини қилиш керакми, йўқуми? Қилиш керак!. Тўғри, у хонага бошқа даъвогар ҳам бор, лекин адолат билан қаралса, бизники бўлиши керак. Ён томонга зинапоя ўрнатиб, битта эшни очилса, бизнинг ошхонамиз билан ўша хонанинг айвонини қўшнининг икки хонани уйига улавориш мумкин. Қўшнинг Церетели кўчасидан бошқа уй топиб қўйдик. Сал узокроқ, майдони ҳам тўрт метру ўн тўрт сантиметрга кичикроқ, лекин ремонтини ўзимиз қилиб берамиш, эрим текинга телефон ҳам қўйдириб бермоқчи. Ўша уйнинг ёнгинасида бир камалманд, сўққабош кампир яшайди. Илойим умри узоқ бўлсин-у, лекин ҳадемай ўлади. Ўтган ийли эрим унга ўғил тутинган, иссиқ-совуғидан ўзимиз хабар олиб турдимиз. Агар кенжамизни иссиғида кампирнига пропискадан ўтказиб қўймасак, ўша битта хонадан ҳам айриламиз, тушуняпсизми? Бутун меҳнатларимиз зое кетади!.. Битта қўнғирогингиз кифоя, ҳурматли Бачана! Кейин умрбод дую жонингизни қилиб юрамиз!

<sup>1</sup> Нина Думбадзе, Елена Гокиели, Надежда Хникина, Мизия Джугели — донг таратган машҳур спорчилар.

<sup>2</sup> Сололаки — Тбилисидаги районнинг эски номи.

— Яхши бўлардику-я, лекин... мен раисни танимайман-да... — Ҳазрат Иорам пешонасидағи терни артди:

— Сиз танимасангиз, у танийди! — деб хитоб қилди аёл.

— Билмадим-ов... — Ҳазрат Иорам нима қилишини билмай, яна Бачанага қаради. Шўрлик руҳонийга ичи ачиб кетган Бачана энди сұхбатга ўзи аралашмаса бўлмаслигини сезди.

— Мен аниқ биламан, улар бир-бирларини танишмайди!

— Ишонмайман!

— Онт ичаман! — деди Бачана қўлини кўксига кўйиб.

— Балки ўзингиз ёрдам берворарсиз? — Аёл энди Бачана томонга ўгирилиб олди.

— Мен фақат жисмоний тарбия институтидагиларни танимам...

— Эсизгина... Ҳа, майли, келаси йили кенжак ўғлим мактабни тутагади. Ўзи сузишга уста, Кобулетида қирғоздан юз метр нарига сузиб бориб, сув тубидан бемалол тошни олиб чиқаверади! Фамилиянгизни айтвонинг, келаси йили албатта сизни қидириб топаман. — Аёл сумкасидан қоғоз-қалам олди.

— Келаси йилгача тирик бўлсан, албатта...

— Бу томони ҳам бор... Лекин мен омадли аёлман... Ҳар эҳтимолга қарши фамилиянгизни ёзиб қўяверар...

Шу ерга етганда Бачана чидаёлмади, бутун ўйинни барбод қилди.

— Ҳа, майли, ёзинг: Бачана Рамишвили! — деди у ошкого гурур билан.

Аёл кулоқларига ишонмади, оғзи ланг очилиб, қалам ушлаган қўли ҳавода муаллақ қолди.

— Нима дедингиз?!

— Ҳа, фамилиям Рамишвили! — деб тақрорлади Бачана.

— Бу киши ким бўлмаса? — деда аёл ҳазрат Иорамга ишора қилди.

— Бу киши Ортачала черковининг нозири Иорам Канделаки.

Аёлнинг қўли шалвираб тушди, ранги бўздай оқариб кетди.

— Ҳали шу одам, худога ишонасизми, деб сўраб ўтирибдими?

— Менда ҳам қисман айб бор, лекин... — деда ўзини оқлашга уринди ҳазрат Иорам.

Аёл ўрнидан турди. Палатага нокулай жимлик чўқди.

— Инсонпарварлигингиз шуми ҳали? — деди аёл Бачанага еб юборгудай тикилиб.

Бачана индамай елкасини қисди ва тилининг остиға волидол ташлади.

— Масҳараబозлар! — Аёл шундай дедио палатадан отилиб чиқиб кетди.

— Ҳа-... яхши бўлмади, — деда ҳазрат Иорам:

— Жудаям... Ҳаммасига мен айброрман. Кечиринг...

— Кечирдим, илло, ўзимнинг ҳам айбим оз эмас, лекин сизга раҳмим келади! Наҳотки, ер юзида фақат соғлиғингиз билангина қизиқадиган одам топилмаса? — Ҳазрат Иорамнинг овозида шу қадар ҳамдардлик бор эдик, бу гапни эшитиб Бачананинг ўзи эзилиб кетди. — Кўп одам безовта қиласиганга ўхшайди, а? Қанчасига ёрдам беришга ҳам тўғри келар?

— Сизга осон, одамларнинг ўзлари оёғингизга бошурраб, фақат бир нарсани — гуноҳларини сўраб беришни илтимос қилишади.

— Кўпдан бери шу аҳволми?

— Редактор бўлганимдан бери... Агар шу ердан эсон-омон чиқиб кетсам, ҳаммасига тупурман, йиғиштираман бунақа ишни!.. Инсоний қиёғамни йўқотдим, отахон, қандайдир хайр-эҳсон комитетининг раисига айланиб қолдим... Илтимос қиласиганга, одамларнинг жонига тегиб кетдим...

— Хайр-эҳсон — савоб иш, — деда ҳазрат Иорам.

— Тўғри, умрим бўйи одамларга яхшилик қилиб





ўрнига тушмас эди... Кейинрек, менинг номзодимни депутатликка қўйишганда атайлаб райком секретари-нинг олдига бориб, миннатдорчилик билдирибди.

— Йўғ-э!

— Рост. Секретарнинг олдига кириб, шундай дебди: «Грузин ёзувчилари номидан, китобхонлар номидан, қадрдонимиз Бачана Рамишвили ишлаётган газета редакцияси ходимлари ҳамда кўлдан-кўп дўстлари номидан унга билдирилган юксак ишонч учун, ҳурматли Николай Петрович, сизга чин қалдан миннатдорчилик билдираман. Фақат сиздай принципиал, дадил ва олижаноб коммунистигина Бачана Рамишвилиниң ўтмишидан кўз юнгдан ҳолда, фақат унинг шахсий фазилатларига қараб, ҳуқм чиқариши мумкин...» «Қанақа ўтмиши?», деб сўради ҳайрон бўлиб секретарь. «Арзимаган гаплар! Энг муҳими, сиз мана шунаقا икирчикирларга парво қилмагансиз. Масалан, Рамишвилиниң ота-онаси бир вақтлар кувгин қилинган, ўзи ёшлигида турмада ётиб чиқкан... англашилмовчилик орқасида, албатта... Лекин, ўзингиз биласиз, анкета анкета-да... Ёки, айтайлик, яқинда Рамишвили муҳаррирлик қилаётган газетада «большевиклар» деган сўз ўрнига «меньшевиклар» деган сўз ўтиб кетган... Сизнинг инсонийларигиз, принципиалигингиз ҳам шундада... Бунақа фактлардан кўз юниш, ҳали жуда ёш, айтарли хизмати ҳам йўқ бир одамга шунчалик катта ишонч билдириб, таваккал қилиш ҳазил гапми! Бунақа иш фақат сиздай кўпни кўрган, принципиал раҳбарнинггина кўлидан келади. Биз сизни ана шундай коммунист деб биламиш, ҳурматли Николай Петрович! Сизга қандай миннатдорчилик билдириши ҳам билмайман! Раҳмат, минг раҳмат сизга! Мана шундоқ дебди маймун райком секретарига...— деб ҳикоясини тутатди Бачана.

— Ҳозир қаерда у? — деб сўради ҳазрат Иорам бу гаплардан ҳангъян манг бўлиб.

— Ким билади... Эртага менинг кўргани келиб қолиши ҳам мумкин...

### 13

Бачанани партия аъзолигига номзодликка қабул қилиш масаласини райком бюросига қўйишдан олдин уни райкомга сұхбатга таклиф этишиди.

Бачана парткабинетга кириб, узун стол ёнидан жой олган уч нафар эркакка таъзим қилди-да, пойгакка қўйилган стулга омонатгина ўтириди.

— Ўртоқ Рамишвили, бугунги сұхбатимиз расмий характерда бўлади. Мақсад битта: партия ўз сафига кимни қабул қилаётганини яхши билиш керак. Бинобарин, агар эътироуз билдирилмассангиз, сизга бир неча савол берамиш. Эҳтимол, сизнинг ҳам бизга саволларингиз бордир, — деди Бачанага, столнинг ўнг томонида ўтириган киши. Унинг олдида Бачананинг шахсий делоси турарди.

— Марҳамат, бемалол, қандоқ лозим бўлса... — деди Бачана ва юраги гуппиллаб уриб кетганини сезди. Бу сұхбат кўпроқ имтиҳонни эслатарди, фарқи шунда эдики, имтиҳон оловчилар ҳозир ҳоҳлаган фанларидан савол бера олардилар.

— Авваламбор танишиб қўяйлик. Биз — кекса большевиклармиз. Менинг исмим Александр, фамилия Иорданишвили, — деди сұхбатни бошлаган киши.— Булас менинг дўстларим: Вано Бандзеладзе ва Давид Манагадзе.

— Беҳад хурсандман, салом! — Бачана ўрнидан сал кўтарилди.

— Марҳамат, ўтиринг! — Иорданишвилиниң товуши паст, ширали бўлиб, ўзи чўтири, қўйкўз, қирғийбурун киши эди. — Мени бир нарса кизиқтиради: нима учун шу пайтгача партияга ўтмагансиз?

Бачана бу саволни кутиб турган, сийқа жавобни ҳам тайёрлаб қўйган эди: яъни, коммунист деган юксак номга ўзимни ҳали муносиб эмасман, деб ҳисоблаб келардим, демоқчи эди. Лекин бошқача жавоб қайтарди:

— Шу пайтгача мени қабул қилишмаган!

— Нима учун? — деб сўради юзлари қип-қизил, бурни пучук, кичкина кўзлари ўйнаб турадиган Бандзеладзе. Бачана унинг кўзлари қанақа рангдалигини сира илғай олмади.

— Аризамда ҳаммаси ёзилган...

Иорданишвили шахсий делони очиб, Бачананинг аризасига кўз югуртириб чиқди, лекин ҳеч нарса демади.

— Ота-онам бадном қилинган, — дёя қўшиб қўйди Бачана.

— Ҳозир улар оқланган, — деди Иорданишвили шериларига қараб.

— Унда бўлса, комсомолга қанақа қилиб киргансиз? — деб мурожаат қилди Бачанага боши Кавказ овчаркасиникидай катта, соchlари паҳмоқ Манагадзе. Унинг кўзлари жудаям мулойим боқарди.

— Ота-онам қамалганини яширганман...

Суҳбат ўтказётганлар ажабланиб, бир-бирларига қараб қўйишиди.

— Шунақа денг... Мактабдагилар буни билишмасиди? — деб сўради Манагадзе.

— Билишарди. Комсомол комитетининг секретари ҳам биларди.

— У ҳам индамадими?

— Ҳа.

— Нега энди?

— У менинг яқин дўстим эди... Уруш кетаётган оғир йиллар... У пайдада комсомолга ҳўжакўрсинга киришмасди... Буни дўстим яхши биларди...

— Яна ким биларди?

— Ҳамма биларди... Райкомдан ташқари.

— Ҳеч ким сотиб қўймадими?

— Йўқ, ҳеч ким сотмаган! — деб жавоб берди Иорданишвили Бачана учун ва унинг делосини бир четга сурibi қўйди.

— Нима деб ўйлайсиз, ота-онангиз қамалганини билатуриб, сизни комсомолга қабул қилишармиди?

— Йўқ, қабул қилишмасди!

Ҳамма жим бўлиб қолди.

— Айтинг-чи, — деб гап бошлади Бандзеладзе,— юрагингизда ота-онангизнинг алами бўлганми, ҳозир ҳам шу алам туйғуси борми?

Бачана салбий жавоб, бериши кераклигини — йўғ-э, қанақа алам бўлиши мумкин, дейиши лозимлигини биларди. Лекин у тўғрисини айтиши афзал кўрди:

— Бор эди! — деди ва қўллари титраб, қутидан папирос олди.

— Менга ҳам беринг! — дёя қўлини чўзди Манагадзе ички бир ҳаяжон билан. Бачана унга папирос кутиси билан гугуртни узатди.

— Кейин-чи.. Үтиб кетдими ўша алам? — деб сўради Бандзеладзе қутидан папирос олиб.

— Үтиб кетдими... Лекин, орадан кўп йиллар ўтгач, яна пайдо бўлди. — Бачана буруқсатиб ичига тутун тортиди.

— Қаҷон?

— Ота-онамни оқлашганидан кейин. Ўшанда мен суюниш ўрнига қаттиқ ўқсидим... — Бачана папиросини ўчириб, янгисини тутатди. — Чунки шунча йиллар давомида биз ноҳақ азоб тортдик, ноҳақ камситилдик...

— Ҳозир қаерда ота-онангиз? — деб сўради Иорданишвили.

— Улар вафот этишган.

— Ҳозир мана шу кайфият билан партияга киряпизми? — деди Бандзеладзе.

Бачана ўйланиб қолди. Бандзеладзе бетоқат бўлиб, оғзидағи папиросни чайнай бошлади. Сукунат чўзилиб кетди. Ниҳоят, Бачана тилга кирди:

— Биламан, тарих зиддиятларга тўла... Одамлар хото қилишади. Ноҳақ ихтиёрий, ноҳақ ихтиёрсиз... Коин улар ўз хатоларини тузатишади — бирор олдинроқ, бирор кечроқ. Баъзилар, нимаики иш қилган бўлсан — ҳаммаси тўғри деб, шунга астойдил ишониб дунёдан кўз юмишида: уларнинг хатосини келгуси авлод тузатади... Менга ситам ўтказган кишилар

жазоларини тортиб бўлишиди, улар ҳозир абдадийликка юз тутишган... Энди бошқарув ишига янги авлод, менинг тенгдошларим келяпти. Улардан қасос олишга менинг ҳаққим йўқ. Аксинча, олдинги хатоларнинг тақрорланишига йўл қўймаслик учун ҳам мен уларнинг ёнида бўлишим керак. Бунинг устига, улар тутган йўлнинг ҳақлигига ишонаман, бу йўлни ўз йўлим деб биламан. Яна бир нарса, энг муҳими, ёзувчининг субъектив бўлишга ҳаққи йўқ! Объективлик тўйғусини ўзотган ёзувчининг ижоди сариқ чақага ҳам арзимайди!

Бандзеладзе маъқуллаб, бош силкиб қўйди. Иорданишини янги савол берди:

— Владимир Ильич Лениннинг Озарбайжон, Грузия, Арманистон, Догистон ва Тоғ республикаси коммунистларига мактуби билан танишмисиз?

Бачана узоқ йўлаб туриб, жавоб берди:

— Ҳурматли Александр, мабодо ўртоқ Лениннинг бу ёки бошқа хатлари билан таниш бўлмасам, мени партияга қабул қилишадими, йўқми?

Иорданишивили бир фудранди-ю, индамай қолди. Шундан кейин Бачананинг ўзи гапни давом эттириди:

— Сиз мендан фақат ўзингиз билган нарсаларни сўраяпсизми ёки билишим зарур бўлган нарсаларни сўраяпсизми?

— Билиб қўйсангиз чакки бўлмайдиган нарсалар ҳақида сўраяпман, ўртоқ Рамишвили... Бу мактуб бизга ва бизнинг дўстларимизга қаратса ёзилган...

Бачана ноқулай аҳволда қолди. Ўрнидан туриб, бир нима демоқчи бўлган эди, Иорданишивили имкон бермади:

— Хайр, ўртоқ Рамишвили! — деди у ҳам ўрнидан туриб.

Бачана титраб кетди. «Тамом!», деган даҳшатли ўй кечди кўнглидан ва шу оннинг ўзида кўкрагида қаттиқ оғриқ сезди. Стулга ўтириди юрагини чанглаб қолди.

— Нима бўлди сизга? — деди Манагадзе типирилаб.

Бачана бир амаллаб ўрнидан турди.

— Ҳечқиси йўқ, ҳурматли Давид, ўтиб кетади... Мана, ўтиб кетди! — деда жилмайди Бачана.

— Эртага соат бирда масалангиз бюрода кўрилади. Ўйлайманки, ҳаммаси жойида бўлади... Анови хатни ҳар ҳолда ўқиб чиқинг, агар вақт топсангиз... — деб маслаҳат берди Иорданишивили.

— Ҳурматли Александр, «Озарбайжон, Грузия, Арманистон, Догистон, Тоғ республикасидаги коммунист ўртоқларга» деган мактубини Ленин 1921 йилнинг 14 апрелида ёзган, ўша йилнинг 8 майда бу мактуб «Правда Грузии» газетасининг эллик бешинчи сонида босилиб чиқкан...

— Кизиқ одам экансиз, Рамишвили! — деди кулиб Иорданишивили. — Хайр!

— Хайр, сизларга катта раҳмат! — Бачана ҳамма билан қўл бериб хайрлаши-да, парткабинетдан чиқиб кетди.

Роппа-роса соат бирда Бачанани районнинг биринчи секретари кабинетига таклиф қилишди. У кабинетга кириб, узун стол атрофида ўтирган бюро аъзоларига таъзим қилди ва девор ёнига қатор қилиб қўйилган стулларнинг қайси бирига ўтириши билмай, бир оз каловланиб турди. Бундай пайтларда умуман ўтириш мумкини, йўқми — Бачана яхши билмасди.

— Марҳамат, ўтиринг! — деган таниш овоз эшилтиди.

Бачана бошини кўтарди ва шундагина районнинг ёш секретарини кўрди. У ўнг кўзини қисганча Бачанага жилмайиб қараб турарди. Бачана ўртадаги стулларнинг бирига ўтириди.

— Менингча, узоқ таништиришнинг ҳожати бўлмаса керак, — деди райком секретари ўрнидан туриб.

— Бачана Рамишвилини ҳаммамиз яхши биламиз. Бугун у катта оиласизнинг аъзоси бўлляти... Сиз-

ларни ариза, анкета ва тавсияномалар билан таништираман...

— Кераги йўқ! — деди кимdir.

Секретарь Бачананинг шахсий делосини бир четга қўйиб, ўтирганларга мурожаат қилди:

— Саволлар борми?

— Менда савол бор! — деди бюро аъзоларидан бири.

Бачананинг аъзойи бадани музлаб кетди.

Секретарь унга ғалати бир қараб қўйди.

— Марҳамат!

Орага, Бачанага сўнгсиздай бўлиб туюлган қисқа сукунат чўкди.

— Айтинг-чи, ўртоқ Рамишвили, партияга нима мақсадда киряпсиз?

Ҳамма Бачанага қаради. У ўрнидан туриб, рўмолчалиси билан юзини артди, жавоб беришга оғиз жуфтлади-ю, лекин бирдан тўхтаб қолди. Бачана Рамишвилини коммунистлар партиясининг аъзоси бўладими ёки йўқми — ҳозир мана шу масалани ҳал қилаётган одамларга у нима дейиши керак? Бунаقا пайтда қандай жавоб бериш лозимлигини Бачана биларди: партия Устави ва Программасига тўла-тўқис қўшилди, партиянинг барча топшириклиарни сўзсиз бажаради, партия иши учун жонини қурбон қилишга ҳам тайёр, коммунистик жамиятнинг актив қурувчиси бўлмоқчи... — бу гапларни ўёдан биларди, лекин ҳозир шундоқ дейиш унга ўринисиз, кулгили бўлиб туолди. Зоро, бу ишларни бажариш учун коммунист бўлиш шарт эмас. Бундан ташқари, бюро аъзолари орасида унга монелик қиласидаган бирорта ҳам одам йўқ эди... Шунинг учун Бачана:

— Партия сафларида ҳалол одамлар иложи борича кўпроқ бўлишини хоҳлайман, — деди жойига ўтириди.

Кабинет ичидан худди майин шабададек ҳайрат шивири елиб ўтиди. Кейин жимлик чўкди. Бачана бошини куйи эзганча ўтиради. Бир оздан сўнг кулоғига секретарнинг:

— Ўртоқлар, мен Бачана Рамишвилини болалигидан бери биламан, айтишим мумкини, у социдан тирноғигача коммунист, — деган сўзлари эшилтиди. — Шу сабабли аллақондан бери уни коммунист деб ҳисоблайман ва номзодини батамом қўллаб-қувватлайман. Бачана Акакиевич Рамишвили Совет Иттифоқи Коммунистлар партияси аъзолигига номзодликка қабул қиласин, деган ўртоқлар кўл кўтарсин.

...Шунда партия тарихида бирор марта ҳам учрамаган ҳодиса юз берди: бошқаларга қўшилиб, Бачана Рамишвилининг ўзи ҳам қўлини кўтарди.

14

Тбилисида икки кун тинимсиз лайлаккор ёғди. Транспорт ҳаракати тўхтаб қолди. Қўчалар шўх-шан овозларга, шодон қаҳқаҳаларга, тийғаниб йиқилган одамларнинг хитобларию қорбўрон ўйнаётган ёш-ялангнинг қийқириклариға тўлиб кетди. Ҳаво тозаланиб, аллақандай енгил ва totли таъм касб этиди. Гўё оқбадан Тбилиси қор маликаси янглиг ўз қўчаларида сайр этиб юрар, бемаврид оқарган кумушранг сочларини шаҳар аҳолиси олдида кўз-кўз қилар эди.

Кеч соат тўққиздан ошган эди. Бачана пальтосининг ёқасини кўтариб, иккala қўлини чўнгтакларига согланча Ваке боғида бамайлихоти айланниб юради. У ҳеч нарса ҳақида ўйламас, сехрли қор пардасининг юзларини ёқимли чимчилашидан жимгина роҳатланар эди. Мосашвили кўчасининг муюлишига етганда бурчакдан отилиб чиқсан аёл билан тўқнашиб кетишига сал қолди. Тасодифан иккевлари ҳам чўчиб тушишди. Бир неча дақиқа қапишганча туришгач, — бу орада Бачана унинг катта-катта, чақноқ кўзларини илғашга улгурди,— аёлга тезгина йўл бўшатиб, гўё айб иш қилиб қўйган кишидай, шошиб узр сўради:

— Худо ҳаққи, кечиринг, калбатоно!

Кейин, бундай мурожаат учун аёл жудаям ёш эканини пайқаб, қўшиб қўйди:

— Кечириңг, яхши қиз!

— Ҳечкиси йўқ! — деди аёл ва йўлига равона бўлди.

Бачана узоқлашиб бораётган аёлнинг орқасидан тикилганча ўйга толди: «Агар дунёда адолат ва ички сезги деган нарса бор бўлса, ҳозир у орқасига қараши керак!» Ростдан ҳам қайрилиб қаради. Бачана аста унга томон юра бошлади, аёл ҳам изига қайтиди. Бир-бирларига юзма-юз бўлгач, тўхташди. Бачананинг нафаси бўғзига тикилгандай бўлди.

— Салом!

— Салом! — деб жавоб берди аёл унга қўлини узатиб.

Бачана апил-тапил қўлқопини ечди-да, аёлнинг юмшоқ ва илиққина қўлини ушлади. Қўзларига қараб туриб, нотаниш жувоннинг ҳам қаттиқ ҳаяжонланадиганинни сезди.

— Қаёққа кетяпсиз? — Бачананинг миясига келган биринчи савол шу бўлди.

— Ўйга, — деди аёл қўлларини мўйна пўстинининг чўнгагига солиб.

— Жудаям чиройли экансиз! — Бачана шундай де-диу дув қизарib кетди.

— Биламан, — деди аёл хотиржам.

— Ўз гўзаллигини англаш тўйғуси ҳам ажойиб бўлса керак, а?

— Қайдам... — Аёл елкасини қисди.

— Албатта, яхши-да! Масалан, мен чиройли аёлларни кўрсам, ҳаммавақт роҳат қиласман! — Бачана энди ўзини анча босиб олган эди.

— Сезилиб турибди! — деди аёл жилмайиб.

— Балки, бемаъни саволларим билан вақтингизни олётгандирман? — Бачана бирдан эсига тушив қолгандай оҳангда галирди.

Аёл йўқ дегандай бosh чайқади.

— Бачана Рамишвили жудаям ўхшар экансиз!

— Жудаям! — деб жавоб берди севиниб кетган Бачана ва кўнгли ғурур ҳиссига тўлди.

— Сизга бошқалар ҳам буни айтишганми?

— Мени танийдиганларнинг қариб ҳаммаси айтган!

— Ҳайратланарли ўхашшли!

— Шу қадар ҳайратланарлики, ҳатто паспортимга зам Бачана Рамишвили деб ёзилган! — деди кулиб Бачана.

Аёл унга шубҳаланиб қараб қўйди.

— Қани, фуражканлизни олинг-чи!

Бачана қор босган фуражкасини ечиб, тиззасига урди.

— Ё тавба! — деб хитоб қилди аёл. — Ростдан ҳам Бачана Рамишвили экансиз-ку!

— Ислмингиз нима? — деб сўради Бачана юрак ютиб.

— Қизимнинг исми Майя...

Бачана довдираб қолди.

— Қизингиз бир ёшда бўлса керак-да? — деди ўбу ёғини силиклишашга уриниб.

— Ўн еттида!

— Қўйинг-э!

— Майяни ўртага қўйиб онт ичаман!

— Ўзингизнинг исмийнинг нима?

— Мария.

— Жудаям гўзалсиз, Мария!

— Сиз ҳам...

Бачана уялиб кетди.

— Йўғ-э...

— Майяни ўртага қўйиб онт ичаман! — деб та-рорлади аёл.

— Ё қизингиз йўқ, ёки онтингиз самимий эмас! — деди Бачана афсуслангандай.

— Бор гапни айтияпман! — деди аёл жиддий. Сўнг шартта бурилди-да, жўнаб қолди.

— Тўхтанг! — деб қичириди Бачана. Аёл тўхта-ди.

— Сизни кузатиб қўяман!

— Узоқда тураман.

— Қаерда?

— Воронцов кўприги ёнида.

— Ҳа, узоқроқ экан. Лекин бари бир кузатишга ижозат беринг.

— Йўқ, бир ўзим кетмоқчиман! — Аёл бошини ор-қага ташлаб, бежирим юзларини қор бўронига тутди.

— Кўрқмайсизми?

Аёл бош чайқадио тез-тез юриб кета бошлади.

Бачана унинг орқасидан тикилганча сехрлангандай турниб қолди. Аёл қаддини ғоз тутиб, мағрур қадам ташлаб бораради. Эгнидаги ёқаси ейилиб кетган калта пўстини ҳам, оёқларидаги анчагина эскириб қолган этиклари ҳам хушбичим қоматининг бекімс жозибасини кўздан яширолмас эди. Аёл муюлишга бурилгандан кейингина Бачана ўзига келди.

— Вой тентаг-эй! Лоақал фамилиясини ҳам сўра-мабман-а!

У жойидан кўзғалдио ўқдай учиб Чавчавадзе кўча-сига чиқди, лекин аёлнинг қораси кўринмади. У иссиқ кафта тушив эриб кетган қор учкунидай ғойиб бўлган эди...

Бачана уйига қайтиди. Устидаги қорни қоқиб ташлаб, эшик остидаги гиламча тагидан пайпаслаб калитни олди-да, ичкарига кирди ва умрида биринчи марта юракни орзиқтириб юборувчи ёлғизликни ҳис қилди...

15

Ўша куни Бачана икки кишини қабул қилди — улардан бирни соппа-соғ, иккинчиси эса телба эди. Дарвоқе, бу нарса кейин маълум бўлди, аввалига иккаласи ҳам Бачанага дуппа-дуруст одамга ўхшаб кўринган эди.

Бачана кабинетида ўтириб, мўйна маҳсулотлари ишлаб чиқарадиган комбинат директорининг ҳийла-найранглари, ахлоқсизлиги ҳамда ўзбошимчалиги ҳақида ёзилган фельетонни таҳрир қилаётган эди. Фельетон жуда кескин ва соз ёзилган; навбатдаги соннинг шовшув кўтарадиган, асосий материали бўлиши керак эди, шунинг учун ҳам фельетон тайёрланадиганидан фақат Бачана билан унинг муаллифигина хабардор эдилар. Фельетоннинг бошланиши жуда ғалати эди...

Халиқро вагон купесида икки аёл ўтиради. Улар тезда апоқ-чапоқ бўлиб кетишди. Суҳбат кизигандан қизиб, ҳар турли олди-қочдилардан гаплашиб бўлишгач, навбат танишу нотанишларга келди. Уларнинг ғийбати ҳам анчагина чўзилди. Нихоят, республикада обрўли бир одамнинг гўрига ўт қалаб туршигандага аёллардан бирини қаттиқ йўтал тутиб, нафаси бўғила бошлади. Ҳовлиқиб етиб келган поезд врачи уни аранг ўзига келтирди. Нима сабабдан бунақа бўлди, деган саволга ҳол-жони қолмаган аёл ҳамроҳининг купеда осиёлик турган пўстинини кўрсатди:

— Мушук... мўйнаси...

— Қанақа мўйна? — Врач тушумади.

— Аллергия... Мушук мўйнасини кўрсам, мазам қочади...

— Э, шунақа денг... Бўлмаса, пўстинни купедан олиб чиқиб кетишга тўғри келади...

— Нима деяпсиз, эсингиз жойидами?! — дея пўстиннинг эгаси бобиллаб берди. — Нега мушукники бўларкан?! Сувсар мўйнаси бу! Тўрт минг беш юзга олганман!

— Қанчага олган бўлсангиз ҳам пўстинни лоақал бир неча минутга опчиқиб турниш керак...

Анча тортишувдан кейин проводник пўстинни олиб чиқиб кетди, жабрдийда аёл шу заҳоти тинчида-қолди...

Ҳаммаси мана шундан бошланди. Тасодифан поездда чувалган калава думалай-думалай, охири мўйна буюмлар комбинатига етиб тўхтади. Қалаванинг изидан эса, темир йўл, транспорт ва медицинага мутлақо алоқаси йўқ, аммо мўйнанинг нави билан баҳосини яхши биладиган одамлар тушишган эди.

Мана энди, ана шу комбинатнинг директори ёф босган қўзларини сузиб Бачананинг рўпарасида тиржайиб турарди. Бачана уни танимасди, лекин чўчқа-

дай семиз бу одамнинг ўта сурбет ва ўзига бино қўйган кимса эканини бир қарашдаёк пайқади.

— Салом! — деди у ва таклифи ҳам кутмасдан Бачананинг столи ёнида турган креслога ўтириди.

Бачана фельетонни бир четга суриб, қулогум сизда дегандай, меҳмонга қарди. Аммо у миқ этмасди. Бир минутлар чамаси шу алфозда ўтди.

— Қулогум сизда! — деди ниҳоят Бачана.

— Йўқ, менинг қулогум сизда! — деди меҳмон жилмайиб.

— Тушунмадим...

— Мен мўйна буюлар комбинатининг директори бўламан! — Меҳмон Бачанага саргайиб кетган шиллик кўзларини қадади.

«Ўт пуфагининг мазаси йўққа ўхшайди», деб кўнглидан кечирди Бачана.

— Фамилиянгиз нима?

— Сандро Маглаперидзе. Фамилиям сизга таниш бўлиши керак! — деди у товуши хириллаб.

— Энди эшишиб турибман! — Бачана ёлғон гапирди. — Лекин бунинг аҳамияти йўқ. Нима иш билан келдингиз? Мен сизни таклиф қилмовдим...

— Комбинатим тўррисида кўтариғлан шов-шуввлар масаласида келдим. Сизга маслаҳатим шуки, нодон ва бемаъни одамларнинг ғийбатларига қулоқ солманд... Нимаики гап бўлса, ўзимдан сўрайверинг! — деди Маглаперидзе насиҳатомуз.

— Тушунмадим, нималар деяпсиз... Ҳеч нарсадан хабарим йўқ... — деди Бачана совуқнина.

— Ҳаммасини биласиз... Афуски... Ўз ходимларимнинг хизмати бу... Ҳай, майли, улар билан ўзим ҳисоб-китоб қиласман!

«Беъзет! Мен билан нега бунаقا гаплашяпти!» Бачананинг қони қайнаб кетди, лекин дарров ўзини босиб, хотиржам жавоб берди:

— Қайтариб айтаман, ҳеч нарсадан хабарим йўқ... Тушунтирироқ гапиринг!

— Бўлти! Лекин сизга маълум бўлган нарсалар ҳақида эмас, ўзимга маълум бўлган нарсалар ҳақида гапираман!

— Қулогум сизда.

— Газетангизнинг эртанги сонида «Мушук терисини ёпинган паҳлавон» деган фельетон босилиши керак... Умуман, бу бемаъни фельетоннинг автори улуғ Руставелининг «Йўлбарс терисини ёпинган паҳлавон» достонини ўқиб чиқса ёмон бўлмас эди. Достонда ниҳоятда ибратли сўзлар бор:

Улуғлайлик дўстларни деб жонни берган эрларни, Қадрлайлик яхшиликка булоқ бўлган дилларни.

Ва яна:

Баҳор фасли ўтиб кетиб, гул сўлмоққа бошлайди, Башка бир гул униб-ўсиб гулистанда яшнайди.

— Бу сатрлар сизга таниш деб умид қиласман, — деда кўшиб қўйди Маглаперидзе жилмайиб.

— Мени ишдан олиб ташлаш учун келмаганимисиз ишқилиб! — Бачана ҳам кулиб жавоб қайтарди.

— Йўғ-э, нималар деяпсиз, ҳурматли Бачана! Шунчаки огоҳлантириб, қўймоқчиман: эртага чиқадиган фельетон юқори органдаги, менинг комбинатимга раҳбарлик қиласдан ўртоққа маъқұл бўлармикан, шу ҳақда ўйлаб кўрдингизми?

— Фельетоннинг мазмунини қаердан биласиз?

— Биласман, ҳурматли Бачана, биламан... Фельетонда айтилишича, мен юлгич ва фирибгарман, ўйнашм ҳам бор... Яна қандайдир бир жирраки аёл ва аллакандай пўстин билан боғлиқ кулагили воқеа ҳикоя қилинади... Қисқаси, ўзингиз ҳақингизда ўйланг, ҳурматли Бачана!.. Тагингиздаги курси сиз ўйлатанчалик мустаҳкам эмас... Тажрибамдан биламан...

Бачана ғазабдан қип-қизариб кетди-ю, лекин сир бой бермади:

— Хўш, нима маслаҳат берасиз, ўртоқ Маглаперидзе?

— Авваламбор — ўзингизни босинг. Тўғри, мен ҳам

қаттиқ ҳаяжондаман... Ҳа, сизнинг ҳузурингизга келиш менинг ҳақорат! Бундай пайтларда, одатда, редакторларнинг олдига бухгалтерларини юбораман... Сиз — ҳузурига илтимос билан шахсан ўзим ташриф буорган биринчи редакторсиз! Шуни эътиборга олинг!

— Илтифотингиздан ғоят баҳтиёрман! — Бачана бош этиб қўйди.

— Кесатмай қўяқолинг, ҳурматли Бачана... Сизни ҳурмат қилганим учун бу ерга келдим... Умуман олганда, кесатиш — бу менинг касбим...

— Unday бўлса вақтни бекорга ўтказяпсиз! — деди Бачана.

— Фельетонни олиб ташлаш керак! — деди Маглаперидзе узил-кесил.

— Овора бўласиз!

— Сизга шундай бир одам қўнғироқ қиласади... Ҳудонинг ўзи қўнғироқ қиласадими! Газета териб кўйилган, уни тўхтатиш давлатга эллик минг сўмга тушади... Келинг, беҳуда гапни чўзмайлик...

— Қанчага? — деди кулиб сўради Маглаперидзе.

— Эллик минг сўмга! — деб тақорлоди Бачана.

— Ўзим тўлайман!

— Давлат сизнинг садақангизга зор эмас!

— Давлат, азизим, мен билан сизга ўхшаган одамлардан ташкил топган. Агар одамлар бир-бирларини қўллаб-қувватламасалар, давлат қулайди. Наҳотки шуни тушунмасантиз?

Бу одамнинг сурбетларча тиржайиб туриши Бачананинг асабини эговларди.

— Агар фирибгарлик ва пул найрангларини ўзаро қўллаб-қувватлаш деб тушунсангиз, катта ҳато қиласиз, ҳурматли Сандро! Ҳамма нарса ҳам пулга сотилавермайди!

Маглаперидзе ўрнидан турди:

— Сиз ҳали пати чиқмаган жўжакўрөзсиз, ҳурматли Бачана! Қичкиришни эндиғина ўрганяпсиз, эҳтиёт бўлинг, тағин пих ёрмасингиздан олдин овозингиздан ажрилиб қолманд!

— Маслаҳатларингизни ўтиборга оламан!

— Яна бир гап. Моэм айтадики, инсонда бешта тўйғудан ташқари яна олтинчи тўйғу ҳам бўлади, мана шу олтинчи тўйғусиз қолганлари бир тийин...

— Қанақа тўйғу экан ў? — деб сўради Бачана мийнида кулиб.

— Пул, ҳурматли Бачана, пул! — деди Маглаперидзе ўшандай табассум билан.

— Шунга қарамай, эртага фельетон газетада босилиб чиқади, кейин тегишли органлар унга ўз муноса-батларини билдиришиади.

— Ва редакция улардан жавоб кутади!

— Ҳеч шубҳасиз!

— Сизга раҳмим келади, ҳурматли Бачана, жудаям раҳмим келади!..

Маглаперидзе эшикка қараб юрди.

«Аблаҳ!» Бачана унинг орқасидан шундай деб бақирмоқчи бўлиб турган эди, аммо комбинат директори чакқонлик қилди: ташқарига чиқиб, эшикни шартта ёпди.

Иккинчи киши Бачананинг кабинетига, гўё унинг ўзини босиб олишини атай кутиб тургандай, бир соатлардан кейин кирди. У ниҳоятда хушмуомала, ба-савлат одам бўлиб, қўзларидан ақл ва эзгулик ёғилар ёди.

— Салом, ҳурматли редактор!

Бачана ўрнидан туриб, меҳмон билан қўл олиб қўришгач, ўтиришга жой кўрсатди. Меҳмон унга миннатдорчилик билдириди, шляпасини ечиб, портфели билан бирга узунчоқ столга қўйди, шундан кейингина тақлиф этилган креслога ўтириди.

— Ижозатнинг билан ўзимни таништирсан: Бош статистика бошкармасининг ходими Галактион Георгийевич Мтварадзе!

— Ҳурсандман... Ҳизмат!

— Безовта қылғаным учун, құмматли вақтингизні олаётганим учун узр... Илло, сизнінг одамшавандылығынанда бохабарман, бинобарин, ярим соатгина фурсатингизни олишта жүръят этаман.

— Бемалол, бир соатга бўлса ҳам розиман!

— Азбаройи бу ғалати воқеа — ҳа, сиз учун ғалати бўлган воқеа — тарихи билан хаёлингизни банд қилиб ўтираслик учун биратула фактларни баён қилиб қўяқоламан. Фақат бир илтимос, гапимни бўлманг ва ўринисиз саволлар берманг. Кейин секретарингизга айтсангиз, сұхбатимиз пайтида кабинетга ҳеч кимни киритмас.

Бачана қўнғироқ тұғмачасини босган эди, секретарь аёл мўралади.

— Елена Сергеевна, мен йўқман. Ярим соатдан кейин бўламан.

Секретарь аёл бош силкиб, эшикни ёпди.

— Қулогум сизда! — деди Бачана меҳмонга қарб ва кўлига қалам олди.

— Йўқ, йўқ, ёзишининг кераги йўқ!

Бачана қаламни жойига қўйди.

— Демак, гап бундай: мен гуманоидман!

Бачана сесканиб кетди:

— Нима? Нима дедингиз?

— Ҳа, мен гуманоидман! — деб тақорорлади Мтварадзе.

Бачана нима гаплигига тушунди. Лекин сўзини бўлмасликка ваъда қилгани учун бошқа савол бермади.

— Шунақа дeng. Марҳамат, гапираверинг!

— Биз Гомос сайёрасидан келганимиз, Андромёд Туманлигидан Ерга тушиб, илк бор уруғини сочганимиз. Бу воқеага шунчалик кўп вақт бўлганни, уни ҳисоблаб чиқишга инсониятнинг ақли етмайди, бинобарин, математик рақамлар билан бошингизни қотириб ўтирамайман... Гапнинг лўндаси, биз Ерга ҳёт олиб келганимиз... Бу коинотда амалга оширилган тенги йўқ эксперимент эди. Тажриба муваффақияти чиқди, Ерда ҳёт барпо бўлди ва у ўз самараларини бера бошлади.

— Битта савол бор! — деди Бачана қўлини кўтариб.

— Фақат мавзудан четга чиқманг! — деб огоҳлантириди уни Мтварадзе.

— Айтинг-чи, Галактион Георгиевич, шахсан ўзингиз қачон ва қандай қилиб бизнинг планетамизга келиб қолгансиз?

— Шундай савол туғилишини билардим... Гап шундаки, биздаги тараққиёт замон ва макон тушунчасини тамомила йўққа чиқазган. Бу тушунча бизда ҳоҳиш деган нарсага тенг бўлиб қолган. Мени тушуняпсизми? Демоқчиманки, биз космик кемалар, учуб юрувчи тарелкалар ва ҳаракатланишнинг бошқа техник восита-лари ёрдамига суюнмасдан, бир лаҳзада ҳоҳлаган жоийимизга бориши қобилиятига эгамиш... Шахсан ўзимга келсак, мен ҳеч қаердан келмаганман. Ерга ҳёт уруғини олиб келган экспедиция тараққиёт жараёнини тартибга солиб туриш мақсадида бизнинг вақти-вақти билан пайдо бўлишимизни ирсий жиҳатдан программалаштириб қўйган. Бундай усул организмга ўз такомилини ўзи белгилаш имконини беради...

— Үндай бўлса, гуманоид эканлигингизни қаёқдан билақолдингиз?

— Бу ҳақда Гомосдаги илмий марказлар тегишли пайтида биотоклар орқали бизга хабар қилишади.

— Шундай хабарни қачон олгансиз?

— Яқинда, ўтган якшанбада. Одам сифатида ухлаб, гуманоид бўлиб ўйғондим.\*

— Ҳаммаси тушунарли! — деди Бачана.

— Ҳеч нарсага тушунганинг йўқ! Бунинг устига, мени жинни деб ўйляпсиз-у, лекин сир бой бермаяпсиз. Одобингиз учун ташаккур!

Бачана хижолат бўлиб қолди. Гуманоид сўзида давом этди:

— Экспериментдан кузатилган асосий мақсад бошқа планеталарда тараққиёт имконияти борми-йўқми — шуни аниқлаш эди.

— Хўш, қандай хуносага келдинглар?

— Шундай имконият бор экан!

— Худога минг қатла шукр! — Бачана севиниб кетди.

— Лекин сизлардаги тараққиёт хотекис. Худди кардиограммага ўхшайди. Сизлар тез-тез дардга чалиниб турасизлар, зеро кўпдан-кўп ортиқча, ўринисиз ҳатти-ҳаракат қиласизлар. Инсонийт ҳамиса ташвишда, кўнгли нотин. Наслингиз бутунлай издан чиқиб кетган пайтларда урушлар, ваболар, очарчилик, маънавий қашшоқлик ва фалокатлар бошланади.

— Ахир, нима учун бизни тергамайсизлар, тўғри йўлга солмайсизлар? Инсонпәрварлигиниз қаёқда қолди?

— Космосда аралашмаслик қонуни мавжуд. Ҳар бир тирик организм тараққиётининг олий шаклига ўзи мустақил эришиши лозим.

— Бу адолатдан эмас, Галактион Георгиевич! Модомики, эксперимент ўтказган экансизлар, ўзинглар ёрдам беришинглар, тараққиётнинг тўғри йўлини кўрсатишинглар керак.

— Шундай қиляпмиз ҳам. Бизнинг ёрдамимиз тўсқинлик қилишдан иборат. Тушуняпсизми? Биз инсониятнинг хотўғри йўлга кириб кетишига қаршилик кўрсатамиз. биз хотўғри ривожланётган уруғларни яксон этимиз.

— Буни ҳандай амалга оширасизлар? — деб сўради Бачана астойдил қизиқиб. Шу тобда у адашган одамзод номидан ҳақиқий гуманоид билан баҳслашарди.

— Биз йўлдан озган инсониятни иккى марта асраб қолдик: биринчи бор — фаҳш ва ахлоқсизлик Содом ва Гоморра шаҳарларини кунпаякун қилган пайтда, иккинчи гал эса, оламни сув босиб, инсоният буткул ҳалокат ёқасига келиб қолған дақиқаларда. Бу фалокатларни сизлар жудонинг қаҳрига йўясизлар, ихтиёр ўзларингда, сизлар учун оқ билан қоранинг фарқи йўқ. — Мтварадзе мийигида кулиб қўйди.

— Наҳотки, инсониятга кўрсатган бор-йўқ ёрдаминглар шу бўлса? Рӯҳий ёрдам-чи? Маънавий ёрдам-чи? Нима учун ахлоқий жиҳатдан бизни яна ҳам юқсароқ, покизароқ қилишини ҳоҳламайсизлар? — Бачананинг ўзига ҳам, ер ўзидағи бирордарларига ҳам астойдил ичи ачиб кетди.

— Нега энди! Кишилик жамияти тараққиётининг турли босқичларида, қайси замонлигидан қатъи назар, одамзод ахлоқига таъсир кўрсатувчи — ижобий маънода, албатта — гуманоид генлари пайдо бўлиб туради. Бундай аралашувни биз табиий ва мақсадга мувофиқ деб ҳисоблаймиз.

— Галактион Георгиевич, ўзингиздан бошқа яна бирон бир гуманоиднинг исмини айта оласизми? — деб сўради Бачана.

— Албатта Ҳаммани эслай олмайман, лекин айримларини айтишим мумкин: Гомер, Серванте, Бетховен, Руставели, Шекспир, Гёте, Леонардо да Винчи, Бокаччо, Архимед, Жордано Бруно, Жанна Д'Арк, Толстой, Пушкин, шоҳ Парнаваз, Давид Бунёдкор, Авраам Линкольн, Фолкнер, Гегель, Кант, Владимир Ульянов, Блок, Эйнштейн, Чарли Чаплин, Галактион, Важа, Ақакий, Илья...<sup>1</sup> Санаб адо қилиб бўлмайди.

— Сизнингча, Галактион Георгиевич, ҳозирги жамияти яхши ривожланяптими, тўғри йўлдан боряптими?

— Инсоният оғир аҳволда ҳозир! — деба хўрсинди Мтварадзе. — Агар одамзод боя мен номларини тилга олган гуманоидларнинг ўғитларига ўз вақтида қулоқ осганда эди, ҳозир ишларингиз анча дуруст бўлган бўлиб эди... Аммо-лекин, одамлар космосга назар ташлагандан бери биз — гуманоидларда умид пайдо бўлди. Инсон ўзида ажойиб куч — синчковликни кашф этди. Ҳа, ҳа! Ўзинглар қадрига етмаган худ-

<sup>1</sup> Парнавиз — Грузия подшоси, Александр Македонскийнинг замондоши; Давид Бунёдкор (1073–1125) — Грузия подшоси. Давид IV Георгиевич; Галактион Табидзе — Грузия халқ шоири; Важа Пшавела, Ақакий Церетели, Илья Чавчавадзе — грузин адабиёти классиклари.

ди мана шу синчковлик туфайли ернинг ашаддий тортиши кучини енгиб, космосга чиқишига муваффақ бўлдинглар...

— Хўш, энди сув тошкани ёки Содом-Гоморра фалокати такрорланмайдими?

— Агар эскирган деб, мен санаб ўтган гуманоидларнинг таълимотидан юз ўғирмасанглар, бундай фалокатлар бўлмайди... Ишонинг, уларнинг таълимоти кони фойда, кишини мусафро қиласди... Бинобарин, тараққиёт меваларини эҳтиёт қилинглар, ўтмиш даҳолари яратган асарларни асраб-авайланглар! Ахир, улар қанчадан-қанча меҳнат, қон ва кўз ёшлари эвазига дунёга келган!— Мтварадзе соатига қараб, ўрнидан турди.— Масаланинг асосий моҳиятини сўзлаб бўлдим... Эътиборингиз учун мингдан-минг раҳмат! — У кўлини кўксига қўйиб, таъзим қилди.

— Яна битта савол, Галактион Георгиевич! Нима учун айнан менинг олдимга келдингиз? Уз сирингизни нима учун менга ошкор қелдингиз?

Мтварадзенинг юзига нурли табассум ёйилди, Бачана унинг кўзларидаги дардчили ифодани шундагина пайқади.

— Наҳотки, менинг исми шарифимдан ҳеч нарсанни англамаётган бўлсангиз? Галактион — Галактика, Мтварадзе — Ой!<sup>1</sup> Эртага қадрдан сайёрам Гомосга қайтиб кетаман... Ердаги вазифамни бажариб бўлдим. Энди эса, охириги топшириқни адо этиб, шуни айтишим керакки, азизим Бачана Акакиевич, сиз — гуманоид-сиз!

Бачананинг юраги ҳаприқиб, томоғига бир нарса қадалгандай бўлди.

— Хайр, дўстим ва биродарим! Мана, энди сиз Ердаги вазифагиздан огоҳ бўлдингиз!

Галактион Бачананинг кучоқлаб, бағрига босди, кейин шартта бурилди-да, тез-тез юриб кабинетдан чиқиб кетди.

...Бачана секретарь аёл хонага қандай кирганини ҳам, столга бир уюм қозогни қачон ташлаб кетганини ҳам сезмади. У дераза олдида турганча бесабаб-бехтиёр жилмаяр, иккала юзидан эса ёш оқар эди...

Бачана тун бўйи ухлаёлмади. Эрталаб редакцияга келибоқ Статистика бошқармасига қўнгироқ қилди.

— Алло, эшитаман! — деган ёқимли овоз эшитилди трубкадан.

— Статистика бошқармасими?

— Худди шундай.

— Айтинг-чи, яхши қиз, сизларда Галактион Мтварадзе деган одам ишлайдими?

— Мтварадзе! Анови жинними? Кечираисиз, ким сўраяпти?

— Галактионнинг дўстиман.

— Бир ҳафтадан бери қораси кўринмайди...

Трубка Бачананинг қўлида муаллақ қолди.

— Алло, алло...

Бачана трубкани жойига қўйди...

16

Бачана Рамишвили 14 июлда туғилган. Бу сана дунёнинг барча календарларида бор, лекин, табиийки, Бачананинг туғилган куни сифатида эмас, балки Бастиия ҳалокатга учраган ва Франция Республикаси дунёга келган кун сифатида қайд этилган.

Мана, Бачана рўпарасида очиқ турган календарга жилмайганча тикилиб, ўй суруб ўтириби...

...14 июлда туғилган француслар бу кунни тантанали нишонлашади, албатта. Аммо Бачана туғилган куни ким билади? Ҳеч ким. Эҳтимол, шахсий делоси сақланыётган кадрлар бўлимида, тағин, яқинда унга муддатсиз паспорт топшириган милициянинг паспорт бўлимида ишлайдиганлар билишар. Лекин билиш — эслаш деган сўз эмас... Охириги марта Бачананинг туғилган кунини у тўққиз ёшга тўлганда нишонлашган эди.

Ушанда синфдош дўсти Вахтанг Элбакидзе унга ўзи юрадиган, қип-қизил ўт ўчирувчилар машинасини совфа қилиган эди... Ўх-хўй, бунга қанча вақт бўлди-ю!.. Шундан бери Бачананинг туғилган кунини атиги уч мартагина эслатишиди:

— Сен туғилган кунга минг лаънат! — дейишди у биринчи марта тамаки чекканида.

— Туғилмай қаро ерга кирсанг бўлмасмиди! — дейишди у биринчи бор уйга маст бўлиб келганида.

— Сен ваҳшийни ким туқкан ўзи! — дейишди у нон карточкасини йўқотиб қўйганида.

Бу гапларни у турли пайтларда, турли одамлардан эшитган, аммо улардан ушанда ҳам хафа бўлмаган, ҳозир ҳам ҳеч кимдан гинаси йўқ, чунки биринчи ва иккинчи дафъа гапиргандар унинг соғлиғини ўйлашган, учинчисида эса — мукаррар оч қолиш хавфидан таҳликага тушиб шундай дейишган. Туғилган кунини тилга олган ва аллақачонлар дунёдан кўз юмган бу одамларни у бенихоя миннатдорчилек билан хотирлайди. Уларнинг бу эзгуликларига жавобан мозорларини мунтазам зиёрат қилиб, қабрларига ҳар гал анвойи гулдасталар қўйиб келади.

...Мана, бугун ҳам... Бугун дунёга келган қанчадан-қанча одамга гуллар совфа қилишади, бугун оламдан ўтган қанчадан-қанча кишининг қабри гулчамбарларга кўмилади... Бугун қанчалаб гўдакнинг кўзлари очилиб, қанчасиники абадий юмилади... Бачана умр шажара-сидай тўхтосиз айланаб турган улкан чархпалакни кўз олдига келтириди. Ҳәёлидан минглаб чехралар — таниш ва нотаниш, жилмайган ва маъюс, ҳайрон ва мамнун, хўмрайган ва шодон, сўлғин ва баҳтиёр чехралар ўта бошлади... Елғондакам кема, автомобиль, самолёт ва отлардан ўлгудан ўлдан тойган, боши айлануб, жони ҳалқумига келган одамлар тушиб келишар, уларнинг ўрнини бошқалари эгаллашарди... Бачанага гўё ўзи ҳам ҳозир чархпалакдан тушгандай, боши гир айланётгандай туюлди. Ўрнидан туриб, гандироқлаганча дераза ёнига борди-да, уни ланг очиб юборди. Хонага кечки салқин ёпирилиб кирди. Кейин эшикни очиб, коридорга мўралади. Редакцияда ҳеч ким қолмаган эди. Бугун Бачана туғилган кунини бирон бир йўсинда нишонламоқчи бўлди-ю, лекин ходимларга эртароқ жавоб бериб юборишдан бўллак дурустрок нарсани ўйлаб тополмади. Одамлар ҳам ҳайрон, ҳам хурсанд бўлиб тарқалишиди.

У ўнинга келиб ўтириб, стол тортмасидан қўлига илингган биринчи хатни олди. «Нега кўршапалаклар бошларини пастга осилтириб ухлашади?» деб аталарди макола.

Телефон жиринглаб қолди. «Бемаҳалда ким бўлдийкин?», деб кўнглидан кечирди у ва ажабланиб труккани олди.

— Эшитаман!

Жавоб бўлмади.

— Лаббай, эшитаман!

Трубкадан бирорининг нафас олишига ўхшаш пишиллаган овоз эшитилди. Бачана жавобни ҳам кутмай, трубкани жойига қўйди-да, яна қўллэzmани ўқиб ўтиради, бир қарашда бемаъни бўлиб туялган бу саволга негадир ўзи жавоб топгиси келиб қолди. Балки... Болалигига, жисмоний тарбия дарсларида Бачана неча мароталаб турникка осилиб, бошини пастга қилиб турган, ўқитувчисидан мақтоворлар эшитган, аммо бундан асло роҳатланмаган эди. Бир гал Кобулетида ўн беш минутча шу алфозда туришга мажбур бўлган эди: балиқчилар чалажон болани сувдан тортиб олиб, ичидаги сувни аранг чиқарб ташлаши, ўшанда шунча вақт оёғини осмондан-қилиб турганини эсласа, Бачананинг эти жимирилашиб кетади. Хўш, бундай гайритабии ҳолат кўршапалакларга нима учун ёқаркин? Қизик... Бачана олдидаги қўллэzmадан жавоб изламоқчи бўлиб турган эди, шу пайт кабинет эшиги очилиб, хонага ниҳоятда кетворган бир аёл кириб келди.

<sup>1</sup> Мтваре — ой (грузинча).

— Мен келдим! — деди у хона ўртасида тұхтаб. Бачана довдираб қолди: рўпарамасида Мария турар-ди! Бачана унга ўтиришини таклиф қылмоқчи бўлган эди, тили айланмади, турай деса — тиззаларида ма-жол йўқ; жилмайишга уринган эди, худди тош қот-гандай, башарасида ҳеч қандай ифода сезилмади. У бир лаҳзага гунгу лол бўлиб қолди. Аёл эса таранг қўкси ва оппоқ юзини кўз-кўз қилгандай қимир этмай турарди.

— Сизга қўнғироқ қилган эдим, — деди у секин. — Биламан! — Бачана сал ўзиға келди. — Нафа-сингизни эшиздим.

— Уйда йўқ экансиз, шунинг учун бу ёққа қўнғироқ қилишга мажбур бўлдим.

— Келинг, хизмат? — деди Бачана беихтиёр.

— Юринг!

— Қаёққа? — деб сўради таажжубланиб Бачана.

— Хоҳлаган ерингизга!

Бачана донг қотиб қолди.

— Марҳамат, ўтиринг! — деди у аранг.

Аммо аёл жойидан жилмади. Баланд бўйли, сочлари қоп-қора, лаблари лоларанг бу аёл эгнига оппоқ юбка билан яшил кофта кийиб олган эди. Шу тобда у деразадан ошиб кирган кўкламни эслатарди.

— Юринг! — деб таракорлади аёл, қўлидаги яшил сумкачасини бетоқатлик билан силкиганча. Бачана ўр-нидан турди, аёлнинг хушбичим оёқларидаги яшил туфлиларини у шундагина пайқади.

Икковлон индамай кабинетдан чиқишиди.

Кўчада Бачана такси тўхтатди.

— Қаёққа? — деб сўради ҳайдовчи.

— Хоҳлаган ерингга! — деди Бачана ва ҳамроҳига аста кўз қирини ташлади. Аёл мийигида кулиб қўйди.

Улар Комсомол хиёбонига кўтарилиб, кичик бир рестораннынг айвонига жойлашиши.

— Официант Бачананинг олдига таомномани қўйиб, нари кетди.

— Нима бўюрайин? — деб сўради Бачана.

— Қовурилган картошка.

— Яна?

— Ҳеч нарса.

— Вино-чи?

— Ўзингиз биласиз.

— Конъяк буюрсам-чи?

— Йўқ.

— Бўлмаса, «Тибаани» ичамиз.

— Майли.

Официант келгунча Бачана сигарета тутатди ва Марияга ҳам таклиф қилди.

— Раҳмат, мен чекмайман.

Орага жимлик чўқди. Бачана Марияга тикилганча сигарета буруқситиб ўйларди... Бу аёл нима учун келди? Иш биланни ёки яқинроқ танишиш учунми? Ёки бўлмаса... Йўқ, туғилган кунимни билиши мумкин эмас!. Xўш, келишга уни нима мажбур қилди?. Сўра-синми? Лекин Бачана бу саволни беришга ийманарди. Одобсиалик бўлди, деб ўйлагани учун эмас. Йўқ. У бу ғалати аёл билан учрашган куниёқ юрагининг туб-тубида милтиллаган умид учқунини сўндириб қўйишдан кўркарди...

Ниҳоят, официант келдию Бачана анча енгил тортди.

— Нимангиз бор? — деб сўради.

— Парранда сути! — деб жавоб берди официант.

— Унақа бўлса, бизга қовурилган картошка билан «Тибаани» келтиринг.

Официант дудукланиб қолди

— Қўзичоқ гўштидан пиширилган кабоб, бузоқ гўштидан тайёрланган кабоб, қовурилган жўжа, чакапули, абхазура, мужужи, татаряҳни<sup>1</sup>, надуги<sup>2</sup>, мчади<sup>3</sup>, пишлөк... Хоҳлаганингизни танланг!

<sup>1</sup> Чакапули, абхазура, мужужи, татаряҳни — гўштидан тайёрланадиган грузин миллий таомлари.

<sup>2</sup> Надуги — сутли таом.

<sup>3</sup> Мчади — зогора нон.

— Булбулнинг тили йўқми? Қовурилгани! — деб ҳазиллашди Бачана.

— Қовурилгани йўқ, қайнатилгани — истаганингизча! — Официант ҳам бўш келмади.

— Ҳаммасини опкелаверинг!

— Енгоқ билан «Тибаани», — деди Мария.

Официант «хўп бўлади» дегандай бош силкиб, зиппиллаганча ошхона томон йўргалаб кетди.

— Мария, ҳозир қаерда эканлигинизни зирнгиз биладими? — деб сўради Бачана кўккисдан ва бемаъни савол берганини англаб, қизариб кетди.

— Мен буни сиздан сўраётганим йўқ, чунки бўйдоқлигинизни биламан, — деди Мария кулиб.

— Демак турмушга чиқмаган экансиз-да? — Бачана негадир ўзича шундай хуносага келди.

— Ҳозир эрим йўқ, — деди Мария.

— Нима учун? — деб сўради Бачана ва яна «қовун туширганини» сезиб қолди.

Аёл индамади.

— Яъни, демоқчиманки, қизингизнинг отаси борми-йўқми? — деб бу ёғини силлиқлашга уринди Бачана.

— Отаси ҳам бор, эри ҳам бор! — деб жавоб берди Мария.

Бачана яна сигарета тутатди. Иккала қўлини саланглатганча официант қайтиб келди.

— Кабоб тугабди, азизлар... Жўжани тавсия қилмайман, чунки инкубатордан чиққан... Бикин гўштини бугун опкелишмабди... «Тибаани» йўқ, шампан виноси ҳам... Шаейцария ва Ростов пишлогою «Саэро» билан редиска бор...

Бачана ҳайрон бўлиб қолди.

— Парранда сути-чи? — деб сўради Мария.

— Ачиб қопти! — деб ҳазил қилди официант.

Мария шундай қаҳқаҳа отиб кулдики, атрофда ўтирганлар бараварига унга қарашди.

— Директорингиз қаерда? — деб сўради Бачана.

— Ҳозир йўқ, бир жойга кетган... Қайтиши билан бошлаб келаман!

«Бу официант ё тентак, ёки мени таниб, бозордан харид қилинган нарсаларни яширишпти», деб ўйлади ва Бачана ва Марияга юзланди:

— Кетдик! Биринчи учрашувимизни редискау «Саэро» билан нишонлашни истамайман...

— Гап бунда эмас-ку! — деди Мария. — Борини опкелаверсин. Ўзимизни Ленинград қамалида деб тасаввур этамиз... Бир-бираимизга тикилиб ўтираверамиз... Бу оқшом умрбод ёдимизда қолади...

Бачананинг миясини яна шубҳа-гумонлар кемира бошлади: «Мендан нима истайди ўзи? Уни ким жўннатган? Нима мақсадда келдийкин? Наҳотки, фақат мен билан учрашиб учун келган бўлса?» У бошини кўтариб, Марияга кўз қирини ташлади. Мария бутунлай бошқа томонга тикилиб турарди. Бачана ҳам ўша ёққа қарадио қандайдир бир басавлат киши билан гаплашиб турган официантни кўрди. Бегона одам билан малар дер, официант эса, худди қўғирчоқдай, тинмай калласини ликиллатар эди.

— Сизга қарши фитна тайёрланяпти! — деди Мария Бачанага.

— Агар ниятлари сизни мендан тортиб олиш бўлса — овора бўлишади! — Бачана кулиб, столда ётган алюминий пичоқни қўлига олди.

— Бу пичоқ билан мени ҳимоя қилолмайсиз! — деди Мария жилмайиб.

— Унда тишиларимни ишга соламан! — деб жавоб берди Бачана официант томонга қараб. Лекин официант ҳам, семиз киши ҳам гойиб бўлишган эди. — Мария, ортиқ чидаётмайман! Менинг олдимга нима учун келдингиз? Мақсадингиз нима?

— Мен сиздан ҳеч нарса сўраётганим йўқ-ку? — деб таажжубланди Мария.

— Пичоқсиз сўйягисиз мени... Кўнглингиздагини очиқ айтинг!

— Асло хавотирланманг. Эртага Кутаисига учиб кетаман. Одатим бўйича, учиш олдидан юрагимга яқин киши билан хайрлашмоқиман. Бор гап шу!

— Нега энди? — Бачана шошиб қолди.

— Қайдам... Ҳар гал самолётга бир бало бўладигандай, ўзим учун азиз одамларни охирги марта кўраётгандай туюлаверади негадир... — Мария бошини кўйи этди.

— Мен ҳам ўшандай кишилар тоифасига кираманими? — деб сўради таажоқубланиб Бачана. Мария кўзини ердан узмай, бош иргади. — Бунга... бу баҳтга мушарраф бўлишимга сабаб нима?

— Кошккийд ўзим билсам!..

— Шунақа азиз кишиларингиз анчагинами?

То жавоб бўлгунча Бачананинг юраги ҳаприқиб кетди.

— Шу бугунга қадар атиги биттагина ана шундай одам бор эди — қизим Майя. Энди икинчи киши пайдо бўлди, бу — сиз.

«Ё мен туш кўрляпман, ёки бу аёл — жодугарнинг ўзгинаси», деган фикр кечди Бачананинг кўнглидан. Мария эса бирдан бошини кўтариб, ҳаяжон билан сўзлай кетди:

— Биламан, сиз мени тентак ёки фирибгар аёл деб ўйлајпиз... Ишонинг, нега шундай бўлаётганини ўзим ҳам билмайман!. Бир йилдан бери ўз ёғимга ўзим қовуриламан... Майли, ҳечқиси йўқ! Мен иродали аёлман! Ҳозир шартта тураману кетаман! — Мария ўрнидан турди.

— Агар кетсангиз, мени ўлди, деяверинг! — Бачана аёлнинг муздек бармоқларидан ушлади, аёл ҳам унинг астойдил гапираётганига ишонди. Бачана буни тушуниб, Мариянинг қўлини ўпди.

— Раҳмат! — деди Мария жойига ўтиарarkan.

Бир маҳал сархил таомлар билан тўла патнис кўтарган официант пайдо бўлди.

— Ёпирай, шунча нарса қаёқдан топила қолди? — деб сўради Бачана ажабланиб.

— Директоримиз келдилар, сизни кўриб, шуларни бериб юбордилар, — деди официант.

— Директорингиз ким?

— Ҳозир ўзлари келадилар.

— У киши мени танийдими?

— Таниш ҳам гапми?.. Ишдан бўшатиб юборишилага сал қолди! Менинг нима айбим бор? Одамнинг кимлиги, қаерда ишлаши пешонасига ёзиб кўйилмаган-ку, ахир! Минг марта узр! — Официант таъзим қилиб, чопганича изига қайтди.

Бачанага сал жон кирди. У шампан шишасини пакиллатиб очиб, қадаҳларни лиммо-лим тўлдириди.

— Сизга айтадиган битта сирим бор, Мария...

— Йўқ, биринчи сўз — менини! — Мария қадаҳни қўлига олди

Бачананинг бутун жисми қулоққа айланди.

Мария шампан қўлиги тинишини кутиб турди, кейин Нарикала<sup>1</sup> тепасига кўтарилиган ойга қадаҳнинг бу томонидан қаради. Бачана ҳам шундай қилиди. Ой аввал титради, чайқалди, сўнг қадаҳни аста тўлдириб, каҳрабо суюқлик ичиди эриб кетди. Бачанага гўё у муздек, тилларанг ойни ушлаб тургандай туюлди.

— Бугун ой ўн тўрт кунлик бўлди... — деди Мария секин. — Ойнинг чиқиши ва ботиш пайти қадимдан маълум, унинг қаҷон кўриниб, қаҷон тўлишини ҳам ҳамма билади. Аммо, ой қаҷон пайдо бўлган, у қаҷон туғилган — буни ҳеч ким билмайди... Мен шу қадаҳни туғилган кунини бирор эсламайдиган одамларнинг соғлиғи учун ичаман...

Мария Бачана билан қадаҳнини уриштириди. Бачананинг қадаҳидаги ой яна титради, кейин аста-секин эриб, тип-тиник қаҳрабо суюқликка айланди. Мария билан Бачана қадаҳларини охиригача сипкоришиди. Бачана яна осмонга қараган эди, ой кўринмади. У булутлар ортига беркинган эди.

— Биз ойни ичиб юбордик! — деди хитоб қилиди

Бачана бу ғалати тасодифдан болалардай қувониб.

— Илойим, ой тургунча туринг! Туғилган кунингиз қутлуғ бўлсин! — Мария қадаҳни столга қўйди. — Ҳа, айтгандай, аллақандай сир ҳақида гапиримоқчи эдингиз, мен сизга ҳалакит бердим, — деда эслатди у.

Бирдан Бачананинг ўпкаси тўлиб кетди, ғалати бу аёлнинг кўксига бош қўйиб, тўйиб-тўйиб йиглагиси келди.

— Биласизми... айтмоқчиманки... сиз жудаям чиройлисиз, Мария! Үпсам майлини?

Бунга жавобан аёл мулоимингина жилмайди. Бачана ўрнидан турди-да, стол оша энгашиб, Мариянинг катта-катта, нам кўзларидан ўпди. Шу он буларнинг столига боя официант билан гаплашиб турган семиз киши яқинлашашётганини кўрди.

— Салом! — деди у хириллаган товуш билан.

— Салом! — деди Бачана ҳам.

— Ижозатингиз билан, ҳурматли Бачана, атиги бир минутга оромингизни бузаман...

— Ўтиринг, марҳамат... Бу киши танишим — Мария...

Нотаниш киши икки букилиб таъзим қилиди, сўнг Мариянинг қўлини олиб ўпди, шундан кейингина стула стула ўтириди.

— Танимадингиз-а, ҳурматли Бачана? — У чўнтағидан уч кути «Винстон» сигаретасини чиқариб, биттасини Мариянинг олдига, иккинчисини Бачананинг олдига, уччинисини эса ўзининг олдига қўйди.

Бачана унга диққат билан тикилди, миясида аллақандай хотиралар тиклангандай бўлди-ю, аммо сира илғаб ололмади, бинобарин, хижолат чекиб, деди:

— Кўзимга иссиқ кўриняпсиз-у, қаерда учрашганимизни эслолмай турибман.

— Сандро Маглаперидземан, мўйна буюмлар комбинатидан...

— Э-э! — деди хитоб қилиди Бачана. — Қайси шамол учирди!.. Қалайсиз, ҳозир қаердасиз, ҳурматли Сандро?

— Раҳмат, тупроқдан ташқари, дегандай юрибмиз...

— Агар эски гапларни юзимга солиши учун келган бўлсангиз, бугун бу ишни қила кўрманг... Чунки бугун Француз республикасининг туғилган куни ва менинг ҳам туғилган куни! — деди Бачана кулиб ва Маглаперидзега шамлан тўла қадаҳни узатди.

— Э-э, нималар деяпсиз?! Нега юзингизга соларканман?! Аксинча, сизга миннатдорчилик билдириш учун келдим, ҳурматли Бачана!.. Хўш, неччига кирдингиз?

— Қирқ бешга.

— Ёпирай! Ҳали бутун ҳузур-ҳаловат олдинда-ку Мұҳабат ҳам! — Маглаперидзе Марияга қараб қўйди. Мария уялганидан қизариб кетди. — Табриклийман, ҳурматли Бачана! Бахтили бўлинг! Сиз — ўзингиз ҳар қанча хоҳлаган тақдирингизда ҳам, бирорга ёмонлик қилишини билмайдиган одамсиз!

— Ростданми?

— Албатта! Ўша фельетон босилиб чиққанидан кейин жуда машҳур бўлиб кетдим! Мени бутун Грузия таниди!..

Бачана кулиб юборди:

— Бунақа машҳурликини душманимга ҳам раво кўрмасдим.

— Унақа деманг... Машҳурлика гап кўп... Геростратин бир эслаб кўринг... Фельетонингиз ёвузлик ниқобини йиртиб, ҳақиқатнинг тантана қилишига ёрдам берди.

— Бунга шубҳам йўқ...

Бачана Маглаперидзени бу ерга миннатдорчилик туйғуси бошлиб келмаганини ич-ичидан сезиб турарди.

— Ҳа, ҳа... Фельетондан сўнг тергов органлари ўша хотиннинг қаллоб ва фирибгар эканини аниқлашиди.. Ўз муносабатини билдириши учун сиз фельетонни жўнатган одам эса ҳақиқий ватанпарвар бўлиб чиқди...

— Қандай қилиб? — деб сўради Бачана ва Маглаперидзен.

<sup>1</sup> Нарикала — Тбилисидаги эски қалъа.

перидзени ўтиришга таклиф қилгани учун ичиди афсуланды.

— Сизнинг ҳисобингиз бўйича, газетанинг териб кўйилган сонидан фельетонни олиб ташлаш давлатга эллик минг сўмга тушарди, шундайми? У одам зарарни йигирма беш минг сўмга келтирди...

Бачана ҳайрон бўлиб қолди. Маглаперидзе буни сезиб, хотиржам изоҳ берди:

— У жуда оддий йўл тутди: фельетонингизга парво қимлай қўяқолди.

— Пора бердим, яъни йигирма беш минг сўм қистирдим, демокримисиз?

— Пора деганда сиз нимани тушунасиз, ҳурматли Бачана? Сизга яхшилик қилган, ёрдам берган одамга билдирилган миннадорчиликни? Ахир, Руставелининг ахлоқ кодекси бугун ҳам биз учун дастуриламал эмасми? Автандилнинг вазирга айтган гапларини бир эсланг-а:

**Дўстлар учун жонфидолик — фоят үлуғ фазилат, Оғир күнлар синовида билинади дўст фақат.**

— Кўриб турибман, ифлос фалсафангизни асл манбалардан фойдаланиб, пухта ишлаб чиқибсиз! — деди кесатиб Бачана.

— О, классик адабиёт — бебаҳо хазина... Руставелини худди Инжилдай ҳар куни қайта-қайта ўқийман... Дарвөке, сизнинг асарларингизни ҳам ўқиб турман ва ўзим учун талайгина ибратли нарсаларни топаман... Ҳамроҳингиз бениҳоя гўзал, ҳурматли Бачана,— деди Маглаперидзе мавзуни бирдан бошқа ёққа буриб юборди, — тақинчоқларсиз бу қадар кўхлик аёлни умримда биринчи кўришим!

Бачана бу гапни асло кутмаган эди, шунинг учун ҳам дабдурустдан нима дейиши билмай қолди.

— Хотинингизнинг тақинчоқлари кўп бўлса кепраг-а?! — деб сўради Мария Маглаперидзедан ва ҳаяжонини яшириш учун вино ҳўплади.

— Ҳар ҳолда, нолимайди... Лекин мен хотинларни назарда тутаётганим йўк... Ҳалигидай... оиласдан ташқарида ҳаётимизни гуллатиб турадиган аёллар ҳам бўлади...

— Мариянинг ғазаби бўғзига келди-ю, лекин ўзини босди.

Бачана сухбатни олдинги мавзуга бурмоқчи бўлди:

— Фельетондан кейин ҳаётингизда ҳеч нарса ўзгармадими?

— Нега ўзгармас экан, ҳурматли Бачана?! Биринчидан, комбинатимиз кўйиб кетди. Бунга эскирган электр симлари сабаб бўлди... Иккинчидан, ҳўжайнимен пенсияга чиқди, ҳозир савдо соҳасида ишляяпти... У мени ҳам ёнига тортди. Биргалашиб ресторонларнинг янги бирлашмасини туздик... Гўё Нерон ўт қўйган Рим күлтепаси устида қайтадан шаҳар барпо қилдик, ҳи-ҳи-ҳи!.. — Маглаперидзе беўхшов ҳиринглади.

— Ҳа, жудам пихини ёрган, хавфли фирибгар эканлигинингизга энди ишондим, ҳурматли Сандро... Имконият бўлиши билан бу масалага яна албатта қайтаман, — деди Бачана жиддий.

— Бу гапни асло кутмаган эдим сиздан! Шунчавақт ичиди кўзингиз очилган, қай пайтда қичқиришини ўрганиб олгансиз, деб ўйловдим... Ҳалиям ўша-ӯшасиз... Бемаҳал қичқирган жўжахўроларни нима қилишларини биласизми?

— Кўркитяпсизми? — Бачана ғазабдан титраб кетди.

— Шу ифлос билан адидади айтишиб ўтирасизми? — деди бирдан Мария Бачанага қараб. Маглаперидзе сапчиб ўрнидан туриб кетди. Мария ҳам турди.

— Жўнант бу ердан! — деди Бачана ўзини аранг босиб Маглаперидзега.

— Аёлларнинг нозига учманг, ҳурматли Бачана... Македониялик жангчилар фоҳишаларнинг сўзига кириб, дунёдаги энг гўзал шаҳар — Персиполисга ўт қўйиб юборишган... — Маглаперидзе Марияна нафрат билан тикилди. Шу пайт, Бачана бирор нарса дейишга улгурмай, Мария Маглаперидзенинг чаккасига шапалоқ тортиб юборди. Ресторонда ўтирганлар гурр этиб шу

томонга қарашди, аммо бу ҳодиса шу қадар тез ўтдики, ҳеч ким ҳеч нарсани кўролмади ҳам... Орага бирлаҳза сукунат чўкди... Бачана бирдан столнинг Маглаперидзе турган томони кўтарила бошлиганинни сезиб қолди. У бор гавдаси билан столга ётиб олди. Маглаперидзе столни ағдариб юборишга ҳарчанд уринмасин, уддасидан чиқолмади. Бу сўзиз олишув бир неча дақиқа давом этди. Бачана билан Маглаперидзенинг чакка томирлари ўйнаб, кўзлари қонга тўлган эди.

— Овора бўласан! — деб пичирлади Бачана, аммо унинг овозидаги қаҳр-ғазаб шу қадар кучли эдик, Маглаперидзе бирдан бўшашиб кетди. Афти аввалги тусга кирди, кўзлари мулоҳимлашди. У столдан нарироқ бориб, Марияга мурожат қилди:

— Миннатдорман, хоним! — Бу яхшилигинизни умрбод эсимдан чиқармайман.

Ранги докадек оқариб кетган Мария чўрқ этмади.

— Жўнанг, Маглаперидзе! — Бачана бу гапни шу қадар хотиржам айтдики, бунга ҳатто ўзи ҳам ҳайрон қолди.

Маглаперидзе шартта бурилиб, нари кетди.

Бачана билан Мария юз берган воқеа таъсирида бирлаҳза гарангисиб туришди, кейин жойларига ўтириши. Анча пайтгача икковларидан ҳам садо чиқмади. Жимликини биринчи бўлиб Бачана бузди:

— Мария, самолёта олган билетингни кўрсат-чи.

Мария сумқасини очиб, титроқ қўли билан уни анчагача титкилади, ниҳоят, билетни топиб, Бачанага узатди.

Бачана билетга қарамади ҳам, уни майдо-майдо килиб йиртиб, кулдонга ташлади-да, ёқиб юборди.

— Ташлаб кетма мени, Мария! — деди у аста ёниб тугаётган билетга тикилганча. Мария сезилар-сезилмас бош силкиб қўйди. Бачана қадаҳларни тўлдириб, официантни чақирди:

— Ҳисоб-китоб қилинг.

— Ҳаммаси тўланган!

— Ким тўлади?

— Директоримиз!

Бачана кулиб юборди.

— Ана сенга Бастилияning забт этилиши!. Сен учун, Мария! — Улар қадаҳларни уриштириши. Мария ўрнидан турди-да, Бачананинг олдига келиб, уни юзидан ўпди. Кейин яна қайтиб бориб жойига ўтириди ва иккала қўлини юзига босганча ҳўнграб үйфаб юборди...

Тоғ тепасида юксалиб турган Шавнабада<sup>1</sup> черкови ҳақиқатан ҳам қора чакмон кийиб олган чўпонни эслатади. Гўё у қўлини кўзларига соябон қилиб, Мтквари, Алгети, Машавера ва Храми<sup>2</sup> соҳилларида ўтлаб юрган кўй-кўзилларга тикилиб турганга ӯхшайди. Тоғ этагига жойлашган Рустави, Болниси, Марнеулилар<sup>3</sup>, худди подани қўриқлаётган баҳайбат итлардай, оғизпаридан тутун ва олов пуркашади.

Ҳарир туман пардасига ўранган, гумбази нақ осмонга санчилган Шавнабада кеч кузда ҳайратомуз чироқ касб этади.

Якшанба. Торгина арава йўлида бир машина ўрмалаяпти. У мост одамдай тинимсиз чайқалади, ҳар бурилишида тўхтаб, орқага тисланади-да, бор кучини тўплаб, яна олдинга интилади ва кучана-кучана навбатдағи довондан ошиб ўтади.

Черков рўларасидаги сўнгги довонга етганда машина яна тўхтаб қолди. Бачана биринчи тезликка олиб, муфтани бўшатди. Машинанинг орқа филдираклари остидан қўм ва шағал отила бошлади. Бачана яна газ

<sup>1</sup> Шавнабада — тоғнинг номи; «шави» грузинча — қора, «набада» — чакмон дегани.

<sup>2</sup> Мтквари, Алгети, Машавера, Храми — дарё номлари.

<sup>3</sup> Рустави, Болниси, Марнеули — Тбилиси яқинидаги шаҳарларнинг номлари.

берди. Филдираклар шиддат билан айланиб, ҳаммаёқни күйгөн резина ҳиди тутиб кетди.

— Түшиб тураман, — деди Мария.

— Ўтиравер. Юки енгил бўлгани учун ҳам қўзғаломаяпти, — деб тушунтириди Бачана.

У машинани орқага тисасири туриб, тезликни уладида, қаттиқ газ берди. Машина олдинга қараб отилди.

— Мана, етиб келдик!

Бачана машинини дараҳт тагида тўхтатди.

Мария машинадан тушди, туфлисини ечиб, ўтидан оёқ яланг анча жойгача чолиб борди, кейин ҳовли ўртасида тўхтаб, қулоchlарини ёэди-да, оёқ учиди туриб, худди қизалоқлардай, гир айланди.

— Ёпирай, олло таолога яқинлашиб қолибмиз-ку!

Сўнг черков рўпарасида чўнқайиб ўтиридио бошини тиззалири устига кўйганича, худди ибодат қиласётган роҳибаларадай қотди-қолди.

Бачана машинанинг юкхонасидан егулик нарсаларни олиб, дараҳт остига ўрнатилган столга келтириб кўди, кейин Мариянинг ёнига бориб, астагина ерга чўккалади ва уни елкасидан кучиб, кулиб туриб деди:

— Қани, Мария, бир тиловат қилиб юбор-чи!

Мария ҳам чўкка тушди, кафтини кўтарди-да, кўзларини юмганча ўқий бошлади:

Сен — ишончим, суюнган тоғим,  
Дилимга нур, қалбимга ором.  
Сен — кўқдаги ёнган юлдузим,  
Ҳам қўёшим дегайман мудом.  
Адоги йўқ тинин чашмасан,  
Қанотлари парқи фариштам.  
Яратгандан тилаганим шу —  
Мен билан бўл, бирга бўл ҳар дам!

Мария жим бўлиб қолди.

Бачана бу шеърни ёддан биларди, лекин ҳеч қажон, бирор марта ҳам унинг дуони эслатувчи мазмунни устида бош қотириб ўтиргмаган эди. Мана энди, бирдан вужудини алланечук ҳаловат чулғаб, қалби тўлқинланиб кетди. У Марияни ўзига қаратиб, сўради:

— Нима бу — тиловати ёки истакми?

— Бари бир эмасми?

Эҳ, офтобжон, офтобжон,  
Тоғ ортига беркина.  
Қалтирайди қиз шўрлик,  
Тафтингни дариф тутма.  
Қучогингга ол уни,  
Айт севги ашуласин.  
Кутмайди соҳибжамол —  
Топиб кетар бошқасин!

Мариянинг илтижосини гўё табиат уққандай бўлди: тоғ ортидан улкан қўёш кўтарилиб, черковни чўғдай қизиб турган бағрига босдию кўз очиб-юмгунча теварак-атрофдаги туманин сут каби ичиб юборди.

Мария Бачананинг кўксига ёпишганча кўйиниб гапира кетди. Унинг сўзлари ростдан ҳам тиловатни эслатарди:

— Ташлаб кетма, мени, Бачана!.. Ташлаб кетма, якка-ёлғиз суюнчигим сенсан!.. Шу пайтагча нега ёнимда эмасдинг?.. Қанчадан-қанча балолардан асраб қолган бўлардинг!.. Сени биринчи бор кўрган кунимдан бўйн ҳамма нарсадан юз ўйирдим! Сендан бўлак ҳеч нарса керакмас менга!.. Сен менинг илоҳимсан, мен факат сенга сиғинаман — ҳеч қажон ташлаб кетма мени, ўтмишга улоқтирма! Истамайман! Чарчадим!.. Умр бўйи қидира-қидира, сени эндигина топдим!.. Ташлаб кетмал!.. — Мария йиглаб юборди.

Бутун қалби түғён уриб турган бу аёлнинг ўтли таваллосини Бачана киприк қоқмай эшитди. Сўнг унга тасалли беришига уринди:

— Нималар деяпсан, Мария?.. Ким айтди, мени, ташлаб кетади, деб?.. Қўй, ўзингни бос!.. Йиглама, азизим!.. Ҳамиша бирга бўламиз!..

Мария сал ўзига келгач, Бачана уни аста ўт устига

ётқизди-да, ўрнидан туриб, черковга қараб юрди. Унинг ўзи ҳам Мариядан кам ҳаяжонда эмасди.

Черковнинг ичи заҳ ва нимқоронги эди. Бачана теварак-атрофга разм сола бошлади.

Зах тортиб, сувоги кўчиб кетган деворлар... На санам бор, на деворга ишланган бирорта расм... Бурчакда — устига ситилганроқ кўк мато ёпилган, бир оёғи калта ёғоч стол туриби, столда эса алмисоқдан қолган шамдон билан, афтидан, дарвешроқ одам чизиб ташлаб кетган Биби Мариянинг суврати... Шамдондаги учала шам ёниб тугаёзган... Столда яна бир боғлам шам билан фижимланган уч сўмлик пул...

— Хей! — деб қичқирди Бачана.

— Ҳе-е-е-е! — деган акс садо эштилди.

Гумбаз шифтида ғу-ғулаётган кабутарлар париллаб учиб, бирин-кетин дарчалардан ташқари чиқиб кетишиди... Бачана черков ичини кўздан кечира бошлади. Кунчиқар томондаги деворнинг баъзи ерларини шам ёқилаверганидан одам бўйи баравар қурум босган. Баъзи жойларда экскурсияга келганларнинг узундан-узоқ рўйхати. Фамилияларининг ёнига ўй адреслари билан черковга ташриф буюрилган вақт ҳам ёзиб кўйилган. Бачана Исо алайхиссаломнинг меҳроб деворига ишланган, туси ўчаёзган якка ягона суврати остига битилган икки сатр шеърни кўриб қолди. Унда қандайдир ҳаваскор шоир олло-таолони очиқдан-очиқ рад этган эди:

Ишонмайман, эй парвардигор,  
На суратинг, на сийратинг бор!

Шеърнинг тагига «Комсомол-атеист» деб имзо чекилган.

Сал кўйироқда унга жавоб ҳам бор:

Гар худога ишонмасанг, ўздан кўнглинг бўлса тўқ,  
Эй комсомол, нега келдинг бу ён кўзинг қилиб лўқ!  
Ташвишларим етиб ортар, йўл нотекис, кўп йироқ,  
Тинч кўй мени, даҳрий бола, тинч кўйганинг яхшироқ!

Имзо — «Исо Масиҳ».

Бачана хоҳолаб кулиб юборди: бу ғойибона мушоирда атеистнинг парвардигори оламга ютқазгани я, қол кўриниб турарди.

Черковдан чиқиб, Бачана Марияни учратмади.

— Мария, қаёқдасан? — деб қичқирди у.

Жавоб бўлмади. «Нега ёлғиз ташлаб кетдим-а!», деган ўй кечди кўнглидан ва черков атрофини зир айланиб, уни қидира бошлади.

Мария эса дараҳт тагидаги стол ёнида қандайдир бир мўйсафид билан бамайлихотир гаплашиб ўтиради. Бачана уларнинг олдига борди:

— Қаёққа ғойиб бўлдинг? — Ўтакамни ёриб юбординг-ку!.. Ассалому алаикум!— Бачана чолга ўгирилди.

— Ваалайкум ассалом! — Чол бошидаги думалоқ кигиз қалпоғини ечди.

— Тамадди қилволамизми? — деб сўради Бачана Мариядан.

— Жоним билан! Қорним очди! — деди Мария. — Отакон ҳам бизга шерик бўладилар.

— Албатта! Менинг ҳам ул-бул нарсам бор! — Чол тўрвасини очди, ундан хонаки нон, пишлок, пишган гўшт, саримсоқпиеz ва ярим шиша ароқ олиб, столга қўйди. Бачана машинадан бир шиша вино келтирди.

— Олдинига, болаларим, биттадан ароқ отамиз! — деди чол ва тўрвасидан мўъказигина мугузни олиб, ичига бир пулфади-да, ароқ тўлдириб, Бачанага узатди:

— Қани, тутдан қилинганини ҳам бир татиб кўр-чи! Йўқ, олдин бир нарса девор!

— Душманларимиз кўйиб, дўстларимиз кулаверсин!

Бачана ароқни ичиб юборди, бир оз жим тургач, мамнуният билан хитоб қилди:

— Ҳа, зўр ароқ экан!

Хурсанд бўлиб кетган қария ўзига келди.

— Шодлик бор жойда қайгу ҳам бор... Ҳар иккаласи учун ичамиз, соғ-саломат бўлсан, бас! Ҳаёт учун! — У мугузни бўшатиб, соқол босган юзига каф-

тини суртди, кейин Марияга ароқ қўйди.— Энди навбат сенини, қизим! Худо сени шундоқ чиройли қилиб яратиби, сўзларинг ҳам ўзингга ўхшаган ёқимили бўлиши керак!

Мария мугузни қўлига олди.

— Нечига кирдингиз, отахон?

— Э-э, — қарис қўл силтади, — етмишдан ошиб кетдим!

— Илойим яна шунча йил умр кўринг!

— Қаердансиш?

— Ҳўв анови қишлоқдан.

— Бу ерда нима қилиб юрибсиз?

— Мол боқяпман.— Чол иккита сигир билан уч нафар қўй ўтлаб юрган нариги ёнбағирликка ишора қилди.

— Ўзингизникими?

— Ҳа.

— Яхши даромад қиласизми?

— Даромад қаёқда! Бу жониворлар ўзини ўзи эпласа ҳам катта гап.

— Нимага боқиб юрибсиз бўлмаса?

— Эрмак-да, болам. Бир-икки ҳўплам сути бор, озигина юнг беради, иннайкейин, онда-сонда уч-тўрт қадоқ гўшт ҳам тегиб туради... Шу туёқ икки баравар кўп бўлганда эди... Ҳозир орқасидан лўқиллаб юрганинга арзимайди! Буларнинг фойдасидан бўрига эм бўлиши кўпроқ.

— Давлатга топширасизми?

— Албатта, топшираман.

— Нимани топширасиз?

— Айтдим-ку — озигина сут, озигина юнг, озигина гўшт...

— Икки баравар кўп бўлганда-чи?

— Ие, шуниям сўрайдими одам, ўғлим? Кўп бўлса, кўп топширадим-да... Гўримга орқалаб кетармидим? Ё давлатга топширадим, ё бозорга опчиқардим...

— Колхозда ишлайсизми. Георгий ота?

— Э-э, менга йўл бўлсин, ўғлим, бир оёғим ерда, бир оёғим гўрда бўлса! Болаларим ишлашади. Мол боққани ҳам қўйишмайди. Бизни шарманда қилиб нима қиласиз, тинчгина уйда ўтирангиз бўлмайдими, дейишади. Гўшт билан сутни давлатга магазиндан сотиб олиб топшираверишармиш! Эшитяпсанми? Магазиндан-а! Уша магазинга қаёқдан келади? Бу ҳақда ўйлашмайдиям баччагарлар!

— Георгий ота, бу черковга қарайдиган одам борми? — деда бирдан сўраб қолди Мария.

— Бор, бир кампир бор... Қишлоқда туради. Унинг ҳам исми Мария... Черковдаги столда турган санамни ўша чизган... Касалманд боёқиши, бу ёққа ҳафтада бир марта зўрга кўтарилади. Шунгаям раҳмат...

— Шамни ким ёққан? — деб сўради Бачана.

— Ким бўларди, мен ёққанман-да.

— Пул-чи? Пул қаёқдан кепқолди?

— Қаёқдан келарди? Мен қўйдим. Шам олиш учун...

— Худога ишонасизми, Георгий ота! — деди Мария.

Чол ўйлануб қолди. Кейин черковнинг гумбазидан пастигача кўз ташлаб чиқди, бир оз бош қашлаб турди яна черковга қаради.

— Нима десамикин... Очиғини айтсам, унчалик ҳам ишонмайман... Локин, тонг саҳардан қаро кечгача бу ерда ёлғиз ўзимман, атрофимда тирик жон йўқ.. Шундек бўлгандан кейин беихтиёр худони ўйларкан киши...

— Хўш, худо деганда нималарни ўйлайсиз?

Георгий ота яна черковга бир қараб қўйди.

— Нималарни ўйлардим?.. Бирорвлар курган ибодатхоналарни ҳароб қилган одам бунинг эвазига янги парини курсин, дейман, токи улар олдингиларидан ҳам чиройлироқ бўлсин... Манови черковга бир қара... Уни ким қурган, қачон қурган — ҳеч ким билмайди. Мъярака кунлари одам оқиби келади бу ерга, ҳар тарафдан — арманлар ҳам, татарлар ҳам, греклар ҳам, руслар ҳам... Грузинларни айтмай қўя қолай... Қелиб, ибодат қилишади. Менга қолса, бунақа черковда

ибодат қилгандан қўра, очиқ далада ибодат қилган минг марта афзал... У ерда худо яхшироқ эшигади... Бу ҳаробазорга худо у ёқда турсин, бандасининг ҳам киргиси келмайди... Мен бу гапларни нима учун гапиряпман? Демоқчиманки, черков қаровсиз ташлаб қўйилган. Хўш, ўрнига нима қуришиди?

— Тушунмадим, Георгий ота...

— Нимасига тушунмайсан? Илгарилари, ўғлим, черковга келган одам тепага кўтарилиб, эшикдан ҳовлига бошини эгиб киради, черков олдида бош кийимини ечарди, черков ичига шам ёқиб кетарди... Сизларга тушунтиришнинг ҳожати йўқ, ўзинглар ўқиган одам-сизлар, ҳаммасини мэндан яхши биласизлар... Мана, бизнинг қишлоқ советини олайлик. Ярим ҳароба бинога жойлашган, яна ижара ҳақи тўлайди. У ерга одамлар бош кийимини ечиш у ёқда турсин, ёнбошига туриб, сўқиниб киради... Менингча, қишлоқ советиникидан баланд, ундан чиройли бино бўлмаслиги керак бутун қишлоқда... Сизлар ўйлайсизларки, илгари одамларнинг курби етмаганни черковдан баланд иморат қуришга? Қурби етган, аммо-лекин журъат қиломаган!.. Бундай қилишга ҳеч кимнинг ҳаққи бўлмаган!.. Ҳозир-чи? Ҳозир колхозимиз раиси турадиган иморатни қишлоқ советининг биносига солиштирангиз ҳов анови тепалик билан Казбекчалик фарқи бор! Митъка шоғёрнинг гаражи ҳам клубимиздан уч баравар катта!.. Бунақа қишлоқ советига најот сўраб ким боради? Ҳеч ким бормайди. Нима, биз камбағалмизми? Йўқ! Худога шукр, қишлоғимиз бадавлат, ўзига тўқ! Ноң ҳам, вино ҳам, сабзавот ҳам етарли! Одамнинг чўйқадан нима фарқи бор? Фарқи шундаки, одам дарахтнинг тепасидаги мевани терби ейди, чўчка бўлса ерга тўкилганларни ейди. Бу билан нима демоқчиман? Айтмоқчиманки, ҳар ишни ўз вақтида қилиш керак! Кечикдингми, мева ерга тўкилдими — тамом, уни чўчка илиб кетади!.. Бир куни қишлоқ советининг раисига шартла-шартла гапирдим: «Қанақа одамсан ўзи! — дедим. — Ҳўжайн бўлсанг, совет ҳокимияти бўлсанг!.. Мундок жонингни койтигин, хумпар, тузукроқ бино қургин, одамлар қишлоқ советига яйрабяшнаб кирадиган бўлсин!» У нима дейди денг: «Пулсиз, лимитсиз қанақа қилиб қураман?», дейди. «Лимитинг нимаси?» «Лимит — бу ғишт дегани!» Эшитяпсизларми? Ғишт йўқ эмиш! Хўш, Митъканинг гаражига ёки колхоз раисининг қасрига ғишт қаердан топилди!.. Ҳўп, ғишт тополмас экансан, ҳеч бўлмаса, соқолингни олиб юргин ёки тақводор одамларга ўхшаб соқол қўйгин! Тузукроқ кийингин! Токи одамлар сенга хурмат билан қарасин! Шундай қисла бўладими? Бўллади! Лекин қилмайди баччагар! Ундан кўра қишлоқда сигиримнинг обрўси баландроқ. Нима учун! Шунинг учунки, сигирим ҳаммавақт ювилган-таралган, тагин саккиз литрдан сут беради! Мана, сизга ахвол! Ё ногтўри гапиряпманми? — Чол сўзини тутатиб, стаканларга вино кўйди.

— Ҳаммаси тўғри, Георгий ота,— деди Бачана,— лекин ростини айтинг-чи, бирор марта шу ҳақда мажлисада гапиргандисиз?

— Гапиргандисиз бир марта...

— Қачон?

— Ҷишин нечичида?

— Кирқдан ўтганман.

— Унда мен ўттис ўшда эдим, гапириб балога қолганман. Сал бўлмаса...

— Ҳозир замон бошқача, Георгий ота!

— Бошқача бўлса, ана, бошқалар гапирисин... Мен ёшимни яшаб, ошимни ошаб бўлдим.

— Ҳали яшамоқчиман, девдингиз шекилли?

— Эҳ, ёшлар, ёшлар! Ҳамма нарсани оғизда битказасизлар-қўясизлар! Ишга келганда... Дарвоқе, райкомдамисан, ўғлим?

Бачана қулиб юборди.

— Йўқ, Георгий ота, мен ёзувчиман, газета редакториман.

— Редактор? Жуда соз. Мана шуларни газетангда ёзиз чиққин!

— Ёзаман ҳам!  
— Қийиндири-ов...  
— Нега энди? Георгий Тушмалишиви шундай фикрда, деб ёзаман.  
— Ҳаммасини менга ағдармоқчимисан? — Чолниңг капалаги учеб кетди.  
— Йўғ-э! «Кисман унинг фикрига қўшиламан», дейман.  
— Кисманми?  
— Ҳа.  
— Демак, фикримга тўла қўшилмайсан?  
— Йўк.  
— Ярмига-чи?  
— Ярмига қўшиламан.  
— Майли, ярмини ёз.  
— Албатта ёзаман!  
— Омон бўлсак, кўрармиз, — деди Георгий ота ишонқирамай ва Марияга мурожаат қилди: — Ёзадими?  
— Ёзади! — деди кулиб жавоб берди Мария.  
— Дарвоқе, сўраганинг айби йўқ, сизлар бир-бирларингизга ким бўласизлар? — деб қолди Георгий ота бирдан.

Мария бу саволни кутмаган эди, хижолат бўлиб елкасини қисди ва нима жавоб қиласай, дегандай Бачана қаради.

— Биз, Георгий ота, бир-биримизни яхши кўрамиз, бу ерга никоҳ ўқитиш учун келувдик. Кашиш йўқ экан, ҳайронман, энди ким никоҳдан ўтказиб қўяди бизни? — деди Бачана кулиб.

— Кашишининг нима кераги бор? Агар ростдан ҳам бир-бирларингизни севсангиз, ўзим никоҳлаб қўявераман! — деди Георгий ота ўрнидан туриб. — Қани, ёнма-ён туринглар-чи! Исминг нима?

— Бачана.

— Сенинг исмингни биламан. — Мария.  
Георгий ота чап қўлини юкорига кўтариб, ўнг қўлига вино қўйилган стаканни олди.

— Болаларим, Мария билан Бачана! Илоҳим, тонгги шабнам умр йўлларингизга тўшалган беғубор пойандоз, кўкдаги офтоб — бошларингизга гултоҳ, мана бу кўхна черков билан она ер — муҳаббатингизга безавол гувоҳ бўлсин! Мен, Георгий Тушмалишиви, бақавли олло таоло Нуҳ пайғамбарини сийлагандай,

сизларга оқ фотиҳа бераман. Узларингдан кўпайинглар! Фарзандларингиз юртимизнинг шуҳратига шуҳрат қўшсин! Муҳаббат бир умрлик йўлдошингиз бўлсин! Ҳамиша ёри вафодор, ачиқ-чучук кунларда бир-бирларингизга мададкор бўлинглар! Омин!. Мени тўйга айтиш ҳам эсларингдан чиқмасин!

Георгий ота стаканни охиригача бўшатди-да, оғзини енгига артиб, Мария билан Бачананинг ёнига келди ва уларни наавбатма-наавбат чўлпиллатиб ўпди.

— Қани энди, бирорта кашиш Георгий Тушмалишивидан яхшироқ никоҳ ўқиман, деб мақтаниб кўрсинчи! — деди у ҳахолаб ва кўкрагига бир уриб қўиди.

— Раҳмат сизга, Георгий ота! — деда чолга миннатдорчилик билдириди Бачана. Мария эса бошини қўйи эгганча индамай турарди.

— болаларингиз бири биридан чиройли бўлади! Кўпайтираверинглар! — Георгий ота сумкасини қўлига олди.

— Кетяпсизми? — деди афсусланиб Бачана.

— Бормасам бўлмайди, молларим колхоз экинига кириб кетса, қоровулдан балога қоламан!. Хайр, болаларим! Яна йўлларинг тушса, мени қидириб топинглар, мен шу атрофда бўламан.

— Хайр, Георгий ота! Омон бўлинг. Кимки — хоҳ эркак, хоҳ, аёл мана шу кимсасиз жойда сизга ҳамдарду ҳамнафас бўлса — ниятига етсин!

Бачана билан Георгий ота қаттиқ қўй қисишиб хайрлашиди. Бир неча қадам юргач, чол бирдан орқасига қайрилиб, ўпкалагандай қичқирди:

— Сен-чи, Мария, мендан хафа бўлдингми? Ё никоҳни ёмон ўқидими?

Мария турган жойидан ўқдай отилиб, Георгий отанинг ёнига чопиб борди-да, унинг бўйнига осилиб, соқол босган юзидан ўпа кетди. Кейин худди шундай шитоб билан бурилиб, черковга қараб югурди.

Бачана Георгий отанинг орқасидан бир оз қараб турди-да, Мариянинг изидан юрди.

Мария стол пойида тиз чўккан эди. Биби Марям сурати қаршисида учта шам ёнинб турарди.

Бачана аёлнинг пичирлашига анча вақт қулоқ солиб турди. Сўзларини эшитмасиз ҳам Мариянинг тиловат килаётганини тушунди. Кейин, ғижимланган уч сўмлик ёнига астагина ўн сўм ташлади-да, оёқ учиди юриб черковдан чиқди.

### Охири келгуси сонда

Шеъриятга кириб келмоқ, назаримда, ишқа кириб келмоқ, ўтга кириб келмоқдан ўзга эмас. Киреб келгач эса устод Навоий айтганидек: «Ўт аро куймакдан ўзга чора йўқ».

Бу ўт аро ўзи ўртаниб, куйиб яшамаган куйчи, халқнинг куюнчак куйчиси бўлолмайди.

Матлуба, бу шеърлар сенинг халққа айтатётган илк сўзинг, аммо мен хаёлкаш кўзларингда жиққа ёш билан шеър ўқиганларинг, шеър тинглаганларингни кўп кўрдим. Бу таъсирчан юрак, бу гўзал изтироблар қутлуғ бўлсин! Мен сенга умри узун ҳайрат, ҳаётнинг қиши қорларида ҳам олови сўнмас, содик, фидойи юрак тилайман.

Зеро, бу майдон инча ҳаммамиз учун ҳам, сингилжон (яна қайтараман):

Ўт аро куймакдан ўзга чора йўқ.

Ҳалима ХУДОЙБЕРДИЕВА



МАТЛУБА  
ХАМОРОЕВА



## Бир гўзал тонг отар

Бир гўзал тонг отар...

Бир қўшиқ оқади жўшқин ва дилбар,  
Оҳангдан сесканиб ўйғонар хона.  
Қизлардек нозланиб кулади еллар,  
Гулларни қитиқлаб дали-девона.

Бир гўзал тонг отар...

Севинчдан майсалар қатида виқор,  
Сарғайган бодомзор чўмилар нурга.  
Ушбу дам юракда неки ҳислар бор,  
Кўчиргим келади битталаб шеърга.

Бир гўзал тонг отар...

Мовий кенгликларга тўймайман  
боқиб,  
Гоҳ Сайҳун, гоҳ Жайҳун бўлар  
ўйларим.  
Ўйларим, ҳисларим мавжуда оқиб,  
Ўзбекистон ҳақда келар кўйлагим.  
Бир гўзал тонг отар...

\*\*\*

Бу тунда ухламанг, тонггача тингланг,  
Олис юлдузларнинг мунаввар оҳин.  
Бу тунда ухламанг, тонггача тинмай  
Ўқиб чиқинг мунис кўзлар нигоҳин.

Хилват хоналарда лоқайд мудраманг,  
Ўйнинг шуъласига тикилманг лоқайд.  
Ҳатто айттолмассиз куюниб аттанг,  
Мангу ухламоқца етганида пайт.  
Бу тунда ухламанг...

Эртаклар тинглардик болаликда биз,  
Дунёни эртак деб тан олар эдик.  
Улгайгани сари тасавурумиз,  
Эртакларга ортиқ ишонмай қўйдик.

Эртаклар айланди фалсафаларга,  
Мурғак тушунчалар кўтардилар қад.  
Ялинмаймиз энди Мўмин бобога,  
Биз билан юзма-юз энди ҳақиқат.

Эртага ўғлимиз ёки қизимиз  
Эртак айтиб бер, деб қисташи аён.  
Шунда биз чирт юмиб икки кўзимиз,  
Эртаклар айтамиз ёлғондан-ёлғон.

Улар рост билади сўзларимизни,  
Чулғар кўзларини теран бир хаёл.  
Берилиб, ишониб тинглашар бизни,  
Биз Мўмин бобони тинглаган мисол.

Баҳонада биз ҳам ташвишдан бўшаб,  
Бир дам болаликка бориб қайтамиз.  
Шунинг учунмикан соғиниб, кўмсаб,  
Биз ҳам болаларга эртак айтамиз...

\*\*\*

Бугун сизни кўп эсладим ўша боғчада,  
Мажнунтоллар эртагига осганча қулоқ.  
Асли шу боғ бизни баҳтсиз қилган бўлса-да,  
Шод кўнларга қайтмоқ истаб кездим мен узоқ.  
Севишганлар кўзларидан учади чақин,  
Ишонч ила бир-бирига айтадилар роз.  
Менинг ўқисик юрагимни пичоқлар секин  
Мажнунтоллар сочларидан тараалган овоз.  
Элас-элас хаёлимга келар бир қўшиқ  
Ва тоғдаги оҳуларнинг ёлворган ози.  
Мажнунтоллар сочларида абадий қўшиқ —  
Юракдаги мұҳаббатнинг ўлмаган руҳи.

ИВАН  
БУНИН

# Хикоялаф

## ХИЛВАТ ХИЁБОНЛАР



Расмларни З. МАЛАХОВА чизган

Кузнинг совуқ, ёғин-сочинли палласида ёмғирдан шилтаси чиқиб, эгри-буғри, қорамтирилдирик изларидан топталиб ётган Туланинг кенг йўлларидан бирида тебраниб бораётган тўрт ғилдиракли соябон арава узун ёғоч уй қаршиисига келиб тўхтади: уйнинг бир тарафида подшолик тасарруфидаги почта бекати, нариги томонида эса йўловчилик ҳордик чиқариб тунаб қолиши ёки самовар қайнаттириб, тамадди қилиб олиши мумкин бўлган хусусий мусофирихона жойлашган. Лойга ботган араванинг соябони тепага ярим кўтарилган, извонга қўшилган учта жайдари отнинг думи балчиқ сачра-маслиги учун тугиб қўйилган эди.

Извончининг жойида — ўриндида белини маҳкам сириб олган, қорамагиз юзи тунд ва жиддий чорпаҳил мужик ўтирибди; камдаң-кам кишиларда учрайдиган қоп-қора, куюқ соқоли уни қадимги қароқчиларга ўхшатиб туради; соябон остида катта шапкали, николайча қундуз ёқали кулранг шинель кийган басавлат ҳарбий қария ўтирас, унинг қошлари ҳали тим-қора бўлса ҳам, мўйловига туташган чакка соқоли оппоқ оқараб кетган эди; ияги ва бағбақаси тозалаб қирилган, умуман, у ташки кўринишдан Александр II га шундай ўхшаб кетардики, бу ўхшашлик Александр II даврида яшаган ҳарбий кишиларнинг деярли барчасида учрарди; унинг қарашлари ҳам қатъий, саволомуз, шу билан биргэ, бирмунча ҳоргин эди.

Отлар тўхтаган заҳоти у тик, текис қўнжли ҳарбийча этикдаги оёқларини аравадан пастга осилтирди-да, буғу терисидан тикилган кўлқопли кўллари билан шинелининг этакларини тутган кўйи ёғоч уй ёнидаги майдончага сакраб тушди.

— Чапга юринг, зоти олийлари,— дея извончи ўриндиқдан турмай дағал товуш билан қичқирди; ҳарбий киши остановдан ҳатларкан, баланд гавдасини сал энгаштирганча, аввал даҳлизга, кейин меҳмонхонага кирди.

Меҳмонхона озода, саранжом ва иссиққина эди. Чап томондаги деворга зар ҳалли авлиё суврати осил-

Максим Горький, Иван Бунин ва Леонид Андреев Неополдаги ресторонлардан бирда сұхбатлашиб ўтиришарди... Ногаҳон бир киши кириб келади. Ёзувчилар уни үч минутдан кузатиб, сұнгра тасвирлаб беришга шартлашадилар. Горький унинг костюми кулранг, ўзи рангпар, құллари узун ва қизиши эканини айтади. Андреев эса ҳеч нарсаны, ұтто костюмининг тусини ҳам илғаб ололмаган учун бирон бир Фикр айтолмайды. Навбат Бунинга келади. Бунин аввал унинг ташқи қиёфасини тасвирлаб беради, сұнг жаһонгашта төвламачилардан эканини таъкидлайди. Баш официантни қақириб, ундан сұраганларыда, «Бу одам ким, исми шарифи нима — билмайман, лекин у ҳақда ёмон гаплар юради», деб жавоб беради...

Буниннинг ноёб истеъдодига тан беребі, бу воқеани Алексей Толстойга ҳикоя қилип берган буюк Горький доимо, ұтто ўзаро мұносабатлары кескинлашиб кетган пайтларда ҳам, замондан ёзувчиларни Буниндан ўрганишга дағыт этарди, у ҳақда: «Бунин... бутун борлиги билан худди тараған тортилган торға ўхшайды, унинг босиқлиги эса улкан ботиний құдратнинг аломатидир... Қандай истеъдод! Қандай тип!..», деге завқланиб сўзларди.

Дарҳақиат, академик ёзувчи, Пушкин ва Халқаро Нобель мүкофотлари лауреати Иван Алексеевич Бунин [1870—1952 йил]— асриимизнинг буюк реалист ёзувчиларидан бири. Унинг асарларыда бепоён Россия, рус қарастери, рус қалби бекиёс, бетакрор ифодасини топған. «Қишлоқ», «Арсеньевнинг ҳәёті», «Захар Воробьев», «Аглай», «Сан-Францисколик жаноб», «Чангнинг тушлари» сингари насрый асарлари, терен лирик-фалсафий шеърлари, «Хаңорезлик» достони, Лонгелло, Байрон, Мицкевичдан қылған таржималари рус адабиётининг дурданаларига айланыб қолди.

Бирок, Буниннинг ҳәёт йўли мураккаб кечди. У Октябрь инқолобининг буюклигини кейинчалик қалби билан ҳис этган бўлса-да, уни тан олгиси келмай мұхожириликда яшади. Аммо у Ватандан умид узмади, ундан юз ўғирмади. Иккинчи жаҳон уруши йилларда Францияда истиқомат қиласар экан, даврнинг қийинчилликларига, очникка қарамай, фашистлар матбуотининг сон-саноқсиз таклифларини кескин рад этди, бир сатрини ҳам уларга раво кўрмади. Аксинча, антифашист қочқинларни Грассдаги ўйига яшири, совет қўшинларининг ҳарбий ҳаракатларини ҳаяжон билан кузатиб, иш бўлмасидаги Совет Иттифоқи ҳаритасига мунтазам белгилар қўйиб борди.

Бунин Ватан билан доимо алоқада бўлди. У китобларини нашр эттириш учун Москвага жўнатар, К. Федин, А. Твардовский, К. Паустовский, Н. Телешов сингари совет ёзувчилари асарларини ҳамиша кузатиб бориб, Фикр-мулоҳазаларини билдирав, улар билан хат ёзишиб турар эди.

Фақат, жуда катта истеъдод ва Ватанга бўлган улкан мұҳаббатгина Бунинни ижодкор сифатида ҳалокатдан сақлаб қолди. У совет Россияси ҳәётини яхши билмас, табиийки, у ҳақда ёза олмас эди. Эҳтимол, унинг ижодида шу сабабдан ҳам хотира-ҳикоялар вужудга келгандир. Ана шу туркумдаги «Мерихон гули», «Олис ҳәёт», «Чипта кавуш», «Тун», «Руся», «Қузғун» ҳамда журналхонлар дикқатига ҳавола этилаётган «Хилват хўёблонлар», «Совюк куз», «Бернар» ҳикоялари бадиият дарражасининг юксаклиги билан хотирот қобигидан чиқиб, инсон қалбининг буюн достонига айланди.

Иван Бунин асарларини ўқиган ҳар бир китобхон буюк ёзувчи ҳәётини кўз олдига келтирас экан, унинг бир пайтлар айтган сўзлари нақадар ҳақлиларига амин бўлади: «Қачонлардир ҳәётимда содир бўлган воқеаларга — кечмишимга бу дунёда ўлим йўй, ҳалокат йўй! Токи Қалбим, Мұхаббатим, Хотиротим яшар экан, айриликлар ҳам, йўқотишлар ҳам мен учун ҳечдир!»

ган, унинг остида топ-тоза, дағалроқ матодан тикилган дастурхон ёзиглиқ стол, стол теграсида ялтиратиб ювиб қўйилган тахта ҳарракалар. Ҳонанинг ўнг бурчагида яқинда бўр билан оқланған ошхона пекчаси; ён томонда ола-була от ёпқиши ёпилган кат — сунячиқсиз диванга ўхшаш бир нарса пекчанинг бицинига тақаштириб жойлаштирилган; пекча тараффдан кўк шўрванинг, ҳил-ҳил пишиб ётган кўй гўшти, қарам ва дафна барагининг қоришик, лаззатбахш ҳиди таралади.

Меҳмон шинелини ечиб тахта ўриндиқа қўйди, мундирни, пўрим ҳарбий этиклари яққол кўзга ташланыб, гавдаси янада басавлат тус олди, кейин қўлқоп ва бош кийимини ечди-да, озғин, рангпар қўллари билан сочини кетма-кет ҳорғин таради — оппоқ, қуоқ сочлари иккала чаккаси узра фатила-фатила бўйиб тушди, билинар-билинмас чечак асорати қолган чўзинчоқ, чиройли юзида, қора қўзларида фавқулодда бир жонланиш пайдо бўлди. Меҳмонхонада ҳеч ким кўринмасди, у даҳлиз эшигини очаркан, овозини баралла қўйиб қичқириди:

— Ҳой, одам борми бу ерда?

Шу захотиёқ меҳмонхонага қора сочли, қора қошли, ёши ўтингираб қолганинга қарамай, ҳали-ҳамон диловар, кекса лўли хотинларга ўхшаган бир аёл кириб келди. Унинг ёноқ чаккалари, дудогининг устки қисми нағис туклар — ирнлар билан безантан эди. Қомати тўла бўлса ҳам, күшдек енгил ва нозик одимлар, бўлиқ қўкраклари қизил кофтасини туртиб туради, қора

жун юбкаси остидаги қорни эса, худди ғознинг қорнидай, учбурчак бир тарзда кўринар эди.

— Хуш келибсиз, зоти олийлари,— деди у.— Тамадди қилмоқчимилар ёки самовар қўйишни буорадиларми?

Мусофири киши аёлнинг дум-думалоқ елкасига, тўзгиброқ қолган қизғиши татарча бошмоқли хушбичим оёқларига бирровс кўз юргутирди ва эътиборсизлик билан қисқа-қисқа қилиб деди:

— Чой ичмоқчиман. Бу ернинг бекасимисан, хизматкормисан?

— Бекаман, зоти олийлари.

— Демак, меҳмонхонани ёлғиз ўзинг бошқарасан?

— Худди шундай, зоти олийлари, ўзим.

— Бу қанақаси бўлди, а? Ҳамма ишни қўлингга олволибсан, ё тулмисан дейман!

— Эр қилмадим, зоти олийлари, аммо — сабаби тирикчилик, қолаверса, ўзим ҳам хўжалик ишлари билан шуғулланиши яхши кўраман.

— Ҳа-ҳа, шундай дегин. Кўп яхши. Уйни покиза тутаркансан, бу ишинг менга маъқул.

Аёл синовчан нигоҳини ҳарбий кишидан бир нафас бўлсин узмас, андак қисилган, ҳаёлчан қўзлари унга қадалган эди.

— Покизаликни ҳам жонимдан ортиқ кўраман,— дега жавоб берди у.— Ахир, аслзодалар хонадонида ўсдим, тарбият топдим, шундай бўлгач, рўзгор тутишим ҳам шунга яраша бўлади-да, Николай Алексеевич.

Мусоғир илкис қаддини ростлади, кўзлари катта-  
катта очилиб, юzlари қизариб кетди.

— Надежда! Семисан?— деди у шоша-пиша.

— Менман, Николай Алексеевич,— деда жавоб бер-  
ди аёл.

— Ё раббий, ё раббий, буни қара-я!— деди мусо-  
ғир тахта ўриндиққа ўтиаркан, кўзларини ҳамон аёл-  
дан узмай.— Ким ҳам шундай бўлишини ўйлабди дей-  
сан? Кўришмаганимизга неча йил бўлди экан-а? Уттиз  
беш йилми?

— Уттиз йил, Николай Алексеевич. Мен қирқ сак-  
кизга кирдим, сиз ҳам олтмишга бориб қолгандирсиз?

— Шунга яқинроқ... Ё тавба, жуда қизиқ бўлди, а?

— Нимаси қизиқ, тақсир?

— Ҳаммаси, ҳаммаси-да... Наҳотки тушунмаётган  
бўлсан!

Мусоғирнинг ҳорғинлиги ва паришонлигидан асар  
ҳам қолмаган, энди у ерга тикилганча меҳмонхона бўй-  
лаб кескин одимлар эди. Бир пайт у шартта тўхтади,  
юзлари лов-лов ёниб, сўз бошлади:

— Ўшандан кейин сен тўғрингда ҳеч нарса эшитма-  
дим. Қандай қилиб бу ерларга келиб қолдинг? Нега  
аслодалар хонадонидан кетдинг?

— Сиз кетганингиздан кейин улар менга ҳам жавоб  
бериб юборишиди.

— Кейин қаерларда яшадинг?

— Сиз сўраманг, мен айтмай қўяқолай, тақсир.

— Эрга ҳам чиқмадим, дедингми боя?

— Ҳа, тақсир.

— Нима учун? Шунчалик ҳусни латофатинг бўлату-  
риб-а?

— Журъат қиломадим, тақсир.

— Нега журъат қиломадим, дейсан? Нима деганинг  
бу?

— Нимасини ҳам айтай энди? Балки ёдингиздадир,  
ахир сизни канчалар яхши кўрардим...

Мусоғир бу сўзлардан беҳад мутаассир бўлди,  
азбаройи қизариб кетганидан кўзларига ёш қалқди,  
сўнгра қовоқ уйиб, яна хона бўйлаб нари-бери одим-  
лай бошлади.

— Ҳамма нарса ўткинчиидир, азизим,— деда ўғранди  
у.— Мұҳабbat, ёшлиқ — ҳамма-ҳаммаси фонийдир.  
Нима бўлган бўлса, ўтди-кетди. Ҳаммаси даҳмазаю бе-  
мазагарчилидан иборат. Вақти келиб, барни унтулади.  
Иовнинг муқаддас китобида бу ҳусусда нима дейил-  
ган, биласанми? «Оқиб кетган сувлар янглиғ хотирла-  
гайсан».

— Нима бўлсаям, пешонада бори бўларкан, Нико-  
лай Алексеевич. Ёшлиқ-ку, ҳеч кимсага вафо қилмайди,  
аммо мұҳабbat — бошқа нарса.

Николай Алексеевич бошини хиёл кўтариб, юриш-  
дан тўхтади-да, ҳасратли кулимсираб қўйди:

— Сен мени бир умр севолмасдинг-ку, ахир!

— Йўқ, севишим мумкин эди; ўшандан бўён қанча  
йиллар ўтди, аммо мен ёлғиз мұҳаббатим билан яша-  
дим. Сизнинг аввалигидай эмаслигингизни, орамизда  
неки ўтган бўлса, барни унтумолингиз мумкинлигини,  
бу билан ҳеч нарса йўқотмаслигингизни ҳам билар-  
дим... Лекин, ҳозир... Энди гина-кудурат қилиб ўтириш-  
дан ҳеч қандай наф йўқ, албатта; аммо, тўғрисини  
айтганда, ўшандан сиз мени жуда шафқатлизларча таш-  
лаб кетган ёдингиз — мана шунинг учун ҳам ўзимни  
ўзим бир неча бор ўлдиromoчи бўлганман, сизни деб  
чеккан азобларимни айтиб адо қилиб бўлмайди. Ни-  
колай Алексеевич, ёдингиздами, қандай даврлар эди-  
ки, ўшандада сизни Николенька деб чақирапдим, сиз эса  
мени, эслайсизми, нима деб атардингиз? Айтгандай,  
мендан лутфингизни дариф тутмай, қандайдир «Хилват  
хиёблонлар» тўғрисидаги шеъларни ўқисам ҳам инда-  
мас ёдингиз,— деда нохуш жилмайганча қўшиб қўйди  
аёл.

— Эҳ-ҳе, сен ҳақиқатан ҳам ажойиб ёдинг!— деди  
меҳмон армон билан бosh чайқаркан.— Қандай жози-  
бадор, қандай диловар ёдинг-а! Кўзларинг ёниб ту-  
ради, жуда хушқомат ёдинг. Эсингдами, сени кўрган-

да ҳамма ортингдан ниҳоясиз ҳайрат билан термилиб  
қоларди?

— Эсимда, тақсир. Аммо сиз ҳам ўшанда ғоят ажо-  
иб эдингиз-да. Ана шунинг учун ҳам мен бор ҳусни  
латофатимни, бутун ёшлиқ жозибами сизга фидо қил-  
ган эдим. Ахир, буларни унтутиб бўларканми!

— Ҳа-ҳа! Ҳаммаси ўтаркан. Ҳаммаси унтутиларкан  
ҳам унтутилавермас экан-да.

— Бас, бас, мени холи қўй,— деди меҳмон тўсатдан  
ва қайрилиб дераза ёнига борди.— Илтимос, чиқиб кет  
бу ердан,— деда ёлворди у, сўнг дастрўмолини олиб,  
оҳиста кўзларига босди-да, бидирлаганча:— Ишқилиб,  
мени худо кечирсин,— деди.— Сен-ку кечирган кўри-  
насан-да...

Аёл эшик олдига етганда таққа тўхтади:

— Йўқ, Николай Алексеевич, мен сизни кечирмаган-  
ман. Модомики, гап ҳиссиятларимиз ҳақида бораркан,  
тўғрисини айтмай иложим йўқ; гуноҳингиздан ўтиши  
ҳарчанд истасам-да, ҳаргиз кечиролмадим. Ўша пайт-  
ларда сиз мен учун ёруғ дунёдаги энг азиз киши эди-  
нгиз, кейин ҳам шундай бўйлиқ қолдингиз. Шу важдан  
ҳам сизни кечиролмадим. Келинг, яхшиси, шуларни  
эслаб ўтирмайлик, гўрга кирган қайтиб чиқармиди ҳеч  
жаҳонда!

— Ҳа-ҳа, тўғри, ўтган ишга саловат; буюр, отни қў-  
шишин,— деди мусоғир дераза олдидан нари жилар-  
кан, бирмунча жиддий, совуқкон оҳангда.— Аммо, мен  
сенга айтсан, ҳаётда сира омадим юришмади, баҳтиёр  
бўлолмадим, тагин бошқача ўйлаб юрма илтимос. Бал-  
ки менинг гапларим сенданда худкашлик, иззаталаблик  
ҳиссиятига зиддир; балки улар сени таҳқиқ этар, би-  
роқ мен очигини айтаман: хотинимни кўр-кўрона, тел-  
балардек севар эдим. У эса, аввал хиёнат қилди, сўнг  
мен сени ташлаб кетгандагидан кўра ҳам баттар таҳ-  
қиrlаб, ташлаб кетди. Ўғлимга қаттиқ мөхр кўйган  
эдим — вояга етгунча унга не-не умидлару не-не ор-  
зулаrimни боғлаган эдим-а! У эса одам эмас, исроф-  
гар, сурбет, имонсиз, виждонсиз, ярамас бир ҳайвон  
бўлиб чиқди... Сирасини айтганда, буларнинг ҳаммаси  
турмушдаги ўша даҳмазаю бемазагарчиликнинг бир-  
кўриниши холос. Хўп, маъли, омон бўл, азизам. Ўйла-  
қарасам, сендан айрилиб, мен ҳам ҳаётдаги энг беба-  
ҳо гавҳаримдан жудо бўлган эканман

Аёл унга яқин келди, эгилиб қўлини ўпди; Николай  
Алексеевич ҳам унинг қўлларидан ўпди.

— Буюр, отларни қўшаверишсин...— деди у.

...Соябон арава ҳусусий мусоғирхонадан олислаб  
бораркан, Николай Алексеевич хомуш ўйлар эди: «Ҳа,  
жудаям чиройли эди, гўзал эди, соҳира эди!» У хайр-  
лашәтиб айтган сўнгги сўзларини эса олди ва Надеж-  
данинг фақат қўлларидан ўтганини эслаб уялди, аммо  
шу заҳотиёб ўтчанлигидан хижолат чекди. «У менга  
умрининг энг гўзал даврини, олтин дақиқаларини баҳш  
этгани рост эмасми, ахир!»

Сўнг қўёш эндигина уфқа бош кўйган эди. Из-  
вошли ҳам алланарсаларни ўйлаган кўйи отларни ўйт-  
тириб борар, арава катта ўйларди сон-саноқиз, қоп-қо-  
ра гидирлак излари бўйлаб шалоплаганча тебрана-теб-  
рана елар эди. Ниҳоят, извошли қўпол, тўпори товуш-  
да сўз қотди:

— Анави хотин, зоти олийлари, жўнашимиз билан-  
ноқ дераза олдига келиб орқамиздан термилиб қолди.  
Аввалдан танишларигиз бўлса керак-да, зоти олийла-  
ри?

— Ҳа, Клим, таниш эдик.

— Ақли расо хотин у. Жуда бойиб-битиб кетаётган-  
миш — ҳамманинг оғзида шу гап. Қарзга пул ҳам  
бериб туради.

— Шуям мартаба бўпти-ю!

— Мартаба бўлмай-чи! Тўкин-сочин яшаш кимгаям  
ёқмайди! Аммо, ростини айтганда, ўзи жуда яхши хот-  
ин-да. Бирорга зиғирча ёмонлик қилганини ҳали ҳеч  
ким эшитмаган. Жарақ-жарақ пулни қарзга беради-ю,  
баъзи бойчукчалардай тириқлик қилмайди. Лекин, ўз-  
ишига пишиқ — қаттиқ хотин! Ландавурилик қилиб қарз-

ни вақтида тўламасанг, ўзингдан ўпкала, аяб ўтирумайди.

— Ҳа-ҳа, ўзингдан ўпкала... Тезроқ ҳайда, мунча имиламасанг, поезддан кечикиб қолмайлик тағин...

Уфқа чўкиб бораётган қўйшининг каҳрабо ёғдулари кимасиз далаларда танҳогина жилваланар, отлар ўтлоқ йўлдан, худди сузиб кетаётгандек, бир маромда чопиб борар эди. Николай Алексеевич отларнинг ялтулт кўзга чалинаётган тақаларига термилиб ўтиаркан, қора қошларини чимирганча ўйлар эди:

«Ҳа, ўзингдан ўпкала. Ажойиб дамлар эди-да ўшан-

1938 йил, 20 октябрь

да! Наинки ажойиб, чинакам афсунгар дамлар эди! «Атрофда наъматак гул очмиш алвон, хилват хиёбонлар шивирлар танҳо...» Ё раб, ё раб, кейин нима бўлган эди ўзи? Агар Надеждана ташлаб кетмаганимда нима бўларди? Қандай бемаънилик, қандай бемазагарчилиг-а! Ахир, мана шу Надежда хароб бир мусофирихона соҳибаси бўлмай, менинг хотиним бўлиши, Петербургдаги хонадонимга бека, болаларимга она бўлиши ҳам мумкин эди-ку?!

У кўзларини беҳол юмиб, бошини оҳиста чайқаб кўйди.

Тоҳир ҚАҲХОР таржимаси

## СОВУҚ КУЗ

**Ү**ша йилнинг июнь ойида У қўрамизда меҳмон бўлди — У доим ўзимизнинг одам саналарди: раҳматли отаси отамнинг ҳам дўсти, ҳам қўйшини эди. Фердинанд Сарой шахрида ўн бешинчи июнь куни ўлдирилди. Ўн олтинчи июнь эрталаб эса почтадан газета келди. Отам қўлида кечки Москва газетаси, хонасидан чиқиб, бизлар — У, ойим ва мен ҳанузгача чой ичиб ўтирган емакхонага кирди-да:

— Мана энди, дўстларим, уруш! — деди. — Саройда Австрия шаҳзодаси ўлдирилиби. Бу — уруш дегани!

Авиё Пётр куни — отамнинг таваллуд санаси эди — бизнисига жуда кўп меҳмон келди, тушлик маҳали менинг Унга унаштирилганим маълум қилинди. Бироқ ўн тўққизинчи июлда Германия Россияяга уруш очди...

Сентябрда У бизнисига фақат бир кунга — урушга жўнаш олдидан хўшлашгани келди (у пайтлар ҳамма, уруш тезда тугайди, деб ўйлар ва, шунинг учун ёдам, тўйимиз кўклигама қолдирилган эди). Мана, хайрлашув оқшоми. Кечки овқатдан сўнг, таомилга кўра, самовар олиб кирилди, шунда отам буғдан терлаган дераза ойнасига тикилиб, деди:

— Ажаб барвақт ва совуқ куз!

Биз ўша оқшом сокин ўлтириар, ҳаддан ташкари босиқ, ботиний ўй ва туйгуларимизни сир тутганча, аҳен-аҳёнда бир-биримизга шунчаки сўз қотиб қўяр эдик. Отамнинг куз ҳақидаги гапида ҳам ёлғондакам лоқайдик бор эди. Мен балкон эшигига яқинлашиб, рўмолчам билан ойнани артдим: боеуз, қоп-қора осмондан шаффоғ муз бўллакларига ўхшаш қиррадор ва равшан юлдузлар чаракларди. Отам гавдасини ўринидик суюнчиғига ташлаганча, стол тепасидаги қизиб кетган осма чироқка паришон тикилиб тамаки тутатарди, кўзойнек тақсан ойим эса чироқ ёғусида камоли дикқат билан ипак халтacha тикарди — биз унинг нима эканини яхши билардик, — бу ҳолат ҳам таъсирчан, ҳам даҳшатли эди. Отам Ундан сўради:

— Шундай қилиб, бари бир нонуштага қолмай, эрталаб баравқт кетмоқчиман, дегин?

— Ҳа, агар рухсат этсангиз, эрталаб, — деб жавоб берди У. — Минг таассуғ, лекин ҳали уйдагиларимга бирон бир кўрсатма ҳам берган эмасман.

Отам енгил сўлиш олди:

— Майли, ихтиёргинг, азизим. Гап шунақа экан, у ҳолда ойнинг билан биз энди ухлайлик, эртага сени албатта кузатиб кўймоқчимиз...

Ойим ўрнидан туриб, бўлажак куёванин чўқинтириди, У эса аввал ойимнинг, кейин отамнинг қўлини ўпди. Иккимиз холи қолгач, биз тағин бир муддат емакхонада бўлдик — мен қарта сузишга тутиндим, У эса хонанинг у бурчидан бу бурчига жим бориб келарди, салдан кейин:

— Хоҳлайсанми, бир оз айлануб келамиш? — деб сўради.

Кўнглим тобора хиралашиб борарди, лоқайдигина жавоб бердим:

— Майли...

У даҳлиза кийинатуриб нима ҳақдадир ўйларкан, мийигида жозибали кулганча Фетнинг шеърни эслади:

Совуқ эрур бу куз нақадар!  
Нимчангни кий, шолингни ўра...

— Нимча йўқ, — дедим. — Кейин нима эди?  
— Ёдимда йўқ. Янгишмасам, мана бундай шекилли:

Гўё ёнғин аста юксалар  
Қарағайлар оралаб,— қара...

— Қанақа ёнғин?

— Ойнинг чиқишини айтмоқчиидир-да. Бу мисраларда қишлоқ кузининг аллақандай таровати бор: «Нимчангни кий, шолингни ўра...» Боболаримиз ва бувилаrimиз замони... Эҳ, худойим-эй, худойим-эй!

— Сенга нима бўлди?

— Ҳеч нарса, азизам. Бари бир мунгли. Ҳам мунгли, ҳам яхши. Мен жуда, жуда яхши кўраман сени...

Биз кийиниб, емакхона орқали балконга чиқдик, ундан боққа тушдик. Аввалига шу қадар қоронги эдик, мен беихтиёр унинг енидан ушлаб олдим. Кейин жавоҳирек ярқироқ юлдузларга кўмилган бутоқларнинг учлари ёришаётган кўкда қорайиб кўрина бошлади. У тўхтаб, уй томонга ўририлди:

— Қара, деразалар қандайдир бошқача, кузга хос майян ёғду сочяпти. Ўлмасам, бу оқшомни ҳеч қачон унутмайман...

Мен уйга қарадим, У мени швейцарча ёпингичим устидан кучди. Тивит рўмолимни сал очиб, ўпсин деб бoshимни сезилар-сезилмас орқага ташладим. Ўпгач, У юзимга тикилди.

— Кўзларинг қандай чараклайди-я, — деди. — Совқотмаяспани? Ҳавони қара, қишининг ўзгинаси. Мабодо ўлиб кетсан, ҳар қалай, мени дарров унугиб юбордассан?

Мен ўйлаб қолдим: «Ростдан ҳам ўлдириб қўйишса-я?! Наҳотки, мен Уни қандайдир кисқа муддатга бўлса ҳам ёдимдан чиқарсан — ахир, бу дунёда ҳамма нарса бир кун келиб унугилади-ку?» Ўз ўйимдан ўзим чўчиб, шошиб жавоб бердим:

— Үндай демал! Сен ўлсанг, мен ортиқ яшолмайман!

У бир оз жим қолгач, дона-дона қилиб деди:

— Начора, агар ўлсан, мен сени у ёқда кутаман. Сен тўйиб яша, бу ёруғ дунёда хўб ўйнаб-кул, кейин ёнимга боргин.

Мен алам билан ҳўнграб юбордим.

Эрталаб У кетди. Ойим кеча ўзи тиккан ўша машъум халтачанин Унинг бўйнига осиб қўйди — халтачада ойимнинг ота-боболари урушларда тақиб юрган жажжи олтин бут бор эди, — кейин биз Уни аллақандай ҳая-



жонли ноумидлик билан чўқинтиридик. Сўнг Унинг ортидан тикилиб, кимингнидир узоқ сафарга кузатадиганда бўладиган гангиши ичиди, фақат биз билан илк қўёш нурларидан ўт-ўланлар узра ярқираб ётган қировчи, фараҳбахш эрта ўтасидагина вужудга келган зидликни ҳис этган кўйи, эшик олдиаги зинада қотиб турдик. Бир оздан кейин ҳувиллаб қолган уйга қайтиб кирдик. Мен елкаларимни маҳкам қучганча, нима қилишга ҳайрон, бор овоз билан ҳўнграшни ҳам, қўшиқ айтишини ҳам билмай хоналар бўйлаб тентий бошлидим...

Уни ўлдиришиди — қандай даҳшатли сўз! — Галицияда, бир ойдан сўнг ўлдиришиди. Мана, ўшандан бери ўттиз юйларидан ўтди. Узундан-узоқ туюлган бу юиллар майданида бошимдан кўй, жуда кўп воқеалар кечди: улар ҳақида дикқат билан ўйлар экансан, кечмиш деб аталган бу сирли, англәш мушкул, ақл ҳам, юрак ҳам бовар қимлайдиган ҳодисаларни хотиронгда бирма-бир саралайсан киши. Ўн саккизинчи йилнинг кўкламида, отамдан ҳам, онамдан ҳам ажралган дамлар, мен Москвада, Смоленск бозоридаги «Бекам», энди қалайсиз, қатиқ берсам ялайсиз?, деб доим устимдан куладиган чайковчи хотининг ертёласида истиқомат қиласадим. Мен ҳам чайков билан шуғулланар, у пайтлардаги кўплар қатори, гоҳ қандайдир узукми, гоҳ жажки хочми, гоҳ куя еган мўйнами — қолган-кутган бэзи нарсаларимни папоқ кийган, шинеллари ёқавайрон солдатларга пуллар эдим. Ана ўшанда, кунлардан бир кун бозорнинг Арбатга тулаш бурчагида, камдан-кам учрайдиган гўзал қалбли, истеъфога чиқсан ҳарбий киши билан танишдим, тез орада турмуш қуриб, у билан Екатеринодарга жўнаб кетдим. Эримнинг кўнгиллиларга қўшилишга интилган ўн етти ёшлардаги жияни ҳам биз билан бирга эди. Салкам икки ҳафта йўл юрдик: мен — чипта кавушдаги қишлоқи аёл, у — оҳори тўкилган казакча чакмонли, узун соқолига оқ оралаган дехён, хуллас, Дон ва Кубанда икки йилдан ортиқ яшадик. Қишида, денгизда бўрон қўзғалган бир пайтда бошқа сон-саноқсиз қочқинларга қўшилиб, Новороссийск-

дан Туркияга қараб суздик; йўлда эрим терламадан ўлди. Шундан кейин бу ёруғ дунёда менинг учовгина якин кишим қолди: эримнинг жияни, унинг ёшгина хотини ва уларнинг қизаси — етти ойлик чақалоқ. Лекин, кўп ўтмай, эримнинг жияни гўдакни менга топшириб, хотини билан Кримга, Врангель паноҳига жўнаб қолди. Шу-шу, улар бедарак қетишиди. Мен эса оғир, қора меҳнат билан ҳам ўзимни, ҳам қизчани боқиб, яна анча вақт Истанбулда яшадим. Кейин қизчани етаклаб, кўплар қатори не-не юртларда саргардон бўлмадим, дейсиз! Болгария, Сербия, Чехия, Бельгия, Париж, Ницца... Қизча аллақачон улғайиб, жуда ёқимтой, аммо менга бутунлай бефарқ қарайдиган француз қизига айланниб, Парижда мўким яшаб қолди, у энди Мадлен яқинидаги қандолат дўйконида хизмат қиласадим, кумушранг тирноқли нозик қўллари билан шоколод қутиларини силлиқ қоғозларга ўрап ва уни заррин боғичлар билан тугиб, харидорларга тутқазар эди; мен эса худо берган насибага қаноат қилиб то ҳануз Ниццада яшайман... Ниццада биринчи марта минг тўқиз ўз ўн иккинчи йили бўлган эдим — унинг кейинчалик мен учун хор-зорликлар масканига айланишини ўша баҳтиёр кунларимда хаёлимга келтира олармадим!

Бир пайтлар ўйламай-нетмай, сен ўлсанг, ортиқ яшомлайман, деган одам — мен ана шундай қилиб, Унинг ўлимидан кейин ҳам яшайвердим. Бироқ, ўшандан бўён бошимдан кечган савдоларни эслар экаман, доим ўз-ўзимдан сўрайман: хўш, у кунлардан нима қолди? Сўнг ўзимга ўзим жавоб қиласам: биргина ўша — совуқ куз оқшоми... Наҳотки, ҳаётимда, шундай оқшом бўлган? Ҳа, бўлган эди: Умр бўйи кўрган куним фақат шу,— қолгандарни маънисиз тушдек ўтди-кетди. Ва мен ишонаман, жуда қатиқ ишонаман: қайдадир у ёқда, ҳув ўша оқшомдагидек навқирон мухаббатию ўша ёшлиги билан У мени кутмоқда. «Сен тўйиб яша, бу ёруғ дунёда ҳуб ўйнаб-кул, кейин ёнимга боргин...» Мен тўйиб яшадим, ҳўп ўйнаб-кулдим, энди тезда ёнингга бораман.

1944 йил, 3 май.

## БЕРНАР

Менинг бу дунёдаги кунларим жуда оз қолди энди. Энди Антиб яқинида, бандаргоҳга қўшини бўлган Денгизбўйни Альпида бир вақтлар Бернар ҳақида қилган қайдларим тез-тез ёдимга тушади.

— Бернер деразамга бир сиқим қум отган пайтда мен донг қотиб ухлаб ётардим...

Мопассаннинг «Судва» ҳикояси ана шундай бошланди, 1888 йилнинг 6 апрелида, «Бальзами» яхтаси Антиб бандаргоҳини тарк этиши олдидан, Бернар Мопассани шу таҳлил ўйғотган эди.

— Деразани очишим билан ўзимга, кўксимга ва вужудимга туннинг фараҳбахш эпкими урилди. Кўкдаги ҳарир мовийлик юлдузларнинг жонли жилвасидан титраб турадири...

— Ҳаво буғун айни муддао, жаноб.

— Шамол-чи?

— Соҳилдан эсяпти, жаноб.

Орадан ярим соат ўтди, улар энди аллақачон очиқ дениздан эдилар:

— Уфқ бўзариб борар, олисада, Фаришталар кўрфази ортида Ниццанинг чироқлари, ундан ҳам олисроқда эса Вильфраншнинг айланиб турувчи маёғи кўринар эди... Ҳали ўзи кўзга ташланмаётган бўлса-да, лекин қор билан қоплангани сезилиб турган тоғлардан баъзан қуруқ ва совуқ ҳаво эпкими келиб турарди...

— Бандаргоҳдан чиқишимиз биланоқ яхтага гўё жон кирди, яйраб кетди, тезлиги ошиди, енгил ва майдада мавжлар узра рақс туша бошлади... Тонг ёришиб борар, юлдузлар бир-бир ўпар ҳарди... Ҳув олис кўкда, Ницца устида Юқори Альпнинг қорли чўққилари аллақандай ўзгача бир пушти ёлқинга чулганиб борарди...

— Мен қўёш чиқишини томоша қилиш мақсадида рулни Бернарга бердим. Кучая бошлаган шабада яхтани титроқ тўлқинлар узра олға ҳайдарди, мен қайдадир, олисларда янграган кўнғироқ садосини эшитдим. Angelus бонг чаларди... Одамлар ҳали уйқуда ётган, лекин замин аллақачон уйғонган мана шу майнин, шаффоғ тонг палласини нақадар яхши кўраман! Тўйиб нафас оласан, мусафро ҳавсони симирасан, биз учун абадий сирли ва буюк изтиробга айланган дунёнинг туғилиб келаётган борлиғини кўрасан киши!

— Бернар — озгин, қақон, ҳайратлананарда даражада озодалик ва саришталикка ружу қўйган, ғамхўр, сезигир. У покиди, садоқатли инсон, ажойиб денизчи...

— Булар Бернар ҳақида мана бундай деган эди.

— Мен ёмон денизчи эмасдим, деб ўйлайман. Je crois bien que j'étais un bon marin.

Буни у лўлими олдидан айтган, бу унинг «Бальзами» 1888 йилнинг 6 апрелида, денизга йўл олган ўша Антибда, ўлим тўшагида айтган сўнгги сўzlари эди!

Улимидан бир оз илгари Бернарни кўрган киши шундай ҳикоя қиласди:

— Кўп йиллар мобайнида Бернар буюк шоирнинг денгизда кечган саркаш ҳаётига ҳамроҳлик қилди, Мопассан то ўша машъум сафарга, Парижга, доктор Бланш ҳузурига йўл олгунига қадар Бернар ундан айрилмади.

— Бернар ўзининг ўша Антибида ҳаётдан кўз юмди. Лекин мен уни яқиндагина кўпинча «Бальамий» лангарда турадиган мўъжаз Антиб бандаргоҳининг нурағшон соҳилида кўрган эдим.

— Баланд бўйли, қотма, юзлари денгиз шўридан дағалашган Бернарни гапга солиш осон эмас эди. Бироқ сўхбат мавзуи Мопассанга бориб тақалдими, бас, мовий кўзлари шу ондаёқ жонланиб кетарди, Мопассан ҳакида у шундай тўлқиннаниб сўзлардики!..

— Энди у абадий сукут қўйнига чўмган. Унинг сўнгги сўзлари шу эди: «Мен ёмон денгизчи эмасдим, деб ўйлайман».

Мен бу сўзларни у айнан қай тахлит айтганини яқ-кол тасаввур қиласман. Бу сўзларни у қатъият ва ифтихор билан, офтобдан қораған, қарилидан қуруқшаган кўллари илиа чўкина туриб айтган:

Je crois bien que j'étais un bon marin.

Хўш бу сўзлар билан у нима демоқчи бўлган? Бу дунёга келиб, яхши денгизчи сифатида одамларга наф етказганидан ифтихор тўйгусими бу? Йўқ: тангри ҳар биримизга ҳаёт или муайян бир истеъодод ҳам ато этганини ва уни тупроққа қориширмасликдек муқаддас бурчни зиммамизга юклаганини айтмоқчи эди у. Хўш, булар нима учун керак? Буни билмаймиз. Бироқ биз тубига ҳеч қачон етиб бўлмайдиган бу дунёда ҳар

бир мавжудот учун маъно ва дунёдаги ҳамма нарсанинг «яхши» бўлиши учун қандайдир мақсад зарурлигини, бу илоҳий мақсадга етишмоқ эса бизнинг тантри олдиғаги хизматимиз, айни пайтда ҳам қувончимиз, ҳам ифтихоримиз эканини билишимиз шарт. Бернар буни яхши билар ва ҳис қиласди. У зиммасига худо юклаган камтарин бурчни умр бўйи муносиб ихлюс ва садоқат билан адо этид, тангрига қўрқанидан эмас, вижданон хизмат қилди. Шундай экан, у умрининг сўнгги дақиқаларида ўша сўзларни айтмаслиги мумкинмид? «Банданг тавбасини даргоҳида қабул айлагувчи эй бирубор тангри таоло, сенга ва одамларга қаратада бугун шуни айтишга журъат этаманки, мен ёмон денгизчи эмасдим, деб ўйлайман».

— Денгиздаги бирон бир нарсага Бернар бефарқ қараёлмас эди, деб ёзди Мопассан: ногаҳон дуч келган, қайдадир очик денгизда шамол эсаётганидан далолат берувчи совуқ оқимга ҳам, ғарбда изғирин шамол турганини англатувчи Эстерел кўкидаги булултарга ҳам... У яхтани шу қадар озода сақлардики, ҳатто кеманинг мис қопланган қайсиdir бир қисмига тушган денгиз томчисига ҳам ҷидаб туролмас эди..

Ажабо, Бернарнинг бу томчини дарҳол артиб олишидан кимга наф бўлиши мумкин? У эса албатта артиб кўяр эди. Хўш, нега? Нима учун?

Ахир, ҳаммаси «яхши» бўлишини ҳатто худонинг ўзи хуш кўради-ку! Бернар ҳам ўз ижодининг «яхши» эканини кўриб, ўзи қувонар эди.

Назаримда, сўнгги кунларим билан хўшлашар эканман, мен бир санъаткор сифатида, ўз ҳақимда ўлими олдидан бир пайтлар Бернар айтган ўша сўзларга ўжашаш гапни айтишга ҳақим бор, деб ўйлайман.

А. ШЕРМУҲАМЕДОВ таржималари

1952 йил

# Одамсимон маймун билин сухбат

— Одам эди-ку, наслинг, айт-чи, нега, маймунжон,  
Одам бўлолмай қолдинг, топмадингми ё имкон!

Одам бўлсанг, чаманда ғунчалар узар эдинг,  
Шоир бўлиб, завқланиб, шеър-ғазал тузар эдинг.

Е ҳофиз бўлиб юртда, сайрандинг булбул мисол,  
Кашфиётлар қилардинг олим бўлиб, эҳтимол.

Қизиқ кўринмоқдасан бугун менинг кўзимга  
Нега одам бўлмадинг, айт, маймунжон, ўзимга!

— Одамга айлансаму ҳофиз ё шоир бўлсан,  
Сийقا қофияларни тизишга мөдир бўлсан;

Ёки бир бефаросат, ношуд, дилозор бўлсан,  
Е буйруқбоз, порахўр, худбин мансабдор бўлсан;

Баъзи бир «устоз» каби ёшлардан «кўйиб» юрсан,  
Кимлардан ранжиб-ёниб, кимнидир «сўйиб» юрсан;

Е айтайлик, бир беор, чайқовчи, қаллоб бўлсан,  
Ўгри, муттаҳам, бебурд, мунофик, жаллоб бўлсан;

Яхшими, пойлаб зимидан чалиб юрсан ё оёқ!! —  
Йўқ, бундан маймуниларча яшаганим яхшироқ!

\*\*\*

Эшлик ҷоғим тушларимда учиб юрадим,  
Оппоқ-оппоқ булутларни қучиб юрадим.  
Қанотимни йўқотмай деб, чўчиб юрадим.


Сени топдим, энди ростдан учиб юрибман,  
Еру осмон ўртасида кўчиб юрибман,  
Ўша кўрган тушларимдан чўчиб юрибман...

## Ловат дарёси билин сухбат

Отам Шокир ҲАСАН хотираснига

— Сўзла, дарё, сувинг нега қорадир!!  
— Қора кунлар кўриб бағрим ярадир.  
Соҳилимда шер йигитлар жанг қилган,  
Неча мардлар қучогимга йиқилган...  
Мавжларимда шу ўғлонлар қони бор,  
Тўлқинимда шижоати — жони бор.  
Сувим эмас, кийганим бу — қорадир,  
Ўша-ўша бағрим силқан ярадир.

Новгороддаги Ловат дарёсининг суви қорадир.



ДАДАХОН  
ҲАСАН

## Күшчанинг нидоси

Мен қушчаман, менда йўқдир беҳудуд қудрат,  
Бургутлардек яшолмасман ўлжа талашиб.  
Менинг ёниқ хонишлиларим эзгулик фақат,  
Яшасам бас, чаманларга қўшиқ улашиб.

Асли шундай тайин бўлган ўрним дунёда,  
Шу кичкина юрагимда ҳам завқ, ҳам мунглар.  
Ҳатто ўша қўрқураган бургут қояда  
Менинг нозик овозимни кўз юмиб тинглар.

## Булбул

Илк бор бир ғунчанинг васлинни тилаб,  
Тонггача дил розин баён этибди.  
Ғунча юз очганда эса саҳарлаб,  
Уни бир бегона узиб кетибди...  
Шу-шу одамлардан олисда юриб,  
Сокин чаманларда нола қилармиш.  
Энди у уззукун ҳаққа ёлбориб,  
Фақат одамларга инсоф тилармиш.



НУРАЛИ  
ҚОБУЛ

# РАССОМ ХАҚИДА ҚҮШИҚ

ЭССЕ

Инсон дунёга қўшиқ айтиб келиб,  
— қўшиқ айтиб кетади, бўтам.  
Энамнинг сўзи



Ёрил тош-эй, ёрил тош,  
Мен онамни кўрайин-а,  
Дийдорига тўяйин-а,  
Дийдорига тўяйин.  
Ёрилма тош, ёрилма,  
Мен онамни кўрмайин-а,  
Бизларни ташлаб кетган  
Дийдорига тўймайин-а  
Дийдорига тўймайин...

**Р**ўзи Чориев қўшиқ айтарди. Ўзидаги табиийлиқ, самимийлик, болаларча покизалик ва беғуборликни қўшиққа солиб айтарди. Қўшиқни жон қулоғи билан тинглаётган кампир ва келинчак булоққа-сувга тушибанини ҳам унугтган, атрофидан одамлар аримайдиган, серсоқол ҳамқишлоқ рассомнинг сурат чизаётби, бор вужуди билан қўшиқ айтаётганидан ҳайратда эдилар.

— Мен раҳматли отасининг овозини эшитганман. Ётавба, худди ўзи-я! Одам деган ўлмас эканда, а? — ёқасини ушлайди кампир. Келинчак ҳамроҳининг сўзларини эшитмасди. У ҳамма нарсани унугтган, қўшиқ оҳангни қалбига бир вақтлар ўзи орзу қилган, лекин армон бўйлидил қатида қолиб кетган тотли хотираларни уйғотган эди.

Унинг дардли қўшиғи ҳар гал менга ҳам Заркамар яйловларида овозимизни барадла кўйиб, кўй боққан кунларни, Ойкор тогидан ҳашар қилиб, куриган шох-шаббаташиган ойдин тунларни эслатади. Хонназар бобонинг тоғ этагига жойлашган тегирмонига бүгдой ортиб бөрган соқин ва салқин тонгларни ёдга солиб, қалбимда эллақандай илоҳий, юракни орзиқтирувчи туйғулар уйғотади. Биринчи бор мен бу қўшиқни Майрам момомдан эшитганман. Босмачилар ўлдириб кетган эри, урушга кетиб қайтмаган уч ўғли, фарзанд кўрмагани учун турмушни бузилган яккаю ягона қизи қайғусида йиғлавериб, унинг қўзи ожиз бўлиб қолган. Бу қўшиқ мени ўйинқароқ болалигимга олиб кетади. Уйимизда қандай таом пиширилса, ҳар кечқурун Майрам момонигида бир коса олиб борафдим. Одамларнинг меҳрибонлигидан қалби ийибми, ўзига ҳамманинг раҳми келадиган бўлиб қолганиданми, момо тинмай йигларди. Майрам момо ўз-ўзи билан гаплашиб, таомга кўл узатганда, қорайиб кетган кумғондан чой дамлаб бериб, уйга қайтардим. Кўпинча, энамнинг рухсати билан олдиларида ётиб ҳам қолардим. Мана, энди Майрам момом ҳам йўқ. «Одамзод бир сиқим тупроқ, болам», дерди момом урчуғини айлантириб...

Мен бу түйғулардан маҳрум бўлишни истамай, булутлар кўйнида мизгиётган Кўхитанг тизмаларига — рассомни кўйлатган, йиғлатган, тенгиз картиналар яратишга илхомлантирган Оқтоб ва Қоратов қўйқиларига тикиламан. Бир қарагандада, Пошхурт қишлоғи атрофи тоғлар билан ўралган қадими ҳарбий шаҳарни эслатади. Бу бежиз ўхшатши эмас. Қишлоқнинг юкори қисмидаги минг йиллик Довулкўргон харобалари Бақтрия давлатининг энг тараққий топган шаҳарларидан бўлган дейшишади. Қор ва ёмғир сувлари йилма-йил емириб келаётган қўргон харобалари ҳозирги ҳолида ҳам кишини ҳайратга солиб, сирли сукут саклаётган олис тарзи қаърига етаклайди. Атрофдан қайнаб чиқадиган мингдан ортиқ булок ўтмиша чиндан ҳам қўргон сув билан ўралган мустахкам истехом бўлганидан дарак беради. Қўргон харобаларига мъюс тикиларканман, беихтиёр ҳаёлимдан ушбу фикрлар кечди: жисмоний мәжнатга келганда, биз ҳали ота-боболаримиз даражасига етганимизча йўқ...

Довулкўргоннинг меъморчилик ҳам ҳарбий жиҳатдан муқаммал қилиб курилганлиги бу ерда бажарилган беҳзак ишлари ўз йўлига. Шунчак миқдордаги тупроқни ўша давр имкониятлари билан бир жойга ташиб келтиришнинг ўзи бўладими?! Ҳар бир даврнинг ҳам ҳақиқий баҳоси ўз муддатини ўтаб, абадиятга ўйл олгачгина билинади. Умуман, қандай бўлмасин, абадият меҳнатга бориб тақалади.

Биз то ҳануз меҳнатни санъат даражасига кўтариши учун курашяпмиз. Бу на фақат меҳнат, балки яшаш тарзини санъат даражасига кўтариши демакдир. Ҳшандагина, эҳтимол инсон ўз ҳаётидан тўла қонишиҳ ҳисси билан яшар. Бунинг учун ҳали кўп иш қилиш керакка ўхшайди. Шахсни тарбиялаш борасида тубдан бошича йўл тутиш лозим, назаримда? Қишиларимизда меъеридан ортиқ бепарвонлик мавжуд. Бу яхшиликка олиб бормайди. Атроф-мухитни, табиат ва одамларни юрак-юракдан сева билишини ўрганишимиз керак. Бизда учрайдиган нуқсонлар, юз берадиган камчиликлар ҳам, аслида бир-биримизни керагича сева олмаслигимизда. Негадир, айрим дақиқаларда қалбимизда нур ва муҳабbat етишмай қолади.

Кўхна Сурхон воҳасида (жумладан, Пошхурт қишлоғига ҳам) бундан бир неча асрлар бурун қазилган коризлар мавжуд. Қаторасига қазилган бир неча куудукларни бирлаштириб, коризлардан сув ер юзасига (ҳатто баландликка) оқизилади. Ақл-заковат билан пухта ўйлаб бажарилган бу иш бизга ота-боболаримиз донишмандлиги, тадбиркорлигидан сабоқ беради. Тупроқ тўла хуржун ортилган эшакни қиялик бўйлаб ҳайдай, қуйидан юкорига сув чиқариш усули-чи?! Буларнинг ҳаммасида ҳақиқий заковат сингган меҳнат ва санъат бор!

Рўзи булар ҳақида жуда эрта, ҳали тенгдошлари қорин қайғусида юрган пайтлардағэ фикр юритмоқчи бўлар, ақли жумбоқлардан чувалса ҳам ўзини қандайдир муҳим воеалар кутаётгандек яшарди. Лекин нималигини тасаввур эта олмас, бу — ўша, бир вақтлар Чехов ва Горький кўйиб-пишиб таъкидлаган, юксак маданият пойдевори бўлган меҳнат ҳақидаги илк болалик тушунчалари эди.

Инсон характери ва қалби у туғилиб ўғсан ҳамда яшашётган ерга, табиатга мутансобиҳ ҳолатда шаклланади. Бу ерларда нигоҳинг кўз илғамас далалар, бепоён бўшликлар, олис ва қорли тоғларга бориб туташади. Учқур ҳаёл дала бўйлаб яшиндек учиб, оплок чўққиларга сингиб кетади... Қорли қоялар учида парку булулар оҳиста сузади. Булуларни ёриб чиққан чўққиларнинг қорли учлари қизиган Шарқ кўёшида ўзгача товланади. Юрагинг ҳақриқиб самога тикиласан. Осмон кўм-кўк, беғубор. Тез-тез учиб кўнайётган курланг дала чумчукарининг чуғур-чуғурини тўрғанинг шитоб билан чуладиган бўлади. Майин шамол кун ботиш томонда ер ҳайдайётган тракторнинг бўғиқ, овозини олиб келади. Инсон эртанги куни янада яхши бўлишини орзу қилиб ер ҳайдамоқда — меҳнат қилмоқда. Қўй боқиб юрган болаларнинг чиллак ўйнаб, бир-бирини зувиллатишаётгани (бу ўйнинда ютган томон чиллак отади, ютқазган томон бир «зу-у-в-в» деганча, нафас олмасдан чўпни мэррага олиб келиши шарт) қулоқка чалинади. Бу ўзал ва тақрорланмас манзарадан, бу беғубор ҳаётдан узоқлашиб қолганингдан сўнг, унинг қадрини биларкансан.

Бир пайтлар, шу чиллак ўйнаган болалар ичиди Рўзи исмли етимча ҳам бўларди. У шерикларига қарагандада,

анча мъюс кўринар, одми ва юпун кийинарди. Аммо астайдил киришса, ҳар қандай ўйнинда ҳам ютиб чиқарди. Үнга кимлардир дакки берад, лекин у беозор эди. У эсини танингдан бўён ҳаётга ҳайрат билан боқар, нимадандир қониқмаслик, қандайдир муҳим ва ҳечам кечкитириб бўлмас ишни бажариш ҳисси билан ёнарди. Лекин қалбидан түғён үраётган тўйгу сирини сира ҳам англай олмас, гўё буни эрта-индин билиб оладигандек, ҳадеганда, болалар уйидан қочиб тоққа чиқиб кетарди. Қорни очиқ-қандагина ётоқхонага мъюс тортуб кириб келар, беғубор ва гуноҳсиз қўйкўзларини мўлтиратиб тарбиячига тикилиб тураверарди. Уни ҳеч ким қойимас, тўғрироғи, қойиб бўлмасди. Тарбиячилар ҳам ҳайрон қолишади. Унинг ҳеч кимнинг ўхшамаган беозор, қўйкўзлари бунга «кўк-кўймасди». Уни тартибга чақириб қўймоқчи бўлган ҳар қандайдай киши ҳам кўзи кўзига тушиши билан, беихтиёр унга бирон бир яхшилик қилиш пайига тушиб қоларди.

Бир кун номозшомда болалар уйига чакмони устидан белини сиқиб боғлаган, қулоқчинини бостириб кийган киши келди:

— О-о! Жиянгинам! Жигаримнинг боласи! — дерди у Рўзини бағрига босиб. Рўзи қувончдан йиғлаб юборди. У шу пайтгача ўзини ҳеч кими йўқ, акасини эса ўлиб кетган деб ўйлаб юрарди. Ким бўлмасин, қариндоши борлигидан боши-осмонга етди. Ётоқхона бўйлаб югуриб, болаларга бирма-бир айтиб чиқмоқчи бўлди.

— Менга қара, Рўзижон! — деди ҳалиги киши белбоғи уни билан Рўзининг кўз ёшларини артиб.— Мен сенинг түққан амакинг бўлмаман! Чечанг билан жуда яхши, тўк яшаймиз. Сени олиб кетгани келдим. Дўконда ишлайман. ёнимда ишлаб, ўқиб юраверасан! Фақат, мана бу тарбиячиларинг билишмасин! Мен уларга, сени бир ҳафтада олиб келаман, деб тилҳат ёзиб бераман, хўпми? Бўлмаса, сенга руҳсат беришмайди.

Рўзининг кўз олдига бирданига ўз уйи, унга меҳрибонлик қиласидаги одамлар келдио гап-сўзсиз кўна қолди. Чакмонли одам уни отига мингаштириб олиб кетди. Улар қарийб бир ярим кун йўл юришиди. Бу беозоргина болани кўрган уй бекаси:

— Яхши бўлти, хўп бўлти, болаларга қарашиб юради,— деди суюнганини яширмай.

— Дўконни айтмайсанми, дўконни! Туз тортавериб бел ишдан чиқадиган бўляпти. Қарашади. Одамлар ҳозир бир қорни учун нималар қилишмаяти.

— Чакмонли амаки эртаси куни уни эргаштириб, дўконга борди. Дўконда туз, совун ва ёғ сотиларди. Совун ва ёғ камчил бўлганидан, асосан туз билан савдо-сотиқ қилишига тўғри келарди. Амаки унга тузни торозида тортиб сотишни ўргатди. Бир-бирига ўхшаш бир неча кунлар ўтиб, уч-тўрт нафар бенаво кампирга бепул туз берганлиги учун чакмонли амакиси уни қувиб солди:

— Нон эмас! — деди у Рўзини койиб.— Бунақада умр бўйи биринг икки бўлмай, итнинг кейинги оёғидек судрабиб ўтасан!

Кейин у қандайдир отлиқнинг қўлига пул тутқазиб, болани Шерободдаги етимхонага элтиб ташлашни тайинлади.

...У бутун борлиқни, одамларни ва мавжудотни борлигича қабул қиласи. Ҳамма-ҳаммасини севади. Емонликдан нафрлатни тўйғуси нақадар кучли бўлса, кечира олиш ҳисси унда яна ҳам кучлироқдир. У бахилликдан бўлак ҳамма нарсани ва ҳатто ақлсиз қотилликни ҳам кечира олади. Унинг бу хислатини муҳокама қилиш ҳеч кимнинг ҳиссасига кирмайди. Бу шарт ҳам эмас. Қалбida ҳаётган нисбатан юксак муҳабbat билан яшайётган қишиларда бундай нуқсоннинг бўлиши табиий. Умр поёнига етган сари инсон бу ҳақиқатга яқинлашиб бораверади.

У ҳали ақли етмаган ҳолда, борлиққа ва одамларга бўлган чексиз муҳаббатини айтиш йўлларини ахтаради. У ўз ҳақиқатини беғубор ва покиза табиатдан, қорли тоғлардан, шарқираб оқкан сойлардан, «қурей-қурей»лашиб осмонни оплок чўқиқка тўлдириб, юракка армон чўғини ташлаб ўтаётган турналардан сўрарди. Тоғлар унга сабру тоқатдан, табиат сокинликдан, сойлар манзилга етиш йўлида курашмоқ ва бепоён далалар бағри кенглиқдан дарс берарди...

Ўзимча чамалаб юрган бир фикрнинг ҳақиқатга яқин

эканлигига имон келтираман. Ҳақиқий талантлар ё төг бағридан, ё дарё бўйидан ёки бепоён чўлдан, ё азим шаҳардан чиқади. Унда тоғларнинг улуғворлиги, дарёниг теранлиги, чўлнинг дарди, бағри кенглиги мужассамлашади. Эл орасида бекорга: «Яшасанг ҳўхи баландда ёки шахри азимда яша», деган гап юрмайди.

...Чориев ҳамон қўшиқ айтарди. Қўли холст юзасида тез-тез югурап, қўшиқ орасида, ҳаракатини кузатоётган ҳамқишлоқларига қараб, самимий жилмаярди. Талантни одамлар ўзи шундай, бошқа соҳаларнинг ҳам билимдони бўлади. Лев Толстой етук рассом бўлган ва ҳатто Жиоль Вернинг «Дунё бўйлаб 80 кун саёҳат» асарига беzaклар ишлаган. Рўзи Чориевнинг дўсти, таниқли эстрада қўшиқчи Ботир Зокировнинг картиналари-чи? Ҳикояларини айтмайсизми!

Чориевнинг дардли қалбни сеҳрловчи қўшиғи мени севимли Сурхон далаларига, буюк ўзбек ерининг қадимий ва навқирон бир парчасига етаклайди. Мен унинг ўзини ҳам узоқроқ кўрмасам, соғиниб қоламан. Расмий мулоқотлар, сохта мулоҳазматлар, борингки, нотабийликдан безганимда, Чориевни кўриб унинг гапини эштиши мен учун ҳаётий заруратга айланади. Негадир биз ўзбек ёзувчилари рассомларимиз билан яхши алоқада эмасмиз. Бир-биримизни чукур билмаймиз. Тасвирий санъатдек покизса ва беғубор оламга кириш ёзувчи дидини юксалтиради. Адабиётдан узоқ рассом умрбоқий, мумкаммал картиналар яратолмайди. Шу ўйлар билан, Чориевнинг картиналари зўрга сифадиган каталядек устахонасига йўл оламан. Қани, қўлимда бўлсаю унга кенг ва ёруғ устахона ажратиб берсан, дейман. Лекин бу унинг эсида ҳам йўқ. Ҳақиқий санъаткор қаерда ва қандай шароитда бўлмасин, ўзи кўзлаган юксак идеаллар учун курашаверади.

Чамаси, бундан уч йилча бурун Чориев менга «Механизатор Тошев оиласи» деган асарини кўрсатган эди. Ўшанда ҳали ҳеч қаерда эълон қилинмаган бу асар ҳамон шундокқина кўз ўнгимда турибди. Оиланинг тўққиз нафар фарзанди ёнма-ён батартиб тизилишган. Илк қаравашдаёқ, диққатимни оиланинг бош фарзанди бўлса керак, энг олдинда ўтирган қиз торти. Расмда бўлса ҳам, негадир унинг кўзларига тик қаролмасдим. Юзидағи маъсумлик, иби, тортичноқлик, нимадандир ҳадик, фақат ўзига аён бир оғир ўй, бутун киёфасидаги беғуборлик мени ўйлатиб қўйди. Асардаги ҳар тўққиз кишининг ўз орзу-ўйи, интилиши бор. Орқа пландаги тошдевордан тортиб, оиланинг энг кенжа фарзанди ёнида биқиниб турган улоказкача, ҳамма-ҳаммаси Шарқ ҳаёти ва дардининг бир бўлағидек тасвирланади.

Картина нега менда чукур таассурот ўйғотди? Нега уни кўрганимдан сўнг маъюслишиб, бир нимасини йўқотган одамдек бўлиб қолдим? Ўша қиз менга кимни эслатди? Бу қиёфани илгари ҳам кўрганманни ёки бирорва ўҳшадими? Ким бўлса ҳам, у менинг қалбимга яқин кишилардан эди, назаримда. Жуда кўп вақт қийналиб юрдим. Ниҳоят, рассом асаридаги ўша «қиз»ни топдим! У опам София билан ўқийдиган, мен ҳаммадан ҳам яхши кўрадиган Ойбуви опанинг, меҳрибонлигини ҳеч кимга тенглаб бўлмайдиган, гўзэл, оддий гали ҳам кўшиққа ўҳшаб кетадиган Ойбуви опанинг худди ўзи эди. Бир зум ўзимни ўн ёшли бола ҳис этиб, ширин хотиралар оғушида борлиқни унутдим. Мактабга эрта борганимдан ўшанда мен бешинчи синфда ўқирдим. Кўз олдимдан Галахирмонйкада далаларидан Ойбуви опам билан ютуриб қўшиқ айтганларимиз, чўпонларнинг унга гап отишгани, кечкурун, пода қайтганида, эчкиларини ажратиб ўларига ҳайдаб борганим, унинг чўнгатимни тўлдириб қўйирмоч солиб қўйганларини эсладим. Уйимиз кунчиқишидаги тепалиқда ўн беш кунлик ойнинг кўтарилишини томоша қилиб ўтириб, қулоғимга: «Нуралижон, уни кўрганим ҳам йўқ, қандай қилиб яшаб кетаман?» дегани, бу сўзга кейинчалик тушуниб қолиб, кўзимга олам тор келанидан, лойсувоқ томимизга ағанаб: «Нега энди Ойбуви опа бошса қишлоқка кетиб қолади? Нега уни ўзимизнинг қишлоққа беришмайди? Мен энди қандай қилиб у кишини кўраман? Энди у киши ҳеччам бизнигiga келмайдими?» деб йиглавириб, кўзимнинг шишиб кетганлари хотирга келади. Асар қалбимда Ойбуви опамга бўлган такрорланмас эътиқод, соғ болалик туйғу-

си билан йўғрилган меҳр-муҳаббатни жунбушга келтирди. Ойбуви опами шу қадар соғиниб кетдимки, шу пайтгача уни бирор марта ҳам йўқламаганим учун ўзимни койирдим. Энди қишлоғимизга борсам, албатта, Ойбуви опанинг уйига бораман, болаларини ўйнатаман. Алдаб қошимга ўсма қўйганлари, мени довучча ўғирлашга юборганида, Нозик момонинг ити қопиб олгани, Галахирмонжой далаларидан тезак терганимизда, ўтичиларнинг қувгандарини эсламиз... Доимо ўзи шундай, қандай санъат асарига кўзим тушмасин, уни болалик йилларим билан ўлчагим келаверади. Шарқнинг севимли хонандаси, СССР халқ артисти Жўрабек Муродовнинг «Ме ояд» номли қўшиғи хотирамда қишлоғимиз болалари билан дала бошидан икки боғдан ўтни эшакка ортиб, ўт устида ўтирганча, бор овозда эсимизга келган қўшиқни хиргойи қилиб, ўйга қайтганларимиз, қишлоққа киришмиз билан уғф орти қизарип, тоғ этагида қишлоқ подаси кўринганларини жонлантиради. Бу туйғуларни бирор нарсага қиёслаш қийин. Чинакам санъат асаригина кишига ана шундай туйғу ва завқ бағишилаши мумкин. Бу санъатнинг яратилишида шубҳасиз санъаткор вояга етган мұхит ва унинг такрорланмас шахсияти ётади.

Тасвирий санъат асарлари киши қалбига яқин қандайдир қўшиқни эслатади. Бир кун устоз Сайд Аҳмад: «Ҳар бир асарни ёзаётганимда, ўзимча бирор бир қўшиқни ўйлаб ўтираман», деган эди. Бу ажойиб, дилга яқин гап. Муҳаббатдан нурафшон қалбига қўшиқни, мусиқани тушунади. Аслида ҳам, инсон дунёга қўшиқ айтиб келиб, қўшиқ айтиб кетади. Рўзи Чориевнинг сўзи билан айтганда, дард билан келиб, дард билан кетади.

Мен севган уч қўшиқ бор: биринчи қўшиғим — Шолохов! Ҳа, ҳозирда асризимизнинг энг буюк одами бўлмиш Михаил Шолохов! У билан асрдош эканлигимдан фахрланаман. Бу қўшиқни умрнинг барча фаслларида, бамисоли Петр Ильич Чайковскийнинг «Йилнинг ўн иккиси фасли» пъесасидек, ҳазин куйлаш мумкин! Бу қўшиқ шиддатли, мунгли, қайгули ва жўшқин! Яна бир севимли қўшиғим — Чингиз Айтматов! Бу шундай қўшиқни, уни қаочат бўлмасин, бир марта айтасан! Шундай қўшиқ борлиғингни қамраб олади, ўрқач-ўрқач сеҳрли тўлқинлариде сени ўзинг тасаввур этиб-этмаган қайгу ва қувончларини гирдобига элтиб ташлайди. Бу туйғу қалбинги абади ёритиб, ҳаётингга нур, орзуларинга парвоз баҳш этади.

Учинчи қўшиғимни кейинроқ айтаман. Бу — менга ота ҳам қилмаган яхшиликларни кўргаган, ҳали эсимни таниб бундай бағри кенгликини, ақлу-заковатни кўрмаганим, — мен учун мангу ақида бўлиб қоладиган инсон қўшиғидир. Ҳали ҳаёт эканман, бу қўшиқни абадул-абади куйланувчи пардаларда сўзга соламан!

Айни пайтда эса мен рассом Рўзи Чориевнинг қўшиғи ни тинглаямсан...

Ҳали у бола экан, ёмғирдан кейинги тиник кўл бўйиди осмон ва далаалар билан туташиб кетган бекасам рангли камалакни (қишлоқ болалари уни «Ҳасан-Хусан» ҳам де йишиади!) кувиб, кўлга тушиб кетганларини ҳеч унотолмайди.

— Уни тутолмадим, кетиб қолди! — деган у ўшандан ўзини қутқазиб олган одамларга қўзини жавдиратиб У ҳануз ўша, жимир-жимир ўзига чорлаб, қўзни қамаштириб ташлаб кетувчи бекасам рангни қўмсайди. Рассом ви инсон сифатидаги беадоқ армонлар жо унинг қўшиғида.

Онасидан олти ойлигига етим қолиб, холаси эмизи ёшига етказган Рўзига «Ёрилтош»дан онасини илтижо қилиб сўраши илк бор ана шу холаси ўргатган. Эсни таниб, атак-чечак тили чиққанда, аллақандай қорақалинга онаси йўқлигини, бундан кейин ҳам бўлмаслигини туширилган. Шундан сўнг, у холасидан тинимсиз онасин сўраб-суринширадиган бўлди. Шунда... Ёрилтош ҳақидаги қўшиқни холаси унга ўргатди. Илк бор қўшиқни эшигтади, қувончдан кўзлари ёшланни кетди. Шу қўшиқни тошларга айтсан, онажоним келадилар, деб ўйларди у. Тошларга нола қилавериб, овози битиб қолар, лекин тош ёрилиб онажони чиқа қолмасди. Онажони энди умуман қайтиб келмаслигини англағанда, бу дард унинг мурғакини қалбини ларзага келтириди. Беш ёшига етар-етмас Рўзига

болалар уйига элтиб топширдилар. Илгари онажонини соғиниб тошларга арз қылса, энди у қайғу ва қувончларига сирдош ेрлитошларини соғинарди. Бора-бора бу соғинч жажжи-жажжи суратчаларга айланыб, қофозларга күча бошлади. Илк бор тарбиячилари расмға иштиёқманд болаларни түплаб, доскага Васнецовнинг «Уч баҳодир»ини осиб қўйиб, кўчирма ишлашни топширганида, у қувончдан энтикиб кетди. Ҳамма ўз билганича, бу расмни узоқ чизди. Ҳаяжонлангандинми, қўли уччалик ўрганмаганлигиданни, Рўзининг «Уч баҳодир»и яхши чиқмади. Кўпчилик болалар жуда қотириб кўчиришди, фақат Рўзинини бошқачароқ эди.

— Нега расмда йўқ рангларни чиздинг? Бу рангларни қаерда кўргансан? — деди тарбиячи Рўзига меҳр билан тикилиб.

У жавоб қайтара олмади. Күчирма ишлай олмагани алам қилиб, ҳүнграб йиглаб юборди.

— Аслида, сеники ҳаммасидан зўр! Сен «Уч баҳодир»-ни ўз рангларинг билан чизмоқчи бўлибсан! — деди тарбиячи унинг бошини силаб, кўз ёшларини артаркан. — Йиғламагин, бирорвинг йиғлаганини кўрсам, юрак-бағрим эзилиб кетади.

Тарбиячысина хафа қилмаслик учун у йиғламади. Бирок хамма тарқаб, ўз иши билан кеттач, яшириниб олиб түйиб-түйиб йиғлади. Шу кундан бошлаб, ҳаммадан яшириб «Уч баходир»нин машқ қилди. Текаб-тергаб йиқкан танталарига сотиб олган картон қофозларига у неча марта «Уч баходир»ни чизганилгини эслолмайди. Эңг сүнгги, ўзига ёқканини тарбиячига күрсатганида, у ҳайратдан бир зум котиб қолди.

— Сен Васнецов бўласан! — деди у қувончдан энтикиб чапак чаларкан.

Инсон эришажак ҳар бир ғалаба пойдевори унинг ўзига ишонган кунидан бошланади. Ғалаба — ана шу ишонч мөвасидир. Рўзи Чориевдаги бу ишонч Ўлкашунослик музейи директори Гавриил Васильевич Парфёнов тузган «Ёш ўлкашунослар» тўғараги аъзолари билан, бундан ўн минг ийллар олдин ибтидоий ажоддларимиз чизган бутун дунёга машҳур Зараутсой суратларини ўрганиш ҳамда уни кўчириб ишлаш мобайнида, ўзига хос суратда шаклланди. У кейинчалик ўзига қадрдан бўлиб қолган рангларни экшимол илк бор ана шу — Пошхурт қишлоғига туташ афсонавий Зараутсойда учратгандир. Ибтидоий ажоддларимиз чизган суратлар ҳаммани ҳайратга соларди. Қишлоқда: «Зараутсойдаги суратлар — девларнинг расми», «Уларни девлар чизган», деганга ўхшаш турил миш-мислар юради. Аксарият, болалар у ерга қўрқа-писа боришаарди. Рўзи эса «девларнинг суратлари»ни севиб қолган эди. Зараутсой суратлари — унинг илк университети бўлди.

Музейда рассом Наталья Николаевна Попова ишларди. «Сурхоннинг ҳақиқий рангини сен топасан», деди у бир кун Рӯзига башоратомуз. Доимо Рӯзига ҳайрат билан боқарди. Бора-бора бу ҳайрат оналик меҳр-муҳаббатига айланди. Рӯзи поповалар оиласига аъзо бўлиб кирди. Наталья Николаевна Рӯзини жаҳон тасвирий санъати классикларининг ҳаёти ва ижоди билан таништириш жараённида, унда ўз ҳаётини санъатга бағишлашдек юксак ишончни ўйфота олди.

Еттинчи синфни битирган Рӯзи сеҳрли Сурхон тасвирлари: булутлар билан сирлашган нур рангидағи Кўҳҳитанг ва Боботогни, Амунинг ҳаворанг тўлқинлари ва Шерободнинг кўз илғамас даштлари қиёфасини хаёлан чизиб, уларни холстга кўчириш ихтиносини ўрганиш иштиёқида Тошкентга келди. Павел Беньков номидаги Рассомлик билим юртида бу умид чечак ёзди. Чориевнинг иқтидори ҳисобга олиниб, уни бирданига икки пофона юқори курсга қабул қилишиди. Таҳсилнинг дастлабки йилларидаёт илк картиналари «Қорасув каналида», «Бухоро бозори» асарлари дунёга келди. Унинг тилга тушган биринчи асари — «Бухоро бозори» 1959 йили Москвада бўлиб ўтган Ўзбек адабиёти ва санъати декадаси пайтида намоиш этилди. Шу йили у СССР Бадиий Академияси қошибдаги И. Репин номига кўйилган Рассомлик, ҳайкалтаршарлик ва архитектура институтига қабул қилинди. Оғир, хаёт сўқмоқларидан юриб бу олий даргоҳчага етиб келган

Рўзи Чориевга энди ҳақиқий устоз, мураббий ва муаллим керак эди. Ленинградда уни худди ана шундай инсон — СССР ҳалиқ рассоми, профессор Юрий Непринцев кутардид. Рассом ижодида ана шу олий таҳсилнинг таъсири шубҳасизdir. Унинг бундан кейинги асарлари аниқ мақсад сари йўналтирилгандир. Мана, унинг «Бойсунликлар» картинаси. Асарда Сурхоннинг яқин ўтмиши — бободан тортиб, бу даштларнинг келажаги — неварагача, уч авлод тасвирланган. Орқа пландаги ям-яшил дараҳт кишилар эътиқодининг қатъийлиги, букилмас иродалари рамзи сифатида, барқ уриб яшнаб турибди.

Р. Чориевнинг олтмишинчى йиллар охиригача (аникро-  
фи, 1967 йилгача) яратган асарларида асосан совук (яшил,  
күк, зангори) ранглар ҳўқмронлик қиласарди. Бу — Ленин-  
граддаги беш йиллик ўқиши мобайнида, Россиянинг кўкиш  
ранги кўзи ва қўнглига сингиб қолганидан эди. Айни давр  
ижодидаги бу ранглар Урта Осиё, айниқса, Сурхоннинг  
иссиқ рангларини босиб кетган эди. Мазкур ҳолни рас-  
сом муҳлислари ўз вақтида сезишиди. Рўзи Чориевнинг  
1971 йили Термизда очилган шахсий кўргазмасидаги «Ис-  
таклар дафтарига» рассом ихлосманларидан бир киз:  
«Талантли, аммо рутубатли. Кўпроқ нур керак!», деб ёз-  
ган бўлса, иккинчиси: «Ҳа, ҳа, кўпроқ нур!» дея кўшимча  
қилган.

Етмишинчи йиллардан бошлаб рассом асарларида яна иссиқ (сариқ, қызыл, жигар) ранглар ёрқинроқ товлана бошлади. Рұзи Чориев Гарб тасвирий санъаты, Уйғониш даври ёдгорлеклери, Шарқ безаклары ҳамда миниатюраларининг классик услугубы қонуннятларини чүкүр ўрганиш, идрок эта билиш йўлида тинимсиз изланди. Натижада, унинг тасвир услугуда ифодалаш имконияти кенгайди.

Шу нарсаны пайқадимки, у ҳам туғилган қишлоғига бориб түрмаса, ёзолмай қолар экан. Бир неча кун у чўпонларга қўшилиб кўй бўқади. Сурувини адаштириб кўйган чўпон бола билан туманли дарада эчки излайди. Нўхат ўрайтган декҳонга кўмаклашади. Болалар билан гулхан ёқиб, гурунглашади. Албатта, бу — ерга яқин одамнинг одати. Тезкор асримизнинг энг катта фожиаларидан бири ҳам шундаки, биз тобора она-ердан узоқлашиб боряпмиз. Натижада, табиийлик ва самимиятни йўқотяпмиз.

...Яқында, Рұзи ақа қишлоғидан менга қайғулы хабар топиб келди:

— Ойбувингиз вафот этибди,— деди у күзини мендан олиб қочиб.

— Нима?! Нимага вафот этаркан! — сүрадим нафасим бўғизмга тикилиб.

— Менингитнинг қандайдир тури билан оғриб вафот этибди! — деди у намли кўзларини ердан узиб.

...Эх, у қызниң дардли күзлари: «Үладиган одам үзи бошқача бўлади», дердилар раҳматли зnam. Мени мафтун

этган, хаёлчан чөхраси билан беғубор болалигимга етаклаган бу қыз образи қалбимда зүр армон бўлиб қолди. Эрнест Хемингай: «Фақат, яхши инсонлардангина яхши ёйинни тушадиган тоб башни айтадиган». Педро Фай

ши езувчилар чиқади», деб бекіз айтмаган. Людвиг Фейербах: «Ҳақиқий әзувчилар — инсониятнинг виждонидир», деганида иккى юз фойз ҳақ зди. Даставвал ўз виждона олдида, сүнгра табиат ва борлық қошида покиза бұлған кишиданғина туб мөхият зәтибори билан ҳақиқий санъаткор чиқади.

Биз күпгина ҳолларда ўз қобилятимиз даражасини билишда янглишамиз. Аниқроғи, инсон үлғайиши билан, билими ва ақли ошиб бормаса ҳам, ҳәёт тажрибасыга таянib, ўзига оптика баҳо берадиган бўйиб қолади. Бунинг сабабларидан бири ҳам яна юқоридаги гап — табиятдан йироқлашишdir. Табиятни ҳис этиб, тушуна билиш, унга якинлик — кишини ҳар қандай оқибати хүнук воеҳа-қодисалардан асрайди, оптика түйғуларини жиловлаб туради.

Табиатга минг қатла шукрки, дунёда меҳр-муҳаббат деган буюк түйғу бор. Бўлмаса, инсоннинг бошқа мавжудотлардан фарқи қолмасди. Аслини олганда, Чингиз Айтматов айтганидек, муҳаббат ўч кимга фойда ҳам келтирмайди, зиён ҳам. Лекин усиз яшаб бўлмайди. Дунёни ушлаб турған түйғу ҳам муҳаббатидир.

Рўзи ака Ленинград орқали Кримга учиб ўтиб, қариyb

иikki ой уйида бўлмади. У киши билан гаплашадиган мұхим иш бўлмаса-да, келишини интизорлик билан кутардим. Келмаслигини билсам ҳам, ҳар кун кечқурун пиёда унинг уйига равона бўламан. Чойшаблар тутиб ташланган ойнаванд айвонни ўсиб кетган ток ва номозшомгул шохлари қоплаб ётади. Бегоналигимни пайқаган қўшни расомнинг илини менга ҳафса билан ёпишади. Ҳаёлларим тўзиб кетганидан хафа бўлиб, орқага қайтаман. Ахир, биз хаёлан Рўзи ака билан гаплашаётган эдик-да.

Ўйимизда, ўглимиз Ойқор туғилганида Рўзи ака тақдим этган «Ойқор» номли картина бор. Мен бу асарни илк бор устахонада кўриб, ҳайрат ва кувончдан энтишиб кетганиман. Асарда Ойқор тоғи ва тоғ этакларининг априль ойларидаги бетакор гўзалилиги акс этирилган. Булутлар билан сўйлаштаётган қорли чўққилар баҳор қўёшида нур таратиб товланмоқда. Одатда, бундай пайтларда тоғ этаклари ва паст текисликлар кўм-кўк бўлади. Бу ҳаммага маълум. Лекин картинада кизил ва сарғиш ранглар ҳукмрондир. Унга кўзи тушган кўпчилик менга: «Тоғ ҳам қипқизил бўладими? Тепасида қўёш бўлмаса!», деган саволни беришади. Тўғри, бу ҳали қорли тоғларда лолақизғалдоқлар очилмаган пайтлар. Шундай экан, рассом қизил ва сарғиш рангни қаердан олган? Буни рассомнинг табиатни мукаммал билишидан қидирмоқ керак. Табиатдан йирок киши уни ўзгалар кўзи билан баҳолайди. Шунинг учун ҳам, Леонардо да Винчи: «Бевосита табиатни ўрганган киши унинг фарзанди, ўзга ижодкорлар асарларидан руҳланганлар эса унинг неварасидир», деган. Узи, биздаги санъатшуносарларнинг кўпчилиги шунаقا. Ҳар қандай картинадан баҳс кетса бир хил қолипдаги, анъанавий гапларни тизиб ташлашади. Булар — тўйғуси ўтмаслашганд, фикрлашдан ортда қолган «...шунос»лар, холос.

Рўзи Чориевнинг иш услуби айрим талантли ёзувчилар услубига ўшаб кетади. Жаҳоннинг кўпчилик буюк прозаиклари ўз асарларини жуда узоқ ўйлаб, қисқа муддатларда ёзиб тугатишган. Ҳақиқий санъат асари ана шундай буюк эҳтирос ва илҳом билан саноқли дақиқаларда яратилади. Ижодкор ҳаёли бундай лаҳзаларда ўзини ўраб турган муҳитдан беҳад юксакларда кезади. Бамисли, ер ўз ўқи атрофидан чиқиб кетгандек. Бизда бу ҳолни шарқча шоирона тил билан илҳом париси келган дақиқалар, деб аташади. Аммо бу — асар қисқа муддатда батамом ёзиб тугатилади, дегани эмас. Энг муҳими, бу дақиқада асар дунёга келади. Ижодкор кўнглени қофозга бўшатади. Кейин уни истаганча сайдаллаши мумкин.

Санъаткорда илк учрашганини кишисининг ким эканлигини тезда пайқаб олиш қобилияти жуда мұхимдир. Чориев келажакда яна дуч келиши ва портретини ишлаши мумкин бўлган кишиларни беш-ён йил бурун ўрганиб, сўраб-суршишиб юради.

— О-о! Сизни яхши биламан! — дейди у, ўша киши билан учрашганида кувончини яширолмай. Қарабисизки, бир неча сеансда портрет тайёр. Унинг бу усулини кўпчилик ўзбек рассомлари инкор этадилар. Тўғри, бу уларнинг иши. Мен эса Рўзи Чориевни ўзбек тасвирий санъатининг талантли прозаиги дейман. Шундай дейман-у, унинг асарларида поэтика кўпроқдир. Ўзбек портрет жаҳрининг тенгиз устаси Абдулҳак Абдуллаев эса Чориевнинг ижоддаги курашчанлигини назарда тутиб, уни «гладиатор» деб атайди. Бу моҳир рассом чизаётганида худди заргарлардек ҳаракат қиласи. Натура билан ишлаши сон-саноқсиз ижрочилардан иборат оркестрни бошқараётган ўта нозик дидли дирижёрга ўхшайди. Ана нозик қалб, ана ўзига хос ижод услуби ва талант! Бу сирли, поклик тўла қалб жуда улуғ сўзларга муносибдир. Вақти соати билан бу гаплар, кечроқ бўлса-да, айтилади (биз доимо икир-чикирлар билан бўлиб, мұхим ишларга кечикиб юрамиз!).

...Яна «Ойқор» картинасига қайтаман. Илк баҳор кунларида қори эндингина эрий бошлаган қорли чўққилар, тоғнинг ёнбағирлари ботаётган қўёш нурида ёниб, алвон ранга киради. Бундай дақиқаларда тоққа тикилиб қараб бўлмайди, кўз қамашади. Тоғ этакларидаги яккам-дуккам заранг, пишол, терак ва толлар оплок нур дарахтига айланади. Таъбир жоиз келиб, мабодо бутун тоғ яхлит бадий асар деб қараладиган бўлса, бу манзара ва дақиқаларни асарнинг кульминацион нуқтаси дейиш мумкин. Ҳамма гап ана шу дақиқа ва нуқтани илғаш, уни топа-

лишда. Бу — рассом диди ва истеъодини белгиловчи фактордир. Бундай манзаралар Чориев юрагини неча бор жунуншга келтирган, унинг учун қадрден эди. Агар у тобиатини пухтаро билмаганида, эрталабки ёхуд кечки бирор бир манзарани танлаб қўя қолган бўларди. Бино-барин, инсоннинг санъатни тушуниши табиат воситасидаги мукаммаллашиши мумкин.

Рўзи Чориев кўпдан бўён Абдулла Орипов портрети устида ишларди.

— Абдулла ака бирор марта ҳам устахонага келиб, кўриниш бергани йўқ, сиз эса уни кўрмасданоқ портретни тугаллабсиз, — дедим бир гал Абдулла Ориповнинг портретдаги хаёлчан чехрасидан кўз узолмай.

— Ана у, қаршимда турибди, — деди Рўзи ака бўшлиқ-қа кўй чўзиб, баланд ва жарандор оҳангда. — Мен уни қарийб ўн йилдан бери ҳаёлимдада чизиб юрибман. Уни гўзалик ва поклик рамзи сифатида тасвириламоқчиман. У ана шундай инсон. Бир мажлисада зерикканимдан унинг портретини қаламда чизиб ўзига кўрсатдим. У сурат остига икки қатор шеър ёзиб кўйди:

Абдулланинг шудир бори,  
Чизди уни Рўзи Чори!

Ҳа-ҳа-ҳа! Зўра! Икрам Акбаров билан Ботир Зокировни йигирма йилдан бўён чизаман. Ўлгунимга қадар чизсам керак. Бир ёзувчи неча киши орқали, ҳатто ўзи ҳам учраб, портретини ишлашимни сўради. «Хўп» дедим-у, кўй бормаяпти. Чизолмасман деб кўрқаман. Сени ўша, тасвиirlаётганинг табиат ёки инсон билан нимадир боғлаб турмаса, унда ўзинг излаган бирор бир ҳақиқатни кўрмасанг, ҳеч нарса чиқмайди. Биз рассомларнинг яхши-ёмонизми чизганимизга қараб, дарҳол аниқлаш мумкин. Аммо ёзувчилар чатоқроқ. Нималигини билиб улгурмасингданоқ, ёстиқдек қилиб тўртта романни ёзиб ташлашади. Тўғри, унинг ҳам ўзи даражасидаги ўқувчиси бор. Китоби магазинда кўринмаса, «зўр ёзувчи эканман», деб юраверади. Биласанни, мен нимани ёмон кўраман. Ёзишиб чизиш қўлидан келмасаям, ўзича бу мажбуриятни зиммасига олганларни. Аслида, бундайларнинг ўзи тузуккина бир салбий образ. Улар ўзларидаги арзимас имкониятни ижодкорлик таланти, деб ишонишиади. Тўғри, буларга ҳам қаттиқўлик қилиб бўлмайди: «Кучли, ўрта ва паст даражадаги адабиётлари бўлмаган адабиёт — мукаммал адабиёт эмас», деган экан кимдир. Ҳаёт воқеалари орасидан ҳаммабол, қаймогини топиб ёзмоқ керак. Ҳар бир даврнинг ўз ҳақиқати бор. Ана шуни ёзмоқ керак. Демоқчиликни, ҳеч кимни бефарқ қолдирмайдиган воқеа ва ҳодисалар, умуминсоний туйғуларни куйлаш лозим. Аммо бунда доимо, биринчи галда, инсон қалби муаммолари туриши шарт. Теран туйғулар инсон қалби қўриғининг баҳориди...

Ўйлаб қарасам, Чориевда ҳам, Абдулла Ориповга ўшаб, бор қудратини «мана» дея кўрсата олиш, ўз ғоялари учун имкониятлари даражасида қураша билиш кучи етишмас экан. Бу камчилик эмас, йўқ, камтарликнинг биринчи кўриниши — камсукумлиқдир. Одамлар оғзи билан юришга ўрганаётган бизнинг асримизда айнан камсукум инсонлар кун сайин камайиб бормоқда. Бундай беозор одамларни тушунишидю, ардоқлашни исташмайди. Лев Толстой: «Ҳақиқий донолик — камсукумлиқда», деган замонларда одамлар бу қадар уддабурро, қилни қирқ ёрадиган эмасмикин? Яна ким билисн! Камтар ва камсукум киши бирловлар учун қўлидан келган яхшилини қиласи. Оёққа туриб олган анчайин шогирд эса кўп ҳолларда, устозига қарагандо, пихини ёрган, эпчил чиқиб қолади. Аммо уларни ҳам тўла айблаб бўлмайди. Чукурроқ ўйлаб қаралса, яратиш қандай бўлмасин, курашиб демактир. Шу ўринда қувғиндаги Покистон шоирни Файз Аҳмад Файзнинг: «Езувчи фақат кузатмаслиги, аксинча, курашмоги керак», деган сўзлари ўринлидир. Лекин ҳозирги айрим ижодкорларимиз, буни Файз Аҳмад Файз айтган маънода эмас, манфаатпарастлик маънисида тушунадилар. Бу ҳолнинг ҳам объектив ва субъектив сабаблари бор. Шу ҳақда ўйлар эканман, беихтиёр ҳаёлимга Василий Шукшиннинг бир гапи келади. Қайсиdir журнади мухбири саволларига берган жавобида у: «биз кўпроқ яхши ишлашга эмас, яхши сўзлашга ўрганяпмиз», деган эди.

Айни вақтида айтилган гап. Күпчилик ҳолларда гапга уста кишилар ёмон ишлашади. Мәхнаткаш одамнинг эса гапиришига вақти бўлмайди, бу ҳақда ўйламайди ҳам. Ёзувчилар ҳам (талантлilари бундан мустасно) шунақа бўлишади, шекилли.

Рўзи Чориев умр бўйи оддий, жуда оддий (аслида ҳақиқат ҳам оддий эмасми!) нарсалардан ҳайратланниб, ўзи билан мулоқотдаги оддий одамлар ва нарсаларни соғиниб яшаб келади. У хотин-қизлар жииягидаги каштани кўрганда ҳам, унча чироили бўлмаган, одоблигина бир қиз билан танишганда ҳам, ўзини йўқотиб кўяр дараражада ҳайратланади. Ҳаёт ҳақиқатлари ва дунё сирларини илк бор англаётган ўсмирдек қотиб қолади ёки азбаройи завқланганидан қичқириб юборади. Бу ҳайрат замирода эса борлиққа, инсонларга нисбатан чексиз меҳр-муҳаббат туййуси ётади.

Бизнинг фожиамиз ҳам шундаки, кўп ҳолларда ёнгинамиздаги оддий ҳақиқат ва гўзалликни пайқамай яшаймиз. Агар инсоният ўзидаги ҳозирги бепарвонлик касрини чукур англаб, уни таг-томири билан йўқ қилас экан, бир кун келиб, бунга қарши кураша олмай қолади...

Ниҳоят, бу талантли рассомнинг камчиликлари ҳақида ҳам узоқ-узоқ ўйга толаман. Элликка кирган бўлса ҳам яхши билан ёмонни, дўст билан душманни ажратолмайди. Бу камчилик унинг учун бир кун қимматга тушиши мумкин. (Олғир «санъатшунос» ва рассомлар, делетантлар унинг бу камчилигидан усталик билан фойдаланадилар.) Бундай одамлар, бошларига мушкул ташвиш тушганда (жонкуярлари бўлмас) химоясиз қоладилар. Дарҳақиқат, Чориев ҳам Ленинградда ўқиган йиллари бир мактуб ёзиб, ёш бошига зўр ташвиш ортирган. Хатда, совет даври тасавирий санъатида ҳам турлича йўналишлар бўлиши мумкинлиги, ижтимоий моҳияти билан эса социалистик реализмга хизмат қилишдан; тараққийпарвар классик тасавир усусларидан самарали фойдаланиш, таълим-тарбия методини хаётга тубдан яқинлаштириш, санъатда миллийликдан баҳс юритиларди.

Ушбу хат түфайли, сал бўлмас, уни институтдан ҳайдашаёди. Хайриятки, кимлардир уни тўғри тушуниб, саклаб қолишиди. Бу — қотиб қолган, аммо кўп ҳолларда ҳукмрон қарашларга қарши, баъзан англаб-англамаган ёшлик курашининг гўр усули эди.

Кишини толиқтирадиган, ёқимили баҳор оқшомларидан бирда яна унинг ўйига йўналдим. Икки қаватли рассомлар уйи атрофини ўраган сиренъ ва дўлана дараҳтлари гулининг ёқимили ҳиди хотиралар қатини титкилади. Сиреннинг таскин берувчи ҳидидан ҳоргин кеча ҳам ҳузур қиласётгандек. Ўнинг айвонига тикилиб, сиренлар олдида туриб қолдим. Рўзи аканинг ўзи чиқиб қолар, деган ўйда эдим. Унинг картина ва эскизлар осиб ташланган уйини хаёлан тасаввур этиб, эшик тутқичига кўл узатдим. Унинг уйи ва устахонаси деярли ҳеч вақт саранжом-саришта бўлмасди. Лекин жуда беғубор, дунёнинг бемаҳни ташвишларидан холи олий бир рух, ҳолат ҳукмрон эди. Рўзи аканинг хотини ҳам у қадар уddyабурро аёл эмас. Бор-йўғи иккита боласи бўлса ҳам, ўн болали аёлларга ўшаб қўкиб ётади. Ижобий маънода, жудаям Чориевбоп, беғам хотин. Агар пишиқ, тиниб-тинчимас аёл бўлганида, билмадим, болафөъл Чориевнинг аҳволи нима кечаркин? Ростдан ҳам, ташқаридан қараганда, беғамлика ўшаб кетадиган, лекин ҳалоллиғи устига қурилган беозорлик хислатлари Чориевда истаганча топилади. Буни дунёнинг ижодга алоқасиз ташвишларига бефарқ қараш деб атаса ҳам бўлаверади. Турмуш ташвишларини ҳисоб-китоб қилиб, маълум график асосида бажарадиган бўлсанг, одатда, ижод галга қолдирилади. Бир нарсага эришиш учун, кўпинча, иккинчи нарсадан воз кечиш керак.

У жуда кўп кишиларга картиналар совфа қиласди. Область ва районларда ташкил этиладиган музейларга бепул асарлар жўнатади. Унинг анчайин шогирдлари аллақачон бойиб кетишган. У эса во ҳақда ўйлашни ҳаёлига ҳам келтирмайди. Бунинг ташвишини чекиб юрганида, у биз билган Рўзи Чориев бўлмаслиги ҳам мумкин эди.

Оҳиста оёқ босиб залга кирдим. Негадир Рўзи ака кўринмасди. Бола-чақасини Ленинградга жўнатган эди. Устахонада бўлса, нега уйини очиқ қолдириди экан? Ҳали

бир қарорга келиб улгурмаган эдимки, Рўзи аканинг болаларникдек қувноқ, беғубор кулгиси эшишилди.

— Эҳ-хе-е, нега аразладинг? Аразлама. Ҳали қандай маҳлуқ эканлигини билмайсан-у, аразлайсан. Яхши эмас, уят бўллади. Эҳ-хе-хе..

Чориев овқат столи ортидаги сержун пўстак устида ағанаб, мушук болағи билан ўйнашарди. Болалаган курланг она мушук унинг хатти-ҳаракатларини кузатганча сулейиб ётар, болалари уни ҳар томондан туртклиб эмишарди. Ўйга кирганини пайқаган она мушук сергакланиб, болаларини ялай бошлади. Рўзи ака мушуквачалар учун балиқ консервасини эча бошлади.

— Мушукларни консервера билан эмас, сут ёки қатиқ болало боқиши керак,— Рўзи акага яқинлашдим.

— Сут ҳам, қатиқ ҳам, гўшт ҳам йўқ. Марина бўлмаса, шунақа, ҳамма нарса тугаб қоларкан. Консервера еяпмиз. Буни ҳам Икром Акбаровнинг хотини берган,— деди у менга болаларча мўлтиаркаркан.— Биттаси ўлиб қолди, онаси тишлаб олиб чиқди-да, панжалари билан ерни ковлаб кўмди. Чўнқайиб ўтирганча, осмонга қараб йиглади. Мен ҳам йигладим. Боласи ўлиб қолгандан бери, хафа бўлмасин деб, залда ётапман. Кетсам миёвлашаверади, миёвлашаверади...

Чориев тўлқинланарди, руҳида севинч яширинган дард ҳукмрон эди. Нимадан тўлқинланётганингини бир сўз билан тушунириб бўлмасди. Қизиқ, унинг ҳар бир гапидан завқланиб, ҳузур қиласман. Негаки, у юрагидаги гапни ўйлаб-нетиб ўтирмаи, тўғридан-тўғри айтаверади. Самимият дегани, менимча, шу бўлса керак. Уни гапиритириш учун атайлаб саволлар беравераман. У эса ўша заҳотиёқ кутилмаган ва ҳайратланарли жавоблар қайтаради.

— Мушук болалабди-я?— дейман уни гапга солиш учун.

— Ҳаёт. Баҳор. Мушук туғди. Қандай гўзал. Мартирос Саръяннинг юбилейига бораман. Қандай яхши. Саръян дегани — яна бир Арманистон дегани. Мен Еревангэ кетиб қолсан, мушукларга ким қарайди. Мушуквачаларнинг кўзи ҳам очилганича йўқ. Ёки сен буларни уйингга олиб кетасанми? Уйингнинг балкони йўқ, қаердаям боқасан.

У жимиб қолди. Сўнг менга бир қараб қўйди-да, пўстакнинг жунини ўйнай бошлади.

— Қачон? Ким билан кетасиз?— сўрадим.

У эшиитмади. Ҳаёллари аллақаётларга эргаштириб кетди, шекилли. Мен унинг кўзларидан шу фикрларни уқардим.

...Улуғлик ва гўзалликни ҳам юракка сифдира билиш керак экан. Саръян ана шундай буюк, юракка сифдириб бўлмайди. Баҳтиёрликни ҳис этиш ҳам баҳт. Бунинг учун тўйғуларни асрар ва тарбиялаш керак. Бу хотирани тарбиялаш демакдир. Ўйляяпман: ақл ўз-ўзидан тарбиялашармикин, тўйуми? Менимча, тўйуни, тўйуни тарбиялашмоқ керак! У барибири санъатда бирламчи бўлиб қолади. Ҳис эта билмаслик — фожия. Аслида, ҳамма нарса ҳам ақлга бўйсунади-ю, инсон ўз тўйғуларининг кули бўлиб қолаверади. Ақл кўпроқ сиёсатда асқотади. Албатта, мен эзгуликка хизмат қиласётганди ақл тўғрисида гапирияман. Ақлнинг ёвузлика хизмат қилишидан ҳам хавфлироқ, даҳшатлироқ куч борми?!

— Кечак баҳодир Жалоловнинг ўйига борувдим. Болгариядан санъатшунослар келишган экан. «Етиб қолинг», деб анча қисташди. «Йўқ, мушугум туққан, ўйга боришим керак», дедим.

У ликопчада мушукларга овқат қўйди-да, дераза раҳига суюниб, икки қўлни осилтирганча ҳаёлга чўмди. Бир муддатдан сўнг тилга кирди:

— Бир ёш рассомнинг устахонасига борганимизни ўйляяпман. ГФРлик санъатшунос докторга анчагина картиналарини кўрсатди. Жазоир, Польша, Ўрта Ер денгизи, Миср манзаралари... Уларни кубалик, ёхуд инглиз рассоми ҳам худди шундай тасвирилаши мумкин. Ижодкор яратётган образини юрак призмасидан ўтказиши керак. Шундагина, унинг услуби шаклланади. Рассом қурувчи-инженер эмас. Инженер бир хил проектдаги бир неча чироили ўйларни сифатли қилиб, куриб ташлайверади. Катта-катта мукофотлар олади. Негадир, назаримда, рассомларимиз ҳам уларга тақлид қилишаётганга ўшайди. Му-

ҳаббат, мұхаббат, меҳр-мұхаббат! Ҳамма буюк ва оддий ишларнинг бошида ана шу түйғу туради. Яқинда, «Гулистан» журналида Машраб Бобоевнинг яхши бир шеърини ўқиб қолдим:

Биз ёзмишнинг инъомига севинайлик аввалдан,  
Жанг — сипоҳга, құш — дәққонға қисмет экан азалдан,—  
Ўзимга ярашадир, душманим ҳам бир талай,  
Ўпишиб күришамиз гүё адоват алас.  
«Емонсан», деган сўзни меҳри эмас, ҳар қалай,  
Номардлиги туфайли айтиши мумкин эмас.  
Менинг яхши құрады бу дунёда бир аёл,  
Лайланг Зуҳрапар ҳам унга келолмагай бас.  
Лекин «Яхши күраман» дейәлмайди бемалол,  
Сабабини биласиз... Айтиши мумкин эмас.  
Бошқа әшитган барча яхши-ёмон гапларим  
Уринсан-уринмасам, қизиқтирумайди зарра.  
Дүстим ҳам, душманим ҳам, кейин ўша дилбарим  
Менга мұносабатин айтса дейман баралла.

Балки баралла айтса, ўша нарсаларнинг қизиги қолмас. Нима дейсан?! Яхши гап. Ажойиб шоир. Танқидчилар доимо түйдан кейин ногора чалиб юришади. Сабаби, улар маълум бир талантни астойдил тушуниб етиш ўрнига, ўз үқиган ва билгларини намойиш қилмоқни хуш күрадилар. Биз санъатшуносларга ёлчимагандек, сизлар ҳам адабиётшуносларга ёлчимагансиз.

Кейин Чориев гимирлаб, ёзишга тайёргарлик кўра бошлиди. Бўёқ ва чўтқаларни эринмай, битталаб овқат стогига ташиди.

— Сени чизаман. Қаршимда тик тур,— деди кўзи ёниб. Бир зум нима қиласаримни билмай, каловланиб қолдим. Ҳеч қачон унинг кўзлари бу қадар жиддий тус олиб, порлаб кетганини кўрмаган эдим. Унинг шу ҳолатдаги портретларини кўрганимда, ҳар гал хаёлимдан: «Чориев ўзини бўрттириб чизибди», деган фикр кечарди. Энди билсам, унинг кўзлари аслида ҳам шундай экан.

— Мушукимиз тұғасаям, ишлар бор. Кетишим керак,— дедим нокулай ақволдан күтулиш учун.

У эса ҳеч гапни әшитмагандек, қафсала билан ишга киришиб кетди. Ташлаб кетолмаслигимни, умуман, у нима деса йўқ дея олмаслигимни билади. Менинг эса хаёлимдан ялт этиб Федерико Гарсия Лорканинг: «Ҳар қандай тантанали маросим адабий қабримиз устига қўйилгувчи бир тошдир» деган сўзлари ўтди.

Бу пайдай кулранг она мушук болалари билан ҳуриллашиб ухлар, магнитофонда дам-бадам аллақандай янги чиққан инглиз эстрада ансамбли, машхур француз қўшиқчиси Шарль Азнаур кўйларди. Чориев эса чап қўлидаги латтани маҳкам сиқимлаганча, чўтқаларни тез-тез алмаштириб ишлар, ўзича минирлаб хиргойи қиласарди.

У ивиригиган устахонасида доимо кимларнидир кутиб яшайди. Булар түрли тоифадаги кишилар. Рассомнинг ўзи «Замондошларим» деб атаган йирик асарида улар образини яратиб келяпти. Асар қарийб ўн беш йилдан бери чизилади. «Шу асар асосида, Ўзбекистоннинг бирор ерида, ушбу номда панно яратмоқчиман», дейди у.

Одатда ҳар бир ижодкорни ўраган ижодий мұхит ва кишилар бўллади. Барчага бирдек яхшилик тилагувчи, ноҳақлик қаршисида сукут сақлай олмайдиган Чориевни ўраган мұхит камалак рангина үхшайди. Бу одамлар орасида дуч келгандай насиҳат құлувчи сергап раҳбардан тортиб, рассомга ғоят яқин оддий ўрмон қоровули ёки чўпон, ҳар балони кўрган, тегирмоннинг дўлига ташласанг, бутун чиқадиганлар, Тошкентнинг ультрамодадаги қизлари ҳам бор. Чориев булатнинг ҳаммаси билан тил топиша олади. Ундағи юксак самимият, меҳр қаршисида рұхан яқин бўлмалар ҳам довдираబ қолишиади. Бирор ўзини алдаганини сезса, Чориев бор овози билан қаҳ-қаҳлаб кулади, унга раҳми келганидан маъюсгина мўлтираб узоқ тикилиб қолади.

Умуман, у тўғри қиласади. Сичқонни бугдой ўғирлашдан

батамом маҳрум этиб кўринг-чи? Қандай ақволга тушаркин. Қаҳрамонимиз атрофида ўралашиб юрган ана шундай каламушлар, айниқса, «санъатшунос»лар йўқ эмас. У шуларни ҳам яхши кўради.

...Шарль Азнаур куйларди. Мусиқа садолари остида ишларнинг гашти ўзгача. Тунда, айниқса, ярим тунда бундай мусиқани эшитиш хузур. Кўпчилик рассомлар ўз асарларини музика эшитиб ўтириб яратишиган. Айниқса, Васнецов жуда кўп асарларини бевосита музика таъсирида чизган. «Музикасиз,— деган эди у,— мен эҳтимол «Жангоҳ»ни ҳам, ўзимнинг бошқа асарларимни, айниқса, «Алёнушка» ва «Баҳодирлар»ни яратла олмаган бўлардим. Уларнинг ҳаммаси музика таъсирида идрок этиб яратилган... Мен «Қирғин»ни чизаётуб, Бах музикасидан таъсириланганман. «Баҳодирлар»им Бетховен музикаларини «tinglashgan», «Қор қиз» халқ қўшиклари ва Римский-Корсаков музикасидан баҳраманд бўлган».

...У пўстак устида мизғиётган мушук болаларига тез-тез қараб, мамнун жилмайганча хиргойи қиласарди.

— Нега ана у мушукка алоҳида ётиби? Нуқул бир ўзи тентираб кетиб қолаверади. Балки онаси эмизмагандир?— дейди у менга хаёлчан тикилиб.— Бирор егулик берсак-микан?

Мен эса деворга қараб, юракни ҳаприқтирувчи чексиз коинот ва чанқоқ юлдузлар Фонида чизилган Беруний портретини томоша қиласам.

— Ҳали ёёлмайди. Бир-икки кун онасини эмсин, сўнг сут-пут бериш мумкин.

У индамай ишини давом эттиради. Мен энди кичкина таҳтачага ишланган раққоса суратини кузатаман. Нафис бўёқлар, сарвдеқ қаддиқомат, кўзга таскин берувчи ранглар. Таҳтачанинг орқа томонига Мукаррама Турғунбоева портрети ишланган. Асар «Баҳор» ансамбли ва Рўзи Чориевнинг Швеция сафари пайтида ишланган.

Тунги соат тўртларда хайрлашдик. Рўзи ака онасини йўқотиб қўйган мушукваччани тўдасига қўшиб қўйди. Туғлимини кийишга анча қўйналдим. Узоқ тик турганимдан оғим шишиб кетган экан...

Анчагача уникига бормай юрдим. Соғиниб ишлаш одатини биламан. «Ёзиш учун соғиниш керак!» дейди у. Кошки, ёзиш касалига йўлиқкан «ёзувчи»ларимиз буни ҳис этсалар!..

— Нимани ёмон кўрасиз?— сўрадим бир кун туйқусдан уни гапиритириш учун.

— Хасисликни!— деди у баралла.— Хасислардан хоинликка бўлган барча жиноятларни кутиш мумкин. Бундайларда аник эзгу мақсад, агар у ижодкор бўлса, позиция бўлмайди. Худбин ва баҳил киши бир умр ўзидан устунларни севолмай, алам билан улар пайини қирқишига умринги сарфлайди. Бу билан улар маълум бир кишигагина эмас, умуммадданиятга, миллий ривожга тўсқинлик қилишиади. Биласанми, тут дарахтини шу қадар яхши қўрамки, у фидойи одамларга ўхшайди. Ҳар бир тут ўзи яланғоч қолиб, меваси ва барги билан ҳам жамиятга наф кептиради. Яна, вайсақи билимдонларни ҳам ёқтирумайди. Энг оддий ва меҳнаткаш ҳайвон эшактир. Кимдир эшакка ўқишини ўргатмоқчи бўлганида, уни кузатиб турган иккинчи киши: «Яхшиси ўзинг ундан сукут сақлашни ўрган», деган экан...

У узоқ жимиб қолди. Сўнг олис-олисларга тикилганча деди:

— Дунёда энг гўзал түйғу — аёлларга бўлган мұхаббатиди. Инсоннинг баҳти ҳам, фожиаси ҳам шундан бошланниб, шунда тугайди!.. Нодир мўйқалами табиат билан тиллашадиган бу моҳир рассом, шу топдаги фалсафаси билан, энг оддий замин кишиши эди.

— Нимани истайсиз?— Тилимга келган биринчи саволни бердим, унинг яна жимиб қолишидан кўриб.

— Кунимдан бурун ўлмасликни,— деб жавоб қилди у тиниқ кулгу аралаш.— Шундагина қадим Сурхон рангини топиб, Ўзбекистон киёфасини кўнглимдагидек чизишга улгурман.



МАРГАР  
МАРГАРИН



## Ер дарди

Ер дардин сув денгизга элтар,  
Элтиб аддо этолмас ҳаргиз:  
Чўккан дарддан тўғилар гавҳар,  
Шўрлаб ётар шу дарддан денгиз.

Ер дардин сув денгизга элтар,  
Аммо дардин сездирмас замин.  
Ерни ҳар кун одамлар тепар,  
Замин-чи, ер одамлар ғамин.

Сув булуутга берар ер дардин,  
Бизлар учун булат бир эртак.  
Лекин у ҳам ернинг фарзанди,  
Кўз ёш бўлиб қайтадир бешак.

Ер дардин сув қайтарар ерга,  
Ер қалбига сизар сўнг қайғу.  
Қолажак дард ер билан бирга,  
Булоқ бўлиб қайтар аммо сув.

Замин дарди — одамлар дарди,  
Биз ювамиз ерни тер билан.  
Ўртада ишқ кўприкдир гарчи,  
Кўпроқ ундан ғам ўтар экан.

Ер дардин сув денгизга элтар,  
Шўртанг эрур шу важдан денгиз.

\* \* \*

Менинг қувончимда қайғу бор оз-моз,  
Жавоб берай десам ғам босар ногоҳ:  
Бу оз-моз қайғумга ўтмишим мұмтоз,  
Ўтган күнларимга мен ўзим гуваҳ.  
Менинг севинчимда ярадор қушлар,  
Ярадор умидлар, дардли ёш вужуд,  
Онам кўз ёшлари, қўрқинчли тушлар,  
Тогимнинг ёмғирли нигоҳи мавжуд.  
Бахтимда мужассам бузилган уйлар,  
Куйинди эшиклар, куллар бўрони,  
Севишганлар кўзин чўқиган ўйлар,  
Дил қирғони бузган кўзёш тўфони.  
Менинг қувончимда қайғу бор оз-моз,  
Усиз яшолмагай ҳеч қачон юрак.  
Қайғусиз баҳт кўлиб беролмас овоз,  
Шоир бўлмоқча ҳам катта дард керак.  
Дардимда ҳам тагин дардлар бор оз-моз...

Э. МУҲАММАД таржималари

ВАРЛЕН  
АЛЕКСАНЯН,  
Арманистон ССР

## Хотиралар

Улуг Ватан урушида ҳалок бўлган  
ШАУМ ҳамда Вачаган МИНОЯНЛАР  
хотирасига

Қирларга ўралган сўқмоқларга,  
Бошоқларга чирмашган шамолларга,  
Ўрилган далага — ангорларга,  
Куздаги бетиним ёмғирларга,  
Баҳорги куртакка  
Ва саратонга  
Қоришиб бормоқда  
Хотиралар, оҳ...

Энди улар қайтмас ҳеч қачон.  
Туманли кунларда  
Қирга тирмашиб,  
Тонг саҳарда  
Кетғанларию  
Чошгоҳ чоги  
Кетғанлари ҳам.  
Шудгорланган далалар бўйлаб  
Қайтмагайлар  
Тонг саҳарда ҳам,  
Қайтмагайлар  
Чошгоҳ чоги ва  
Тун келса-да, ҳеч қайтмагайлар.  
Тепаликлар ёмғир ичида,  
Пичан ичра ғивирлар шамол.  
Йўқотишлар дарду ғамидан  
Хира тортган кўзларда баъзан  
Ёш қалқийди... — Уларга аён:  
Ёмғирли кун  
Кетғанлари ҳам,  
Қуёшли кун  
Кетғанлари ҳам  
Қайтмагайлар энди ҳеч қачон.

Русчадан У. АЗИМОВ таржимаси


ЭДУАРД  
МИЛИТОНЯН

## Сўзлар

Шоир кўзларини юмиб олди оғриқ зарбидан,  
Шунда сўзлар кўлларидан қўйилиб келди.  
Бино бўлмай туриб,  
бир сўзни ҳам билмас эди ул.  
Яна бир сўз билмайди ул  
барҳам топган дам.  
Тириклика эса... Тириклик, демак, —  
СЎЗЛАР ЗАМОНИ.

Шоир тишларини ғижирлатар оғриқ зарбидан,  
Шунда сўзлар қўйилади нақ кўзларидан.

Русчадан С. ФИЕС таржимаси



**МИРАЗИЗ  
АЪЗАМ**

# Faфур Гулом каломи

Дастлаб бу табаррук номни қачон эшитдим? Бутун ҳофизамни ҳаракатлантиришга уринаман. Анигини эслолмайман. Тахминимча, оиласиздаги бир сухбатдан кейин қулоғимда қолди, шекилли.

— Faфур Гулом ёшлигига Мастира опоғойига совчи юборган. Бахмал дўклили, қорачадан келган, камбағалини йигит эди. Булар бой, ўзига тўқ оиласдан бўлгандарни учун беришмаган. Мана, замон айланаб, булар ўтириб қолишиди. Faфур Гулом туппа-тузук шоир бўлиб кетди.

Бу гапни ким айтгани эсимда йўқ. Мастира опоғойи деганимиз қўшини хотин эди. Кўзлари катта-катта, овози йўғонгина. Шоирлар ёшлигига «камбағал», кейин «туппа-тузук» одам бўлиб кетишлари, унга қизини бермаганлар кейинчалик афсусланиб юриши мумкинлиги ҳақидаги ажабтовур хулоса гўдак хаёлимга ўрнашиб қолган бўлса керак.

Балки, Faфур Гулом номини иккинчи ё учинчи синфа ўқиб юрганимда, «Икки ёшлик» шеъридан эслаб қолгандирман. Шеърда шундай мисралар бор эди:

Пастак томлар, пилта чироқ, сасиган танча,  
Ялангоёқ, йиртиқ иштон, товшим борича:  
«Шамол, баҳринг камол!»  
Чўлоқ кетмонингни олиб кет!...

«Пастак томлар, пилта чироқ, сасиган танча» сатри бизнинг уйимиз тасвирига ўхшаганлиги учунни, «Чўлоқ кетмонингни олиб кет!», деб шамолга бақираётган бола билан ҳамжиҳат эдим. Ана шунда Faфур Гулом деган шоирни яхши кўрганман. Бу — 1944 йил эди, чамамда.

Кейинроқ, «Сен етим эмассан», «Мен яҳудий», «Аввал ўқи!» «Олтин медаль шеърлари орқали, Faфур Гулом жонажон шоирим бўлиб қолди.

Ўнинчи синфда эканимизда, Faфур Гуломни носир сифатида кашф этганимиз. Синфимизга кимдир босмаҳо надан «Ёдгор» ва «Шум болан қиссалари босилган контроль листларни топиб келган. Бир синф бола бир ўтиришда уларни ўқиб чиқиб, Faфур Гуломнинг ҳали босмадан чиқмаган китобини кутиб юрганларимиз шундоқ кўз олдимда турибди. Бу — 1953 йилнинг май ойлари эди.

Студентлик йилларимда, биринчи бор бўлса керак, 1.Май кўчаси, 25-ўйдаги Ёзувчилар Союзининг мажлислар залида Faфур Гуломнинг ўзини кўрдим. Янглишмасам, ўшанда бадиий таржими масалалари кўрилаётган эди. Кимдир минбарга чиқиб, Faфур Гулом Лев Толстойни ёки бошқа рус классикларини ўз тилига ўгирмаётир, деб ги-нахонлик қилиб қолди. Faфур Гулом жавоб нутқида шундай дегани эсимда:

— Бадиий таржима кишидан улкан қобилият талаб қиласди. Таржимон учун иккала тилини билиш кам, у тил тараққиёти қонунларини ҳам пухта билиши лозим. Масалан, бугунги тилимиз 20-йиллар тилига ўхшамайди. Биз у пайтларда «Берегись поезд!» деган жумлани «Оташ аравадан хурк!» деб таржима қиласардик, ҳозир: «Поезддан сақлан!» деймиз, ким билади, 20-30 йилдан кейин нима дерканмиз? Ҳа, мен бадиий таржимадан бирмунча тажрибага эгаман. Ҳуссан, «Отелло»ни ўзбек тилига ўгирганимда, ҳар бир жумлани овоз чиқариб ўқиб кўрардим. Қаҳрамон қиёфасига кириб, ёнимда бошқалар билан муомала қилзётандек, у ёқдан-бу ёққа юриб, ўзим билан ўзим гаплашиб кўрардим. Таржимани яхши баҳоладинглар, раҳмат. Аммо ҳозир ўзим уни ўқисам, кўп жойлари ёқмайди. Ҳозир уни бошқача таржима қилган бўлардим. Келгуси авлодлар: «Faфур Гулом русчани билмас экан!», дермикан, деб хавотирдаман. Таржима қилишга қўрқиб қолдим. Сизлар мени азизлаб, ҳурмат қилиб чиқараверасизлар. Аммо наслларимиз сизни ҳам, мени ҳам кўрмайди. Мен ўшалар олдида юзим ёруғ бўлишини хоҳлайман. Мени маъзур тутинглер.

Мен бу ерда Faфур аканинг нутқини айнан ўз луғати билан келтирдим, деб айттолмайман. Аммо гап мазмунни шундай эди. Агар нутқ стенограммаси сақланган бўлса, ҳеч шубҳасиз, ўша нутқининг аслини тиклаш ўринли бўлар эди.

Faфур аканинг яна бир нутқини мендан бошқалар ҳам яхши эслашса керак. Ўзбекистон Фанлар академиясининг А. Пушкин номидаги тил ва адабиёт институтида, у республикамиз ёш ижодкорларига қаратадан шундай деган эди:

— Дуруст, сенлар рус адабиётини яхши биласанлар. Ҳамманг ўқимиши, саводхонсан. Европа адабиётини оқизмай-томизмай ўқигансан. Жаҳон адабиётидан унча-мунча хабарларинг бор. Аммо ўзбек адабиётини биласанларми? Ҳеч қайсинг билмайсан. Самарқанд адабиётини биласанларми? Фақат XIII—XIV асрнинг ўзида 400 дан ортиқ шоир ўтган. Бухоро адабиётини, биласанларми? X—XII асрнинг ўзида 300 дан ортиқ шоир яшаган. Қўйкон адабиётини биласанларми? Фақат Гулханий яшаган даврнинг

ўзида 300 дан ортиқ шоир бўлган. Хоразм адабиётини ҳам билмайсанлар. XIX асрнинг ўзида юзлаб шоирлар яшаб ижод этган. Дарсликларга кирган 10—15 та шеърин ёдлаб, ўзбек адабиётини билдим, деб керилиб юрасанлар. Ҳали мен тарихчилар, олимлар, носирларни айтмаёқ кўяқолай.

Мен Гафур аканинг бу фикрларига тўла қўшилган ҳолда, йичидан қайнаб келаётган эътиrozларимни ютиб ўтирадим. Ахир, ҳозир мактабларда эски ўзбек тили ва ёзуви ўқитилмайди-ку?! Биз қандай қилиб, ўз адабиётимизни ўқийлик? Лоқал ундан хабардор бўлайлик?

Гафур аканинг ўша нутқида шундай фикр ҳам бор эди:

— Ҳамманг «Онам дерман», «Отам дерман» деб ёзасан. Дуруст, она-отани ҳурмат қилиш керак. Оналар ҳақида шеър битиш — муқаддас нарса. Аммо реализм деган йўлдан борларинг. Сенлар эса анави... сантимент деймизми... ўшандан ўтмайсанлар!

Менга ҳаётимда Гафур Гулом билан 30—40 марта юзмаж ўтириб, гаплашиш насиб этган. Гап шундаки, 1959—67 йиллар давомида мен болаларнинг «Ғұнча» журнали редакциясида адабий ҳодим бўлиб ишлаганинан. Бу йиллар ичида журнал учун Гафур акадан ўн бешта шеър ундиридим. Булар қўйидагилардир: «Буни топинг, қизларим», «Бомбомиз бизни севган, биз ҳам уни севамиз», «Дадам ва мен», «Қиши», «Бизнинг учар юлдуз», «Бизнинг асrimиз», «Ўйлашни ўрганамиз», «Энди уруш бўлмайди», «Онажонимга», «Бизнинг уйда уч киз бор», «Кеккаймачоқ Собиржон», «Ўйинчи киз», «Аҳмаджон фотограф», «Чақ-чақлашайлик», «Яна қизик ҳангома».

Гафур аканинг антиқа феъллари бор эди. Бирорни жини ёқтирап, бирорни ёқтирас, бундайлар шоир билан учрашгач, албатта ундан норози бўлиб юришарди. Қудрат Ҳикматдек истеъодли шоир ҳам ундан ранжиброқ гапиради:

— Гафур аканг — тўрс. Куддус Мұхаммадий унинг уйига олиб борганида, мени «яҳши шоир», деб таниширган. Гафур aka менга қараб: «Ҳамма шоирлар устозларига хизмат қилишган. Қани, тур, бориб анави пекканинг кулинин ол! Шеърни кейин ўқисан!» деган. Ойбек aka бўлса, уйларига борганида, бошдан-оёқ разм солиб: «Оғингдаги ботинканг йирилиб қолиби, мана пул, янгисини сотиб ол!» деб ёрдам берган. «Шарқ юлдузига» редакторлигида ҳар сонида шеъримни босиб чиқарарди.

Мамнуният билан айта оламанки, Гафур aka ҳеч қачон менга дағал гапирган эмас. Сұхбатимиз аллақандай лирик оҳонга бўларди. Назаримда, гаплашиб ўтирамиз-у, лекин кўпинча у мени кўрмасди. Мен унинг учун янги бир авлод вакили эдим, холос. Шахсим, шахсиятим билан қизиқмасди. Мен кимман, қаерда тураман, нимани ўйлайман, нима билан машғулман — бунинг аҳамияти йўқ эди. «Ғұнча» дан келувчи бола. Ҳамсұхбат. Шундай одамман унинг учун. Икки авлоднинг икки вакили. У бунга, бу унга ўз даври, ўз сафдошлари ҳақида оз-оздан хабар берувчи кишилар. Тўғри, мен билан ҳам биринчи учрашувимизда бироз ҳазиллашган, бу ҳақда «Гафур Гулом билан сўнгги учрашувим» шеъримда ёзган эдим. Рәқат бир марта Гафур aka исмимни сўраган. «Шум бола»нинг янги варианти устида ишлаётган экан, шекилли, кўп ўтмай, қиссанинг эълон қилинган янги бобларидан Мирализ деган номни учратдим. Билишимча, ўшандан у бирорта ном излаб ўтирган бўлса керак. Бир гал шеър сўраб борганида, у менга қараб:

— Қизиқсан-а,— деди,— «ғұнчан ўзи кичкиной болаларга аталган бўлса, уруш ва тинчлик мавзууда уларга қандай шеър айтаман? Уруш бўлмагур нарса, яшасин тинчлик, дейманми? Йўқ, бошқа тақлиф билан кел. Бунинг бўлмайди!

— Нега бўлмас экан?! Бўлади!— дедим ўжарлик қилиб.— Мана мен, ўша Шум бола юрган томонларданман. Сағбон, Ачавот, Ҳуррият кўчаларини биласиз. Ана ўша Ҳуррият кўчасида Миржалил aka деган киши туради. Урушга бориб келган. Икки қўли йўқ. Бир болани кўраман. У ҳайрон, қачон ўша кишининг кўрса, оғзи очилиб қараб қолади. Нега бу кишининг қўли йўқ, деб ўйласа керак-да. Наҳотки, шу ҳақда ёзиш мумкин бўлмаса!?

— Ким дединг?  
— Миржалил aka!

— Менги қара, дуруст бола экансан. Тўғри, ёзса бўлади... Балки ўзинг ёзарсан?

— Сиз ёзинг. Яхши ёзасиз!

— Майли. Эртага кел. Фақат саҳарлаб кел. Ҳуроз қичқирмасдан. Соат саккизгача шеър битиши керак.

Ҳа, Гафур aka шеърни саҳарлаб ёзишини яхши кўрарди.

Дўстим. Раззоқ Абдурашид айтади:

— Мен бир гал шеър сўраб борганимда, Гафур aka: «Сўғини биласанми? Сўғи азой айтмасдан кел!», деди. Бордим. Тонг билан туриб, «Қуёшнинг ёруғлиги ҳамма ҳалқа баробар» деган шеърини ёзиб берган ўшанда. Шеър биггач, менга яна бир ўқиб берди-да, «Қалай, камчилиги йўқми?», деб сўради Гафур aka. Мен: «Шеърингиз, етти бўғини, аммо бир жойида олти бўғин кетди: «Офтоб нури каби», дедим.

— Ана шу-да, сенлар «офтоб»ни икки бўғинда ўқийсанлар. Бизнинг классик адабиётимизда «офтоб» сўзи уч бўғин қилиб ўқиласди: «офтоб», билдингми? «Офтоб» ёзилади, «офтоб» ўқиласди!

Ана шундай. Гафур aka тенгдошларимиздан Раззоқ Абдурашид билан ҳам эркин фикр алмашаркан. Яна у киши раҳматли Ҳайридин Салоҳни ҳам куш кўрардик.

Бир борганимда, Гафур aka шундай деди:

— Биласанми? Менга бир котиб керак. Ҳеч ерда ишламасдан мен билан юрадитан бўлса. Ҳаёлмуга кўп шеърлар келади. Котиб ёнида юрса, айтганларимни ёзиб олса, дейман. Ҳайридинга айтиб кўргин. Менга котиб бўлсин. Мен уни яхши кўраман. Ўзига ҳам ёмон бўлмайди.

Гапни Ҳайридинга етказдим. Аммо бу нарса амалга ошмай, очиқ қолди.

Гафур Гуломнинг ўзидан кейинги адабий авлод ҳақида ги башоратомуз гапларини ҳануз унугтолмайман. Эҳтимол, бу гаплар зиммамда қарз бўлиб қолаётгани учун ҳам шундайдир. Шаҳ кунги сұхбатимизда очилиб кетиб, ичидаги борини тўкиб ташлағанидан жуда-жуда ажабланғанман.

— Мен тенгдошлар орасида А.ни яхши кўраман. Бир кун ўзига айтгин. Рәқат кейинроқ. Редактор бўлмаган пайтида айт. Токи, Гафур Гулом, мәндам таъма қилинти, деб ўйламасин. Мен ёзсан шундогам чиқаралмән. У ақлли, покизи одам. Редактор бўлгандан кейин, барибир турли ҳаёлларга бориши мумкин-да. Шундай бўлишини хоҳламайман. Лекин бу гапим сенга қарз. Гапимни албатта айтасан.

Гафур аканинг вафотидан сўнг бу омонат гапни эгасига етказдим. У ҳамон редактор эди. Айтишга айтдим-у, лекин киттай афсусландим. Назаримда, Гафур aka эмас, энди ўзим ундан таъма қилаётгандек бўлиб қолдим. Сал шошмасам бўларкан.

— Б.,— деди Гафур aka давом этиб,— қобилиятсиз одам. Юқорига лагамбардорлик қиласди. Пастдагиларни эзади. У жилд-жилд китоблар чиқариши мумкин. Аммо адабиётга бундан заррача наф йўқ.

Унинг бу башоратини эндиликда ҳаёт исботлади.

— В. нинг ҳикоялари ўтиклир. Ҳалқчил. Менга ёқади. Ҳикматли сўзларга бой. Ҳамма тоифадаги одамларга қовишиб кетаварди. Яхши асарлар яратиши мумкин.

Гафур Гуломнинг ишлаш услуги ҳам ўзига хос, антиқа эди. Даствлаб у шеъри, кайфият яратиш учун бир ҳовлини айланиб келар, ёхуд невараси Мирзамухторни етаклаб келиб, уни гапга соларди. Бола билан мулокотда мулойим тортиб, күвноқлик билан тезда иноқлашар эди.

— Қани, Мирзамухтор бу ёқка келинг-чи,— деди бир куни даҳлизада ўйнаб ўтирган неварасини чақириби. Мирзамухтор ўралашиб келгачи:

— Сизга нима берай, айтинг? Мана шу қаламни хоҳлайсизми?— Қўлига қалам тутди.

— Менга қаймок беринг. Морожний бўлсаям майли.

— Бу ёқка ҳозир ейдиган нарса керак. Қалам билан ишлари йўқ,— деди Гафур aka неварасига табассум билан назар ташлаб. Сўнг яна саволга тутди:

— Хўш, қаламни хоҳламайсизми?

— Морожний...

Мен Гафур акадан болалар ҳаёлини ўтирувчи шеър сўраб келган эдим. Невараси Мирзамухтор билан юқоридаги сұхбатдан сўнг, «Ўйлашни ўрганамиз» деган сарлавха ёзилди. Кетма-кет:

Мухторжон.

Олти ёшли.

Синглисидан сўради,—

деган сатрлар тизилди. Шу заҳоти менга:

— Қизлардан бирининг отини айтиб юбор! — деди Fa-

фур ака.

— Мунис,— дедим. Шеър давом этди:

**Мунисхон,  
Ростингни айт,  
Ўйлашни биласанми!**

Сал кейинроқ, Мирзамухторнинг бояги хоҳиши шеърга туша бошлади:

**Морожнийдан төғ бўлса,  
Нуқул гилос боғ бўлса,  
Түядай пишлоқ бўлса,  
Бир қозон қаймоқ бўлса...**

Шундай қилиб, Faфур Ғуломнинг кичкитойларга аталган энг машҳур шеъри яратилди. Бу шеър рангли расмлар билан безатилиб, рус ва ўзбек тилларида алоҳида алоҳида китобчалар сифатида ҳам нашр этилди.

Faфур аканинг юқоридаги каби тажрибаси менга ҳам болалар учун шеър ёзишимда кўп марта қўл келган.

Куз кунларининг биррида Faфур аканинг ўзи редакция-мизга кириб келди:

— Қиши ҳакида шеър девдинг-а! Столга ўтириб, қоғоз, қалам ол! — деди ва ҳозирланган заҳотим, «Қиши» шеърини диктовка қилди. Ярим соат ичида шеър битди. «Ажабланарли жойи шундаки, доим саҳарлаб ёзадиган одам тушга яқин келиб, шеър айтиб кетди.

— Ажаб, редакциядаги бу тўс-тўполон, кирди-чиқдилар орасида қандай қилиб ёздингиз? — дедим.

— Мен ёзаман десам, ёнимда бомба портласа ҳам ёзаман! — деди. Аммо бу, шунчаки, бир эрка мақтаниш эди. Чунки бошقا куни шундай бир воқеанинг гувоҳи бўлганман. У саҳар чоги «Бизнинг уйда уч қиз бор» шеърини ҳовлидаги караводта ўтириб ёзарди. Ўғли Улуғбек ўрнидан туриб қолди, шекилли, уй ичида чиройли бир кўйни ҳуштак қилиб чала бошлади. Faфур aka ишни шартта тўхтатди-да, уйга қараб қичқирди:

— Хой, Ҳуштак! Бу ерда шоир шеър ёзяпти. Ҳуштакни бас қилинг!

Мен қотиб-қотиб кулдим. Кейинчалик ўйлаб, оддий маъносиз шовқин-сурон, тақири-туқур, тапири-тупурлар унинг эътиборини бўлмаса ҳам, маъноли овозлар, айниқса, кўй унинг диққатини бўлар экан, деган хulosага келдим.

Faфур aka шеър ёзганда қўйналганини сира кўрмаган-ман. Faфат бир марта шундай воқеа рўй берди. Аммо чиндан ҳам шеърга тутқич бермайдиган мавзу эди. КПСС-нинг XXII съезди таассуротлари ҳақида болаларга шеър ёзib беринг, деб бордим. У «Бизнинг асримиз» шеърини бошлади:

**Дадам тушиб поездга,  
Кетгандилар съездга.  
Куни кеча қайтдилар,  
Ҳаммасини айтдилар.**

Шеър самимий, содда тил билан бошланди-ю, аммо ўрталарига бориб, юришмай қолди. Суҳбатга ўтдик. Гап айланиб, Қуддус Муҳаммадий шеъриятига келди.

— Қуддус жуда ажойиб, тоза тўлқинли шоир. Айтганча, шу шеърни Қуддус билан ёза қолсан бўлмайдими? — Сўнг телефон қилиб, Қуддус Муҳаммадийн уйига таклиф этиди. Аммо шу пайт Улуғбек келиб, чарчаган дадасини дам олишга қистади.

— Йўқ, ҳозир Қуддус келади. Шеърни бирга тугатамиз. Етмайман.

— Ётасиз! Дам олмасангиз бўлмайди!  
Faфур aka менга юзланди:

— Сиз кимсиз — Faфур Ғуломсиз, шерикчилик қилманг, демоқчи бу! Барибир, бирга ёзамиз. Майли, мен бирпас дам олай. Сен кетмай тур. Кетсанг хафа бўламан. Қуддус келгандан кейин ёзамиз.

Faфур акани ёқтизиз чиқкан Улуғбек менга:

— Энди сиз кетаверинг, эртага келарсиз, — деди.

— Хафа бўлишлари мумкин, — дедим уйга қараб.

— Мен жавоб қиласман.

Эртасига Faфур aka гина қилди:

— Кечаз нимага кетиб қолдинг? Қуддус ҳам келиб кетти. Яхши бўлмади.

— Ўғлингиз...

— Уятли иш бўлди-да! — деди қаттиқ қуйиниб. Шеърни охирига етказгунча, яна икки кун сарфлади. Faфур Ғулом бирорта шеърини бу қадар узок ва бўлиб-бўлиб ёзмаган эди...



## Орол туни

Тұлқин-тұлқин  
бүлиб денгиз  
чайқалади  
беланчакдай  
[Мүйиноқда тун.  
Йигит турар  
үзи ёлғиз].

Жимир, жимир  
қилиб денгиз  
жаяжонда  
тұлғонади  
[Шақар сокин.  
Тол тагида  
йигит турар  
ҳали ёлғиз].

Аста, аста  
пардасини  
силкиб, силкиб  
юлдуз чиқар  
[Шақар ойдин.  
Тол тагида  
Энди турар  
Йигит ва қиз].

Яңгроқ құшиқ  
аста қоллар  
денгизни ҳам,  
борлықни ҳам  
[Майин шамол.  
Тол тагида  
ҳали турар  
Йигит ва қиз].

Құшиқ сұнар,  
денгиз тинар,  
туман қоллар  
юлдузни ҳам  
[Денгиз ёлғиз,  
шамол ёлғиз,  
тол ҳам қолди  
энди ёлғиз].

ҲАЙИТБОЙ  
АБДУСОДИҚОВ



## Ёшликка

Сен шу ерда күтиб тур,  
Мен ҳув сарық чүллардан  
Ялангоёқ чопиб келаман.

Сен шу ерда күтиб тур,  
Мен югурек сойлардан  
Зилоланиб оқиб келаман.

Сен шу ерда күтиб тур,  
Мен яланғоч толларга  
Довул бүлиб урай гүвиллаб.

Сен шу ерда күтиб тур,  
Мен ям-яшил майсаны  
Сабо билан ўтайн силаб.

Сен шу ерда күтиб тур,  
Мен узун соч гүзалга  
Айтай: «Қалам қошлигим».

Сен шу ерда күтиб тур...  
Чүглар сұнсын күзимда,  
Сұнг кетавер, ёшлигим.

## Софиниш

Атрофда майсалар ям-яшил,  
Шұх үйноқлаб шамол эсмоқда.  
Лолаларга ранг беріб қызил  
Үлкаларга Баҳор келмоқда  
[Мен сени учратған кезни соғиндим,  
Қалбимни яшнатған қызни соғиндим].

Келинчакка ўхшайды Баҳор,  
Оппоқ рүмөл, яшил күйлакда.  
Ибо қилиб, гүё гүзәл ёр  
Үлкаларда баҳор кезмоқда  
[Мен эса олтин соч күзни соғиндим  
Емғирда нам бўлган юзни соғиндим].

Саболардан лолалар қалқир,  
Гүл улашиб Баҳор кезмоқда.  
Фақат менинг дилим тап-тақир,  
Қалбимни шу Баҳор эзмоқда  
[Тушунгин, мен ахир күзни соғиндим  
Емғирда нам бўлган юзни соғиндим].



АҲМАД  
ОТАБОЕВ

# ЭНГ МУҲИМИ- ИШОНЧ

**С**ўнгги ўн ўйл мобайнида адабиётимиз зарварағига бирмунча янги номлар қайд этилди. Улар ўзлари билан адабиёт баҳрига янги тўлқин олиб келдилар. Айниқса, ёш адиблар Мурод Мұхаммад Дўст ва Тоғай Муроднинг қисса жанридаги илк тажрибалари эътиборга лойикдир. Ҳар иккала қиссани ҳам ёритган нур аввало мавзунинг халқчиллигидадир. Лев Толстой таъкидланидек, санъат асарининг ҳалқ маънавий эҳтиёжини кўзлаб яратилганиёқ қувончли ҳолат. Тасвирининг ҳалқ турмуши билан узвийлиги улар кўтарган масала халқчиллигини таъминлаган. Воқелик таҳлилидан чиқарган адабий хуласалари эса ҳалқ нуқтани назари ифодасидир.

«Чоплардан бири» қиссасида М. М. Дўст қишлоқ ҳаёти мисолида, кишиларимиз ҳамжиҳатлигини таъминловчи кучни қидиради.

Тоғай Муроднинг «Олдузлар мангу ёнади» қиссасида эса нопармон ёз осмонининг зумрад юлдузлари эмас, инсон қалbidаги мангу юлдуз — инсонийликни тараним этилади.

М. М. Дўст қиссаси бош қаҳрамони Мустафо етмишга кирганига қарамай, куни меҳнатда ўтади: «баҳорда... қовун-тарвуз экади, макка экади», ва ҳоказо. Ундаги яна бир ҳусусият — мўмиллик. Болта қассоб ундан кулади. Буқачасини сўйгани учун истаганича ҳақ берса-да, қассоб уни ранжитади: «Нима бало, гирт хотинга ўшайсиз!.. Қондан қўрқасиз, пичоқдан қўрқасиз...». Бироқ Мустафо Болтага қарши «исен» қилмайди. Мустафо мўмин, камгап, бироқ у муте эмас. Бу ҳарактерга хос ҳусусият фикрларни тарзининг мустақиллигига. Мустафо чоғ бир воқеа-ҳоди-са ёки айтилган гапни ўйлаб кўради, ичиди муҳокама қиласи, умумлаштиради, хулоса чиқарди. «Энди Болта қас-собни мол сўйгани чақирмайман», деб ўйлайди... Гўнг қориб туриб, қирқ ўйл бурун кўмилган тақиңчоқларни эслайди: «Гўнгдан-ку, таппни ясайсан, таппни қишида ёқасан, уйинг исиди... Тилладан не наф!. Отамдан ўтди, акамдан ўтди... Менданам ўтди...» Қачонлардир бахтининг бутун бўлишини шу тиллага боғлаган у. Уғли урушда ҳалон бўлди, ёлғиз қизи ўйнаш ортириб юзини ерга қаратди — бахти ярим. Бу лъянати тақиңчоқлар эса шундайлигича ётибди! Йўқ, ундан шарофат топмайди! Тилладан бахт бўлганида, дастлаб Мустафо тож киярди. Ана, тақдирдан кутгани гўнг тагида, унинг асл жойи шу! Мехнатда ўтган умр — унга имондан таҳт берди. Бу алдамайди. Бу керак! Ишонмоқ керак бунига. Одамга ишонгандай, худди Мустафо Усмонга ишонгандай, ишонмоқ керак.

Ҳарактердаги бош ҳусусият ана шундай тадрижий ривожланади.

«...Усмоналининг баҳти чопмаган». Сўйгани рад этагч, ичадиган бўлган. На ота, на ўгай она кўнглини топиб мумомала қилмаган. Улардан совиган Усмон Мустафо чонникида яшайди. Чолнинг қабр тоши учун ажратган бўюртма пулини ичиб қўяди. Бироқ Мустафо уни ҳайдалаш ўрнига, қиморда Болта қассобга ютказган қарзини ҳам тўлайди. Бу Усмонга таъсир этмай қолмасди. Ахир, унга «етти болорли уйчан эмас, ишонч керак эди! «Худонинг бандаси, мен коғиргаям бир марта ишонгии, ишонмасанг соб бўлмаман!», дейди у Камол раисга. Дунёда Усмон учун ёлғиз паноҳ — Мустафо чолнинг уйи. Чунки бу уйда эзгулик, инсонга ишонч бор. Мана у, тун ярмида қайтиб келди. Маст эмас, лекин йигляяпти.

— Майли йигласин, кампир,— дейди Мустафо.— Кўзига. йиги кептими, одам бўлмам дегани... Сен эртага кўйлига беш юз сўм бер. Махсум билан бориб, Гуччи акамнинг отини қайтариб олишин... Салим қароқчига Гуччи акамнинг оти ҳаром!.

Салим қароқчига сотилган Гуччи чолнинг оти Мустафо-нигина эмас, Ибодулла Махсумни ҳам қаттиқ қайтуга қўяди. Гап отнинг арzon кетганида эмас, гап Гуччи чолда. [Отнинг сотилишига унинг муаллим ўғли сабабчи.] «Отсиз Гуччи акам ўзини еб қўяди, Мустафо!», дейди Ибодулла Махсум. У ҳатто Усмоннинг қийналганини кўриб, Мустафони сўқиб беради. Чолларни қовуштирган куч — улардаги эътиқод. Отнинг қайтариб олинини улар бирлигининг самараси, ҳали ишонч барҳаётлигининг тимсоли: «Мустафо пастга қаради. Ибодулла Махсумнинг ҳовузидан сал берида, Гуччи чол салт отини нўхтасидан етаклаб келарди. «Асар хуласасига кўра, меҳнат каби, маънавий олам яқинлиги — эътиқод ҳам одамлар бошини қўшади. Бу яқинликнинг бузилиши жамият бирлигининг таъминловчи ҳар қандайд қондошлик илларни ҳам узади. Асарда бу ҳол Мустафо билан қизи, Пиримқул ва Усмон муносабатларидан яққол кўринади.

«Олдузлар мангу ёнади» қиссасидаги асосий тасвири — кураш майдони. Кураш баковули — «сугар даврада қотган» Бўри полвон. Курашда «тарафкашлик, фиромлик, ошна-огайнингарчиликка йўл йўқ!» дейди у давра

айланиб. Тили билан амали бирлигидан эл эътиборини қозонган полвон бир четда ўтирган кўзлари ожиз чолни кўриб қолади. Насим! Ёшликда «қиёматли дўст» киришган улар! Бўри полвон ҳаяжонланади. Ёдига бўғдоизор қир, ўроқчи Момоқиз келади. Қизга бир сўз демакка ўзининг тили лол:

«Насим ошна, сен Момоқизга айт, Бўри сени тушларида кўради, де!. Насим Бўрининг ўтингини ғаразга айлантириб етказади: «Момоқиз, айтами, Бўри нима деди? Момоқиз минан ўйнагим келяпти... қўйнига кираман, деди».

Бўрининг қалбидаги «ҳали куйланмаган» достон ана шундай яраланади. Воқеалар давомида воҳанинг улкан полвонлари бўлиб етишган бўри билан Насим беллашади. Ҳалқ ҳайрон, икки ошна олишса-я! «Охир замон бўляптими!». Бўри полвон шердек ташланади.. Бироқ Насим «ғолиб қелади». Ғалабани Бўри ўз кўли билан топширганинидан бехабар оломон, «полвон қўрқди», деб ўйлади. Бу сир фақат Бўрига аён.

«Бўри, ошна, ёмон бўлди, жуда ёмон бўлди. Бошингга ёмон кунлар солдим. Мен буни олишда кўзларингдан билдим. ...Ошна Момоқизнинг олдига бор. Кўнглини тўқ қил — унинг олдида сенинг юзинг ёруғ».

Қандай яхши бўларди, бу сўзларни Бўри Насимдан эшишта! Насим айбига икрор бўлса, узр сўраса. Йўқ, бу фақат Бўрининг кўнглидан кечган умидлигича қолади. У дўстига «кинтиқ бўлиб яшади». Насим эса Момоқизга ўйланди!

Бироқ хиёнат Бўри полвоннинг курагини ерга теккизолмади. Чунки хиёнат «кўй чили» соладиган номардга ўхшайди. Ҳаёт эса ҳалойиқ назаридаги кураш майдонидек гирдобли. Бу ерда ҳаммаси аждодларимиз удуми, урф-одати — унинг маънавий кўзгуси, унга лой чапласанг, ўз башарангни булғайсан.

Кишилик маънавияти бақувват томирлари билан инсонпарвар ақидаларга биринкан экан, буни менсимиаслик Насимдек кўр қиласди, ёғизлатиб, элдан чиқаради. Бу мазмун қисса моҳиятини янада оширган. Муаллиф мақсади удумларимизни улуғлашгина эмас, Тоғай Муродни ўша, қўли билан ўз кўзини тўстган, яккалган, хиёнаткор одамга муносабат ҳам қизиқтиради.

Сўнгги олишиш. Бўри полвоннинг ўғли Тиловбердига қарши, Насим ўғли Абройни туширади. «Насим, ошна, улингга бир оғизгина: чиқма, у Бўри бобонгни ули экан, демадинг-а». Ўксиган қалбнинг эзгулика ташна нидоси Насимнинг тўнг қиёфасига урилгач, ҳаҳрга айланади: «Хозир кўрасан, менинг ким эканимни!»

Ёш адаб инсон табиатининг мураккаб қаърига чукӯр кириб боради. Undagi турфа тўйғулар галаёни, кураши бағридан ўзини қизиқтирган гояни қидиради. Йўқ, инсондаги жисмоний куч, ҳаҳр, қасос иштиёқи қанчалик кучли бўлмасин, у — йиরтқич эмас, Одам!

Бўри полвон характеристида драматик кечган ички кураш тасвири, ўз замирада одамдаги инсоний асоснинг емрил маслиги, киши кишига дўстлигининг тўла тантанасига чукӯр ишонч тўйғулари или ифодаланади.

Кўринадики, ҳар иккала қисса бадий жиҳатдан алоҳида оламдир. «Чоллардан бирининг автори асар моҳиятини ечишда бош ҳаҳрамон ички дунёсини психологик таҳлил қилиш йўлидан боради. Мустафонинг ўз овозини кампириники билан солишибди, тақинчоқлар мұҳокамаси

каби воқеалар оқимидан келиб чиқувчи эпизод ва деталлар характеристи очиш билан, унинг индивидуаллигини ҳам таъминлайди, характеристидаги диалектик ривожни асослайди. Бу характеристга хос мўминлик, камгаплик, бир сўзлилиқ, меҳнаткашлик каби индивидуал хислатлар бир қадар баҳсларга ҳам сабаб бўлди. Жумладан, филология фанлари доктори, профессор У. Норматов адибни тақлидчиликда айблаб, Мустафони «оми, муте» деб атайди. Дарҳақиқат, Мустафо мўмин, содда, бироқ муте эмас. Ч. Айтматовнинг «Оқ кема» повести ҳаҳрамони Мўмин чол, Ш. Холмирзаевнинг «Сўнгги бекат» романидаги Исҳоқ чол — мўмин, содда ва чиндан ҳам мутедиirlар. Мўмин чўл ўрозқул тумшуғини тупроққа суйкагунча қўйиб беради. Оқибатда, бу пассивлик ўзи ва хімоясидагиларнинг, фожиаси билан тугайди. Ч. Айтматовнинг бу образ воситасида айтётгак foяси бўлак. Ш. Холмирзаев ҳам бу масалада ўз ҳаҳашини Исҳоқ чол фожиаси орқали ифодалади. Аммо Мустафо муте эмас! У ҳолда бундай характерист нобоб шароит билан қандай курашади? Ҳа, исёнсиз ҳам қалъа олса бўларкан! Мустафо чол меҳнаткашлиги, урф-одат, кўрган-кечирганлари сабаб, қонига сингиб кетган ишончи, имони билан қалъа олади. Мустафо чол ичидағи ана шу ўзини хос исённинг ташига чиқиши ёш адибни тақлидчиликдан асраган омилдир. Шуғина эмас, бу омил қисса мұваффакиятини ҳам таъминлаган. Зоро, Мустафо характеристидаги ишонч ҳаракатдан ажралмаган. Бу — ўрозқул измидаги Мўмин чол «ҳаҳракати» эмас, мустақил фикрлаш тарзига асосланган Мустафонинг ўз ҳаҳракати.

Ёш адаб истеъоди аввало, деталларга «жон киритиб» тасвирилашда кўринади. Қишлоқ турмуш тарзини, ер аҳлининг қундалик машгулотдаги қурол-яробигача аниқ билиш ва яққол гавдалантириб бериш М. М. Дўст қиссанинг асосий фазилатларидандир.

Тоғай Мурод тасвири қенглиги, эпикликка интилади. У ҳалқ маросимларини бутун қенглиги билан тасвирилашга иштиёқманд. Кўпинча, бунга эришади ҳам. Бирон қиссадаги барча эпизодлар ҳам асар моҳиятига тўла хизмат қилмайди. Асарда талантли қаламкашга хос бўлмаган, репортажномо қайтариқлар мавжуд.

М. М. Дўст яратган баязи образларда ҳам бир ёқламалик бор. Болта қассоб қиссада шунчаки «персонаж» дек ҳаракат қиласди. У — юлғич, шу холос. Адаб ундан Мустафо характеристини очиш учунгина фойдаланади. Қўйол қилиб айтганда, бутун бир образ деталга айлануб қолган.

Тоғай Муроднинг Бўри полвон характеристини очишдаги маҳоратида эса Насим образи маҳрум. Энг ёмони — бу характеристининг тошдай қотганлиги, образ динамикаси йўқ унда. Тев Толстой айтганидек, адабиётда бенуғсон «ҳаҳрамонлар», тузалмайдиган «жиноятлар» эмас, одамлар бўлмоги керак. Одамни бир сўз билан: яхши, ақлли, аҳмоқ, ўзига хос ва ҳоказо дейиш у ҳақда ҳеч нарса демаслиқиди.

Улуғ немис мутафаккири Гёте, мусаввир табиатга қараб эмас, санъат асаридан таъсирилануб ҳақиқий ижодкор бўлади, дейди. Биз Мурод Мұҳаммад Дўст билан Тоғай Мурод реалистик прозада қайси улкан сўз устаси этагидан тутиб, кимлардан ўрганганларни борасида тўхтамадик. Бироқ дадил айтиш мумкинки, уларнинг илк таҳрибалари инсона, замондошларимиз илк ониняятларига чукӯр ишонч билан суғорилган. Бу эса ёш адабларнинг улуғ устозлар ишончини қозонишлари, улар забт этган юксаклик сари дадил интилишларида ҳал қиуловчи аҳамият касб этади.



«Ёш ленинчи» газета редакцияси қошида «Шуъла» аталмиси адабий уюшмага жуда күп ёш қаламкашилар ишғилган. Уларнинг кўпчилиги турли касб эгалари — ишчи, хизматчи, қурувчи, студент ва ўқувчилар, дастлабки ижод машқларини шу ерда адабий баҳс ва мунозарадан ўтказадилар. Машгулотларга шоири Мукаррама Муродова раҳбарлик қилмоқда.

Куйда мазкур уюшма аъзоларининг машқларини журналхонлар эътиборига ҳавола этамиз.

РУСТАМ  
АҲМАДАЛИЕВ

ЖЎРАБЕК  
НОСИР

## Дўстимга

Қиз кўзида милтирайди ёш,  
Балким гуноҳ ўтган ўзидан.  
Кимдир этган сирларини фош,  
Балким пушмон айтган сўзидан.  
Қай ҳол бўлсин, барибир ўтар,  
Дўстим, қизнинг кўнглини кўттар.

Ожиз кимса каттакон йўлдан,  
Четга қараб чиқиб кетмоқда.  
Ҳассасини туширди қўлдан,  
Ҳайҳот, уни хатар кутмоқда.  
Ҳимматингга ташаккур айтар,  
Дўстим, уни хатардан қайтар.

Ҳув, болакай учмоққа шайдир,  
Лек ҳайқар қоқмоққа қанот.  
Учса бешак баҳтили бўлгайдир,  
Гар учмаса, умиди барбод.  
Болакайга биринчи галда,  
Дўстим, бергил даъват ва далда.



## Куз кечаси

Яна тун оғади, пойимга,  
Чарчаб бош қўяди кечалар.  
Хувиллаб қолади дунёнинг,  
Қалбига йўл солган кўчалар.  
Тинади шамолнинг зарблари,  
Дараҳтлар тияди кўз ёшин.  
Ширин туш элитар уларни,  
Ётишар қуёшни эслалиш...

МУҲАББАТ  
ОТАМИРЗАЕВА



\*\*\*  
Емғир ёғар,  
Сочларим кўнғироққа айланур.  
Ҳар бир томчи сочимга  
Тақилай деб шайланур.  
Емғир,  
ёғмир,  
Ёғавер,  
Ёғавергин тинмайин,  
Томчиларинг туролмас  
Сочларимга қўнмайин.  
Емғир ёғар  
Сочларим кўнғироққа айланур...

## Дарахтлар

Ухлаб ётишипти юввош дарахтлар,  
Қиши берган кўрпани устига ёпиб.  
Қайдам, балки ҳозир тусида улар  
Ям-яшил япроқлар олгандир топиб...  
Силкеб ўйғотманглар — улар чарчаган,  
Сирли тушлари ҳам бўлинар ахир.  
Улар сир тутолмас, баҳорда кўрган  
Тушларини айтиб берар бари бир!



РАУФ  
СУБҲОН

\* \* \*

Биз кўнкимиз,  
Кўз билан кўрмаймиз,  
Эшигамиш;  
Виждан азобида  
Ҳайратланиб яшаймиз ҳар дам —  
Кимни даҳшатга солмас  
Қоғоз билан биронни ўлдириб қўйса,  
Қоғоз билан қозон қайнатса одам!!

МАҲМУД  
МАРДИЕВ

## Телетайп

Ўн иккига тақалади Вақт.  
Адо бўлар шиддатли Бугун.  
Бугун эса маъсум Эртага  
Топширади залворли юкин.  
Ишга туша бошлар телетайп,  
Ленталарда ҳал бўлган тақдир.  
Лаҳзаларнинг қайтмас сеҳрига,  
Ер курраси бўлмоқда асир.  
Океанинг ортидан кимдир,  
Замонага кўтарар шамшир,  
Фалакларга қарар анграйиб,  
Совуб қолган, нураган тандир.  
Мангаликка беради мандат,  
Имзо чекди битимга котиб.  
Шак-шубҳасиз улуғ Ватаним,  
Ол байроқни чиқар кўтариб.  
Гоҳи шодон, гоҳида ғамгин,  
Қўтбларга чопади хабар.  
«Олти қитъа, тўрт баҳри  
муҳит»,  
Оқ қоғозга жо бўлар саҳар.



Ой туннинг ягона суюклиси дир,  
Тун юзи ёришар чикқанда моҳи.  
Қўшилиб кетишар зулмат ва ойдин,  
Насимлар — висолнинг соқов гувоҳи.  
Аразлаб кетмоқчи бўлган дек гоҳо  
Булутлар ортига беркинар ҳилол.  
Ахир у билмайди, билмайди асло  
Хаттоқи ҳазили зулматга малол.

САЛОМАТ  
ЙЎЛДОШЕВА

\* \* \*

Мен гулларнинг хаёлига кираман,  
Бир тонг бўлиб ёришади кечалар.  
Шу кечада юлдузларни ичаман,  
Менинг гулларни хаёл каби учарлар.  
Фақат сенинг тушларнингга кираман,  
Кўз олдингда гўзал бўлиб бетимсол.  
Битта-битта юлдузларни ичаман,  
Сўнг ёнингда айланаман ой мисол.

ИНОБАТ  
НОРМУРОДОВА

\* \* \*

Ёмғирли йўлаклар ялтирадар — шиша,  
Ёмғирнинг ҳидидан энтикар олам.  
Ўйноқи ҳисларга хаёллар пеша,  
Менсиз қолди узоқда ҳувиллаб хонам.  
Шошиб-шошиб ўтар одамлар бунда,  
Ёмғирдан панада улар бошлари.  
Бебош ўйларимга ўрилар, нега,  
Нега керак ахир ёмғирпўшлари...  
Бир бошга ёмғир ҳам, қор ҳам тушар-ку,  
Осмон ўз ғамидан тўкар ёшларин.  
Одамлар англамас, тингламас нега,  
Нега беркитишар дарров бошларин!..

ЧОРШАНБ  
РЎЗИЕВ

\* \* \*

Яна тун сеҳрини туха бошладим,  
Борлиқни қуршамиш оромбахш сукут.  
Яна кўк бағрида мангу бетиним —  
Юлдузлар, оймомо ва оппоқ булут.

Ям-яшил майсалар узра шодумон  
Узаниб, борлиққа ўқийман таҳсин.  
Кўй бўлиб ёғила бошлару осмон,  
Шеърият рақсига тушади Замин.



НУСРАТ  
РАҲМАТ

# МЕНИНГ ДАСТУРХОНИМ

Менинг мўъжаз дастурхонимда нималар бору, нималар йўқлигини ўзингиз яхши биласиз. Сизнинг кига ўҳшаб унда ҳам насибага яраша оппоқ буғдой нон, ёз маҳаллари турфа мевалар, сершарбат сабзавотлар мухайё. Картошкали, гуручли, унли, мошли таомларга жой топилмайди. Ҳафтанинг аксарият кунлари гўшт, сут, тухум ҳам бўлади. Истасам, қовурилган балик, кўзни ўйнатувчи конфетлар, қаҳва тортишим мумкин. Меҳмон ҳам қониқади. Дастурхонимни қашшоқ дейишга унинг ҳақиқи йўқ. Чунки дастурхон бўлса, шунчалик бўладида. Онам ҳар гал таомдан сўнгги фотиҳасини «Илоё, шу кунларингни дариф тутма», деб бошлайди ва дуосининг охирида «ёмон кунларимиз шундай бўлсин!», деб кўшиб қўяди.

Илгарилари фотиҳанинг мазмунига эътибор бермасдим, узун duo гоҳ менга эриш тувларди. Энди эҳтиром ила бош эгиб турман. Чунки инсонлар кадим замонлардан бери дастурхон бошида энг эзгу орзуларини баён этишига одатланганликларига ишонч ҳосил қилганман.

«Шу кунларингни дариф тутма!» Ўзининг етмиш йиллик умри давомида не-не ёмон кунларни, муҳтоҷликларни кўрган онам нега шукр қиласин! Дастурхонда бир бурда зогора нон билан қайнок сувдан ўзга ҳеч нарса бўлмаган кунларни ўзим ҳам яхши эслайман-ку! Шарқ мамлакатларининг аксариятида XXI аср арафасида ҳам миллионлаб

одамлар бир бурда нонга зор эканлигини ўқияпман, эшитяпман. Яқинда Ҳиндистоннинг Панжоб вилоятида бўлган бир ҳамкасбим шундай ҳикоя қиласиди: «...Машинамиз бир зумгина тўхташи билан бизни, оч, юпун одамлар ўраб олдилар. Садақа сўраган ўнлаб қоқсуяқ кўллар кабина ичига суқилди. Биз машина ойнасини кўтаришга мажбур бўлдик. Охиз бармоқлар ҳамон ойна, эшикларни сийлар, дард ва алам тўла умидвор кўзларга қарашга одамнинг юраги бетламас эди».

Ҳаёлимга шиорнинг ўтли сатрлари келди:  
Ҳазратим, очликдан ўлдим, егали нон бер манга,  
Одам эрмасмен десамки, лаълу баҳмон бер манга...

Ҳа, бугунги маъмур замонни тақдир, биздан дариф тутмасин! Лекин онам, «Ёмон кунимиз шундай бўлсин», деди-ку? Демак, мен қониқиб қолмаслигим, дастурхонимизни янада тўкин қилиш учун курашибим керак эканда? Дарҳақиқат, нега энди мен ўз турмушимни ўтмишга ёки Шарқ мамлакатларидаги аллақандай ночор кишиларга таққослашим керак? Мен келажакдан андоза олишига, жаҳондаги бадавлат кишилар дастурхонини орзу қилишга ҳақимлан! Менинг дастурхонимда ҳам истаганча мол ва парранда гўшти, ҳозиргина сепаратордан чиқарилган қаймок, тоза асал, мандарин, ёнғоқ ва бодом мағзи, 95-чой, зиғир мойи, девзира гуручиндан пиширилган палов, музқаймок, қора икра, арман конъяги бўлишини истайман! Ана шу неъматларни орзу қилишга тўла ҳақим бор. Чунки мен жуда қудратли, бой мамлакатнинг фарзандиман, табиий ва иқлим шароитлари айни муддао бўлган жаннатмакон Ўзбекистонда яшайман! Диёрим тупроғидан бир йилда тўрт-беш марта ҳосил олиши мумкин. Бу ўлкада қуёш ҳам, сув ҳам сероб. Бунинг устига ўзим ҳам яхшигина меҳнат қиласман. Мен етишириган пахтадан миллионлаб одамлар фарзандлари учун йўргаклар, давлатлари учун байроқлар, ризқ-рўзлари учун дастурхонлар тайёрлайдилар.

Ҳа, мен яхши яшашим керак! Бунинг учун эса, фаронлилар программаси ўзига хос дастурламал бўлмоғи зарур. Озиқ-овқат программаси хусусида гап кетар экан, самимиятга озор етказмасдан, сизга бир сиримни очмоқчилик. Гэхи-гоҳида радио тўлқинлари орасида сузиб, дўсту душманларнинг гапларига ҳам қулоқ соламан. Яқинда мухолифларимиздан бири бизнинг Озиқ-овқат программамиз хусусида сўзлаб, бу ҳужжатнинг қабул қилиниши — СССРда истеъмол моллари танқислигидан далолат, деб «каромат» қиласи. Аҳвол шу тарзда давом этса, 1990 йилгача тўласинча карточка системасига ўтишимиз мұқаррар эмиш.

Ҳўш, ҳақиқатан ҳам шундайми? Яхиси, зерикарли бўлса-да, холис ва ростгўй статистикага мурожаат қилайлик. 1965 йилга нисбатан мамлакатимизда аҳоли сони 35 миллион кишига кўпайган. (Бу рақам хусусида мушоҳада юритиб кўрининг. Кўпгина Европа мамлакатлари аҳолисини кўшиб ҳисоблаганда ҳам бунга етмайди.) Шунга қарамай, ана шу муддат ичидаги ҳар бир киши ҳисобига қишлоқ ҳуҗалик маҳсулотлари ишлаб чиқариш 28 процентга ошган. Жон бошига гўшт истеъмол қилиши 41 процент, сут 25 процент, сабзавот 35 процент кўпайган. Республикаимизда эса, 1965 йилдан бери пахта етишириш 1,7 баравар (гарчанд ғўза техника экини бўлса ҳамки озиқ-овқатга даҳлдор; чигитидан мой, маргарин, лимон кислотаси, мол озүқаси олиниади) дон етишириш 4 баравар, мева-сабзавот маҳсулотлари 3,5 марта, гўшт 2, сут ва тухум 2,6 баравар кўпайган.

Бас, шундай экан, душманларимизнинг сафсатаси

тараздан бошқа нарса эмас. Биз йил сайнин бойиб боряпмиз.

Лекин шу билан бирга май Пленуми эътиборимизни бир қатор масалаларга қаратдики, бу ҳақда бош қотиришимиз керак бўлиб қолади. Программанинг биринчи боби бежизга агросаноат комплексларига бағишланган эмас. Эндиликда ўзбек луғатига янги сўз кириб келди: «агросаноат». Бу — соддороқ қилиб айтганда, қишлоқ хўжалигини саноатлашириш, деган маънони билдиради. Ҳа, бугунги қишлоқ кўз ўнгимизда саноатлашиб боряпти. Чорвачилик комплекслари, паррандачилик фабрикалари, биологик ва майший-хизмат кўрсатиш комбинатлари, мевани қайта ишлайдиган; фишт ишлаб чиқаридиган заводлар... Булар авваллари фақат шаҳарда бўларди. Шундай экан лексика ҳам бу ўзгаришлардан ортда қолмаслиги табий.

Ҳозир қишлоқларда содир бўлаётган ўзгаришлардан хардор бўлсангиз керак. Жумладан, районларда қишлоқ хўжалик бўйлимлари ташкил этиляпти. Ахир, бусиз ҳам райономда ҳамма қишлоқ хўжалиги билан шуғулланардик! Махсус бўлим шартмиди? Ҳа, шарт эди. Қишлоқда турли бошқарма ва министрликларга қарашли хўжаликлар кўпайган эди. Паҳтачилик колхозлари облости қишлоқ хўжалик бошқармасига, мева, сабзавот етиширадиган совхозлар облости «Плодоовошчинпром» бирлашмасига, чорвачилик хўжаликлари, ўз ихтисосига қараб, «Каракульпром», «Живпром», «Птицпром» бирлашмаларига бўйсунарди. Буларнинг министрликлари ҳам ўзга-ӯзга эди. Энди район партия комитети қишлоқ хўжалик бўйими ўша хўжаликларнинг бевосита раҳбари бўлиб қолади.

Агросаноат кенгайиб кетяпти, Ажаб эмаски, яқин йилларда йирик шаҳарлардаги минерал ўғит ва қишлоқ хўжалик машиналари ишлаб чиқаридиган заводлар ҳам шу ўюшмага бирлашса! Ахир, бевосита қишлоққа хизмат қилгандан кейин, шундай бўлгани майқул-да!

Назаримда қишлоқда меҳнатни такомиллашириш мақсадида шунга ўхшаш анча тадбирларни амалга оширишга тўғри келади. Масалан, мени илғор колхоз билан қолоқ колхозда ишлайдиган дехқон машиидаги тафовут кўп ўйлантиради. Илғор колхозда паҳтакор ойига 200 сўм олса, қолоқ колхозда худди ўшанча меҳнат қылган дехқон 100 сўм олади. Чунки раҳбарнинг нўноқлиги ёки об-ҳавонинг, тупроқ шароитининг нокулайлиги оқибатида иккинчи колхоз кам ҳосил кўтаради. Хўш, дехқонда нима айб?! Бу ерда меҳнатига яраша ҳак тўлаш принципи ҳам бузилияти-ку? Шунинг учун ҳам май Пленумида: «Ёмон шароитларда, зарап кўраётган, паст рентабелли хўжаликларда етишириладиган маҳсулот нархларига ҳам устама ҳақлар жорий этилади», деган гап мени ҳаяжонга солди...

Тўла маънодаги фаровонлигимизга халақит беряётган яна бир иллат ҳақида галирмоқчиман. Буларнинг биринчиси ва энг ашаддийси кўзбўямачилик.

Аввало мана шу фактларга бир разм солинг. Паҳтачилик тарзида 1892 тонна силос бостирганлари ҳақида рапорт беришган. Аммо ҳақ контроли комитети вакилларининг текшириш натижасида бирор килограмм силос бостирилмаганлиги маълум бўлиб қолди. Конимех районидаги Тельман номли, «СССР 50 йиллиги» совхозлари раҳбарлари маккажӯхори, беда экиш масаласида бориб турган кўзбўямачиликка ўйл қўйишган. Яъни ошириб ёзишган. Демак, улар экилмаган ана шу экиндан «ҳосил» олишлари, сўнг кўкран кериб юришлари ҳам ҳеч гап эмас.

Бундай гаплар жуда кўп.

Кўзбўямачи сутга сув, асалга шакар аралаштириб, жазо ўрнига мукофот олади. Унинг сейфидан, папкасидан планлар ошириб бажарилганлиги ҳақидаги қофозлардан истаганингизча топиш мумкин. Аммо бу увада қофозларни дастурхонга кўйиб бўлмайди-ку? Дастурхон — табаррук! Уни ноз-неъматларгина безай олиши мумкин.

Мұхтарам ўқувчим! Энди сиз билан бир масалада юзасидан андак баҳслашмоқчиман. Биламан, сиз ёшсиз, саводлисиз, қалбингиз орзуларга лиммо-лим. Сиз ишлайтиз ёки ўқийсиз. Театрни, кинони севасиз. Дўстлар билан улфатчилик қилишни ҳам хуш кўрасиз, эстрада қўшиларини, базмларни, тўкин зиёфатларни ёқтирасиз. Унчалик

кўп бўлмаса-да, китоблар ўқийсиз. Аммо томорқада ишлаш, рўзгорингиздаги сигирнинг остини тозалаш масаласига келганда беихтиёр бурнингизни жийирасиз. Бундай пайтда: «Эҳ, ҳозирги ёшлар, ҳозирги ёшлар!» деса арзиди. Бобонгиз ёки момониг кўп жавраб иш чиқаролмагандан кейин ўзи кетмон ёки белкуракни олиб ишга отланади. Шунда ҳам сиз парво қўлмайсиз. Чунки сиз томорқа билан шахсий молни эскилил сарқитининг «асорати» бўлган картошка, сабзи, помидор ёки маймок дастурхонингизга тортилганда иштаҳа билан туширасиз.

Мен бундан уч йилча муқаддам Болгариянинг «Олтин кўмлөк» санаторийисида канадалик бир фермер билан сухбатлашиб қолдим. У рус тилини чала-чулпа гапирав, дилкаш, камтарин, хушумомала эди. Фермер ўз ўнгига қолдириб келган ўн тўрт ёшли ўғли ҳакида сўзлаб, унинг трактор ҳайдашини, культиватор ва сеялкани яхши билишини, буқаларни касалликларга қарши эмлашини, бир неча йилдан бери перко селекцияси билан шуғулланишини хикоя қилиб берди.

Дарвоқе, перко нималигини биласизми? Менинг ўзим ҳам қишлоқ хўжалик институтини битирганман, бироқ перко билан яқинда танишдим. Чунки у бизда янги ўсимлик.

Ўтган йил қишиш пайти эди. Самарқанд районидаги «Богизоғон» совхозига бориб, оптоқ қорни ёриб чиқкан ва гуркираб ўсаётган ям-яшил майсазорга кўзим тушди.

— Бу перко,— деди совхоз директори, қишлоқ хўжалик фанлари кандидати Мўмин Шерқулов. (Яқинда у киши Самарқанд район ижроия комитетининг раиси вазифасига тайинланганини эшишиб қувондик. Ўйлаймизки, М. Шерқулов бошқа хўжаликларда ҳам перко экдириш ташиббускори бўлади).

Қишида ям-яшил ўт еган молнинг маҳсулдорлиги қайтарзда ошишини ўзингиз ҳам яхши тасаввур қўлсангиз керак.

— Ўрта Осиёнинг иссиқ иқлими перкога жуда мос,— деди М. Шерқулов, — қиши давомида уни икки марта ўриб оламиз. Қишида гўшт билан сут ёздагидан кам бўлмайди.

Ҳа, фермерлар ва устакор раҳбарлар ердан фойдаланиш йўлларини яхши биладилар. Биз бўлсан ёзда ҳам (томорқами, колхоз ерими — бариби) бир ёки икки бор ҳосил оламиз. Ваҳоланки бизнинг иқлим ва тупроқ шароитимизда биргина картошканинг «перекульская ранняя» навидан уч марта ҳосил олиш мумкин.

Дарвоқе, картошка:

Колумбда бор аламим маним,  
Ўзбекистон — Ватаним маним.

Биласизми, Колумбда менинг «қасдим» бор? Бефарқ одамлар кутиш залларида, ишхонада, жамоатчилик жойларида бурқитиб тамаки чекканини кўрганимда, «Агар Христофор Колумб Американи кашф этиб, тамаки барги ва уруғини олиб келмаганида шу ҳол рўй бермасмиди?» дейман. Лекин Колумб бугун бизнинг дастурхонимизни беъзаб турган ўнлаб неъматларнинг уруғларини ҳам олиб келган. Бу буюк сайдеҳга Америкадан картошка уруғини олиб келгани учун ҳам таъзим бажо келтириш керак.

Картошка ҳам биз учун янги экин. Инқилобгача уни «коғир экин», ҳисоблашган. Лекин шу қисқа муддатда у томорқаларимизни, тоб зоналарини забт этди. Ундан ўнлаб овқатлар тайёрлашни ўрганиб олдик. Қайнатасизми, буғлайсизми, қовурсасизми — бариби. Жаҳон миқёсида эса картошка экин майдони жиҳатидан буғдойдан кейин иккинчи ўринга чиқиб олди. Бир қатор мамлакатларда у ноннинг ўрнини босмоқда. Чунки картошканинг таркибида крахмал ва оқсили буғдойникидан кам эмас.

Биз эртаки картошкани бозорда гўшт нархида сотиб оламиз. Лекин гўшт қийматига тенг бўлган эрта пишар картошканинг кўпайтириб ташламаймиз. Унинг эвазига исталган Республика ёки мамлакатдан гўшт, балиқ, асал олиш мумкин бўларди. Нақадар бебаҳо резерв!

Гап Озиқ-овқат программаси хусусида кетар экан, биз мұхтарам олимларимиздан ҳам андак гина қилишга ҳақлимиз.

Бундан бир неча йиллар мұқаддам қашқадарәлик колхозчи аёл Мұслима опа даладан қайтаётіб, ғаллазорда үсіб ётган бир түп бүғдойға маҳлиә бўлиб қолади. Чунки у бошқа туплардан салмоқли, узун эди. Шунда опа пишиб етилган бошоқни авайлабгина узіб олади ва қиши билан сақлаб, келаси йил томорқасига экади. Ҳосил кутилганидан ҳам зиёда бўлади. Опа ўша йилнинг ўзида кузги қилиб экади. Ҳосил яна мўл бўлади. Ундан қушнилар уруғлик сўрайдилар. Кейин колхоз, совхозлар олиб экиша бошлайди. Кейин район, область. Хуллас, «мұслимкан» деган бүғдой нави машҳур бўлиб кетади. Ўн беш йил давомида минглаб гектар майдонларга экиласди.

Ёки Румшевич деган агрономнинг хизматини олинг.

Биз Улуғ Ватан уруши йиллари «миср ғўзаси» деб атадиган кечки пахта етиштирадик. Қишида сандаллар атрофига, чойхоналарга ўтириб олиб, кўракчувиш одат эди. Румшевич 108-Ф деган эртапишар ғўза навини яратдию, ҳалқимиз ана шу оғир меҳнатдан ҳалос бўлди. 108-Ф нави Ўрта Осиёдаги ҳамма республикаларда 25 йил давомида экиб келинди. Кейинчалик, табиийки, у ҳам эскириди, вилтга тоб беролмай қолди ва ўрнини қисман «Тошкент» навларига бўшатиб берди. Начора, навлар ҳам одамларга ўхшаб ишдан чиқади, эскиради. Бу дунёда эскирмайдиган нарсанинг ўзи йўқ!

Мұслима опа селекция нима, генетика нима эканлигини билмасди. Румшевич эса бир умр замонавий лабораторияси бўлишини орзу қиласди. Улар ҳозирги кўпгина олимларимиз сўнгари давлатдан моддий ва маънавий ёрдам сўрамадилар. Қашфиёт учун талашмадилар, мукофот тана қилмадилар.

Ҳозирги фанимиз нақадар улкан қудратга эга эканлигини билсангиз эди. Республикамизда Иттифоқ миқёсидаги илмий даргоҳлардан бир нөчтаси ишлаб турибди. СоюзНИХИ, Бутуниттифоқ қоракўлчилик илмий-текшириш

институти, ВАСХНИЛнинг Ўрта Осиё бўлими лабораторияларида шунаقا ускуналар борки, Румшевич уларни орзу ҳам қилолмасди. Олимларимиз тажриба участкаси сўрашадими, маблағ сўрашадими — барчасига эришадилар. Аммо, яшириб нима қилдик, партия ва ҳукуматимизнинг ғамхўрлигига яраша ялт этган қашфиётлар бўлмаяпти.

«Тошкент» навларини яратишида раҳбарлик қилгани учун таниқли олим Содиқ Мираҳмедовга раҳматлар айтамиз. Аммо йиллар ўтиб, бу навлар эскириб қолганлигини у кишининг ўзи ҳам тан олар, деб ўйлаймиз. Тўқимачиларимиз тола сифатидан нолиятилар, бу наэ кўп жойларда вилтга чалингапти. Пахтакорга эса, мумкин қадар эрта пишадиган, серҳосил, кўсаклари очилиши билан биологик тарзда баргини тўқадиган, чигити сермой навлар керак.

Биз юқорида оддий ўзбек аёлининг довруғи ҳақида гапирдик. Лекин аксариятимиз Фаллаоролда республика ғаллачилик илмий-текшириш институти мавжудлигини билмаймиз. Чунки йиллар оша бу институт олимларининг овозлари эшитилмай қоялпти. Лалми ерларда зигир, нўхат, кунжут, мово камайиб кетаётганлиги хусусида энг аввало ана шу олимлар жон кўйдиришлари ва мазкур муаммони ҳал қилиш йўлларини кўрсатишлари лозим эди.

Май Пленуми қишлоқ хўжалик маҳсулотлари харид нархини оширишга қарор қилди. Иктиносичи олимларимиз бу рўйхатга пахтани ҳам киритиш учун бор кучларини сарфлашлари лозим. Шунингдек, Пленум даромадларни тўғри тақсимлаш, кўп болали оиласларга ёрдамлар кўрсатиш, бу борадаги тафовутларни камайтириш масалаларини ҳам кўрди.

Озиқ-овқат программасига тор қобиқдан қарамаслик керак. Бу омилларнинг бари ана шу программанинг рангин қирралари ҳисобланади. Ва энг мухими, бу реал ҳамда улуғвор режадир. Унинг амалга ошиши мұқаррар!



## ТУЯ ЛҮК-ЛҮК ЭТАДИ...

ҚУВНОҚ ҚИТМИР  
ҲАНГОМАЛАРИ

Расмии Ҳ. СОЛИХОВ чизган

### 3. Жазо

**Б**ирор елкасидаги юкни усталик билан ерга құяды, бирор ношудлик қилиб ташлаб юборади-ю, лат ейди. Мелиқулов ҳам Жаннатхондан күтулиш ійүлини күп үйлади. Охири таваккал қылмоқчи бўлди. Лекин қosh қўяман деб, кўз чиқаришига сал қолди.

Улар Қизилкумдан жумада қайтиши. Душанба куни Ўрол Мардиевич ишга чиқди. Кабинетига кирдию ҳурпайиб ўтириб олди. Икки кундан бери чаккаси лўқиллайди, юрагини жеэтироқли бир кимса аёвсиз тимдалайди. Бу жеэтироқлар Жаннатхонга тегишли эканини эслаб, Мелиқуловнинг кўнгли баттар ғаш бўлди. Устма-устма қўнғироқ тугмасини босди. Секретарнинг қораси кўринмади. «Ҳалиям ноз уйкуда шекилли,—ғижинди Мелиқулов,— соат ўндан ошди. Дараги йўқ. Жуда ўлигини ташлаб олди менга. Асли айб ўзимдид. Эркалатиб юбордим. Қизик, нега шунаقا бўлди, а? Илгари бир ишорамга юз думалаб кетарди. Кейинги пайтда кимга айтяпсан демайди. Хоҳласа айтганингни қилади, хоҳламаса йўқ. Нима бўлди?»

Мелиқуловнинг кўз олдига чўл, Жаннатхонни миндириб лўқиллаб кетаётган тия келди. Бир сонияда бошига қулоқчин кийган, кўримсизгина, қотма-корача туякаш ўрнида Салмонов пайдо бўлди. У ҳадеб Жаннатхонга муқом қилас, Мелиқулов ўтирган ўтовни кўрсатиб, ник-ник куларди... Ўрол Мардиевич ёмон туш кўриб уйғонгандек, бошини сарак-сарак қилди. «Ҳайдайман! Иккалангни ҳайдаб юбораман!» деб ўдағайлади ўзича. Худди шуни пойлаб тургандек эшик оҳиста очилди. Жаннатхоннинг шодон ҷекраси кўринди. Эгнида жинси шим, қизил кофта, оппоқ бўйнида бодроқдек йирик шода марварид. «Ака, менга бир қаранг!» дегандек, эшикка суюниб турибди.

Мелиқулов уни ёнига чақирди, олдига бир варақ қофоз ташлади.

— Манг, ёзинг!

Қиз қалам олиб, бошлигининг оғзига тикилди.

— Нега лаллайиб ўтирибсиз, бўлмайсизми?

— Айтинг-да ахир, нима деб ёзай?

— Ишдан бўшаш ҳақида ариза ёзинг!

Жаннатхон қофозни жаҳл билан нари сурди.

— Боринг-е! Нега бўшар эканман? Менга шу ер ёқади. Ўлсам ҳам бўшамайман!

— Сизга бу ер ёқиши мумкин,— деди Мелиқулов столни чертиб,— аммо сиз бу ерга ёқмаяпсиз. Яхшиликча бўшамасангиз мажбур қиласиз. Билиб қўйинг.

Жаннатхон ирғиб турди. Курка товуқдек кекирдагини чўзиб шанғиллади:

— Бекор-орларни айтисиз! Мен законни сиздан ҳам яхши биламан! Кодексни сув қилиб ичib юборганман! Мажбур қиласмиша? Аввал ўзингга боқ — сўнгра ногора қок!

— Менинг тилим қисиқ жойи йўқ,— деди эснаб Мелиқулов,— билганингиздан қолманг. Қўрқмайман.

Жаннатхон столни айланаб ўтиб, Мелиқуловга яқинлашди.

— Ҳо-о, шунаقا денг? Мана, каттакон идоранинг бошлиғисиз. Виж

донни ўртага қўйиб айтинг-чи, мени неча марта ўўлгансиз?

— Бир марта,— деди Мелиқулов ўзини босиб,— туғилган кунингизда пешонангиздан ўпганман. Ҳамма гувоҳ эди.

— Тўри,— тасдиқлади қиз,— ҳамма гувоҳ эди. Аммо... ҳеч ким йўғида ҳам ўпганлар, десам-чи, нима бўлди? Худога шукр, эмансипация деган процесс бошлангандан бери аёлларнинг гапи қилич кесадиган бў-



либ қолди? Айтайми?

— Айтаверинг. Фойдаси йўқ. Қайтгангга ўзингиз шарманда бўласиз. Фунахин кўзини сузмаса ва ҳоказо... Яхшиси, савдолашмай ариза ёзинг. Сиз ўтирган ўрнингизга муносиб эмассиз. Хулқ-авторингиз ночор. Сиздақа кимсалар керак эмас бизга.

Жаннатхон билдики, хўжайн уни бўшатмай қўймайди. Шунинг учун ётиб қолгунча отиб қол, қабилида ҳужумга ўтди:

— Хулқим ночор бўлиб ҳалигача бирорга зиёним теккани йўқ. Мабодо ўйнатиб келганингизни миннат қилаётган бўлсангиз — хуш кўрдик! Энди Қизилқум тутул Олтинкумингизга ҳам бормайман! Мен сизни бунчалик бачкана деб ўйламовдим. Хўш, но муносиб кадрларга келсак, идорангиздаги одамларнинг тенг ярми ўз ўрнида эмас. Жаноблари бошчилик қилаётган мана бу даргоҳда қамалиб чиқсан ўғри ҳам, хотинбоzu пиёниста ҳам, арпа билан бүгдойнинг фарқига бормайдиган чаласавод агроном ҳам бор! Тилимини қичитиб нима қиласиз? Чой-чилимингизга қарайдиган югурдакларингиз нечта? Бештами? Ўтами? Сиз жа-а ҳақиқатгўй экансиз, аввало ўшаларни бўшатинг эди!

— Хўв, оғзингизга қараб гапиринг! Ўзингиздан-ўзингиз нима деб валидрияпсиз?!

— Мен кўрган-билганимни айтаяпман. У ёғини сўрасангиз, ўзларнинг орқа-боши ҳам тоза эмас. Қизингизни қандай қилиб институтга киритганингизни... Салмононинг йилига неча марта ўйнингизга келиб-кетишини... Дадашев деган йўқ одамга ойма-ой мухофот ёзил беришингизни, ҳаммасини биламан. Ҳатто отангизнинг ўлигини ҳам ишхонадагилар кўмид беришидик ўғон денгчи? — Жаннатхон бир нарсадан кўрқандек ёқасини ушлади, — товба қилдим, етисини ҳам, йигирмасини ҳам совхоз директорларига юкладингиз-а? Уялинг-е!

Жаннатхон жинси шимининг киссанасидан тўрт букланган қоғоз олиб Мелиқуловнинг башарасига отди:

— Мана, ҳаммасини илга тизиб қўйибман! Ўқинг! Мендан сизга эсадалик!

Қиз чўрт бурилиб эшикка қараб юрди. Ўрол Мардиевичнинг япалок бети аввал кўкарди, кейин қизарди. Қалин лаблари пир-пир учди.

— Ярамас! Хоин! — деб бақирди у, — ўлмасам, сени турмада чиритаман! Мана кўрасан!

Жаннатхон ўғирилди, дарров «салом»га «алик» олди:

— Фақат битта шартим бор. Турмага бирга борамиз. Ўзим каллангизни массаж қилиб ўтираман. Ахир давленгиз бор, ака...

— Йўқол кўзимдан!!!

Эшик қарсилаб ёпилди. Ўрол Мардиевич шапалоқ егандай бўлди. Боши айланиб, бадани қизиди. Юраги гупиллаб урди.

У тортмадан дори олиб ичди. Анча вақтгача муштини жағига тираганча шифтга тикилиб ўтиреди. Кейин эшик оғиздаги қоровул орқали шоферини чақиририб уйига жўнади.

Мелиқулов иккى кун кўрпа-тўшак қилиб ётди. Қон босими кўтарилибди. Ҳар сафар дёри ичмоқчи бўлиб стакан чангаллаганида сувдан сурати фариштадек, сийрати чаёндек бир қизнинг акси кўринаверади. Бу қизнинг жон олғучи... йўқ кўзларини эмас, сўзларини эсласа, ёниб кетай дейди. «Дадашев менини эмас, бош инженерники. Ўзи топган, ўлик-тиригига ҳам ўзи жавоб беради. Хўш, идорагдаги думбулсаводларга келсак... бунақа одамлар ҳамма ерда бор. Агар ҳар ким ўз ўрнида ўтиrsa, ўз ишини ўзи эпласа, аллақачон коммунизм бўларди. Аммо, Салмоновга ўшаганларнинг сонини сал камайтирсаам бўларкан. Ҳалиги сабилни ҳам (пора дейишга унинг тили бормади) озроқ олсан тузук экан. Салмонов ҳам ғирт ахмоқ. Бирорга тугмадай яхшилик қилса, туюдай қилиб кўрсатади. Оғзининг таноби бўш».

Мелиқулов отасининг таъзиясини хотирлади. «Тўғри, бобойнинг ўлигини кўмиша совхоз директорлари қараворишидиди. Бунинг нимаси уят? Ўзим ҳам бир амаллаб кўмардиму, ака, отахонни бизга беринг, биз ҳам савобаталабмиз, деб туришгач... нима қиласиз?»

Дунёда одамнинг ёлғиз ўзи қиласиган юмуш бор, би-

ровга юкласа ҳам бўладигани бор. Масалан, бирор учун туш кўриш, сувда сузиш ёки йиглаш мумкинми? Мелиқуловнинг наздида мумкин эди. Шунинг учун у, марҳумга кимнинг кўмгани барибир эмасми, ишқилиб кўмилса бўлди-да, деб ўйларди.

Хуллас, икки кун ётиб, Ўрол Мардиевичнинг топган акли шу бўлди: «Жаннатхонни, албатта бўшатиш керак. Лекин унинг қитиқ патига тегмай, алдаб йўлга соглан маъқул. Мушукнинг белини силасанг думини ликиллатади».

Учинчи куни Мелиқулов дадил юриб қабулхонага кирди. Жаннатхон тумтайброқ бўлса-да, ўрнидан туриб салом берди. Ўрол Мардиевич жилмайиб, бошини лиқиллатади.

Салдан кейин у қадрдан креслосига жойлашиб ўтирию қўнғироқ тугмасини босди. Жаннатхон кирди. Одатдагидек эшикни ёпиб, суюнib турди.

— Бери келинг,— деди Мелиқулов очиқ юз билан. Киз стулга келиб ўтириди. Бошлиқ илжайиб жинжалогини чўзди:

— Яраш. Урага сичқон тушди.

Жаннатхон тилла тишларини ярқиратиб ғамгин кулди, индамай бармоқчасини узатди.

Мелиқулов ёқимли, куюнчак товушда гўё сирини очган бўлди:

— Гап бундай, Жаннатой. Мен бошқа ишга ўтяпман. Жойлашиб олсан, кейин сизни ҳам обкетаман. Ҳарқалай, синаштамиз, бир-бirimizga тушунамиз. Шунинг учун мендан олдин бўшаб, тахт бўлиб туринг.

Жаннатхон кинода бош роль теккан актрисадай ўйноқлади:

— Ҳа, ёлғончи!— деди бармоғини силкиб,— пи-ип этказиб алдаб кетмоқчиз-з? Биламан сизни...

Мелиқулов ажабланиб елка қисди.

— Ёлғон айтсан, ана, тепамда чироқ!

— Бе-е! Ҳозирги одамларга ишониб бўлармиди? Улар чироқни ўчириб худониям алдаб кетяпти-ку.

— Мен кетсан, бу ердагилар сизга кун бермайди. Ҳўп денг. Сизнинг фойдангизни ўйлаётман, Жаннатхон.

Жаннатхон ҳам икки кун ўй ўйлаб, бир қарорга келган зди: «Бу қовоқбош барибир бўшатади. Дод деганим билан фойдаси ўйқ. Борингки, ҳалиги қоғозни кўтариб министрикка чиқдим, дей. Нима қиласди у ердагилар. Нари борса, Мелиқуловга виговор беради. Ишдан бўшатишса, яна бошқа ерга қўйишиади. Балиқни денгиздан олиб кўлга ташлагандай гап. Барибир балиқнинг насибаси бутун. Мелиқуловга ўшаганлар ёмонликка олса, ҳар бало қилиши мумкин. Узим бир сағир бўлсам. Орқамда «Бизнинг Жаннатхон қалай, яхши ишлаб юрибдими?» деб турдиган ишонган кишим бўлмаса. Ийиб турганда берадиганини олай-да, идорасига бурнимни қоқай».

— Майли, мен бўшайман,— деди қиз жиддийлашиб,— лекин ҳаққимни тўлайсиз. Бекор юрадиган кунларим учун.

Мелиқулов аввалига суюниб кетди. Аммо «ҳақ»ни эшишиб, афтини буриширди.

— Қанча тўлай, э, пулни қаёқдан оламан?

— Билмасам. Топасиз-да. Мукофотингизни беринг. Қарэ кўтариш. Мен рози бўлдим-ку? Кетмайман десам нима қиласдингиз?

— Тўғри. Яшанг, Жаннатхон!— деб юборди Ўрол Мар-

дивич шошганидан. Сўнг каловланиб, стол тортмасини икки марта очиб ёпди. Чўнтақларини пайпаслади. Беихтиёр сейфга қаради.

— Очинг сейфни!— Амр қилди қиз. Мелиқулов калит олиб ўрнидан турганини билмай қолди. Жаннатхон лип этиб унинг ёнига борди.

Сейф шарақлаб очилди. Мелиқулов қора туйнукка қўл юбориб, бир даста пул олди. Тишини суғуриб бераётгандек, минг азобда қизга чўзди:

— Манг. Икки юз сўм. Бироннинг омонати эди.

— Пича қўшинг,— деди қиз ҳансира,— сиз билан бошқа кўришмаймиз энди. Одам етти ёт бегона отарчиға ҳам қистиради икки юзни. Тўрт йил қатиқ ялашдик. Мелиқулов иккиланди. Ниманидир ўйлаб турди-ю, яна бир чанглаб пул олиб, Жаннатхоннинг қўлига ташлади.

— Мана. Тўрт юз бўлди. Ҳар йилингизга юз сўмдан.

У жаҳл билан сейфни ёпди. Жойига келиб ўтириди. Жаннатхон пулни дарров қоғозга ўраб олди. Креслога яқинлашиб, ўнг бетини тутди:

— Упинг!

Мелиқулов чўчиб, калласини тортди.

— Ие, ие, жинни бўлманг, Жаннатхон...

Киз гўё ҳадикисираб шивирлади:

— Тезорок бўлақолинг. Бирор кириб қолади.

Мелиқулов, «Шу балодан кутурай», деб ўйлади, номига қизнинг бетиги лабини теккизиб қўйди. Қиз иккинчи юзини ўғирди.

— Энди бу ёғидан.

Мелиқулов дарров ўпди-ю, «Бас, жўнанг!» дегандек қўл силтади. Қиз хоҳолаб кулди.

— Қўлга тушдингизми, Мелиқулов! Гувоҳ йўғида ҳам ўпар экансизу? Энди нима-дейсиз?

Ўрол Мардиевич ўзини ўйқотиб қўйди. «Бўшамаса-я?— кўрқди у,— пулни олди, ўпичини берди. Кетмайман, деб оёғини тираб турса-я?»

— Кўрқмасинлар, собиқ хўжайн,— деди қиз кулгидан тўхтаб,— мен гапидан қайтадиган номардлардан эмасман. Идорангиз ўзингизга буюрсин. Жаннатой омон бўлса ҳали гул кесади. Ҷао!

У ғолибона юриш билан чиқиб кетди.

...Ҳамма нарсанинг ибтидоси, интиҳоси бор. Умри тугаса, чинор ҳам йиқилади, булоқ қурийди, анвойи гулчамбар хор-ҳасга айланиб, супуриндига тушади. Замоннинг зайли билан Мелиқулов ҳам отдан тушиб, пиёда бўйли қолди. Кеч куз. Әмғир шивалаб ёғяпти. Ўрол Мардиевич плашининг ёқасини кўтариб, автобус бекатида турдиди. Илҳақ бўлиб йўлга қарайди. Шу пайт ёнгинасига ғизиллаб қизил «Жигули» келиб тўхтади. Рулда сочини чамбарак қизган сулув бир қиз ўтирибди. Қиз ўнг ёнбошига энгашиб Мелиқуловни чақирди:

— Ҳўб, ўртоқ пиёда, ўтирсинлар, ташлаб кетаман!

Ўрол Мардиевич машинага қараб юрди. Шаҳт билан эшикни очди. Рулда илжайиб ўтирган Жаннатхонни кўрди-ю, бир зум ўйланиб қолди. Сўнг эшикни қарсиллатиб ёпди.

Жаннатхон қатиқ газ берди. Машина куч билан олдинга сапчиди. Сўлжайиб турган Мелиқуловнинг баширасига, усти-бошига лой сачратиб кетди.

ТАМОМ

# АВТОРЛАРИМИЗ

**Ҳайитбой АБДУСОДИҚОВ.** Қоқақалпоғистон АССРда туғилган. 1979 йили Тошкентдаги қишлоқ хўжалик техникумини тутагтан. Ҳозир илмий-текшириш институтида целлюлозанинг кимёвий технологиясини ўрганиш устида ишламоқда. Шеърлари биринчи марта эълон қилинмоқда.

**Нурсат РАҲМАТОВ.** Самарқанд шаҳрида туғилган. Тошкент Давлат Қишлоқ хўжалик институтини тамомлаган. «Табиатни севасизми?», «Чанковуз», «Гулизорим» сингари китобларнинг автори. СССР Ёзувчилар союзининг аъзоси. Айни пайтда «Ўзбекистон адабиёти ва санъати» газетасида хизмат қиласди.

**Абдулла ШЕР.** 1943 йил Тошкент обlastининг Чиноз районидаги туғилган. 1970 йил Тошкент Давлат университетининг журналистика факультетини тамомлаган. М. Горький номидаги Адабиёт институти қошидаги олий курсда таҳсил кўрган. «Кўклам табассуми» (1973), «Алёр» (1977), «Атиргул сояси» (1979), «Роз» (1980) номли китобларнинг автори. Ўзбекистон ССР Ёзувчилар союзи аппаратида хизмат қиласди.

**Усмон ҚҰЧҚОРОВ.** 1953 йили Бухоро обlastининг Шофиркон районидаги туғилган. В. И. Ленин номидаги Тошкент Давлат университетининг филология факультетини тамомлаган. «Ҳаяжонга кўмилган дунё» (1982 й) номли шеърий тўплами нашр этилган. «Ўзбекистон» нашриётида редактор бўлиб хизмат қиласди.

**Матлуба ҲАМРОЕВА.** 1961 йили Бухоро обlastи Фиждувон районидаги Сайдкент қишлоғига туғилган. Тошкент Давлат университетининг журналистика факультетида таҳсил кўради. Бир неча шеъри «Ёш ленинчи» газетасида чиқкан.

**Дадаҳон ҲАСАН.** 1940 йилда Фарғона обlastи Олтиариқ районидаги туғилган. В. И. Ленин номидаги Тошкент Давлат университетининг журналистика факультетини тамомлаган. «Шайдо кўнглим» (1970), «Шоҳимардон сойлари» (1979) номли китоблари нашр этилган. Ўзбекистон ССР Ёзувчилар союзининг обlastи бўллимида масъул ходим бўлиб ишлайди.

«Ёшлиқ» [«Молодость»] — ежемесячный литературно-художественный и общественно-политический журнал

На узбекском языке

Орган Союза писателей Узбекской ССР

Рассом: Х. СОЛИХОВ

Техник редактор: В. УРУСОВА

Корректор: М. НАБИЕВА

Адресимиз: 700000. Тошкент — П. Ленин кўчаси, 41.

ТЕЛЕФОНЛАР:

Бош редактор ўринбосари — 32-54-73

Масъул секретарь — 32-26-06

Проза бўлими — 32-57-34

Шеърият, адабий танқид ва санъат бўлими — 32-56-41

Ижтимоий-сиёсий бўлим — 32-54-73

Редакция ҳажми 12 босма листдан ортиқ роман ва 8 босма листдан зиёд қиссалар қўллэзмасини қабул қилмайди. Бир босма листгача бўлган асарлар авторларига қайтарилмайди.

Журналдан кўчириб босилганда «Ёшлиқ»дан олинди» деб изоҳланishi шарт.

Босмахонага туширилди 31.09.82.

Босишга руҳсат берилди 12.10.82.

Офсет босма усулида чоп этилди.

Р—03230. Қоғоз формати 84×1081/16.

Қоғоз ҳажми 5,25 лист.

Шартли ҳисоб листи — 12,2.

Тиражи 45140 нусха.

Буюртма № 4038. Баҳоси 50 тийин.

Ўзбекистон ЛКСМ Марказий Комитети  
«Ёш гвардия» нашриёти.

Ўзбекистон Компартияси Марказий  
Комитети нашриётининг Меҳнат  
Қизил Вайроқ орденли босмахонаси.  
Тошкент, 700029. «Правда Востока»  
кўчаси, 26.

«Ёшлиқ», № 10, 1982.  
«Ёш гвардия» нашриёти.



Изоҳнинг ҳожати йўқ.

Расмни Б. ТОЖИЕВ чизган